

পঙ্খীমহল

আশাপূর্ণা দেবী



পঙ্খীমহল

আশাপূর্ণা দেবী

ଶ୍ରୀପ୍ରେମେନ୍ଦ୍ର ମିତ୍ର

ଅକ୍ଷାନ୍ତଦେଷୁ





## সূচীপত্র

পঙ্খীমহল	...	১
ঠাকুরমার ঝুলি	...	১৩
দৃষ্টিলাভ	...	২৭
অসাবধান	...	৩৭
অগ্নিদহন	...	৪৯
অন্ধ	...	৬০
মফস্বল-বার্তা	...	৬৮
অনুপমার ঘর	...	৮৩
নেশা	...	১১২
বাসনার নেশা	...	১২৬
কাচের দেওয়াল	...	১৩৬
চলমান জগৎ	...	১৪৯
হার	...	১৫৬

## ॥ পঞ্চীমহল ॥

‘ময়ূরপঙ্খী নাও’ নয়, ময়ূরপঙ্খী পালক।

নিকষ কালো আবলুস কাঠের গড়নের গায়ে গায়ে, ময়ূর-পেখমের কোনার কোনার হাতীর দাঁতের ঝিকিমিকি-কাজ-করা সাবেক পালক। পরিকল্পনাটা যেমন চমৎকার, ভিত্তিটা তেমনি নিখুঁত। যেন পালক নয়, সত্যিকার ময়ূর-পঙ্খীই উজ্জোন শ্রোত ঠেলে এগবে বৃষ্টি এখুনি।

পঙ্খীর পেটের মধ্যে মাখন-ভুলভুলে বিছানা। স্প্রিংয়ের গদি, সাটিনের সূজনি, মখমলের বালিশ, রেশমের ঝালর। পালকে উঠতে রূপোর কানাত-মোড়া, কারুকার্য-করা পিতলের জলচৌকি। পালকের মাথার উপর মখমলের ঝালর-ঝোলানো টানা-পাখা।

ঘরটা অভিনব।

সাদা মার্বেলে মোড়া লম্বা হলঘর, তার একেবারে শেষ প্রান্তটা খিয়েটারের স্টেজের ধরনে বেদীর মত উঁচু করে গাঁথা। হাত তিনেক উঁচু, হাত আটেক চওড়া, এ-দেয়াল থেকে ও-দেয়াল এই বেদীটার উপরই ময়ূরপঙ্খী পালকখানা বসানো। বেদীর দুই কোণে দুটো প্রকাণ্ড বড় পিতলের পিলস্টারের উপর পঞ্চপ্রদীপের মত পাঁচবাতির বাতিদান, রঙিন কাচের আচ্ছাদনে ঢাকা। পালকের মাথার কাছে কান্দীরা আলিকাজের একটা ত্রিপ্রদী, তার উপর ইটালিয়ান পোর্সিলেনের ফুলদানি।

এখনও টাটকা ফুলের বাঁধানো তোড়ার নিত্য বরাদ্দ আছে মালী-বউয়ের কাছে।

ঘরের নিচু মেঝে থেকে বেদীতে উঠতে এ-হদ ও-হদ বে গোটা তিন-চার সিঁড়ি সেগুলোও খেতপাথরের, শুধু তাতে কালো পল্লভতার বর্ডার। আজও অটুট, আজও নিখুঁত। অথচ এ প্রাসাদের বয়েস হিসেব করতে বসলে এ-শতক ভিড়িয়ে ও-শতকের মধ্যসীমার চোখ ফেলতে হয়।

ব্রিটিশ আমলের অর্ধে আর সামর্থ্যে গড়া হলও মুকুন্দাবাদের কাছের্ঘা এ অঞ্চলে তখনও নবাবী পছন্দের বোলবোলাও। পরশা হাতে এলেই

‘আশ মিটিয়ে নবাবি করে নেব’ এই ছিল লোকের চরম বাসনা। কলকাতার চিন্তে তখন হঠাৎ আলোর ঝলকানি এসে লাগলেও, অন্ধার অঞ্চল ঘুমন্ত।

এ বংশের প্রতিষ্ঠাতা গোবিন্দরাম পরসাটা করে গিয়েছিলেন মাত্র, বোল-বোলাওটা তাঁর ছেলে সাধনরামের। তার পর থেকে তিন-চার পুরুষ ধরে চলছে ঐশ্বৰ্যের আর বনেদিয়ানার রোমন্থন।

পৃথিবী যে এগচ্ছে, ঘেরাটোপ-ঘেরা পালকি থেকে বেরিয়ে পড়ে পৃথিবী যে আকাশে ছুটোছুটি করে বেড়াচ্ছে, সে বার্তা যেন এখানে পৌঁছেও পৌঁছয় নি। এখানের দিনরাত্রি আজও আবর্তিত হচ্ছে—নবাবী আমলের জের আর পুরনো ব্রিটিশ আমলের জোয়ারের স্তুতির ধোঁয়ায় পাক খেয়ে খেয়ে।

দেশে কত ঝড় বৃষ্টি বজ্রপাত ভূমিকম্প হয়ে গেল, এদের যেন চৈতন্য নেই কিছুতেই।

বাইরে—সদর-মহলে নাকি তলে তলে এক আতঙ্কের চাঞ্চল্য উঠেছে, ‘জমিদারি লোপ হবে,’ ‘রাজা খেতাব ধুলোয় মিশবে’ এমন কত কিছু খবরের ডেউয়ে, কিন্তু অন্তঃপুর এখনও অচঞ্চল। সেখানে এ-খবর অবিশ্বাস্য।

অন্তঃপুরের নিঃশব্দ হৃদয় জানে, যেখানে যতই তোলপাড় হোক সেটা এখানে এসে ধাক্কা মারবে না। সকাল বিকেল রূপোর বাটিতে রূপটানটা থাকবে অক্ষয়। জানে, কেশপ্রসাধনে বসে সোনার পাতে মোড়া চিরুনির দাঁড়ায় যদি সহসা একগাছা রূপোলী চুল উকি দিয়ে বসে, সেটাই হচ্ছে চরম হুঃসংবাদ।

কিন্তু আজকে যে সরমা এমন নিথর হয়ে বসে ছিলেন ‘ময়ূরপঙ্খী ঘরের’ মাঝখানে-পাতা চৌকো পাথরের চৌকিটার ওপর চুল-বাধার দাসীটাকে আপাতত ডাড়িয়ে দিয়ে, সেটা ওই রূপোলী চুলের মত হুঃসংবাদে নয়।

কিন্তু হুঃসংবাদই কি ?

বরং যে দাসী এ বার্তা বহন করে এনেছিল, তাকে নতুন কাঁসার রেকাবিতে করে দশটা টাকা বখশিশ করেছিলেন তো সরমা।

শুধু হয়ে বসে ছিলেন সরমা হয়তো সামনের ছবিখানার দিকেই দৃষ্টি কেন্দ্রে। সুখোমুখি দেয়ালে উঁচুতে মহারানী ভিক্টোরিয়ার একখানি প্রায় পূর্ণাবয়ব তিনরঙা ছবি, চওড়া সোনালী ফ্রেমে গাঁথা। অস্ত অস্ত দেয়ালে স্বয়ংকটা

বিলিভী নিসর্গদৃশ্য, ওই তিনরঙাই। শুধু সব-কিছুই অহঙ্কর, সব-কিছুর উপরই ‘কালে’র একটা ধূসর ছায়াচ্ছন্ন প্রলেপ।

প্রকাণ্ড প্রকাণ্ড তিনটে দরজা, তার কাঠের গায়ে বড় বড় কাট, তাতে মোটা রেশমী দড়ি বাঁধা যে মখমলের পর্দা ঝোলানো, সেগুলো বিবর্ণ কীটদষ্ট।

সবটা মিলিয়ে যেন গুহার অন্ধকারে ঢাকা মোগল-হারেমের একটা বাসী টুকরো নিশ্চল হয়ে পড়ে আছে এই ‘পশ্চীমহলে’র মধ্যবিন্দুতে।

তবু এই ঘর, এই মহল, ওই তিন হাত উঁচু বেদীর ওপর বসানো অভিনব পালক, এই চিরপরিচিত আরাম আয়েস আর বিলাসিতার উপকরণগুলি কী প্রচণ্ড শক্তিতে শিকড় গেড়ে বসে আছে শোভনরামের স্ত্রী সরমার ক্ষুদ্র প্রাণে!

‘সরমা’ নামটা অবশ্য ইতিহাসের পাতা থেকে ঝুঁজে তুলে আনা। একদা ছিলেন ‘বউরানী’, এখন ‘রানীমা’। দশ বছর বয়সে বিয়ে হয়েছিল, এখন চল্লিশের কোঠায়। জীবনে কখনও বাপের বাড়ি গিয়ে থাকেন নি, ত্রিশ বছর ধরে এই ঘরের সঙ্গে বাঁধা আছেন সহস্র অভ্যাসের নাগপাশে। ত্রিশ বছরের প্রায় প্রত্যেকটি রাত্রির মিলনতপ্ত স্বরভিত খাস বিলীন হয়ে আছে এই পাথরের জালি-কাটা দেয়ালে দেয়ালে, জাকরি-কাটা জানলার গায়ে গায়ে, গৃহসজ্জার রেশমে সাটিনে কাচে পিঁতলে।

সরমার শাণ্ডড়ী আর দিদিশাণ্ডড়ীর মত ময়ূরপঙ্খী পালকের মাখন-তুলতুলে শয্যায় কখনও একা রাত কাটাতে হয় নি সরমাকে।

এ বংশে সরমার মত স্বামী-সৌভাগ্যবতী আর-কেউ কখনও ছিল কি না সন্দেহ। শুধু স্বামীভাগ্যই বা কেন, পুত্রভাগ্যও কম নয় সরমার। এক ছেলে একাই এক শো।

চাঁদের মত রূপ, মনের মত গুণ, লেখাপড়ায় নামকরা। যা নাকি এ বংশে একেবারে নতুন আগদানি। তেমনি রূপসী বধূও সংগ্রহ করে এনেছেন সরমা। ছেলের উপযুক্ত।

বেনদী বাড়ির মেয়ে নয়। না হোক, সরমা নিজেও তো এসেছিলেন গৃহস্থ ঘর থেকে। এসেছিলেন গৃহিণীহীন গৃহে, শাণ্ডড়ী ছিলেন না, তবু সেই দশ বছর বয়স থেকেই গৃহিণীর কর্তব্য আর দায়িত্ব মাথায় করে নিয়েছিলেন। আর গৃহিণীর মর্যাদাও পেয়ে এসেছেন সেই বালিকা-কাল থেকেই।

সরমার পুত্রবধূ এখনও দায়িত্বহীন, এখনও ‘নতুন মহলে’র প্রজা হয়েই আছে।

আছে—আজও আছে নতুন মহলের বাসিন্দা হয়ে।

মনে মনে বুঝি একবার কথাটা উচ্চারণই করলেন সরমা। ‘আর থাকবে না।’

অদ্ভুত এক নিয়মের নিগড় আজও চাপানো আছে এ বংশের উপর। সেই নিগড়ই আজ জাঁতার মত চেপে ধরেছে সরমার চিত্ত আর চৈতন্যকে। চাপানো আছে! কিন্তু কে চাপিয়ে রেখেছে? কে শাস্তি দেবে সে নিয়ম না মানলে?

স্বস্ত হয়ে এই কথাই ভাবছিলেন সরমা, ভাবনার শেষে নিশ্বাস ফেললেন, নাঃ, তা হয় না। সরমার সভ্যতা আর মর্যাদাবোধই বাধ্য করবে সরমাকে চিরাচরিত এই নিষ্ঠুর নিয়মটাকে মানতে। মানতেই হবে সে নিয়ম, ছাড়তেই হবে এই ‘পক্ষীমহল’ আর ময়ূরপক্ষী পালঙ।

এ বংশের নিয়ম হচ্ছে পৌত্রসন্তান জন্মানোর সঙ্গে সঙ্গেই রানীকে ত্যাগ করতে হবে এই মহল, এ মহলের উপর অধিকার জন্মাবে নব সন্তানবতীর।

কিন্তু শুধুই কি এই?

এইখানেই কি নিষ্ঠুরতার শেষ?

‘পিতামহ’ আর ‘পিতামহী’র সম্মরক্ষার্থে রানীমাকে বাস করতে যেতে হবে তাঁর একক মহলে, আর রাজাবাবুকে ‘বারমহলে’। এই নিয়মের নিগড় আজও অমোঘ হয়ে আছে গোবিন্দরামের বংশে। সরমা আজ সেই নিয়মের ‘বলি’। ‘নতুন মহলে’র দাসী এসে জানিয়ে গেছে সেই চরম দণ্ডের আভাস-বাণী, যে দাসীকে নতুন কাঁসার রেকাবিতে করে নগদ দশটা টাকা বখশিশ দিলেন সরমা।

পাথরের চৌকি থেকে উঠে মধ্যমলের পর্দা ঠেলে পশ্চিমের বারান্দায় এসে দাঁড়ালেন সরমা। বারান্দা বটে কিন্তু বাইরের জগতের হাতছানি কোথাও নেই। চকমিলানো বাড়ি, বারান্দার লামনাসামনি উঠনের ওধারে আর-এক সারি বারান্দা আর ঘর।

তবু পশ্চিমের এই বারান্দায় এসে দাঁড়াতেই, সরমার মুখে পড়ন্ত বেলার সোনালী আলোর একটা ঝলক এসে লাগল। সরমা নিজেই অহুভব করলেন, করে যেন বিহ্বল হয়ে পেলেন।

চল্লিশ পায় হয়-হয় সরমার, তবু এখনও কী অপূর্ব হৃবমাতরা লাবণ্যমণ্ডিত,

উই! বুধের গড়নে, চিবুকের ভৌলে, ঠোঁটের রেখায় তরুণীর সৌকর্য্য।  
আঙুলের আগাগুলি এখনও নিখুঁত নিটোল টাপার কলির তুলনাবাহী, পা  
দুখানিতে কচি আমপাতার পেলবতা।

ময়ূরপঙ্খী মহলের মধ্যবিন্দুতে যেমন নিখর হয়ে আছে মধ্যযুগের একটা  
ভগ্নাংশ, সরমার দেহেও বুঝি তেমনি নিখর হয়ে আছে খানিকটা লাভণ্যের  
জ্যোৎস্না। এ জ্যোৎস্না যেন বিদায় নেবার কথা জ্বলে গেছে। হয়তো বা  
মনে পড়বার, মনে পড়ে সচেতন হয়ে ওঠবার অবকাশই পায় নি সে।

রাতের পর সকাল এসেছে, দাসী এসেছে রূপোর ডাবরে জল আর সন্ড-  
মাজা ঝকঝকে পিতলের কানা-তোলা খালায় করে মুখ ধোয়ার সুগন্ধী  
সরঞ্জাম নিয়ে, তার পর এসেছে ঠাকুরবাড়ি থেকে ফল মিষ্টি ছানা চিনির  
প্রসাদ। আবার এসেছে দাসী স্নানের নানাবিধ আয়োজন নিয়ে, স্নানাঙ্কে  
সরমা পরেছেন মিহি স্ত্রীর শাড়ি ব্লাউস, বদলে বদলে পরেছেন সৰু হার  
হালকা চুড়ি। হালকা ঝরঝরে মৃতিটি নিয়ে রান্নাবাড়ি আর ঠাকুরবাড়ি,  
অতিথি-মহল আর 'নতুন মহল' পরিদর্শনে গিয়েছেন, তার পর স্বামীর  
আহারের তদ্বির করতে বসেছেন সিঁকের ঝালর-লাগানো চন্দনকাঠের পাখা  
নিরে। তেমনি পাখা দ্বিজে আবার সরমাকেই বাতাস করেছে দাসীর  
সরমার আহারের সময়।

বিকলে আবার রূপোর বাটিতে 'রূপটান', সোনার পাতমোড়া চিকনি  
আর হরেক রকম গন্ধবাল, সোনার সিঁদুর-কোটো আর সোনার টিপ-কোটোর  
কুকুম নিয়ে দাসী এসেছে ষণ্টা দুইয়ের মত। শুধু প্রসাধন করিয়ে দিয়েই  
কান্ত হয় নি সে, প্রশংসা করেছে প্রতিদিন সরমার রেশমী কোমল কেশের  
'ঢাল'ঘের, সুগঠিত দেহভঙ্গির, চামড়ার কোমলতার আর রঙের উজ্জলতার।  
আবার গহনা বদলে নতুন গহনা, আবার ময়ূরপঙ্খী পালকের কোণে এলিয়ে  
বসে স্পন্দিত প্রতীক। বয়স থমকে আছে, থমকে আছে লাভণ্যের জ্যোৎস্না।

'রানীমা'র কর্তব্য পালন হয়েছে—এই 'মুহুর আলোপের' ছন্দে ছন্দে।  
গৃহস্থ-ঘরের গৃহিণীর মত তো কর্তব্যের বোকা বাড়ে এসে পড়ে বাড় ভাঙে  
না এঁদের, কর্তব্য-কর্মকে এঁরা টাপার কলির আঙুলে সাবধানে তুলে  
নেন।

তাই পৌজসন্ধানের আগমনবার্তার আভাস দাসী এসে জানিয়ে বার।

নিখাস কলে বারান্দা থেকে সরে এলেন সরমা। পূজবস্তুকে একবার

দেখতে যাওয়া নয়কার। দেখেন রোজই একবার করে, তবু আজকে আর-  
একবার একটু আত্মটানিকভাবে যেতে হবে—নিয়মছাড়া, বাড়তি।

বাইরের কাজ, আলোচনা আর পরামর্শ এসব প্রবল হয়ে উঠেছে শোভন-  
রামের, বাধাধরা নিয়মের ব্যতিক্রম হচ্ছে প্রায়শই। তাই কাছারি-বাড়ির  
পেটা ঘড়িতে দশটা ঘণ্টা বাজার পরও আজকাল অপেক্ষা করতে হয়  
সরমাকে।

রাতের আহার সারেন শোভনরাম বাবুর্চীখানার হেফাজতে, তাই সরমার  
জন্তে থাকে শুধু অনেকখানি নির্জন নিস্তরঙ্গ শীতল সময়ের স্তূপ। সন্ধ্যার  
আগে পুত্র এসে দেখা করে যায় ঘণ্টা মিনিট হিসেব করে, পুত্রবধূ আসে  
আহারকালে। তার পর আর কেই বা?

নববধূর প্রতীকার অহুভূতি অক্ষয় হয়ে আছে চল্লিশের প্রান্তসীমাতেও।

দশ আঙুলের আটটা আংটি, একে একে খুলে রাখলেন শোভনরাম  
কাশ্মীরী-টেবিলে-রাখা রূপোর রেকাবিটার ওপর, এর পর তাঁর জন্তে অপেক্ষা  
করছে কৌচানো সিমলের ধূতি, মিহি সিল্কের গেঞ্জি, অপেক্ষা করছে  
আতরের শিলি।

আর অপেক্ষা করছে একটি কোমল দেহবল্লরী।

রঙিন আবরণের মধ্যে থেকে জলছে যুহু মোমবাতির শিখা।

রাত হয়েছে বলে খুব মান হয়েছে তো মানিনীর?

যুহু হাসলেন শোভনরাম। পঁয়তাল্লিশ বছর বয়েস শোভনরামের, তবু নব  
যুবকের গঠনসৌকর্য তাঁর দেহে।

কে বললে মান হয়েছে?—এলায়িত ভক্তি থেকে উঠে বসলেন সরমা।

বলবে আর কোন্ বাইরের লোক? বলছে মুখ চোখ ঠোট।

ছাই পড়তে শিখেছি। পড়া ভুল হল।

মানব কেন? প্রত্যেক দেখছি। মানে টলটল করছে মুখ চোখ ঠোট।

মান ছাড়া আর-কিছু নেই জগতে?

আছে অবশ্যই, কিন্তু কী তাই ভাবছি।

ধূতি বদলে রূপোর পাত-মোড়া পিতলের চৌকি বেয়ে ‘পান্থীর পেটে’র  
মধ্যে এসে বসলেন শোভনরাম মাখন-তুলতুলে বিছানায়।

টানা-পাখাটা একটু বেশী নড়ে উঠল।

সামান্য শব্দের সত্ত্বেও টের পায় বাইরের ঘুমচোখ ছেলেটা।

সরমা একটু হাত তুলে বললেন, আহ্লাদেও টসটস করতে পারে।

বাইরের নানা ব্যাপারে শোভনরাম অত্যন্ত চুচিন্তাগ্রস্ত, তাই হাত-পরিহাসেও তেমন আবেগ নেই। তবু হাসলেন, বললেন, হঠাৎ এত কী আহ্লাদের কারণ ঘটল?

ঘটল বইকি, ভীষণ ঘটল।—হঠাৎ অস্বাভাবিকভাবে হেসে উঠলেন সরমা : মস্ত বড় স্বসংবাদ আছে যে।

এ হাসিতে খতমত খেলেন শোভনরাম। বললেন, কী ব্যাপার বল তো?

সরমার চাইতে পাঁচ বছরের বড় শোভনরাম, কিন্তু সরমার কাছে মাঝে মাঝে নাবালক দেখায় তাঁকে।

ব্যাপার! ব্যাপার!—আবার হেসে ওঠেন সরমা : নাতি হবে যে গো।

জ্যা!—চমকে সোজা হয়ে বসলেন শোভনরাম।

ও মা, ও কী, অত চমকাজ্জ কেন?

হাসি যেন খামতেই চায় না সরমার।

শোভনরাম একটু চুপ করে থেকে বলেন, কুমারের বউয়ের বয়েস কত?

আঠারো।

অতএব আর কী বলা চলে? এ বয়সে সরমার কোলে কুমার তিন বছরের।

ঠিক খবর জেনেছ?

তা জানলাম বইকি। ও তুল হয় না।

শোভনরাম কেমন অসহায়তা বোধ করেন। যেন সরমার ঠিক নাগাল পাচ্ছেন না। গোবিন্দরামের ব্যস্তধারা যে নিয়মের শৃঙ্খলে বাঁধা, সে নিয়ম তো শোভনরামের অজানা নয়। তাই যে সংবাদে নিতান্ত উৎক্লেশ হবার কথা, সে সংবাদে একটা গভীর শূন্যতা অনুভব করেন শোভনরাম।

‘আর-একটু চুপ করে থেকে শোভনরাম একটু ক্ষুব্ধ হাসির মত করে বলেন, তা হলে আমাদের যেমনিদ করোল?’



গলাটী ভাঙ্গি করুণ শোনায়ে শোভনরামের।

গত কয়েক ঘণ্টা ধরে হয়তো ঠিক এই কথা ভাবছিলেন সরমা, কিন্তু কী যে হল, শোভনরামের এই নিরুপায় ক্লান্ত হাসি আর করুণ আকৃতির স্বরে যেন বাক্যের মত দপ করে জলে উঠলেন। তীব্রকণ্ঠে বললেন, মেয়াদ ফুরোল মানে ?

শোভনরাম আরও হতাশভাবে বললেন, মানে আর কী ! জান তো সবই।

জানি, কিন্তু মানব না।

হয়তো এই মুহূর্তেই এ সংকল্প-মগ্ন পাঠ করলেন সরমা, তবু দৃঢ়সংকল্পের স্বরে ঘোষণা করলেন, তোমাদের বংশের ওই পচা পুরনো নিয়ম আমি ফুঁ দিয়ে উড়িয়ে দেব।

রঙিন কাচের মধ্যে গলে গলে পড়ছে তপ্ত মোম, সেই আলোর লাবণ্যের জ্যোৎস্না লাবণ্যের জোয়ার হয়ে উঠেছে। এই মোহমগ্ন আলোর এ ঘরের কোনখানের কোন জীর্ণতা ধরা পড়ছে না, ধরা পড়ছে না কালের ছায়াচ্ছন্ন ছাপ।

শোভনরাম সহসা দু হাতের মুঠোর একখানা নরম মুঠো চেপে ধরে রুদ্ধস্বরে বলে উঠলেন, তা হয় ?

সরমা নিতান্ত তাচ্ছিল্যের ভঙ্গিতে উত্তর দিলেন, না হবার কী আছে ? তোমাদের সদর ছুনিয়ায় তো কত রদবদল হচ্ছে, আমার অন্তরেই বা কিছু হবে না কেন ?

কিন্তু— হাতটা ছেড়ে দিলেন শোভনরাম : সত্যিই কি তা সম্ভব ?

চুপচাপ থাক, সম্ভব কি না দেখ।—সরমা মধুর একটা আলস্তের ভঙ্গি করে শুয়ে পড়ে বললেন, নতুন মহলও এমন কিছু খারাপ নয়। আরও কিছু নতুন ব্যবস্থা করে দিলেই চলবে।

শোভনরাম লাঠিদের বালিশে কনুইটা চেপে এই মধুর আলস্তের ভঙ্গির দিকে তাকিয়ে তাকিয়ে ছেলেমানুষের মত বলে উঠলেন, কুমার কিছু ভাববে না তো ?

ভাববে আবার কী !—সরমা চোখের ওপর হাত চাপা দিয়ে আলো আড়াল করে বললেন, আমি কারোকে বকিত করে দখল করি নি, বিয়ের কনে এসে এ ঘরে ঢুকেছি, এই ঘর থেকেই একেবারে পক্ষাঘাত হবে।

শাওড়ী-হীন গৃহে চুকেছিলেন সরমা একেবারে 'পশ্চীমহলে'র অধিকার নিয়ে, সেই কথার উল্লেখ করলেন।

শোভনরাম আরও কিছুক্ষণ চুপ করে থেকে বললেন, বউমা এসব নিয়ম-কাহ্ননের কথা জানেন ?

সরমা আগের চাইতেও তাচ্ছিল্যের ভঙ্গিতে বললেন, জানতেও পারে। না জানলেও জানিয়ে দেবার মত হিঠৈবীর অভাব নেই।

শোভনরাম আংটিহীন হাতের খাবার ব্লু আর ভারী একটু চাপ দিলেন পার্শ্ববর্তিনীর গায়ে : তোমার ব্যবস্থা তো হল। আর আমার ? আমাকে তো সেই বারমহলে যেতে হবে ?

হ্যাঁ, হবে।—অনেকগুলো অলঙ্কারপরা একটা হাত এসে সে হাতের উপর পড়ল, আমার জন্তেই তো এই ময়ূরপঙ্খী আগলাতে ব্যস্ত হয়ে পড়েছি !

সংকল্প-মগ্ন পাঠ হয়েছে, তবু মিথ্যা একটা আশার ছলনা। এ খবর ভুলও তো হতে পারে। এ খবর ভুল হয়, আরও কত কী হয় ! মনে মনে একবার শিউরে উঠেও মনের মধ্যে একটি গোপনতম আশার আশ্বাস বহন করতে লাগলেন সরমা।

কী জানি কী হয়। প্রথম গভিনীর জন্ত তোলা থাকে কত বিষ বিপদ, কত অঘটন !

কিন্তু সরমার গোপনতম আশার চিন্তার কেনা ক্রমশ জমাট হয়ে আসে, ক্রমশ দিন নিকটবর্তী হতে থাকে, বিনা বিয়ে। বিধাশ্রম মনকে অবশেষে স্থির করে ফেলেন সরমা।

সত্যি, এ কেন !

কেন তুচ্ছ একটা সংস্কার, অদৃষ্ট একটা নিষেধ এমন করে কাঁসির দড়ি টেনে দেবে তাঁদের গলায় ? আর কেনই বা তিনি অজ্ঞাতসারেও একটা অনাগত প্রাণের অকল্যাণ কামনা করে বসবেন ? বরং এই ভাল। এই ভাল। এই নিয়মকে তুচ্ছ করে ফেলা।

যে মাহুঘটা এক শো বছর আগে পৃথিবী থেকে বিদায় নিয়েছে, কী অধিকার আছে তার অজ্ঞকের পৃথিবীর ওপর নিক্ষেপের গতি কাটতে ? কী অধিকার আছে সেই গতি কেটে ছুটো জীৱনের মধ্যে একটা বিদারণ-রেখা আঁকতে ?

না, এসব মানকেন না সরমা।

ভাগ করবেন না পশ্চীমহল।

শোভনরাম আগে ছিলেন ষিখাশ্রুত, সন্দেহাকুল, সঙ্কুচিত। সরমার সাহস-বাক্যে সে ভাব বদলেছে। এখন বা আছে সে হচ্ছে কৃতার্থমত্ততা। যেটা শোভনরামের নিজের পক্ষে সম্ভব ছিল না, সেটা সরমা সম্ভব করলেন, এতে আর কৃতকৃতার্থ হয়ে যাবেন না শোভনরাম!

শুধু কুমারের মুখোমুখি হতেই বা লজ্জা। শোভনরাম এ বংশে ব্যতিক্রম বইকি। যে বংশে ঐতিহ্য আর গৌরব ছিল বাপে-ছেলেতে একসঙ্গে বসে মদ খাওয়ায়, সে বংশের পুরুষ হয়ে শোভনরাম এই তুচ্ছ ব্যাপারে লজ্জিত হচ্ছেন ছেলের কাছে?

এ বাড়ির বউ বাপের বাড়ি যায় না।

কুমারের বউও যায় নি, এখানেই আছে।

তার চলনে বলনে মন্থরতা।

ওদিকে বাকী সমস্ত মহল মন্থর হয়ে উঠেছে সরমার সমালোচনায়। সমালোচনাকারিণীরা অবশ্য দূর-সম্পর্কের গা-ঘেঁষা, আশ্রিতা আর দাসদাসী, তবু তাদের রসনাও কম বিবোধগারী নয়। সরমা যে পশ্চীমহল থেকে নড়বার নাম করছেন না, এর চাইতে নিলজ্জতা আর কী আছে?

কুমারের বউ আঁতুড়ঘরে আশ্রয় পেল, সঙ্গে সঙ্গে সমালোচনাও প্রায় কানের ধারে-কাছে আসতে লাগল। সরমা কিন্তু আত্মহ নিরবিকার। পৌত্র-জন্মের মুহূর্তেই তিনি, যাকে বলে তাঁড়ার ভেঙে, ধন বিললেন, দিলেন পূজ্য-পূজনীয়াদের মোটা প্রণামী, মন্দিরে মন্দিরে পাঠালেন মানসিক পূজা।

নিজের বধুকালের জড়োয়ার নেকলেস দিয়ে মুখ দেখলেন পৌত্রের, শোভনরামকে দিয়ে দেওয়ালেন গিনির মালা। কোথাও কোনখানে খুঁত না থাকে। যদি এই নিখুঁত কর্তব্যনিষ্ঠার চাকচিক্যের আড়ালে চাপা পড়ে যায় এতটুকু সেই দুর্বলতার ইতিহাস।

কিন্তু তবু চাপা পড়ে না।

মাহুষের ক্রুরতা অপরের দুর্বলতার ছিঁড়েই দৃষ্টি হেনে বেড়ায়।

শোভনরামের তীর্থবাসিনী বিধবা দিদি স্বদীর্ঘকাল পরে পিজালরে এলেন ভাইপোর ছেলে দেখতে। দেখতে গোবিন্দরামের বংশধারার সমস্ত ধারাটিকে।

সেদিন নবজাতকের 'বেঠেরা-পুজো'র উৎসব চলছে।

সরমাকে সঙ্গে করে বরদামোহিনী বউ-মহলে পদার্পণ করলেন, সোনার হার দিয়ে নাতির মুখ দেখলেন, তার পরই একথা সেকথার প্রসঙ্গে বলে উঠলেন, কই বউরানী, পশ্চীমহলে তো মিস্ত্রী লাগতে দেখলাম না?

বরদামোহিনীর কাছে সরমা আজও 'বউরানী'। ননদিনীর প্রাণে সরমার মুখটা একবার সাদা হয়ে গিয়েই লাল হয়ে উঠল। তবু ঝাঁক কটাক্ষে তিনি একবার পুত্রবধু স্থলক্ষণার দিকে তাকিয়ে সহজভাবেই উত্তর দিলেন, এই তো ক বছর আগে একবার রঙ হয়েছে।

শোন কথা!—বরদামোহিনী গালে হাত দিলেন : চিরকালই রেওয়াজ আছে নতুন বউ নতুন থোকা নিয়ে মহলে ঢোকবার আগে মঁহল রঙ করা হয়, পশ্চীপালকে পাশিশ লাগানো হয়, ঝাড়ের বাতি বদলানো হয়, তুমি সে সব ধারা পালটে দেবে না কি? এই তো ক দিন পরেই রানীবউমা পশ্চীমহলে ঢুকবেন।

সরমার সেই স্নহুমার মুখের ভৌলটা হঠাৎ ভারি কঠিন দেখাল, চৌচৌর রেখায় একটা বিহ্বাৎ ঝলসে উঠল, কী যেন বলতে গেলেন, কিন্তু বলা হল না।

বরদামোহিনীর কথার পিঠে আদবকায়দায় কম-দূরন্ত স্থলক্ষণা খপ করে বলে উঠল, রক্ষে করুন পিসীমা, আপনাদের ওই পশ্চীমহলে কাজ নেই আমার। বাবাঃ, দেখলেই দম বন্ধ হয়ে আসে, ঘর তো নয়, যেন শ্মশানগুহী। তার চাইতে আপনাদের ওই নতুন মহল অনেক ভাল। ওখানেই বেশ থাকব আমি।

কে জানে কোথা দিয়ে কী হল, কে জানে টান-টান করে বাঁধা কোন্ স্রবস্ত্রের কোথাকার কোন্ তার ঝন্ঝন্ করে ছিঁড়ে পড়ল, মুখের সেই কঠিন অভিব্যক্তি নিয়ে সরমা বিষভীক্স স্বরে বলে উঠলেন, তোমার খেয়াল-খুশির তালে এ সংসারের নিয়মকানুন চলবে না রানীবউমা। একুশে যগীর পুজো মিটলেই তোমাকে পশ্চীমহলে গিয়ে ঢুকতে হবে। মেরামতের কোনও দরকার নেই, খুব ভাল অবস্থাতেই আছে।

নতুন বউ আড়ষ্ট হয়ে গিয়েছিল সরমার এই আকস্মিক বিষবাণে। সে ক্যালক্যাল করে একবার তাকাল শাউড়ীর মুখের দিকে, তার পর অশ্রুট স্বরে বলে কেলল, ও-মহলটা দেখলে আমার কেমন ভয় করে।

ভয় করে, ভয় ভাঙবে।—বলে এ ঘর থেকে উঠে যান সরমা।

রাঙে অবাক হতাশ ব্যথাহত শোভনরাম দুর্বল গলায় বলেন, উবে যে এতদিন ধরে বলে এলে—

বলে এলাম কী—সত্যি নাকি ?—সরমা নিষ্পৃহ নিরাসক্ত গলায় বলেন, এতটা ব্যেস হল ঠাট্টা বোঝ না ?

বুক ফেটে যাচ্ছে বইকি, ফেটে যেতে চাইছে চোখের সমস্ত আশুশিরাগুলো, তবু কঠিন হয়ে থাকতে হবে। মুহূর্তের অসহিষ্ণুতায় যে অবিম্ভাব্যকারিতা করে বসেছেন সরমা, বাকী জীবনটা তার জের টেনেই চলতে হবে। এর পরে আর কোন ছলেই আগলে রাখা চলে না পশ্চীমহলের রানীগিরি। এতদিনের এত কলাকৌশল, এত ছল, নিষ্ঠুর সত্যটাকে চোখ বুজে উড়িয়ে দেবার মিথ্যা ভান, সবই খসে পড়ল ক্ষণিক অসতর্কতায় !

কিন্তু সরমা কী করবেন ?

আগুন বখন জলে, তখন কি ভেবে-চিন্তে ঘর পোড়ায় ?

যে স্বর্গের বিনিময়ে সিন্দূকের সমস্ত সোনা অনায়াসে উজাড় করে দিতে পারেন সরমা, যে স্বর্গ বজায় রাখতে সরমা বিসর্জন দিতে বসেছিলেন সত্ৰম আর মর্খাদা, যে স্বর্গ সরমার সর্বস্ব, সেই স্বর্গের প্রতি যদি কেউ নিতান্ত অবহেলায় অবজ্ঞা আর অপ্রীতি প্রকাশ করে বসে, মাথার রক্ত কি মুহূর্তে টগবগিয়ে ওঠে না ?

নিজেকে কী দীন, কী ছোট, আর কত ছাংলা মনে হয় অপর ব্যক্তির সেই হতপ্রজ্ঞার ভাষায় !

নিজে ধ্বংস হয়ে গেলেন সরমা, কিন্তু ওকেও তো জ্বল করা হল।

## ॥ ঠাকুরমার তুলি ॥

অনেকক্ষণ থেকে মাথাটা ধরা-ধরা লাগছে, পড়তে মন লাগছে না, হাতের বইটা ঠেলে সরিয়ে রেখে সতু ঠাকুরমার চোকির এক পাশে শুয়ে পড়ে হাই তুলে বলে, ঠাকুমা, পড়া-টড়া ছেড়ে দিচ্ছি, বুঝলে? নবদুর্গা ঘরে হাই-পাওয়ারের লাইট জলা সঙ্গেও চোকির এক ধারে টুলের ওপর মোমবাতি জ্বলে নিবিট চিন্তে একখানি কাঁথায় ফুল তুলছিলেন। তুলছিলেন অবশ্য বিনা চশমাতেই। তবে মোমবাতির খরচ তাঁর আছে, কারণ কাঁথায় ফুল তোলা তাঁর দুরন্ত নেশা। কেন, কার জন্তে, সে সবেয় খায় খারেন না তিনি, একখানি শেষ হলোই আর-একখানিতে হাত দেন। সতু মণি কুমকুমি বুলবুলদের মত মাথাধরার বালাই তাঁর নেই। শুধু ওই উচু থেকে বিদ্যুতালোকে ছুঁচ ঠাहर করতে পারেন না, বলেন, ওসব ইংরিজী আলোটালা তোদেরই ভাল বাছা, আমাদের চোখে শেজের আলোই পাটে।

তাঁদের আমলে রীতিমত বিদ্যু বলে গণ্য ছিলেন নাকি নবদুর্গা, তবু বাতিকে বলেন শেজ, এই নিয়ে নাতি-নাতনীরা হাসে। অবশ্য ঠাকুরমার অনেক কথা নিয়েই হাসে ওরা।

তবে আপাতত নবদুর্গাই নাতির কথায় হেসে ফেললেন। বললেন, কেন, পড়া কী অপরাধ করল?

ভীষণ অপরাধ ঠাকুমা। বেশী বিচ্ছেদ হলে আর চাকরি-বাকরি হবে না।

নবদুর্গা হেসে বলেন, মন উড়ু-উড়ুর বয়স হয়েছে, পড়তে মন লাগছে না তাই বল্! বুড়ী পেয়ে বোকা বোকাতে আসিস নে।

সত্যি সত্যি—তিন সত্যি ঠাকুমা। মন উড়ু-উড়ু! দূর! এ কি আমাদের ঠাকুরমার আমল গো যে কুড়ি বছরে মন উড়ু-উড়ু করবে? আমরা অত পাকা ছেলে নই।

নবদুর্গা পাকা ভুক্তিতে জুড়জি করে বলেন, নাঃ, তা কি আর! করে ঠিকই। তবে চারদিকের গতিক দেখে প্রেকাশ করতে ভয়সা পাস না এই বা! মনে মনে ভো জানিস, মাখার ওপর হুটো দাড়া বসে, উনচান্নিশের

আগে তো আর কনে জুটবে না। কিন্তু নেকাপড়ার কী বললি তুমি? তিন সতী তো করে বললি!

আইন পাস হয়ে গেছে—এম.এ. বি.এ.-রা আর চাকরি পাবে না। বিচ্ছেটাই এখন ডিস্কোয়ালিফিকেশন—মানে আর কী, দোষের হয়ে গেছে ঠাকুমা।

নবভূগা ছুঁচে স্ত্রীতো পরায়েন বলে বাগিয়ে ধরেছিলেন, সে কাজ স্বগিত রেখে অবাক হয়ে বলেন, এ আবার কী অনাছিষ্টি কথা! এ যে সেই বিচ্ছেদ-স্বন্দরের পালার ছড়ার মতন বলচিস। “গুণ হইয়া দোষ হৈল বিস্তার বিস্তার।”

ঠিক ঠিক। ঠিক বলেছ ঠাকুমা। এ যুগের নীতিই ওই। একালে গুণই দোষ। এর নাম কালধর্ম।

নবভূগা ছুঁচে স্ত্রীতো পরিষে নিয়ে নতুন ফুলে সেটি সংযোজনা করে ধীরে-স্থির বলেন, তা যদি বললি ডাই, ও শুধু একালের দোষ নয়, সব কালেরই। আমাদের আমলেও প্রেবাদ ছিল, “অতি ঘরুস্তি না পায় ঘর, অতি সুন্দরী না পায় বর।”

সতু ঠাকুমার বালিশটা টেনে নিয়ে গুছিয়ে ঘাড়ের তলায় দিয়ে বলে, সে তো ভাগ্যের বা অদৃষ্টের কথা ঠাকুমা। আইনে এমন ছিল? ধর না কেন, এখানকার দিনে যেমন—

নবভূগা ওর কথার মাঝখানেই বিমনাভাবে বলেন, তাও ছিল বইকি। তখন আইন মানেই সমাজ। সমাজে ব্যবস্থাটা কী ছিল বল? যে বত বড় কুলীনের ঘরের মেয়ে, তার কপালে তত দুর্গতি। কুলীনকন্ডে বলে গুমর করলে কী হবে, ওই তোদের চাকরি না কী বলচিস, ওর মতনই তোদের ভাগ্যে আর বর জুটত না। ডক-বংশজের গলায় মালা দেওয়া চলবে না, কুলীন বরও জুটবে না। তা হলেই দেখ্ গুণ হয়েছেই দোষ।

সতুর আপাতত বিমনা মন অলস কৌতূহলে কৌতূহলী হয়ে ওঠে। সে ঠাকুরমার হাত থেকে সেলাইটা টেনে সরিয়ে দিয়ে বলে, রাখ তোমার শিল্পকলা। তোমাদের সেকালের গল্প বল দেখি।

আমাদের কালের আবার গল্প!

নবভূগা নিজের যুগকে নস্তাং করে দেন।

আরে মশাই!—সতু হাসতে হাসতে বলে, ওই কুলীন-কন্তাদের গল্পই একটু কর না।

নবভূগা ভেবে নিয়ে বলেন, আমাদের আমলে অবশ্তি অভ কুলীনে কাণ্ড ছিল না। একটা ঘাটের মড়ার সঙ্গে এক শোটা মেয়ের বিয়ে দেওয়ার কেলেকারও বন্ধ হয়ে গেছিল। তবে শুনেছি। শুনেছি আমাদের ঠাকুমা-দিদিমার কাছে। আমার দিদিমার বড় বোনেরই তো কুল বজায় রাখতে কুলগাছের সঙ্গে বিয়ে হয়েছিল। শেষে সেই বড় বোনই মরণ-কালে বাপকে দিবা দিয়ে যান, বংশে যেন এমন কুপ্রথা আর না চলে।

সতু বালিশ থেকে মাথা তুলে বলে, সেকালের বাপ-মাগুলো কী নিষ্ঠুর আর স্বার্থপর ছিল ঠাকুমা! কুল মানে কী? শুধু তো নিজের অহঙ্কার? নিজের অহঙ্কারটি বজায় রাখবার জন্তে মেয়েগুলোর জীবন একেবারে নষ্ট করে দিত।

নবভূগা একবার পাশের ঘরের দিকে, অর্থাৎ নিজের ছেলের, ছেলের বউয়ের দিকে কটাক্ষপাত করে বলেন, তা তোদের একালের মা-বাপও কম স্বার্থপর নয় বাপু। একালে তো দেখতে পাচ্ছি—সকল মেয়েরই কুলীনকন্তের দশা। আর ছেলেগুলো সব যেন বংশজের ছেলে।

নবভূগা নেহাত অবুঝ বুড়ী নয়, প্রত্যেক বিষয়েই বেশ বুঝমান আছেন, কিন্তু এই একটি বিষয়ে বেজায় অবুঝ। নাতি-নাতনীদের বিয়ের ব্যয়স চলে যাচ্ছে, অথচ বিয়ে হচ্ছে না—এ তিনি মোটেই বরদাস্ত করতে পারেন না, এবং এই না-হওয়ার ক্ষত্ত সম্পূর্ণ দোষী সাব্যস্ত করে রেখেছেন নিজের পুত্র-পুত্রবধূকে। বলেন, ঝগাট আর পয়সা খরচের ভয়ে কত-গিন্নীর এই গাফিলতি। নইলে চেষ্টা করলে নাকি আবার ছেলেমেয়ের বিয়ে হয় না!

সতু অবশ্ত এতবড়ো একটা সামাজিক সমস্যার প্রতি দৃকপাতও করে না। সে একগুঁয়েমির স্বরে বলে, ওসব সেকাল একাল রাখ ঠাকুমা। চিরকালই সেকালের চেয়ে একাল খারাপ হয়ে থাকে। কুলগাছের সঙ্গে বিয়ে কী জিনিস তাই বল শুনি।

নবভূগা পা মুড়ে গুছিয়ে বসে বলেন, আমারও শোনা কথা, তবে প্রত্যেক মানুষটাকে দেখেছি বটে। দিদিমার বোন আমাদের মাসী-দিদিমার কথা বলছি। কাঁচাঙ্গোনার মত রঙ, মোমবাতির মত হাত পা,



কাঠাচূলে আর একথানা মটকার খানেও চেহারার কী জলুস! দিদিমার বাবা ছিলেন মহাকুলীন। প্রথম মেয়েকে দিয়ে আরও কুলমর্যাদা বাড়ানেন, তাই খোট করে বসে আছেন—নৈকন্ত কুলীন পাব, তবে মেয়ের বিয়ে দেব। মেয়ে এদিকে আঠারো কুড়ি পার হয়ে গেল—

সত্ব বিস্ফারিত লোচনে বলে, সে কী ঠাকুমা! এত বড় মেয়ের বিয়ে না দিতে পেরে জাত গেল না তাঁর? সেকালে তো শুনেছি মেয়ের দশ বছর বয়েস হলেই জাত যেত।

আহা, সে যাদের যেত তাদের যেত। কুলীনের ঘরে যেত না। কুলীনের ঘরে কত মেয়ে চিরকুমারী থেকে যেত শুনেছি। দিদিমার বাবা অবিশ্তি মেয়ের বিয়ের জন্তে ঘটক লাগিয়েছেন চার দিকে, কিন্তু এমন সোনার প্রতিমে মেয়েকে নেহাত ঘাটের মড়া বিয়ে-ব্যবসা কুলীনের হাতেও সঁপে দিতে ইচ্ছে নেই। তাই দেরি হচ্ছে।

মেয়ের যখন বাইশ বছর বয়েস, তখন নাকি চাঁদমোহন ঘটক এমন এক পাত্তরের সন্ধান এনে দিল যে, চমকে বাবার মত। ছেলে স্ত্রীতাহুটিতে কোম্পানির চাকরি করে, জামা গায়ে দেয়, সাহেবদের সঙ্গে কথা কয়। ফারসী পড়ে পণ্ডিত হয়েছে, অথচ নৈকন্ত কুলীন। তার ওপর আবার নাকি রাজপুত্রুরের মত চেহারা। তার ওপর আবার এখনও একটাও বিয়ে করে নি। বলেছে, বড়সড় সোন্দর মেয়ে পেলে এখন বিয়ে করে। কুলেশ্বরীকে দেখলে তো গলেই যাবে।

তুনে দিদিমার মা তো আহ্লাদে উলসে উঠলেন। আবার যে যেখানে ছিল ঘটককে ধস্তি ধস্তি করতে লাগল। কারণ ‘একবরে’ বর তখন বৈকুণ্ঠের নারায়ণের মত দুর্লভ। তার ওপর আবার কোম্পানির চাকরে! নবাবই বা কে, সেই বা কে?

কিন্তু দিদিমার বাবা রামতারণ মুখুজে বৈকে বললেন। বললেন, সাহেবের ঘরে চাকরি করে, তার কি আর জাত আছে? যে ছেলের ব্রাহ্মণ বজায় আছে, এমন পাত্তর যোগাড় কর চাঁদমোহন।

চাঁদমোহন ঘটক জিভ কেটে বলল, আ ছি-ছি মুখুজে মশাই, এ আপনি বলছেন কী? আমি কি আর না জেনে-তুনে এখনও এনেছি? মহা নিষ্ঠাবান ছেলে, ত্রিসঙ্খ্য গায়ত্রী না করে জলগ্রহণ করে না, নিত্য ভাগবতপাঠ, চণ্ডীপাঠ, স্বপাক অন্ন আহার, কিছুই নেই। তবে ইয়া,

কোম্পানির কাজ করে বটে। কিন্তু তাতে কী? তাদের স্পর্শ করে নি  
একদিনের জন্তেও।

রামতারণ হেসে বললেন, রেজর অর তো থাকে? সে বে স্পার্সের বাবা  
চাঁদমোহন।

চাঁদমোহন বলল, বললে বিশ্বাস করবেন কিনা জানি না মুখুন্ডে মশাই,  
মেলেজর দেওয়া বেতনের চাঁদমোহর সে কড়ে আঙুলেও ছোঁয় না।  
বেতনের সময় তার কারকুন হারাণ কায়েত হাতে করে। নেয়, তারপর গদ্য  
চুবিয়ে এনে তবে রাজমোহনের হাতে দেয়।

রাজমোহন কে?

কী গেরো! ওই তো নাম পান্তরের। তা সেই রাজমোহন আবার  
সেই মূত্রা তুলসীর দ্বারা শোধিত করে নিয়ে তবে গ্রহণ করে।

দরজার আড়াল থেকে ফুলেশ্বরীর মা বীরেশ্বরী মুহমূহ পুলকে কস্মিত  
হতে থাকেন। আবার মুহমূহ হতাশায় ভেঙে পড়তে থাকেন। স্বামীর  
মুখ তো তিনি দেখতে পাচ্ছেন না। দরজার আড়ালে থাকলেও একগলা  
ঘোমটা টানা, শুধু গলার স্বর থেকে ভাব ধরতে চেষ্টা করছেন। আশায়  
আশায় ভাবলেন, তুলসীর দ্বারা শোধনের খবর জানার পর রামতারণ অবশ্যই  
নরম হবেন, কিন্তু তেমন ভাব কই? রামতারণ বললেন, মূত্রা শুদ্ধি করলে  
আর কী হবে চাঁদমোহন? দোষ তো মূত্রাখণ্ডে লেগে থাকে না, দোষ তার  
উপস্থিত গ্রহণে।

চাঁদমোহনও তেমনি খড়িবাজ। বলল, আজ্ঞে, তা যদি বললেন তো  
বলি—গোবিন্দপুরে পৈতৃক ধানজমি আছে পকাশ বিধে, তাতেই সবজরের  
ভাত কাপড় চলে। তা ছাড়া বাগানে কল, পুকুরে বাছ, উঠনে  
তরকারি—

রামতারণ কোঁতুহলী হয়ে জানতে চান, তা হলে বেতনের মূত্রা কী হয়?

চাঁদমোহন তৎক্ষণাৎ বলল, আজ্ঞে, পরিব দুঃখীকে বিলোয়।

মিছে কথা তো আর বটক মুখপোড়াদের মুখে আটকাত না।

বীরেশ্বরীর প্রাণটা করকর করে উঠল।

হায়! হায়! অত টাকা বিলিয়ে নষ্ট করে! সে সংসার আবার  
ফুলুর হাতে পড়লে—

কিন্তু বিলোনের কথা রামতারণ যেন একটু সঙ্কট হলেন। বরষের,

সেটা ভাল কথা। কিন্তু ওই যে বললে পিরহান্ গায়ে দেয়, ওতেই বেন মনটা কেমন সায় দিচ্ছে না। ব্রাহ্মণপণ্ডিতের বস্ত্র আর উত্তরীয়ই প্রকৃত সাজ।

চাঁদমোহন সঙ্গে সঙ্গে বলল, আজ্ঞে মুখুন্ডে মশাই, গোরা ব্যাটারে যে আবার অনেক কৈজত। পিরহান্ গায়ে না দিয়ে ওদের দপ্তরে কাজ করা চলবে না। বাধ্য হয়ে পরতে হয়। তবে আমাদের সেই পাঁজিটি গৃহে প্রত্যাগমন করে গজাজল দ্বারা গাজ মার্জনা না করে জলগ্রহণ করে না।

রামতারণ তবুও 'কিন্তু' তুলছিলেন, কিন্তু বীরেশ্বরী আর থাকতে পারলেন না। শাঁখা খাড়া লোহা সবগুলো ঝনাত ঝনাত করে বাজাতে শুরু করলেন।

চাঁদমোহন অবহিত হয়ে বলল, মুখুন্ডে মশাই, দেখুন, মা-জননী বোধ হয় কিছু বলছেন।

অগত্যা মুখুন্ডে মশাই ফিরে দাঁড়ালেন।

বীরেশ্বরী আকুল হয়ে কিসকিস করে বললেন, ওগো, তুমি আর ওজর-আপত্তি কোর না, আমার ফুলুকে ওই বরের হাতেই দাও।

রামতারণ দ্বিধাগ্রস্ত হয়ে বললেন, ফুলি আমার প্রথম সন্তান, ভেবে-ছিলাম ওকে এমন ঘরে দেব যে, ওপর থেকে সাত পুরুষ আশীর্বাদ করবেন।

'বীরেশ্বরী চোখ মুছে বললেন, তোমরা শুধু ঘরই দেখবে, বর দেখবে না?

রামতারণ গভীরভাবে বললেন, বর কী এমন ভাল দেখছ তুমি? স্নেহের দাস—

বীরেশ্বরী বাইশ বছরের মেয়ে বুকে নিয়ে বেড়াচ্ছেন, তাই সাহস না বেড়ে উপায় কী? তিনি বললেন, কোম্পানির চাকরি এখন অনেকেই করছে। এর পর দেখো সবাই করবে। অন্ত বিচার কোথায় থাকবে তোমাদের?

যতদিন থাকে।

তোমার গিলির 'মত জন্ম-আইবুড়ী করে রাখতে চাও আমার সোনার ফুলুকে?

রামতারণ বিষন্ত মুখে বললেন, আমার পিসি কুলির চাইতে দশগুণ  
সুন্দরী ছিলেন।

ওসব কথা আমি জানি না, তুমি এই ছেলেরই ভাল করে খোঁজপত্র  
কর। ঘটক ঠাকুর তো বললেন, কুলে মেল, বড় ঠাকুরের বংশ—

রামতারণ গলা নামিয়ে বললেন, ঘটক ঠাকুররা এমন অনেক কথাই  
বলে থাকেন। সে কথা থাক। বেশ, আমি অনুসন্ধান করব।

হয়তো কোনখানে একটু বাপের প্রাণ ছিল, তাই রামতারণ মধুজ্ঞে  
তখনকার মত নরম হলেন। তারপর শুনতে পাই, নিজেই নাকি তিনি  
একদিন চাঁদমোহন ঘটককে সঙ্গে নিয়ে নৌকো করে হুতোমুটি গেলেন।  
ঘটকের কপাল ভাল, রাজমোহন নাকি তখন কোম্পানির দপ্তর থেকে  
ফিরে সন্তান জ্ঞান করে উঠেছেন। সন্ধ্যা হয়-হয়, সেই কিকিমিকি বেলায়  
পাস্তর দেখলেন রামতারণ। খালি গা, আগুনের মত টকটকে রঙ,  
লম্বাচওড়া দেহ, গলায় ধবধবে পৈতের গোছা, সন্ত-স্নাত ব্রাহ্মণ। দেখে  
রামতারণ কেমন হয়ে গেলেন, বিপরীত ভাবটা কাটল। ঘটককে  
বললেন, কথাবার্তা কও।

ঘটকের কথা বুঝতেই পারছিল। এমনিতেই তো বড় দিদিমা সত্যিই  
পরমা সুন্দরী ছিলেন, তার ওপর ঘটকের বর্ণনা—মেয়ে হাসলে মুক্তো  
ঝরে, হেঁটে গেলে পদ্য ফোটে। সবেমাত্র ওপর রামতারণের ঘর।

রাজমোহনের বৃষ্টি আর সূর সয় না। তবু ধীরস্থিরভাবেই কথা  
কইলেন, বিশ্বে ছিল তো পেটে। মাথার ওপর কেউ নেই, নিজেই  
নিজের অভিভাবক। কাজে-কাজেই সঙ্গে-সঙ্গেই সব কথা হয়ে গেল।  
আর কুলীনের মেয়ের বিয়ের এত কথাই বা কী! শুধু চোদ্দ পুরুষের  
ঠিকুজি-কুলুজিটা দেখে একবার মিলিয়ে নেওয়া—কোনও পক্ষের কোথাও  
কোনখানে কুলভঙ্গ হয়েছে কি না!

রাজমোহনের কুলপঞ্জী ছিল, রামতারণ দেখে-শুনে সন্তুষ্ট হলেন।  
সঙ্গে-সঙ্গেই শুভলয় দেখে দিন স্থির করে ফেলে বিদায় নিলেন রামতারণ।

ঘটকের মুখে মুখে দু দিনের মধ্যে গাঁয়ে রাষ্ট্র হয়ে গেল, কুলেশ্বরীর  
বা বর হচ্ছে, এমন কেউ কখনও দেখে নি, শোনে নি। লোকের কথায় কথায়  
পাস্তরের এক গুণ এক শো গুণ হয়ে দাঁড়াল।

কুলেশ্বরী সবই শুনেছে।

বুঝতেই পারছিল তার মনের অবস্থা। বিয়ের আশা তো বলতে গেলে কোনকালে করেই নি, এদানীং তো একেবারে সে আশা ছেড়েই দিয়েছিল। হঠাৎ এই সংবাদ! যেন পথের কাতালের কাছে রাজার রাজত্ব। তোরা তো নাটক-নভেল পড়িস, তেবে দেখ্ কী স্বপনে বিভোর হয়ে আছে সে! দিদিমার মুখে শুনেছি—‘তখন আমার বয়েস নেহাত কম, তবু বুঝতে পারতাম, আল্লাহে দিদির রূপ যেন আরও ফেটে পড়ছে।’ বিয়ের কথা পাকা হওয়া অবধি—মা-পিসি জাত-গোস্তর পাড়া-পড়শী সকলের কাছেই যেন ফুলেশ্বরীর আদর বেড়ে গেল। ‘একে ‘একবরে’ বর, তার আবার কারসী-জানা, মোটা-বেতনের চাকরে বর। রামতারণের মতন আড়বুঝো তো কেউ নয়। সকলেই জানে, টাকার মতন জিনিস নেই।

ফুলেশ্বরীর বরের নাকি এক কুড়ি পাঁচ টাকা মাইনে।

সত্বে হো-হো করে হেসে ওঠে, কী, আমাদের বামুন ঠাকুরের চাইতেও কিছু কম?

নবতুর্গা হাসলেন।

ভেতমনি তখন টাকার ছ মণ চাল ছিল। সে বা হোক, ফুলেশ্বরী তো হাঁওরার ভালছে। শুদিকে আনন্দনাডুর চাল কোটা হচ্ছে, বাড়ি দেওয়া হচ্ছে, সুপুঁরি কাটা, সলতে পাকানো হচ্ছে, তাঁতীদের ঘরে কাপড়ের বারনা দেওয়া হয়েছে। রামতারণ মুখুন্ডের অবস্থা ভালই ছিল, কাজেই ফুলেশ্বরীর বিয়ের আলোচনার গী বেশ সরগরম রইল কদিন। তারপর এল বিয়ের দিন।

ফুলেশ্বরীকে হলুদ-রাখা কোরা তাঁতের লালপাড় শাড়ি ছাড়িয়ে বালুচরী ঢেলি পরিয়ে দেওয়া হল, কানে চেঁড়ি-ঝুমকো, হাতে পিন্ধাডু, গলায় চিক। কুলীনের মেয়ের এত গয়না হবার কথা নয়, কিন্তু বীরেশ্বরীর বাবা প্রথম দৌতুরীর বিয়েতে বৌতুক দিয়েছিলেন এ-সব। বাইশ বছরের ফুলেশ্বরী বারো বছরের মেয়ের মতন ঢেলিতে, কনেচরনেতে আর ঘামেতে একাকার হয়ে পিঁড়ের বসে আছে চণ্ডীর পুঁথি কোলে করে। একজন ঠানদি এসে বর-বণ-করানোর ভুক করে গেলেন; এযোরা কুলো ভাল। সাজিয়ে বসে, কিন্তু বর আর আসে না।

নৌকো করে বর আসবে। গঙ্গার ঘাটে লোক জোড়ায়েন, বাজলরে

খাড়া, বরের কথা সেই। তমিকে লগ্ন বয়ে বার-বার। এখনে দুটো দুটি  
হাঁকাইকি, তারপর কান্নাকাটি পড়ে গেল বাড়িতে। ঘেরে দ'পড়া হয়ে  
গেলে, জয়ের মতন গেল।

দ'পড়া!—সতু অবাক হয়ে বলে, সেটা আবার কী বস্তু ঠাকুমা?

ও মা! দ'পড়া জানিস না? বিয়ের রাতে কোনও দুর্বিপাকে  
লগ্ন-ভ্রষ্ট হয়ে গেলেই মেয়ে দ'পড়া হয়ে গেল। সে মেয়ে জয়ের শোধ না-  
সধবা, না-বিধবা, না-আইবুড়ো হয়ে রইল।

পুরুত বললেন, সেই কথা। বললেন, লগ্নভ্রষ্টা মেয়ে আর জাতিভ্রষ্টা  
মেয়ে একই কথা। এই লগ্নেই মেয়ে সম্প্রদান করতে না পারলে মুখুন্ডে  
মশাইও পতিত হবেন।

মুখুন্ডে মশাই পতিত হবেন! বোঝ্ কথা! নিজেই বিনি সমাজের মণি,  
বিধানদাতা, তিনি সইবেন এত বড় অপমানের কথা! রামতারণ  
মুখুন্ডের বংশে কেউ কখনও এত বড় অপমানের কথা শোনে নি। রাম-  
তারণ অঙ্ককার মুখে বললেন, ঠিক আছে, মেয়ে আমি এই লগ্নেই সম্প্রদান  
করব। সম্প্রদানের ষোগাড় উঠনে নিজে বাওয়া হোক।

উঠনে সম্প্রদানের ষোগাড়!

তুনে তো সবাই হাঁ।

ব্যাপার কী রে বাবা! ব্যাপার আর-কিছু নয়, উঠনের গন্ধরাজ  
গাছটার সঙ্গে বিয়ে দেওয়া হবে। তুনে কর্তামা বীরেশ্বরী ডুকরে কেঁদে  
উঠলেন, ওগো, অমন সর্বনাশ কোর না, ওর যে ভাল বর আসছে।

ধমকের চোটে তাঁকে চূপ করিয়ে দেওয়া হল।

সামান্য একটা মেয়ে আগে, না, বংশমর্যাদা আগে? এ তো তবু ভাল,  
সধবা মেয়ের বা মানসমীহ, তার সবটাই পাবে ফুলেশ্বরী। আর দ'পড়া হয়ে  
থাকলে যে কিছুই অধিকারিণী নয়।

কপালের কনে-চন্দন অনেকক্ষণ মুছে গেছে, বালুচরী ঢেলি ঘামে ভিজে  
লেপটে গেছে গায়ের সঙ্গে, চতীর পুঁথি কোল থেকে পড়-পড়। পিঁড়িতে-  
বসা ফুলেশ্বরীকে নিয়ে চার-পাঁচ জন ভরীপতি-সম্পর্ক গন্ধরাজ গাছটার সঙ্গে  
সাতপাকে বীথল। শুভদৃষ্টি আকাশের তারার সঙ্গে। পুরুত বললেন,

আকাশের দিকে তাকাও মা, নক্ষত্রের সঙ্গে ভুজুটি হোক। নক্ষত্রের  
দৃষ্টিকেই পতির দৃষ্টি মনে করে চিরদিন সত্যীত্ব-ধর্মে অটল থাকবে।

নাগিত ছড়া কাটতে শুরু করল—

ভালমন্দ লোক থাক তো সরে যাও।

ভালমন্দ লোক থাক তো সরে যাও।

মন্দ-চোখে যে চাইবে—

সে নিজের চোখের মাথা খাবে।

সাত জন্ম 'কানী' হবে, মহাব্যাধি কুষ্ঠ হবে।

তুকতাক যে করবে, তার আমার মতন হাত হবে,

একমুঠো চাল ছ মাস খাবে,

বোগ্নো বেড়ি সার হবে।

কার জন্তে এই রন্ধকবচ, কাকে নিয়ে তুকতাক, সে ধার কে ধারে?  
বিয়ে যখন হচ্ছে, অহুষ্ঠানের ক্রটি না হয়! ছাঁদনাতলা থেকে সম্প্রদান পূর্বস্ত  
সব সারা হয়ে কনেকে যেই গন্ধরাজ গাছের সঙ্গে গাঁটছাড়া বাঁধা হচ্ছে, হঠাৎ  
বাইরের বাজনা বেজে উঠল। 'বর এসেছে—বর এসেছে।' বাজলরেরা  
ঘাট থেকে বরের সঙ্গে বাজাতে বাজাতে এসেছে! কী সর্বনাশ! এখন বর  
এল! যখন সব শেষ! বর আসেনি বলে যে যন্তরনা হচ্ছিল লোকের,  
বর এসেছে শুনে তার দ্বিগুণ হল। হায় হায়! কী হুঁতগা কপাল  
মেয়েটার! সম্প্রদান হয়ে গেল, এখন বাজনা বাজিয়ে এল রাজপুত্রের  
মতন বর!

কাঠ হয়ে গেল বাড়িসুদ্ধ সবাই।

পাড়ার লোকের বর দেখতে ঝুটোপুটি লেগে গেল।

আর-সবাই একবার করে দেখে এসে গেলে হাত দিয়ে বলল। হায়  
ভগবান, কী বকিত অদৃষ্ট মেয়েটার! এই স্বামীর হাতে পড়তে পেল না!  
না-সাপ না-ব্যাঙ হয়ে বসে রইল!

সতু উঠে বসে বলে, কী পাগলের মত বকছ ঠাকুমা? সত্যি বরটার  
সঙ্গে সত্যি বিয়ে হল না?

ভুই এক ক্যাপা! তাই কখনও হয়? বাপ একবার দানের মন্তর পড়ে  
ফেলেছে, আবার পড়বে নাকি? বরপক্ষকে চেপে ধরা হল, বিলম্ব

কিসের ? ফুলীনকন্ডার লগ্নজট করিয়ে দাও, জীবন নষ্ট করে দাও, এমন আকেল ?

ওরা হাত জোড় করে বলল, উপায় ছিল না। গন্ধার সাঁড়াপাড়ির বান ডেকেছিল। মাঝিরা নৌকো ছাড়তে চায় নি।

বেশ হয়েছে, এখন কলা খাও।

কনে হাতছাড়া।

দু পক্ষে বিরাট এক বচসা। ওরাও দোষ মানবে না, এঁরাও দোষ মানিয়ে ছাড়বেন। কথা থেকে বচসা, হাতাহাতি, শেষ পর্যন্ত লাঠালাঠির যোগাড়। কী, না পাড়ার আর কাকর মেয়ে বিয়ে করে বাও।

বরের কপালের চন্দন মুছে গিয়েছিল, বেগুনী বেনারসীর জোড় ঘামে ভিজ়ে সপসপ করছিল, সে হাতজোড় করে বলল, মার্জনা করবেন। এই গোবুকে গ্রামে বিয়ে করবার বাসনা আমার মিটে গেছে। কিন্তু শুধু বলছিলাম, সেই মেয়েটিকে একবার দেখা যায় না ?

মেয়েটি ? কোন্ মেয়েটি ?

বর সবিনয়ে বলল, আজকের পাঞ্জীটি।

কী ! যত বড় মুখ নয়, তত বড় কথা ! অর্বাচীন বেল্লিক বর্বর ! পরঞ্জীর মুখ দেখতে চাও তুমি ? সবাই এই মারে তো এই মারে।

এই সময় হঠাৎ এক কাণ্ড ঘটে গেল।

বাইরের উঠানে যেখানে বরের আসর ছিল, সেইখানে উদ্গাদিনীর মত ছুটে এলেন বীরেশ্বরী, চলিপরা ফুলেশ্বরীকে হিড় হিড় করে টানতে টানতে। কান্দতে কান্দতে চিৎকার করে বলে উঠলেন, কারও কথা শুনো না তুমি বাবা, এই আমি আমার মেয়েকে তোমার হাতে তুলে দিচ্ছি—তুমি ওকে নিয়ে নৌকো করে পালাও। স্বতোহুটিতে গিয়ে অগ্নি-নারায়ণ সাক্ষী করে ওকে বিয়ে কর, তুমিই ওর প্রকৃত স্বামী।

হৈ-হৈ রব উঠল।

মুখুন্ড মশাই খড়ম ধুলে জী-কন্ডার দিকে ছুঁড়তে বাচ্ছিলেন, কে বেন খরে নিবৃত্ত করল।

ফুলেশ্বরীর কাকা রব তুলে হুসুম দিল, দোরে ডালাচাষি দিয়ে রেখে দাও। কে ছেড়েছে পাগলীকে ! ছটোকেই দোরে চাষি দিয়ে রাখো।



হুজুম দাসী এসে ওদের টানতে টানতে ভেঙরে নিয়ে গেল। কিন্তু ততক্ষণে রাজমোহনের মনের বাসনা পূর্ণ হয়েছে। কনে দেখে নিয়েছে।

দেখে বোধ হয় ভাবল, এ কী মেয়ে! মরি মরি! এ মেয়ের সঙ্গে লড়াই করা যায়, মান খুইয়ে খোশামোদ করা যায়।

তা করেছিল নাকি অনেক কাকুতি-মিহুতি।

বলেছিল, ফুলগাছের সঙ্গে বিয়ে আবার বিয়ে! মিথ্যে লোকাচারের বশে আপনার এমন সর্বস্বলক্ষণাক্রান্তা কন্যার জীবন একেবারে মাটি করে দেবেন না। আপনি আমার হাতে তুলে দিন।

রামতারণ বললেন, মিথ্যা লোকাচার নয়, সত্যধর্ম। এক কন্যার নামে ছবার সম্প্রদান-মন্ত্র পাঠ করা যায় না।

নিজের সন্তানের সুখ দুঃখ দেখবেন না?

রামতারণ বললেন, সুখ দুঃখ দেখবার মালিক কি আমি? এখন না হয় তোমার প্রস্তাবমত কাজ করলাম, কিরতি যাত্রাপথে তুমি যে নৌকাডুবি হয়ে গজায় নিমজ্জিত হবে না, তার নিশ্চয়তা কী?

নিশ্চয়তা অবশ্য কিছুই নেই।

বর মাথা হেঁট করে বসে থাকল। কিন্তু ফুলেশ্বরীর সেই মুখ মনে করে যেন স্থির থাকতে পারছিল না। কাজেই ফের বলল, আর-একবার বিবেচনা করুন—

রামতারণ অটল অচল। বললেন, রামতারণ সুখ্জে কখনও এক কাজের সঙ্গে ছবার বিবেচনা করে না। যা করেছি ভেবে বুঝেই করেছি। আমি স্বীকৃত নই যে রেহে অন্ধ হব। আমি মেনে নিয়েছি আমার কন্যার ওই ভবিষ্যৎ।

বর মাথা হেঁট করে ফিরে গেল লাঞ্ছনাপাশ নিয়ে। বরযাত্রীদের নাকি আর গোলমাল করতে দেয় নি।

আরও শুনেছি, সত্যি মিথ্যে জানি না, দিদিমায় যা নাকি গোলমালের মধ্যে লুকিয়ে মেয়েকে ঢেলি ছাড়িয়ে, সাদা কোরা শাড়ি পরিয়ে খিড়কির দরজা দিয়ে বেরিয়ে পড়েছিলেন—মেয়েকে বাটে-বাঁধা বরের নৌকায় তুলে দিয়ে নিজে গজায় ডুবে মরবেন বলে। ফুলেশ্বরীও নাকি আপত্তি করে নি। কিংবা হস্ততো করেছিল। কে জানে! কিন্তু এদের কড়া পাহারার চোখ

একান্তে পারল না। ধরা পড়ল। তখন তাদের সত্যি চাষি দিয়ে রেখে দেওয়া হল।

তারপর আন্তে আন্তে সবাই সামলাল।

ফুলেশ্বরী সধবা গিন্নীদের সঙ্গে ভিড়ে গেল। সধবার মান মর্যাদা পেল, লোকের বিয়েয় এয়ো হল, শ্রী গড়ল, বরণভালা সাজাল, পাঁচজনের সঙ্গে আলতা সিঁদুর পরে বেড়াল—আবার আর-একদিন গছরাজ গাছটা শুকিয়ে মরে যেতে, ঘাটে গিয়ে শাঁখা ভেঙে, নোয়া ফেলে, সিঁদুর মুছে, বিধবাদের দল ভারী করল।

হোপলেন! গাছ মরে গেল বলে বিধবা!—সতু হতাশভাবে বলে, এঁরাই সব ছিলেন তখনকার মহা মহা পণ্ডিত! শাস্ত্রজ্ঞ! বেদজ্ঞ! ছি-ছি!

নবদুর্গা হাসলেন : তখনকার তো সবটাই ছি-ছি! নইলে জলজ্যাঙ্ক গাছটা, নিত্য যার পায়ে জল ঢালে ফুলেশ্বরী, হঠাৎ ঝলসে পুড়ে কাঠ হয়ে গেল কেন? কাজটা—জাতি-শত্রুরের কাজ। গাছটা মরলে মুখুন্ডে মশাই মেয়েকে বিধবা হতে দেন কি না দেখবার জন্যে জাতিরা নাকি কোন তাকে এসে গাছের গোড়ায় গছক পুঁতে দিয়ে গিছিল। ফুলন্ত গাছটা পুড়ে মোল। ফুলিরও কপাল পুড়ল।

সতু ভুরু কঁচকে বলে, সেই বৈধবা তিনি মানলেন?

ও মা! শোন কথা!—নবদুর্গা চোখ কপালে তোলেন : মানবে না কী? রোজ প্রাতঃকালে সেই গাছের গোড়ায় জল ঢেলে তবে জলগ্রহণ করত। স্বামীজ্ঞানে গলবস্ত্র হয়ে দু বেলা প্রণাম করত।

ছি-ছি-ছি!

তা তোরা এখন ‘ছি’ বললে কী হবে? যে কালের যে আচার!

আচ্ছা, তিনি সেই বাপের মুখ আর দেখেছিলেন?

এই দেখো ক্যাপার কথা! চিরটা কাল তো তিনিই তাঁর বাপের সংসার মাথায় করে রেখেছিলেন। তেমনি আবার তাঁকেও দেশহুঁদু লোক মাথায় মণি বলে গণ্য করেছে। ফুল ঠাকুরনের ভয়ে বাঘে-গরুতে এক ঘাটে জল খেত।

সতু কী বলতে যাচ্ছিল, হঠাৎ কল-কোলাহল করতে করতে হড়মুড়িয়ে ঘরে ঢুকল স্তম্ভমুনি আর বুলবুল। হৈ-হৈ করে বলে উঠল : এই সতু, তুই এখানে ধোকার মত ঠাকুরমার কোলে শুয়ে আছিস? বলেছিলি যে

আমাদের পত্রিকার জন্যে তোমার সেই চুল-বড় লেখক-বন্ধুর কাছ থেকে একটা  
গল্প আদায় করে দিবি।

সতু উঠে বসে হাই তুলে বলে, ওকে আর বলতে হবে না ছোড়নি, আমি  
নিজেই তোদের পত্রিকায় গল্প লিখব।

তুই ? তুই লিখবি গল্প ?—হেসে গড়িয়ে পড়ল ওরা।

সতু গভীরভাবে বলল, হাসবার কিছু নেই। বাড়ির মধ্যেই একটি  
গল্পের খুলি আবিষ্কার করে ফেলেছি আমি। তার থেকে একটি একটি করে  
বার করব আর তোদের পত্রিকায় পাতা ভরাব !

আহা রে ! পাতা ভরানো নিয়েই সব বুঝি ?

তবে আবার কী ? দেখিস না দুদিন পরেই এই সতু বাঁড়ুজের কী  
নামখানা হয় !

## ॥ দৃষ্টিলাভ ॥

বিজ্ঞানের উন্নতির সঙ্গে সঙ্গে যেমন সভ্যতার প্রসার, তেমনি বিজ্ঞানের প্রসারের সঙ্গে সঙ্গেই নাকি মানুষের মূঢ়তা আর কুসংস্কারের বিনাশ। বিজ্ঞান মানুষকে শেখাচ্ছে তার বহুগুণশক্তি জটপাকানো কুসংস্কারের শিকড় ছিঁড়তে।

কিন্তু মানুষ কি সভ্যই তা শিখছে ?

তাই যদি শিখছে, তবে এই প্রথম বিজ্ঞানের যুগে, এই শহর কলকাতার ঘাড়ের কাছে কুসংস্কারের এক বৃড়ো বট স্মৃতি নামিয়ে নামিয়ে এতটা জায়গা দখল করে বসে আছে কী করে? কী করে “চেতলার অধর গুণিনে”র এত পসার ?

অধর যেন অতীত বর্বর যুগের একটা অধ্যায়। অথচ প্রচণ্ড তার ক্ষমতা। অধর ইচ্ছে করলে বিশ কোশ দূর থেকে নাকি লোককে মারতে পারে, রাখতে পারে। অধর ‘বাণ’ মেয়ে বোবা করে দিতে পারে লোককে, পারে ফলস্ত ভরস্ত গাছকে নিমেষে ঝলসে কাঠ করে দিতে। মাতৃগর্ভস্থ শিশুর রূপ পরিবর্তন করে দেবার ক্ষমতাও নাকি আছে অধরের।

আরও অনেক গুণ আছে অধর গুণিনের। আছে অনেক শক্তি। রাক্ষসী শক্তি, পৈশাচিক শক্তি, দৈবী শক্তি, অলৌকিক শক্তি।

বিজ্ঞান যেখানে হার মানে, ভাগ্য যেখানে নিষ্ঠুরতা করে, ক্রুদ্ধ গ্রহ-নক্ষত্রেরা যেখানে হিংস্র হয়ে মানুষকে দুর্গতির পথে ঠেলে নিয়ে যেতে চায়, সেইখানে হচ্ছে অধরের কর্মক্ষেত্র। মানুষের অসহায়তা আর নিরুপায়তাই অধরের পসারের মূল শিকড়।

অধর অটল। কারুর কামাখ্যার মন্ত্র। অধরের ‘গুরু গোঁসাই’ রতন হাড়ী নাকি মৃত্যুকালে তার এই প্রিয় শিষ্যটিকে তার নিজের আত্মবিশ্বাস-সঞ্চিত বিজ্ঞান পুঁজি উজাড় করে দিয়ে গিয়েছিল। তার ওপর আছে অধরের নিজের সাধনা আর হাতবশ। অধরের কাড়কুঁক অব্যর্থ, অধরের

জলপড়া তেলপড়া নাকি 'ডেকে কথা কর', অথরের হাতচালা পুলিশের গোয়েন্দা বিভাগের চাইতে হাজার গুণ কার্যকরী।

চুপি চুপি বলতে দোষ নেই, কত সময় পুলিশের বড়কর্তাদেরও আসতে দেখা যায় অথরের এই কাঁচা-নর্দমা-ভিড়োনো পচা বস্তির ঘরে। আর শুধুই কি পুলিশের বড়কর্তা? উকিল, ব্যারিস্টার, নাম-করা কলেজের অধ্যাপক, বিলেত-ফেরত ডাক্তার—অথরের ঘরে গতিবিধি নেই কার?

ইতরজন বা জনসাধারণ—এরা আগে দিনে দুপুরে, সকালে বিকেলে। কিন্তু এই সব বড়দরের মাহুঘরা প্রায়শই আসেন সন্ধ্যার অন্ধকারে গা ঢেকে। বড়রাস্তার মোড়ে বড় বড় গাড়ি দাঁড় করিয়ে রেখে নাকে ক্রমাল চেপে ধরে আস্তে আস্তে ভিড়োন কাঁচা নর্দমার এলাকাটা।

অথরকে ভাল পাড়ার বাড়ি জুটিয়ে দেবার কথাই কি বলে নি কেউ? বলেছে বইকি, অথর রাজী হর না। এই ঘরই নাকি তার আসল শক্তি। এখানে কামাখ্যা মায়ের সদাজাগ্রত কৃপা। অতএব ওঁদের আসতেই হর নাকে ক্রমাল চেপে। দায় যে তাঁদেরই। প্রাণের দায়, মানের দায়, আর সব রকমের দায়েরই দায় বহন করে অথর।

আজও তাই সন্ধ্যার অন্ধকারে মোড়ের মাথায় বড় গাড়ি দাঁড়াল। তার থেকে সম্ভ্রান্ত চেহারার এক ভদ্রলোক নামলেন, পকেট থেকে বার করলেন ক্রমাল, ধীরে ধীরে বস্তি-বাড়ির ওই বিশেষ দরজাটির সামনে এসে থুটখুট করে কড়া নাড়লেন। অস্থান করা বার ইনি নবাস্ত নয়।

কড়ানাড়ার শব্দে দরজা খুলে কেরোসিন কুপি হাতে বেরিয়ে এল একটি নিম্নশ্রেণীর স্ত্রীলোক। পরনে একথানা ময়লা দুর্গন্ধ গেকম্মাশাড়ি, মাথার চুল ঝুঁটি-করে ঝাঝা, হাতে ছাছা মোটা সালা শাঁখা। রঙটা ভাষাটে, মুখটা পুরুবালা। কঠেও পুরুষতা।

কী চাই?

ভদ্রলোক বোধ করি একবার মাথটাও নোয়ালেন, তারপর বিনীত কঠে বললেন, আজ্ঞে, একবার শুধির মশায়কে বসি ডেকে দেন—

স্ত্রীলোকটি এঁর আপানমতক একবার দেখে নিয়ে তুক ঝুঁটকে বলে, আপনি কদিন আগে একবার এসেছিলেন না? ছেলের অস্থবের অস্তে—

আজ্ঞে হ্যাঁ।

ভদ্র লে ছেলে একদা ঠিকে আছে?—যেমন চেহারার স্ত্রী, তেমন

ত্রিহীন কথা। তত্ত্বলোক বিব্রোহী মনকে বোধ করি কঠে সংবরণ করে  
বিনীত কণ্ঠে বলেন, তার অস্ত্রেই এসেছি।

গুণিন তো বলে বেছে আপনার ছেলের 'প্রেমাই' আর নেই।—অন্ধের  
রাগের ভঙ্গিতে কথা বলে জীলোকটা।

তত্ত্বলোক মাথা হেঁট করে ব্যাকুলভাবে বলেন, তবু একবার ঠর সঙ্গে  
দেখা করতে চাই।

দেখা করে আর কী হবে?—জীলোকটি ভাঙ্ছিলার হুঁরে বলে, গুণিন  
আমায় বলেছে ও-ছেলেকে বাঁচাতে হলে অস্ত্রের প্রেমাই কেড়ে এনে গুকে  
দিতে হবে। এ ছাড়া পথ নেই। তা সেদিন তো এ কথা শুনেই আপনি  
রেগে ঠর ঠর করে বেরিয়ে গেলেন!

তত্ত্বলোক গলা ঝেড়ে বলেন, আমি সেই বিবরেই কিছু বলতে চাই—

তবে দাঁড়ান, ডেকে দিচ্ছি।—মদগর্ভ চালে ফের ভিতরে ঢুকে ধায়  
জীলোকটি, এবং অধরকে উদ্দেশ্য করে বলে, নাও, এখন ওঠ। সেদিনের সেই  
বড়মাহুঘটা আবার আজ এসেছে।

কোন বড়মাহুঘটা রে কীরি?—লাল ছালটির চাদরটা গায়ে দিতে দিতে  
অধর বলে, কত বড়মাহুঘই তো আসে।

সেই যে—যে লোকটা ছেলে মরছে বলে ছুটে এসেছিল, 'নিশি' ডেকে  
অস্ত্রের প্রেমাই নেবার কথা শুনে রেগে বেরিয়ে গেল!

গুণিন বেরিয়ে আসতে আসতে বলে, জানতাম আবার আসতে হবে  
বাছানকে। প্রাণের দায় বড় দায়। তা বাবু! তো মান খুঁইয়ে সময়  
থাকতে আসবেন না, যখন নিম্নে কাল উপস্থিত হবে, হালে পানি পাবেন না,  
তখন এই অধরকে শরণ! বাই, কী বলে শুনি গে।

কেরোসিনের কুপিটা কীরির হাত থেকে নিয়ে বেরিয়ে আসে অধর, আর  
সেই ধোঁয়া-গুড়া লালচে আলোয় তার বীভৎস চেহারাটা আরও বীভৎস  
দেখায়।

কপালে কালচে লাল প্রকাণ্ড একটা রক্তচন্দনের কোঁটা, জটাপড়া লাল  
লাল ঝাঁকড়া চুলে ভর্তি মাথা, চোখ দুটো গাঁজার প্রভাবে আরও বড় লাল।  
পরনে একখানা টকটকে লাল খেঁটে ছালটির শূভ্র, ধী হাতের কল্লুইয়ের ওপর  
একপাছা স্বকঙ্ককে লাল মোটা জামার তাপা।

এই রক্তাক্ত পটকুমিকার মধ্যে অধরের চেহারাটা যদি মশাসই আর রঙটা

কটা হাত, তা হলে হয়তো সেই ‘কাপালিক মূর্তি’ দেখে একটা ভয়মিশ্রিত সমীহ ভাব মনে আসত। কিন্তু চেহারাটা তার একেবারে উন্টো।

পোড়া কয়লার মত কালো খসখসে রঙ, দড়ি পাকানো, রোগা পাকসিটে গড়ন, মুখখানা পেশীতে আর রেখাতে কদৰ্শ। তাই চেহারাটা দেখলে গা-ধিনধিন করে ওঠে। এর ওপর যখন গাঁজার কাশির দাপটে হাড়-জিরজিরে বুকটা অথরের তোলপাড় করতে থাকে, মনে হয় গেল বুঝি এখনি কেটে চৌচির হয়ে। কিন্তু হয় না কিছুই। শুধু দেখতে দেখতে দর্শকের মনটা আরও বিতৃষ্ণ হয়ে ওঠে।

তবু লোকে পায়ের ওপর হুমড়ে পড়ে, বাবা বলে ছু হাত জোড় করে।

ইনিও করলেন। পঁচিশ হাজার টাকার গাড়ি থেকে নেমে-আসা সম্ভ্রান্ত ভক্তলোক কাতর কর্তে বলে উঠলেন, বাবা, ছেলেটাকে রক্ষা করবেন না?

বোস, বোস।—অধর গুণিন সকলের পূজ্যপাদ। তাই বেশী ভক্তলোকদের ‘তুই’, আর সাধারণ লোকদের ‘হারামজাদা’ ছাড়া সম্বোধন করে না।

বসবার জায়গার মধ্যে মেটে দাঁওয়ার ওপর ছড়ানো দু-তিনটে হেঁড়া বেতের মোড়া। ভক্তলোক তারই একটার সজ্জিত হয়ে বসে বলেন, আবার আপনাকে বিরক্ত করতে এলাম।

অধর ঝাঁকড়া চুল ছুলিয়ে বলে, আসবেন বইকি বাবু, কথায় বলে পুত্তুর সন্তান। তাও আবার এক মাস্তুর সন্তান। শিবরাত্রিরের সলতে। কিন্তু করব কী বলেন? ব্যামোটিও যে শিবের অসাধ্য। দেখেছি তো সেদিন শুনে—অধর যেন মস্ত একটা ঘোষণা করছে, ছেলের আপনার পরমায়ু নেই।

কিন্তু আপনি যে বলেছিলেন বাঁচাতে পারেন।

অথরের লাল লাল চোখ দুটো অন্ধকারে জলে ওঠে।

গলা ঝেড়ে নিয়ে বলে, পারব না কেন, হাজার বার পারি। কিন্তু বাবু মশাই, তাতে তো আপনি রাজী হলেন না।

ভক্তলোক একটু ইতস্তত করে সহসা কাতরস্বরে মনের কথা খুলে বলেন, সেদিন হঠাৎ শুনে মনটা একটু বিচলিত হয়ে গিয়েছিল, তাই চলে গেলাম। এদিকে ছেলের মা পাগলের মত হয়ে গেছে, সে নিজেই আপনার কাছে আসতে চাইছিল। এক সন্তান—। ভক্তলোক একটু চূপ করলেন, বোধ হয় চোখের জল ঝরে পড়বার লজ্জা থেকে আত্মরক্ষা করতে। একটু চূপ করে থেকে আবেগভরা কর্তে হাত জোড় করে বলেন, লাখ টাকার বদলেও যদি

‘আমার ছেলের প্রাণটা কিরিয়ে দিতে পারেন শুধি ঠাহুর, আমি তাই দেব। হীরের টুকরো ছেলে আমার, একটা পাস করলেই বিলেত পাঠাব, কত আশা! কত স্বপ্ন! সব ধ্বংস হয়ে গেল! ছেলে গেলে আমার স্ত্রী পাগল হয়ে যাবেন। আর আমিই বা—আবার একটু ধামলেন ভক্তলোক, তারপর কের বললেন, ব্যাংকে আমার পাঁচ লাখ টাকা, কলকাতায় তিনখানা বাড়ি, এসবে কী হবে যদি ছেলেই চলে যায়? আপনি আমার সর্বস্ব নিন, শুধু ওকে বাঁচিয়ে দিন।

অধর একটু চূপ করে থেকে স্বভাববহির্ভূত কোমল কণ্ঠে বলে, টাকার কিছু হবে না বাবু, সে তো আমি বলেছি আপনাকে, পরমায়ু চাই। কোন জলজ্যান্ত মাহুষের পরমায়ু। তবে ই্যা, আমার দক্ষিণা বা দিতে চান দেবেন।

তবে তাই বা হয় করুন।—ভক্তলোক নিজেও পাগলের মতই বলে ওঠেন, পাপ পুণ্য ধর্ম অধর্ম ওসব কোন বোধই আর এখন নেই আমার। বড় দক্ষিণা চান দেব, শুধু আপনি একটা ব্যবস্থা করুন।

বেশ, তাই করব।—অধর মহোৎসাহে বলে, ডাবের জন্তে স পাঁচ আনা পরয়া তা হলে দিয়ে যান। ওটা আপনাকেই দিতে হবে কিনা। আর—অধর বাজারদর আলোচনার মত সহজভাবে বলে, আপনার যদি কোন শত্রু থাকে তো নাম করুন না বাবু, এক ডিলে দুই পাখি মারা হয়ে যাবে।

তার মানে?—ভক্তলোক চমকে ওঠেন।

মানে?—অধর ক্যাক ক্যাক করে হেসে ওঠে : বাবু যেন শিশু মস্তুর। বলছি আপনার কোন শত্রুর নাম ঠিকানা পেল, ওই ডাবের মুখ কেটে আড়াই পহর রাতে তার বাড়ির আনাচ-কানাচ থেকে নাম ধরে ডাক দেব। সাড়া দেওয়া মস্তুর ডাবের মুখ চাপা, বাস, তার পরমায়ুটি চলে আসবে ডাবের মধ্যে, সেই ডাবের জলটি তৎক্ষণাৎ খাইয়ে দিলেই ছেলে আপনার নির্যাস বেঁচে যাবে। ছেলেও বাঁচল, শত্রুও নিপাত হল। তাই বলছি—এক ডিলে দুই পাখি।

আগেও এ কথা হয়ে গেছে। এতটা প্রাঞ্জল না হোক, প্রাণের বশে প্রাণের কথা হয়েছিল। সেদিন ভক্তলোক এই ভয়ঙ্কর বীভৎস প্রত্যাবর্তী সঙ্কল্পে করতে পারেন নি, অধরকে তাঁর পিশাচ মনে হয়েছিল। পালিয়ে গিয়েছিলেন। কিন্তু এখন অবস্থা আরও শোচনীয়। ডাক্তারে হাল ছেড়ে দিয়ে গেছে, স্ত্রী



প্রায় উন্মাদিনী, তাই ধৈর্য ধরে জনলেন নবটা। তারপর হতাশভাবে মাথা বেড়ে বললেন, না, আমার কোনও শত্রু নেই।

শত্রু নেই? তাক্সব দেখেন দিকি ভাল মানুষের ছেলের কী বিপদ! আচ্ছা, ও আমিই ব্যবস্থা করে নেব। মুশকিল একটু আছে, ভিন্‌পাড়ায় বেতে হবে। এ তন্নাকটে কাউকে নিশিতে ডাকলে, পাঁচজনে এসে এই অধরকেই 'সোবে' করবে।

ভক্তলোক উঠে দাড়িয়ে সেই ছোট দাওয়াটাতেই পায়েচারি করতে থাকেন, তারপর অলিত করে বলে ওঠেন, এ রকম আপনি আর কখনও করেছেন?

তা করেছি বটে বাবু। তখন নতুন নতুন। অল্পজ থাকতাম, গুরুদেবের শিক্কে ঠিক মতন প্রয়োগ করতে পারলাম কি না পরীক্ষে করতে করেছিলাম দুবার।

তধু তধু?—শিউরে ওঠেন ভক্তলোক।

তধু তধু কেন বাবু, বললাম যে বিস্তের পরীক্ষে করতে। একবার একটা গরিব বামুনের ছেলের ওপর, আর-একবার একটা বাগদীদের ছেলের উপর বিস্তে প্রয়োগ করলাম।

ভক্তলোক যেন অঙ্কারের পাথারে ডুবে যাচ্ছেন : তারা যারা গেল?

তা যাবে না?—অধর সোৎসাহে বলে, এ কি যে-সে গুরুর শিক্কে?

ভক্তলোক একটা হতাশ দীর্ঘনিশ্বাস কেলে বলেন, থাক্ গুণিন মশাই, ওতে আর কাজ নেই, ভগবানের বা ইচ্ছে তাই হবে। আমার আবারও আসাটাই তুল হয়েছিল। বুরতেই পারছেন, বাপের প্রাণ। বাক, এই সামান্য কিছু প্রণামী, আপনার ঠাকুরের কাছে আমার কথা জানাবেন, তাতেই যদি কিছু স্বকল হয়। নইলে ভগবানের বিধান মেনেই নিতে হবে। নমস্কার।

ভক্তলোক দাওয়া থেকে নেমে ধীরে ধীরে এগিয়ে যান, নাকে কমাল চাপতে কুলে।

ভক্তলোক চলে যেতেই ভিতর-বাড়ি থেকে কীরি মুখ বাড়াল। বলল, দিলি তো লোকটাকে বিগড়ে?

অধর বত বড় গুণিনই হোক, কীরি তাকে আরও এক প্রচণ্ড ময়ে চির-কালের মত গুণ করে রেখেছে। তাই সকলের পূজ্যপাদ অধরকে 'ভুই ভোকারি' করতে তার বাখে না। অধর অপ্রতিভভাবে বলে, আমি আর

কী বিগড়োব, দেখছিস ডে। লোকটার মনে কিছুতেই সার নিচ্ছে না। প্রাণের জ্বালায় ছুটে এসেছিল, আবার বিবেক ধরল।

বিবেক ধরল!—কীরি বাগদিনী মুখটা কুণ্ঠী করে বলে, শুধু বাবুর কেন, তোরও তো বিবেক ধরল! নইলে অত ব্যাখ্যানা করে বোঝাবার কী কাজ ছিল? বললেই পারতিস ‘মায়ের নামে জিয়াকাণ্ড করে ছেলে বাঁচিয়ে দেব।’ তারপর তোর কাজ তুই করতিস। ছেলে বাঁচলে বাবু তোকে কোন্ না পাঁচ হাজার টাকা বকশিশ দিত?

তা দিত, লাখ টাকা দিতে চাইছিল। বলছিল, ব্যাঙ্কে পাঁচ লাখ টাকা, তিনখানা বাড়ি, ছেলে গেলে কে ভোগ করবে?

ও হতভাগা মুখপোড়া নিবু'জির ঢেঁকি! যা, এখুনি যা, মেথ্গে হয়তো এখনও বাবু এ তল্লাট ছেড়ে যায় নি। ধ্বংগে যা। মিছে করে বল্গে যা, কারু প্রাণ হানি করব না; ‘তান্তিরিক’ জিয়া করব, ছেলে বাঁচলে পাঁচটি হাজার দিতে হবে; কথার খেলাপে ছেলের আবার মৃত্যু। যা, ছুটে যা। ধম্মজ্ঞান হয়েছে! বিবেক ধরেছে! এ বিজ্ঞে তবে শিখেছিলি কেন?

শিখেছি মা-চণ্ডীর নিদ্রেশে। কিন্তু প্রাণ কারুর হানি করতেই হবে কীরি। এ কাজের এই নিয়ম। তাই চিন্তায় পড়েছি। তুই ঠিকই বলেছিস, বাবুর বিবেক দেখেই এই চিন্তাটা মনে উদয় হচ্ছে। একজনের প্রাণ বাঁচাতে আর-একটা প্রাণ—

খাম্ তুই!—কীরি খিঁচিয়ে ওঠে: সব প্রাণের দর সমান নাকি? রাস্তার শ্রাল-কুকুরের অধম প্রাণও আছে, আবার ওই বাবুর এক সন্তানের মত দামী প্রাণও আছে। ওদের বাঁচালে শ্রাল কুকুর মারার পাপের হককে অনেক পুণ্য।

অধর হঠাৎ কেমন বিহ্বলের মত তাকায়। তারপর বলে, তুই ঠিক বলছিস কীরি, পাপ নেই? পুণ্য আছে?

বলব না কেন!—কীরি বিজয়িনীর ভক্তিতে বলে, যা বলছি ঠিকই বলছি। কিন্তু, বাবু যে এতক্ষণে হাওয়া-গাড়ি চেপে হাওয়া হল। তোর বুদ্ধিতে গালে মুখে চড়াতে ইচ্ছে হচ্ছে আমার।

আর চড়াতে হবে না, বাবুর বাড়ি আমার জানা, ঘুরে আসছি।—বলে অধর দাঁওয়া থেকে নেমে অন্ধকারে মিলিয়ে যায়।

কীরি কপাটটার খিল লাগিয়ে ঘুরে চুকে আসে। এসেই রাগে ঝঙ্কাও  
জলে যায় ওর। দেখে, ঘরের মধ্যে পোষা বেরালটা ঢাকা-চাপা ঠেলে  
মাছের তরকারিটা গপ গপ করে খাচ্ছে আর দশ-এগারো বছরের খাড়ী  
ছেলেটা দিবিয় চৌকিতে বসে পা দোলাচ্ছে। যেন ভারি একটা মজা হচ্ছে!

ও মুখপুড়ী, তোর এই কাজ!—বলে পোষা বেড়ালটাকে এক লাথি  
মেরে ঘরের বার করে দিয়ে ছেলেটার কান ধরে কীরি: হারামজাদা  
লক্ষীছাড়া ছেলে, বসে বসে মজা দেখছিস? মব্ মব্, এখুনি মব্, যমের  
অরুচি। এখন কী দিয়ে ওই ভাতের পিণ্ডি গেলা হবে?

ছেলেটা আঁ-আঁ করে কেঁদে ওঠে।

কীরি হুমদাম করে বাসনপত্র সরাতে থাকে। এই এক আবোড় ছেলে।  
কোন যদি বুদ্ধি আছে! লোকের কাছে পরিচয় কীরির বোনপো, কীরিকে  
'মাসী' বলেই ডাকে ছেলেটা। কিন্তু কীরির খুব যারা অন্তরঙ্গ, তারা  
জানে ইতিহাস অস্ত্র। কিন্তু ও-কথা থাক। গুরুর আদেশে ভৈরবী নিয়ে  
শক্তিসাধনা করতে হয় অধরকে, নইলে মন্ত্র ফলে না।

অনেক রাত্রে ফিরল অধর।

কীরি বলল, এত রাত অবধি কী করছিলি সেখানে?

সেখানে করি নি কিছু। রাত্তায় ঘুরছিলাম।

আ মরণ! গাঁজার দমটো বুকি বেশী চড়ে গেছল! নে, এখন গিলে  
নিরে আমায় ছুটি দে।

আজ আর খাব না।—বলতে বলতে অধর চাদরের আড়াল থেকে কী  
একটা লুকিয়ে চোকির তলায় রাখে। কিন্তু কীরির শ্রেন দৃষ্টি।

কী রে মুখপোড়া, আজ আবার বুকি বোতল এনেছিস? তাই রাত্তায়  
ধোরার ছুতো! আবার আমার চোখ আড়াল করছিস? আমায় না  
দিয়ে খাবি?

বোতল নয়, বোতল নয়। হাত দিস নি তুই।—অধর বাঘের মত  
ঝাঁপিয়ে পড়ে।

মরণ!—কীরি বলে, ডাব এনেছিস! তা বললেই হত! রুগীর অবস্থা  
বুকি শেষ অবস্থা? আজ রাত্তারেই ক্রিয়ে করবি! তা ভাগ্যি ওনে আজ  
মঙ্গলবারও পড়েছে। তা হলে তুই তো খাবি নে? নিশা-উপুসী না থাকলে  
তো আর হবে না।

মাছের অভাবে, বোতল থেকে খানিকটা আচার বার করে নিজে গুছিয়ে খেতে বসে কীরি। তারপর ছেলেটাকে ডেকে মাঝে পোয়ে খেতে বসে। তিন জনের ভাত ছুজনে খেয়ে নিতে অবশ্য বাধে না। তবে ল্যালা-ক্যাপা ছেলেটা খেয়ে উঠে আর যেন নড়তে চায় না। জিভ এড়িয়ে এড়িয়ে বলে, পেট নিয়ে আর উঠতে পাচ্ছি না মা। রেষ্টের মধ্যে নিশ্চাত পেট ফেটে মরে বাব।

কীরি ধমকে ওঠে : হাড়হাবাতে ছেলের কথার ছিরি দেখ! আগে বললি নে কেন ? তা হলে আমি আর দুটো নিতাম।

অধর খেল না বলে খুব যে দুঃখিত কীরি, এমন মনে হল না।

কিন্তু কে জানত—সকালবেলা উঠেই এমন দাপাদাপি শুরু করবে কীরি !

বস্তিস্বর লোক ছুটে আসে কীরির চিংকারে : হল কী ! হল কী !

কিন্তু হল কী, সে কথা বলবে কে ? কীরি যে পাগল হয়ে গেছে।

অধর গুণিনকে মেয়ে, লাথিয়ে, চুল টেনে যেন ছিঁড়ে-খুঁড়ে ফেলেছে উন্মাদিনী কীরি।

কিন্তু অধরের কী দোষ ?

বস্তিস্বর লোক সেই কথাই বলে, অধরের কী দোষ ? তোর বোনপোর পরমাই ফুইরে ছেল তাই মরেছে। নইলে জলজীৱন্ত ছেলেটা খেয়ে গুয়ে ছিল, আর মরে কাঠ হয়ে থাকে !

যারা কিছু পণ্ডিত তারা বলল, একেই ডাক্তার-বস্তিরা বলে হার্টফেল। ও একটা আচমকা রোগ। আহা, শোক তো লাগবেই, বুনপোটাকে মাছ খ করেছ হাতে করে। তায় আবার অবোলা অবোধ মতন ছেলে।

অধরকে ওর হাত থেকে ছাড়িয়ে নেয় লোকে।

কিন্তু বোনপোর শোকে বোধ করি সত্যিই পাগল হয়ে গেছে কীরি। তাই সম্পূর্ণ অর্থহীন চিংকার করতে থাকে, ওরে হারামজাদা লক্ষ্মীছাড়া, পয়সার লোভে তুই আপন সন্তানকে মারলি ? ওরে, নরকেও যে গতি হবে না তোর। এই তোর মনে ছিল ? তাই বুঝি ‘মেসো’ বলতে শিখিয়েছিলি ? লুকোচুরি, ছলচাতুরি সব ফাঁস করছি তোর। আজ দশে ধন্যে জাহ্নক তুই তার বাপ ছিলি কি না ! বাপ হয়ে তুই পয়সার লোভে ছেলে খুন করলি ? ওরে, আমি কী করব রে ! পিথিবীতে কেউ কখনও এমন শুনেছে ? ওরে, পয়সাটাই তোর এত বড় হল ?

প্রহারঅর্জিত অধর এতকণ বসে বসে খুঁকছিল, এবার হঠাৎ পাগলের মত টেচিয়ে ওঠে, পয়সা-পয়সা করিস না বলছি কীরি, তা হলে তোকেও শেষ করে ফাঁসি বাব। পয়সা আমি নেব নাকি? বাবুকে আমি কিছু বলি নাই, মায়ের পেমাদী ডাব বলে দিয়ে এসেছি।

পয়সা নিবি না? পয়সা নিবি না?

একটা হিংস্র জন্তুর মতন হাঁকাতে থাকে কীরি : আমাকে তুই ক্রাকা বোঝাতে এসেছিস?

অধর গভীরভাবে বলে, সে তোর যা মন হয় বল। গুরু জানে, পয়সা নিয়েছি কিনা!

ওরে সর্বনেশে, সত্যিই তবে পয়সা নিস নি? তবে কি ওই বাবুই তোকে 'গুণ-তুক' করল?

অধর লাল ছালতির চাদরের কোণ দিয়ে নাক-থেকে-গড়িয়ে-পড়া রক্তটা মুছতে মুছতে বলে, বাবু কিছু করে নাই কীরি, তুই-ই কাল আমার চোখ খুলে দিয়েছিস। তোকে আমি প্রণাম করব, তুই আমার শিক্কে-গুরু।

## ॥ অসাবধান ॥

এইমাত্র লীলা মাসীমা বিদায় নিলেন।

বিগত তিনটি দিন তিনি এখানে অবস্থান করেছেন এবং চির প্রথালুভাষী ভগিনীপুত্রের পকেট শোষণ ও তন্তু বধূর 'অস্থিমাহন'রূপ মহৎ কর্মটি পরিপাটিভাবে সমাধা করেই বিদায় নিয়েছেন। তবু বিদায়পর্ব মিটিয়ে এসেই গৃহিণী যখন প্রায় ক্ষেটে পড়ে বলে উঠলেন, 'উঃ, গত জন্মে কত ধায় ছিল তোমার লীলা মাসীর কাছে তাই ভাবছি,' তখন কিন্তু হাতের ইশারায় তাঁকে নিবৃত্ত হবারই অহরোধ জানালাম।

অর্থাৎ থাক্, কোনও মন্তব্য নয়।

হ্যাঁ, সফল করেছি কারও বিদায় নেওয়ার সঙ্গে সঙ্গেই তার সবচেয়ে কোন মন্তব্য আর করব না। কেন সফল করেছিলাম, সেটাও নতুন করে মনে পড়ে গেল।

গৃহিণী অবশ্য আমার এই ভাব-পরিবর্তনে স্থবী হলেন না, বেশ কিছুক্ষণের আলোচনার মধ্য দিয়ে এই তিন দিনের পুঞ্জীভূত ফল-উদ্ভাপ কিছুটা শীতল করে নেবার ইচ্ছে তাঁর ছিল, কিন্তু এ-হেন স্পষ্ট নিষেধে আহত হয়ে গেলেন। অবশ্য আহত হয়ে চূপ করে গেলেন, এ মনে করলে ভুল হবে, তিস্ত-হাসির-আমেজ-মাখানো একটি প্রশ্নবাণ সঙ্গে সঙ্গেই ছুঁড়লেন : কেন, লীলা মাসীর সঙ্গে মন কেমন করছে না কি ?

হেসে বললাম, অসম্ভব কী ? করতে পারে না ?

পারবে না কেন ? মহাপুরুষদের পক্ষে কী না সম্ভব !—বলে থর থর করে উঠে গেলেন।

কিরে আর ডাকা হল না। বলে বলে ভাবতে লাগলাম, ও-সফলটা কেন করেছিলাম !...কেন করেছিলাম তাই বলছি—তবে সে-গল্প লীলা মাসীর নয়, অগম্যমার।

অনেক দিন আগের কথা সেটা।

অনেক দিনের পর হঠাৎ একদিন একটু সময় হাতে পেয়েছিলাম।

ভাবছিলাম, এই দুর্লভ বস্তুটি নিয়ে কী করা যায়! মানে, কী করলে সত্যিকার সন্ধ্যা হয় সময়টার!

কাজের চাপে তো আত্মীয়-স্বজনের নাম ভুলে যেতে বসেছি। যে সব আত্মীয়ের বাড়িতে আগে প্রায়ই যেতাম এবং এখন আর মোটেই যাই না, তাঁদের কার বাড়ি ঘুরে আসব? একে একে অনেকগুলো বাড়ি মনে করলাম, পছন্দ হল না কোনটাই।

রমেনদার বাড়ি সব থেকে বেশী যেতাম। সে বাড়ির কথা মনে হতেই শেষ যেদিন গিয়েছিলাম মনে পড়ে গেল সে কথা। বউদি বিল্ট্রী রকমের বুড়িয়ে গেছেন, ছেলেমেয়েগুলো বড় হয়ে গেছে, কথাই কওয়া গেল না কারও সঙ্গে। আর রমেনদা খুঁটিয়ে খুঁটিয়ে আর ঘুরিয়ে ফিরিয়ে নানা প্রশ্নের টোপ ফেলে ফেলে ক্রমাগত জানতে চেষ্টা করলেন, আজকাল কত রোজগার করছি আমি! এ ছাড়া যেন আমার সম্বন্ধে প্রশ্ন করবার আর-কিছুই নেই।

ছেলেবেলা থেকে ক্যামেরার শখ ছিল। সেই শখের সমুদ্রে ভাসতে ভাসতে আর অনেক ঘাটের জল খেতে খেতে শেষ পর্যন্ত পরিণত হয়েছি সিনেমার ক্যামেরাম্যানে। কাজ কখনও থাকে, কখনও থাকে না, অবশ্য যখন কাজ থাকে না তখনই ব্যস্ত থাকি বেশী।

সে যাই হোক, ক্যামেরাম্যানের পদ পাওয়া পর্যন্ত আত্মীয়বর্গের ধারণা জন্মেছে—আমি বোধ হয় ‘লাল’ হয়ে গেছি। কারণ সিনেমা-লাইন সম্বন্ধে ওঁরা আর-কিছু জাহ্নন আর না-জাহ্নন, ও-লাইনে যে পয়সা জিনিসটা ছড়ানো থাকে এটা সকলেই জানেন। কাজেই আমার ব্যাপারে কৌতূহলের আর শেষ নেই ওঁদের। দেখা হলে সাধারণ কুশলবার্তা অথবা আমার স্ত্রী-পুত্রের খবর জানতে কেউ চান না, প্রথম প্রশ্ন আসে, নতুন কী তুলছ? পরবর্তী প্রশ্ন, কত পাবে এতে?

দূর ছাই, রমেনদার বাড়ি আর যায় না।

বীণা মাসীমা, নতুন কাকী, বসন্ত মামা, সত্যহরি, অবনী—সবাইকে মনে করলাম। নাঃ, ওঁরা আবার সিনেমার পাস পান না বলে তেমন প্রশ্ন খুলে কথাই বলেন না। কলকাতা শহরে বত ছবি উঠছে, তার সব ছবিই বিনি পয়সায় দেখানো আমার পক্ষে সম্ভব কি না, সে তাঁদের বোঝানো যায় দি।

হঠাৎ মনে হল আত্মীয়দের যে নাম ভুলে যেতে বসেছি সে কি শুধুই সময়ের অভাবে? না, মানসিক অসম্ভাবা?

তা হলে কি দক্ষিণেশ্বর ঘুরে আসব, কিংবা বেলুড়? অথবা—

হঠাৎ সীতানাথ এসে জানান দিল, বাবু, একটা বুড়ো মতন বাবু আপনার সঙ্গে দেখা করতে চাইছে।

মাথায় হাত দিয়ে পড়লাম।

বাস্, হয়ে গেল!

হঠাৎ-পাওয়া সময়টুকুকে হত্যা করবার জন্তে পয়সা খরচ করে আর যেতে হবে না কোথাও। সময়ের যমদূত এসেই গেছে। সিনেমা-লাইনে ঢুকে পর্যন্ত ‘দেখা করতে’ আসার লোকের অপ্রতুল ঘটে নি। এসব উদ্বেগমূলক দেখা করা। তার উপর আছে তাড়া তাড়া চিঠি। সে-চিঠির ভাষা দেখলে অনেক বড় বড় সাহিত্যিকও ঈর্ষান্বিত হতে পারেন। ‘জীবনে একবারের জন্তেও যদি পর্দায় আত্মপ্রকাশ করতে পাই, তা হলে হাসতে হাসতে আত্মহত্যা করতে পারি’—এমন চিঠিরও অভাব নেই। আবার অনেকে অন্তত একটা চান্স না দিলে আত্মহত্যার ভয়ও দেখান।

তা ছাড়া বাড়িতে এসে ‘হত্যে’ দেওয়া, সে তো আছেই।

অনেক ছুঃখের মূল্যে এই অভিজ্ঞতাটি সঞ্চয় করেছি, বাংলা দেশের তরুণ-তরুণীর হৃদয়ে কাম্য স্বর্গ যদি কিছু থাকে তো সে হচ্ছে সিনেমার পর্দা। সে ভাবটা কেউ প্রকাশ করে, কেউ বা করে না।

বুড়ো-হাবড়াও আসে অবিশ্রিত।

ছুঃস্থ অভাবগ্রস্ত জীবনে-অসফল অনেক বুড়ো লোক আসেন। এবং আমার যে ষত-ইচ্ছে চাকরি দেবার ক্ষমতা নেই সে-কথা বিশ্বাস না করে কাকূতি-মিনতি করে অস্থির করে তোলেন।

সীতানাথের সংবাদ-পরিবেষণে বুঝলাম, তেমনি কেউ এসে হাজির হলেন। গলা খাটো করে বললাম, বললি না কেন, বাবু বাড়ি নেই?

আজ্ঞে বাবু, মিথ্যে কথাটা কেমন মুখে আসে না।

ধর্মপুস্ত্র বৃথিষ্টির! ক্রুদ্ধ কণ্ঠে বললাম, বলগে বা, কী চাই?

বলেছিলাম বাবু। বলল, আপনার সঙ্গে দেখা করতে চায়।

কেতার্ঘ্য হলাম। শুনে প্রাণ ঠাণ্ডা হয়ে গেল একেবারে!...বা, নিয়ে আস এখানে।



বলার প্রায় সঙ্গে সঙ্গেই ঘরে উচ্চারিত হল, ডাকার অপেক্ষা আর রাখলাম বাবা, এসেই পড়লাম।

এ যে রীতিমত আত্মীয়তার স্বর! চমকে উঠে বুড়ো ভদ্রলোকের আপাদমস্তক নিরীক্ষণ করে সবিস্ময়ে বলি, জগমামা নাকি?

চিনতে পেরেছ তা হলে? তোমার চাকর ব্যাটা যা সওয়াল করছিল, তাবলাম দোর থেকেই ফিরতে হয় বুঝি। তোমার চাকরবাকরগুলো—বুঝলে বাবা, অত্যন্ত বদ।

বললাম, বাকর আর কই জগমামা, ওই একটাই তো।

আহা, তাই না হয় হল, তবে শিক্ষা ভাল দিতে পার নি বাপু।...যাক, বাড়িটা তা হলে খুঁজে বার করা গেছে।

বললাম, তাই বটে। ঠিকামা পেলেন কোথা?

আরে বাবা, তুমি এখন একটা নামজাদা লোক, চেষ্টা করলে পাওয়া যাবে না, এ কী হয়?...ওরে এই, তোর নাম কী? এক গেলাস জল খাওয়া দিকিন?

নিজেকে নামজাদা লোক বলে গণ্য হতে শুনলে পুলকিত হওয়াই স্বাভাবিক। মিথ্যে জানলেও খুশী না হয়ে উপার নেই। সঙ্গে সঙ্গেই মনে পড়ে জগমামাকে বধোপযুক্ত অভ্যর্থনা করা হয় নি। দূরসম্পর্কের হলেও মামা তো বটে, বিশেষ করে যে মামা এখনও আমার সম্বন্ধে সচেতন। আর কতদিন পরে দেখা! প্রায় তো চিনতেই পারছিলাম না।

বললাম, মামা, দাঁড়িয়েই রইলেন? বহন বহন, তার পর আছেন কেমন?

আর থাকি থাকি! তুমি কেমন আছ তাই বল?

চলে যাচ্ছে একরকম? কতদিন পরে দেখা বলুন তো মামা?

তা হল গিয়ে তোমার—বছর বাইশ।

বা-ই-শ!

সত্যিই চমকে উঠলাম। এতটা আবার ভাবি নি।

জগমামা বললেন, তা হবে না কেন? তোর মা মারা গেল উনিশ শো তেত্রিশে, তার পর একবার মাত্র এসেছিলাম তোদের সেই সিগদের-বাগানের বাড়িতে। বাস, আর দেখা হল কবে?

দেখলাম, জগমামার পুরনো সেই অভ্যাসটি ঠিক আছে। কথা কইলেই সাল তারিখের উল্লেখ।

অপ্যায়নের ঐকটি রাখি না—একথা সেকথার পর ঘোষণা করি, না-থেরে  
যেতে পাবেন না মামা, দুটো ঝোলভাত এখানেই থেরে নিন।

জগমামা হাঁ-হাঁ করে ওঠেন, থাক থাক, আজ থাক। সে আর-একদিন  
হবে অমল, আজ বরং ইয়ে—মানে, আজ আমি অল্প একটা দরকারে  
এসেছিলাম।

দরকার!

দরকার শুনেই মনটা বিগড়ে গেল।

মহৎ মহৎ ব্যক্তিদের যায় কিনা জানি না, আমার কিছু যায়। কেউ  
কোন উদ্দেশ্য নিয়ে বেড়াতে এসেছে দেখলেই আমার মেজাজ বিগড়ে  
যায়। কিন্তু সাধারণত যে দরকারের দরকারে লোকে বাইশ বছর পরে  
ঠিকানা খুঁজে খুঁজে দূরসম্পর্কের নামজাদা আত্মীয়ের বাড়ি আসে, জগমামার  
তো সে দরকার থাকার কথা নয়। দেখা-সাক্ষাৎ না থাকলেও খবর জানি  
কিছু কিছু। দুই ছেলে ওঁর বেশ কুতূহী হয়েছে, শিবপুরে না কোথায় যেন  
বাড়িও করেছে একথানা।

কোন প্রশ্ন না করে তাকিয়ে থাকলাম। জগমামা একটু উসখুস, ইতস্তত  
করে হঠাৎ বলে উঠলেন, আমার একটু জীবনী লিখেছি।

জীবনী!

তিন অক্ষরের এই কথাটুকু মাত্র উচ্চারণ করে আরও নিশ্চল হয়ে তাকিয়ে  
থাকি।

জগমামা এবার যেন বেশ একটু দৃঢ় হয়ে বলেন এবং একটু স্ক্রু হালির  
সঙ্গে বলেন, ই্যা, কথাটা শুনেতে পাগলের মতই বটে, কিন্তু লিখেছি আমি—  
নভেলের ছাঁচে লিখেছি।

মনে হল স্বপ্ন-ভাষণ শুনিছি।

তাকিয়ে দেখলাম জগমামার দিকে। পরনে খাটো মোটা-খোলার  
খান, গায়ে গলাবন্ধ একটি কোট, তার উপর ক্লাইভের আমলের একথানা  
রোঁয়া-ওঠা জরাজীর্ণ মটকার চাবর। মাথার সঙ্গে শক্ত হয়ে গেঁথে  
বসা প্রায় সম্পূর্ণ পাকা ঘন ছোট ছোট চুল, খোঁচা খোঁচা পাকা গৌক  
দাড়ি।

এই জগমামা।

পুরনো আমলের কথাও মনে পড়ল। রঙ-ওঠা আথ ইকি পাড়ের মোটা

লংকধের খেঁটে পাঞ্জাবি-গরা তার সঙ্গে বেদম বাজে বক বক আর প্রচুর খাওয়া।

হ্যাঁ, সাংঘাতিক রকমের খেতে পারতেন জগমামা। আন্ত কাঁঠাল খেতেম, খেতেন আন্ত ছাগল। কুস্তকর্ণের সঙ্গে তুলনা করা হত জগমামার!

সেই জগমামা।

‘সেই’ আর ‘এই’! ছটোয় যোগ করলাম, কোন রকমেই যোগফল মেলাতে পারলাম না।

আত্মজীবনী লেখার ব্যাধিটা কি তা হলে কলেরা-বসন্তের মত সংক্রামক হয়ে উঠেছে? পাত্রাপাত্র মানছে না? আচ্ছা, নাই মাহুক, জগমামাও আত্মজীবনী লিখুন, কিন্তু সেই মূল্যবান খবরটি বাইশ বছরের অদেখা ভায়ের বাড়ি খুঁজে খুঁজে এসে জানাবার তাৎপর্য কী?

প্রশ্ন করব না প্রতিজ্ঞা করে খালি জিজ্ঞাসু নেত্রে তাকিয়ে থাকি। ক্রমশ তাৎপর্য পাই। পেয়ে হাঁ হয়ে ঘাই, হাঁ করে থাকি।

খানিকক্ষণ কী কতকগুলো কথা আউড়ে জগমামা বললেন, এই জন্তেই তোমার কাছে আসা বাবা। আমার এই জীবনীখানা নিয়ে তুমি সিনেমা কর।

আঁ!।

চমকাচ্ছ বটে, কিন্তু পড়ে দেখো তুমি, কেউ ধরতে পারবে না সত্যিকার কাহিনী বলে। লিখেছি যে সত্ত্ব নভেলের মত করে কিনা। পড়লে বুঝবে। আমার এই জীবনটাই বুঝলে অমল, একখানা বিরাট উপজ্ঞাস।

জগমামার জীবনটা একটা উপজ্ঞাস! কালে কালে আরও কত দেখতে হবে তাই ভাবছি।

এতক্ষণ ধরে শুনলাম তবু যেন নতুন করে হতাশ হয়ে বললাম, জীবনীখানাকে সিনেমা করতে বলছেন?

হ্যাঁ বাবা, এতক্ষণ তাই তো বোঝালাম। আমি তোমার মামীকে আর তাঁর স্বপুত্রের ছটিকে বুঝিয়ে দিতে চাই, তাদের ব্যাভারটা কী! নিজের চোখে প্রত্যক্ষ দেখুক। দেখে চৈতন্ত হোক।

মুখে আসছিল—চৈতন্ত অভ সত্তা নয়, কিন্তু বললাম না। বললাম, —কিন্তু সেটা কি ঠিক হবে?

হবে না মানে?—জগমামা উত্তেজিত হয়ে ওঠেন: ঠিক না হল তো

বয়েই গেল আমার। বুঝক না সবাই। তাই তো চাই। কাউকে রেয়াত করি নি আমি। সবাইয়ের চরিজ রেখেছি এতে। আমার গুণধর ভাইদের, পাজীর পা-ঝাড়া শালা ছুটোর, বিজুর অবতার নাতিটার। এক ধার থেকে সবাইয়ের গর্দান নিয়েছি। বুঝলে অমল, কাউকে ছেড়ে কথা কই নি। সিনেমার পর্দায় যখন বাছানরা সব নিজেদের দেখতে পাবেন, তখন মাথা হেঁট হয়ে যাবে। বুঝবেন বুড়ো চুপ করে থাকে বলেই হাবা-বোকা নয়। মুখের ওপর কাউকে কিছু বলতে পারি না, বুঝলে? তাই বোকা হয়ে থাকি। কিন্তু কত সজ্জ করা যায়? রক্ত-মাংসের শরীর তো বটে। ভেবে দেখলাম, এই হচ্ছে উচিত প্রতিশোধ। তোরা জীবনভোর আমাকে হেয় করে এলি, এইবার দেখ আমি তোদের কী ভাবে হেয় করি! জগতের কাছে হেয় করে ছাড়ব। দেশে ধর্মে দেখবে হিন্দুনারীর মহিমা, দেখবে কলিকালের পিতৃভক্তি।

শুনতে শুনতে একটু মায়াও হল।

মনস্তত্ত্বটা বুঝতে পারছি। কিন্তু প্রতিশোধস্পৃহায় মৌলিকতা আছে বটে। যাই হোক, কাতর বচনে আবার সেই ‘কিন্তু’ দিয়েই বলি, কিন্তু মামা, এসব বইটাই নির্বাচন তো আমার কাজ নয়। ওসব পরিচালকের ব্যাপার। আমি কে? কিছুই না। দৃশ্যটা ভাল উঠল কি না এটুকু বোঝা হচ্ছে আমার কাজ।

নিজেকে কীটস্ত কীট বলে ঘোষণা করতেও রাজী হই।

হায়! চোরা না শোনে ধর্মের কাহিনী।

জগমামা বীরবিক্রমে বলতে থাকেন, সে তুমি বিনয়ভরে যাই বল বাবা, আমি তো আর কাঁচা ছেলে নই। বলি—ছবির মাথাটা কে? পরিচালক, না, তুমি? পরিচালক বরং না থাকলে চলে, তুমি না থাকলে চলবে? কত বড় একটা মাস্তগণ্য লোক হয়েছ তুমি, এ কি আর না-জেনেই এসেছি! এটুকু তোমাকে করতেই হবে অমল। না হলে মরে আমি শাস্তি পাব না। \* জীবনভোর কত দুঃখ পেলাম আর কী নীরবে সজ্জ করে এলাম সে-কথা জগৎকে জানিয়ে তবে মরতে চাই।

হাল ছেড়ে দিয়ে শুনতেই থাকি।

জগমামা বলেন, কালকে তা হলে ওটা নিয়ে আসব বুঝলে অমল। আজ উঠি।

আজকে নিষ্কৃতি পেতে বিশ্বাস কলে বলি, আজ্ঞা, আনবেন। কিন্তু  
খেয়ে গেলেন না—

তাতে কী? তার অন্তে কিছু ছুঁখ কোর না বাবা। খাওয়া কি  
পালাচ্ছে? খেলেই হবে। তুমি যে আজ আমাকে কী তৃপ্তি দিলে! উঃ,  
লিখে পৰ্বন্ত কেবল ভেবেছি কাকে দিয়ে কাজটা হয়! হঠাৎ মনে পড়ে  
গেল তোমার কথা, মাথায় খেলে গেল—ঠিক হয়েছে। মোক্ষম জায়গাটিই  
থরা গেছে। জানি তো অমল আমার কথা ঠেলতে পারবে না।

অনর্গল বলে চলেন, যেন হয়েই গেছে।

চলে যেতেই গিন্নী এসে শুধোলেন, ও বুড়োটা কে এসেছিল? গল্প আর  
ফুরোয় না।

ছিঃ, বুড়ো বলতে নেই। মামাখন্ডর।

মামাখন্ডর! মামাখন্ডর আবার কে?

জগমামা। গল্প করেছে—মনে নেই?

হঁ। তা উনি এসেছিলেন কী করতে?

প্রতিশোধ নিতে।

গিন্নীর চোখ গোল হয়ে ওঠে।

পরদিন ঠিকই এলেন জগমামা।

কোণে দড়িবাঁধা বিরাট এক কাগজের বোঝা নিয়ে।

এই গন্ধমাদন পৰ্বত আমার ঘাড়ে চাপাতে এসেছেন! এ প্রতিশোধ  
কার উপর! কার পাপে কার দণ্ড!

এই আনলাম।

না বলে পারলাম না, এ যে বিরাট জগমামা!

বিরাট!

জগমামা কেমন একরকম কাতর চোখে চেয়ে বলেন, তবু তো তিন  
ভাগই বাকী রয়ে গেছে অমল। এই এতকালের বিরাট জীবনটা, তার  
কতটুকুই বা লেখা যার? চরিত্রগুলি যেন একটু এদিক ওদিক হয় না বাপু,  
সেদিকে দৃষ্টি রাখবে।

তা তো বুঝলাম। তবে ভাবছি কাকে ধরব!

সে তুমি ঠিক লোককেই ধরবে। এই যেমন আমি ধরলাম।

বলে নির্দম্মমুখে হেসে উঠলেন জগমামা।

কিন্তু কে জানত শিবপুর থেকে ভবানীপুরে রোজ একবার করে ধরনা দিতে আসবেন জগমামা !

ওটার ব্যবস্থা হয়ে গেছে না কি অমল ?

কুণ্ঠিতভাবে বলি, না মামা, এখনও কিছু করে উঠতে পারি নি।

বলা বাহুল্য, কিছু করার চেষ্টাও করি নি।

সত্যি, আমি তো আর পাগল নই।

জগমামা যেন আমাকেই সাহায্য দেন, হবে, হয়ে যাবে ঠিকই। তুমি যখন লেগে-পড়ে রয়েছ। কিন্তু পড়ে তোমার কেমন লাগল তাই বল ! রোজই ভাবি জিগোস করব। কেমন লজ্জা লজ্জা করে ! মন্দ হয় নি, কী বল ?

সত্যি বলতে, একবর্ষও পড়ি নি। পড়ার কথা ভাবিও নি, এত জেরায় মুখে দাঁড়াতে হবে সে খেয়াল ছিল না। কিন্তু সত্যি কথাও সব সময় বলা চলে না। তাই বললাম, খুবই ভাল লাগল। কিন্তু—মানে, ভাবছি— একেবারে ঘর-সংসারের ব্যাপার, ছবিতে ঠিক—

আন্দাজী ভাঁওতা মারি।

জগমামা হেসে বলেন, এই দেখ ! আজকাল যে ঘরসংসারী গল্পই চলছে হে। একবার নামিয়ে দাও না, দেখ কী কাণ্ডটা হয় ! এ তো আর টেনে-বুনে বানানো গল্প নয় অমল, এ যে একেবারে বুকের রক্ত দিয়ে লেখা।

জগমামার বুকেও যে এমন রক্ত ছিল, যাতে গের ছুঁতিন কাগজ ভেজানো যায়, সে কথা কবে ভেবেছিলাম !

ভাঁওতা দিয়ে কদিন চালানো যায় !

মরিয়া হয়ে একদিন বসলাম খাতাগুলো নিয়ে। হাতের লেখাটা কিন্তু চমৎকার। ছাড়া-ছাড়া মুক্তোর মত অক্ষর। বোধ করি কেবলমাত্র অক্ষরের গুণেই খুব খানিকটা পড়ে ফেললাম।

হায় ! পড়ে হাসব, না, কাঁদব ! কী ভাব ! কী ভাব ! পড়ে পড়ে ছড়ে ছড়ে একই কথা।

জগমামা যে কত হুদয়হীন, কত নির্মম, কত ভয়ঙ্করী, তার বিশদ বর্ণনায় পাতার পর পাতা উঠেছে ভরে। একে একে ছেলেদের, ভাইদের, আরও কারও কারও চরিত্রবর্ণনাই চলছে। পাতা উণ্টে চলে গেলাম শেষের দিকে। সেখানের দৃষ্ট—

বাড়ির কর্তাকে যে সপরিবারে মিলে কী নির্ধাতন করছে তারই দিনলিপি। সবচেয়ে শোচনীয় হচ্ছে—খেতে দিচ্ছে না।...ছেলে বলছে, ‘বাড়িহুক্ক সকলে যা খাই বাবা একলা তাই খান।’ গিন্নী বলছেন, ‘তোমার ওই রান্সের পেট ভরাতে গেলে আমার বাছাদের আর-কিছু থাকবে না।’

পড়ে দুঃখও হল।

আহা, খেতে কী ভালই না বাসতেন! তা ছাড়া অপমানের জ্বালাও তো কম নয়।

জীবন অতিষ্ঠ করে তুলেছেন, তবু মুখের ওপর রুঢ় হতে পারি না, অবিরত মিথ্যের জাল বুনে চলি। যথা—

তিনি বললেন, ওটা তা হলে দিয়ে দিয়েছ ?

আমি বলি, ক—বে !

আচ্ছা, এতটা দেরি হচ্ছে কেন বল দেখি ?

চিহ্ননাট্য লেখার যে কত ফ্যাচাং মামা! আজ সবটা লিখল তো কালই ছিঁড়ে ফেলে নতুন করে লিখতে বসল।

তুমি অবিশ্রিই তাগাদা দিচ্ছ, কেমন ?

সে আর বলতে ! দু বেলা।

দীর্ঘজীবী হও বাবা। আমার একটা ছেলেও যদি তোমার মতন হত !

লজ্জার মাথা হেঁট করি। আর সেই লজ্জাতেই আবার পরদিন নতুন মিথ্যে কথা বলি। বলি, কিছু আশা পাচ্ছি—

স্বাটিং আরম্ভ হল নাকি অমল ?

অভ্যস্ত ভঙ্গীতে বলি, না, স্বাটিং আরম্ভ হতে একটু দেরি আছে। অভিনেতা-অভিনেত্রীদের পাওয়ারই মুশকিল যে !

জগমামা গুছিয়ে বসেন। বলেন, ভাল অ্যাক্টর অ্যাক্ট্রেসই দেবে, কী বল ?

তা তো নিশ্চয়।

যাতে ভাব-টাবগুলো ভাল করে ফোটে সেদিকে তুমিও একটু লক্ষ্য রেখো। রাখবেই অবিশ্রি, বলাটাই বাহ্য্য। আর ওই মাতঙ্গিনীর—মানে আর কি গিন্নীর পার্টটা যে নেবে তাকে—আচ্ছা, থাক, এখন থাক, আরম্ভ হোক।...আচ্ছা অমল, ওরা একেবারে ঘাবড়ে যাবে, কী বল ?

চমকে বলি, কারা ?

আহা, তোমার মামীটামীদের কথা বলছি।

বুঝতে পারলে যাবেন বইকি।

বুঝতে পারবে না? লাইনে লাইনে মিলে যাবে, বুঝতে পারবে না?

জগমামা উত্তেজিত হয়ে ওঠেন।

তা হলে ঘাবড়ে একটু যাবেনই?

একটু?...এখনও যদি ওদের শরীরে ছিটেবিন্দু মনুষ্যত্ব থাকে তা হলে লজ্জায় মরমে মরে যাওয়া উচিত।

দাঁড়িয়ে উঠে পায়চারি করতে থাকেন জগমামা, অনেকটা চিড়িয়াখানার বন্দী বাঘের মত।

শিবপুর থেকে ভবানীপুরে আসার বিরাম নেই।

এইটা হলেই আমি শাস্তিতে মরতে পারি অমল।

কী যে বলেন মামা! আপনি এখনও অনেক দিন বাঁচবেন।

থাক বাবা, তুমি আমায় ভালবাস, ও প্রার্থনা আর কোর না। কিন্তু বড্ড যে গড়িয়ে যাচ্ছে অমল! কী হল বল তো?

নতুন মিথ্যার অবতারণা করি।

বলি, কোম্পানির সঙ্গে পরিচালকের মনাস্কর চলছে। ভাবি, তবু খানিকটা সময় পাওয়া যাবে। ততদিনেও কি ধৈর্যের বাঁধ ভাঙবে না জগমামার?

ক্রমশ যেন একটু হতাশ হতে থাকেন জগমামা। ছবি দেখে ‘ওরা’ কী হয়ে যাবে, সে আলোচনাটাও ফিকে মেরে যায়। তবু নিত্য-নিয়মে এসে নির্দিষ্ট আসনটিতে বসে থাকেন চুপ করে। আর আমি ঘরে ঢুকলেই প্রশ্ন করেন, কী অমল, ওদের ঝগড়া মিটল?

আজ কিন্তু সে কথা বললেন না। আমাকে দেখেই বলে উঠলেন, অমল, আমি বলি কি ওটা ছাড়িয়ে নিয়ে অত্র কোম্পানির হাতে দিয়ে দাও। আমার শরীরের অবস্থা আর তেমন ভাল বুঝছি না। মনে হচ্ছে—আর বেশীদিন বোধ হয় নয়। তাই ভাবছি—সেই হবেই শেষ পর্যন্ত, অথচ আমি দেখতে না পেলে তোমার আর আপসোসের শেষ থাকবে না। এবার একটু উঠে-পড়ে লাগ অমল।

কী ভাবে শ্লোক দিয়েছিলাম, আর কী ভাবে বিন্দায় করেছিলাম মনে



পড়ছে না, মনে পড়ছে—জগমামা চলে যেতেই গিন্নী এসে উঁকি দিয়েছিলেন। বললেন, বলি ব্যাপার কী? বুড়ো যে আমার বাড়ির মাটি নিল!

আর বোল না।—দয়াজ গলায় বলে উঠি, পাগল করে ছাড়লেন। উঃ, মিথ্যে কথা কয়ে কয়ে জেরবার হয়ে গেলাম। ওঁর জীবনী তো ওই আমার আলমারির মাথায় পড়ে কাঁদছে। উনি এখন স্মৃটিংয়ের স্বপ্ন দেখছেন! উঃ, মাহুস যে কী করে এত বোকা হয়!

কথাটা শেষ করেছিলাম কি সম্পূর্ণ শেষ করি নি, মনে নেই। শুধু মনে আছে হঠাৎ ভূত দেখার মত চমকে উঠে দেখেছিলাম দরজায় দাঁড়িয়ে জগমামা।

জগমামা চলে যাবার পরে ঘরের কোণে যে তাঁর ছাতাটা দাঁড় করানো ছিল তা দেখি নি।

সর্পাহতের মত তাকিয়ে থাকলাম।

নাঃ, সেই অবধি আর আসেন নি জগমামা। কিন্তু সে-চোখ আর আজ পর্বত ভুলতে পারলাম না। তাকেই কি আলঙ্কারিক ভাষায় “শরাহত হরিণের দৃষ্টি” বলে? সেই চোখের কোল দিয়ে গড়িয়ে পড়েছিল দু ফোঁটা জল, আড়ষ্ট হয়ে দেখেছিলাম তাকিয়ে তাকিয়ে।

ছাতাটা তুলে নিয়ে জগমামা ঘরের মাঝখানে একবার দাঁড়ালেন। যেন শূন্যকে উদ্দেশ্য করে রুদ্ধকণ্ঠে বললেন, ভালই করলে ভগবান। দুনিয়াটাকে চেনবার যেটুকু বাকী ছিল সম্পূর্ণ হল।

সেই থেকে সাবধান হবার চেষ্টা করেছি। কিন্তু মজাগত অভ্যাস কতটুকুই বা যায়? অহরহই আমরা কত অসতর্ক মন্তব্য করি,—কে হিসেব রাখে সে মন্তব্য কোথায় গিয়ে পৌঁছয়! হয়তো জগমামীও সত্যিই পিশাচী নয়, হয়তো শুধুই অসতর্ক। কিন্তু সে কথা কে বোঝাবে জগমামাকে!

## ॥ অগ্নিদহন ॥

চুলের আভা দেখেছেন? চুলের আভা? ঘনকৃষ্ণ কেশদামের নয়, স্বল্পাবশিষ্ট চারটি পাকাচুলের?

দেখেন নি?

তার মানে চন্দ্র ঠাকরনকে দেখেন নি। চন্দ্র ঠাকরনের পাকা চুল ঘেন সাদা রেশমের গোছা। তাতে অবিকল রেশমের মসৃণতা আর রেশমের উজ্জ্বল আভা। কিন্তু শুধুই তো চুল নয়? রঙ? গড়ন? মুখ?

এখনও—এই তেঘটি বছর বয়সেও হৃদে-গরদের শাড়ির সঙ্গে পিঠের রঙ এক, পিঠ আর পাজরের খাঁজে খাঁজে মাখনের তুলতুলুনি।

আর মুখ?

শুনতে পাই চন্দ্র ঠাকরনের ‘ঠাকরন’ উপাধি লাভের কারণই নাকি মুখ। ঠাকরনের মত মুখ। দশের মুখে মুখে ফিরে চন্দ্র ভট্টাচার্য ‘ঠাকরন-মুখী’ জীবী নামকরণ হয়ে গিয়েছিল ‘চন্দ্র ঠাকরন’। নইলে নিজের নাম তো ওঁর তিলোত্তমা। সার্থকনামা সন্দেহ নেই।

আমরা কত সময় আড়ালে বলাবলি করি, বয়সকালে কী ছিলেন চন্দ্র ঠানদি! আর কী কাণ্ডই না করতেন কে জানে! করতেন মানে কি আর স্বৈচ্ছায় করতেন? অজ্ঞাতসারে। নির্ধাত উনি অসংখ্য ব্যক্তির মাথা ঘুরিয়েছেন আর চোখ টারা করে দিয়েছেন।

হ্যাঁ, নিশ্চয়ই। এই তেঘটি বছরেও বোঝা যায় বয়সকালে পরমাত্মন্দরী ছিলেন চন্দ্র ঠাকরন। এ-যুগে ‘পরমাত্মন্দরী’ কথাটা উঠে গেছে। তার কারণ সে সৌন্দর্যও লুপ্ত হয়ে গেছে। আজকাল আর পরমাত্মন্দরী চোখে পড়ে না। চোখে যা পড়ে, সে হচ্ছে পরম রূপসী। কিন্তু সে রূপে মুগ্ধ হতে বিধা হয়, সন্দেহ আগে হঠাৎ এক পসলা বৃষ্টিতে ভিজে গেলে এ রূপের কতটুকু থাকবে!

হয়তো উদ্বোধনক্ৰিষ্ট ধনুকের মত ঝিকানো ওই তুচ্ছ জোড়াটি কোথায় উড়ে যাবে, তার জায়গায় পড়ে থাকবে আলুসিদ্ধর মত তেলাগোলা একটু

উচু আল। হয়তো টসটসে আঙুরের মত রসালো আর রক্তপোলাপের মত রঙালো ওই ওঠাধর যুগল—কিন্তু থাক একালের কথা। সেকালে সত্যিকার সুন্দরী ছিল। এখনও এক-আধটি পাকা আমের মত টুকটুকে বুড়ীর মধ্যে তার প্রমাণ রক্ষিত আছে। তাদের দস্তবিহীন মুখের দরজার আলতা-গোলা পাতলা কপাট দুটি, অথবা বলীরেখাক্ত কপালের নীচে তিলফুলের মত নাসিকাটি অতীত ঐশ্বর্ষের সাক্ষ্য বহন করছে। যেমন করছে চন্দর ঠাকরনের।

কিন্তু দোহাই আপনার, সামনে থেকে দেখবেন না চন্দর ঠাকরনকে। ডান পাশে থেকেও না। শুধু বাঁ পাশ থেকে দেখবেন। বাঁ পাশের পাশ-মুখ। যখন চন্দর ঠাকরন স্থির হয়ে বসে মালা জপ করছেন, কি নিবিষ্ট হয়ে চালের কাঁকর বাছছেন, নয়তো বা উঠানের ধার থেকে ছুঁষা তুলছেন খুঁটে খুঁটে। আর যেই তিনি মুখ ফেরাবেন সঙ্গে সঙ্গে বন্ধ করে ফেলবেন আপনার চোখের পাতা দুটি। কারণ ডান দিকে বিভীষিকা, ডান দিক ভয়ঙ্কর।

চন্দর ঠাকরনের ডান গালের সমস্তটা জুড়ে বীভৎস এক পোড়ার দাগ। কালো-কালো জড়ো-জড়ো-হয়ে-বাওয়া পেশী, চোখটা কুঁচকে গিয়ে আধবোজা হয়ে থেমে আছে, কানটা এক টুকরো বিকৃত মাংসখণ্ড।

ডান চোখ দিয়ে দেখতে পান না চন্দর ঠাকরন, শুনতে পান না ডান কানে। যখন হাসেন, সামনে থেকে দেখলে বিতৃষ্ণায় শিউরে উঠতে হয়। তিলফুলের মত নাকের খাড়া দেয়ালের এ-পাশে কে যেন খানিকটা পাক আর কান্না লেপে দিয়ে গেছে। ও-পাশে পদ্ম, এ-পাশে পাক।

কিন্তু আশ্চর্য, চুলগুলো থেকে গেছে অবিকৃত। শুধু কালো রেশম থেকে সাদা রেশম। আচ্ছা, সেও এক আশ্চর্য নয় কি? কালের হাওয়ায় কালো রেশমের গোছা বিবর্ণ হতে হতে ধূসর, আর ধূসর থেকে সাদা হয়ে গেল; কিন্তু অবিকল কালো থেকে গেল ক্ষতচিহ্নের কদর্ঘ কালিমা! সে আর কিকে মারল না?

মোক্‌ম পোড়া পুড়েছিলুম—চন্দর ঠানদীর নিজের মুখের বর্ণনা—তিন মাস লেগেছিল ঘা শুকতে। কত ওষুধ, কত কাণ্ড! কী করে পুড়লাম তাই বলহিস? ঘরে আশুন লেগে। ডগবান জানেন কেমন করে আশুন

লাগল। দিন দুপুর, তোদের অমুক ঠাকুরদা বাড়ি নেই, আমি একা, হঠাৎ দেখি ঘরের জানলা দিয়ে ধোঁয়া বেরুচ্ছে। আর সেই ঘরে আমার যথাসর্বস্ব।...হিতাহিতজ্ঞানশূন্য হয়ে ধোঁয়ার ভেতর ঝাঁপিয়ে পড়লাম। কিন্তু ঢুকলে কী হবে? উদ্ধার করতে পারি নি কিছু। শুধু পুড়েই মলাম। তা সত্যি তো আর মরণ নেই, বাট বছর বয়স পার হয়ে গেল, মুখপুড়ী হয়ে বসে আছি। তিন মাস পরে যখন ঘা শুকাল, একখানা আয়না চেয়ে নিয়ে মুখের কী হাল হয়েছে দেখতে গেলাম। দেখে—সে স্তন্যে তোরা হাসবি, ভাববি, বুড়ীর চঙ দেখো! তা তখন তো আর বুড়ী ছিলাম না ভাই। বত্রিশ-তেত্রিশ বয়েস হয়েছিল, লোকে বলত—আঠার বছরের ছুঁড়ী বলে ভ্রম হয়। ই্যা, কী বলছিলাম—আয়নাতে মুখ দেখেই চিংকার করে কঁদে উঠে আয়না আছড়ে ছুঁড়ে ফেলে এমন জ্ঞানশূন্য হয়ে পড়েছিলাম, পুরো একটা বেলা নাকি জ্ঞান ফেরে নি। সেই অবধি আয়নায় মুখ আর দেখি নি।

বল কী ঠানদি?

সত্যি কথাই বলছি ভাই। আর কখনও আয়নায় মুখ দেখি নি, আর কপালে টিপ পরি নি, আর বাহার করে খোঁপা বাঁধি নি।

দুঃখে ঝিকারে এমন হওয়া আশ্চর্য নয়, চূপ করেই থাকি।

চন্দ্র ঠানদি বোধ করি অতীতের সমুদ্রে অবগাহন করছিলেন, খানিকটা চূপ করে থেকে আত্মগতভাবেই বলেন, আর কার জন্তেই বা করব? তোদের ঠাকুরদা তো আর সেই অবধি মুখপানে চেয়ে দেখেন নি।

তেষটি বছরের পুরানো দুর্বল কয়েকখানা পাজর থেকে একটা দীর্ঘশ্বাস ওঠে।

—এই পুরুষের ভালোবাসা; যে মানুষ বুকে রেখে স্বস্তি পেত না, মাথায় তুলে রাখতে চাইত, রূপ গেল বলে তার এই ব্যাভার। পেটে তো একটা ছেলেপুলে হয় নি, শূন্যপ্রাণ খাঁ-খাঁ করত। তাই একখানি গোপাল পিতিঠে করেছিলাম। চব্বিশ ঘণ্টা তাকেই নাওয়াতাম, খাওয়াতাম, ঘুম পাড়াতাম, মুখমোছাতাম, সেই দেখে—তোদের ঠাকুরদার, বলব কী দেখার কথা, কী হিংসে! গোপালের সঙ্গে যেন সত্য-সত্যীনের ভাব। হিংসের অলে পুড়ে মরত। ওর বাসনা যে চব্বিশ ঘণ্টা ওর সঙ্গে মুখোমুখি বসে থাকি। শোন্ দিকি লজ্জার কথা! বাড়িতে না হয় শাড়ী ননদ আ-আউলী নেই,

তাই বলে জোড়ের পাখার মতন দুজনে শুধু বকবক করব ? না হয় বাপের পরশা ছিল, না হয় বসে খেলে চলত, তাই বলে পুরুষ বেটাছেলে চক্ষিণ ঘণ্টা বোয়ের আঁচল ধরে বসে থাকবে ? আমাকে রাঁধতে দেবে না, কাজ করতে দেবে না, খালি বলবে—তুমি নীলাম্বরী শাড়ি পরে, খোঁপায় বেলফুলের মালা জড়িয়ে, পায়ে আলতা আর কপালে টিপ পরে আমার সামনে বসে থাক, আমি নয়ন ভরে শুধু দেখি। হাসছিল ? তা হাসতে পারিস, আমি কিন্তু শুনে রেগে মরে যেতাম, বলতাম, খবর ঠাকুরের অন্তায়ই হয়েছিল সাত-খানা গাঁটুড়ে ছেলের জন্তে স্ত্রীরী বউ খুঁজে আনা। একটা কালপেঁচী বউ হলে তবে তুমি মনিষ্মির দরে থাকতে। তা সে শাপ ফলল। কালপেঁচীই হলাম।

মরতে মলে আমি তো ঠানদির ডান দিকে বসি না। বাঁ পাশের মুখের দিকে তাকিয়ে তাকিয়ে ভাবলাম, তাই কি ? ঠানদি যেন কোন স্তূর লোক থেকে বলেই চলেন—ছিটিছাড়া ঝোঁক ছিল আমার ওপর, নইলে শুনেছিল কখনও কেউ পাথরের পুতুলকে হিংসে করে ? তা সে কপাল যখন পুড়ল—সবই পুড়ল, আমার গোপালও রইলেন না। সেদিন থেকে ভাগ্যের ঘরে শনির দিটি পড়েছিল আর কি ! ঘর পুড়ল, গোপাল গেলেন, সোয়ামীর ভালবাসা হারালাম। তবু তো মরণও নেই। পৃথিবীর অন্ন ধংসান্ধি আর বসে আছি।

ঈষৎ বিস্মিত হয়ে বলি, গোপাল আবার কোথায় গেলেন গো ঠানদি ? পাথরের গোপালের পা গজাল নাকি ?

ভাবি, বোধ করি সোনার চূড়ো-বাঁশীর কল্যাণে চুরি গেছে।

চন্দর ঠানদি শিথিলভাবে বলেন, তা কেন, ঘরস্বজু পুড়ে গেলেন। পাশাপাশি দুখানা কোঠা—একখানা শোবার, একখানা ঠাকুরের। দুখানা কোঠাই তো ভস্মীভূত হয়ে গেল।

শিউরে উঠি মনে মনে। বিগ্রহ ভস্মীভূত ? উঃ, কী সাক্ষাতিক !

কিন্তু আগুনটা লাগল কী করে ?—প্রশ্ন করে বসি।

পোড়ারমুখী চন্দর ঠানদিকে দেখে আসছি বরাবর, পোড়ার ইতিহাসটা ঠিক আনতাম না।

সেই জো রহস্য !—চন্দর ঠানদি ধীরে ধীরে মাথা নেড়ে বলেন, বললাম তো ঝিলে-ছুপুরে। গায়ে আমাদের একটিও শত্রু ছিল না। আমাদের দুটি

প্রাণীকে সবাই ভালবাসত। ডগবানের মার আর কি! হ্যা, কী বেন বলছিলাম? ধোঁয়ার মধ্যে ঢুকে পড়লাম, ভাই না? কিন্তু লাভ হল না কিছু, সেকেলে সিন্দূকের ভারী ডালা টেনে তুলতেই পারি নে। তবে নাকি বলে—প্রাণের দায়ে মশার গায়ে হাতীর বল আসে, তাই শেষ অবধি তুলে ফেলেছিলাম। কিন্তু ধোঁয়ায় আর ভয়ে চোখে যেন ধাঁধা দেখলাম, মনে হল সিন্দুক বুঝি হাঁ-হাঁ করছে খালি। তা তো নয়, ওতেই তো আমার যথাসর্বস্ব ছিল। বিয়েতে বাবা দু-দুখানা বেনারসী শাড়ি দিয়েছিল, গা-ভর্তি গয়না, ইদিকে শশুর মটুক স্টের গয়না পরিয়ে বউ নিয়ে এসেছিল, শাড়ী মুখে দেখেছিল মুক্তোর সাতনর দিয়ে, তা ছাড়া—শাল, রূপার, পার্শী শাড়ি সব ছিল গুর মধ্যে। চোখের ধাঁধা আর কি! চোখেও ধোঁয়া দেখলাম, সঙ্গে সঙ্গে এধারের একখানা জানলার কপাট হঠাৎ ‘লাউ লাউ’ করে জলে উঠে যেন আমারই দিকে তেড়ে এল। বুদ্ধিব্রংশ অবস্থা! এদিকের দরজা দিয়ে যে ছুটে পালিয়ে আসব, সে বুদ্ধি জোগাল না, ভয়ে আঁতকে মাথা ঘুরে পড়ে গেলাম।

তাই বলি, আমার গোপালের মতন একেবারে পুড়েও তো মলাম না। সেই মুহূর্তে কর্তার কী করতে বাড়ি ফেরবার দরকার পড়েছিল, এসেই নাকি আমাকে বের করে ফেলেছিল। পাড়ার পাঁচজনে ছোটোছুটি করে আগুনও নিবিয়েছে ততক্ষণে।

জান হয়ে দেখি, দালানের চৌকিতে শুয়ে আছি, মুখে-মাথায় কেউ বাধা, একটা চোখ তো ঘুচে গেছেল, আর-একটা চোখ ঘুরিয়ে ঘুরিয়ে চারদিক দেখলাম, দেখলাম মুখের কাছে জ্ঞাতি ননদ বসে, তোর ঠাকুরদার ছায়া মাস্তুর নেই।

মুখও পুড়ল, অদেটেও পুড়ল। সেই অবধি আর কখনও ছেঁদা করে আমার মুখপানে চেয়েও দেখেন নি। তাই তো বলি পুরুষের ভালবাসার পোড়াকপাল!

সংবাদ নতুন নয়।

এ ইতিহাস আমাদের সকলের জানা। জানাবধিই চন্দ্র ঠানদির এই দুর্ভাগ্যের বিবরণ শুনে আসছি এবং পুরুষের ভালবাসার অসারতা সবসঙ্গে একটি জলন্ত দৃষ্টান্তস্বরূপ হয়ে আছেন চন্দ্র ভট্টাচার্য।

কত লোকের খামী বসন্ত হয়ে কদাকার কুংসিত দৃষ্টিহীন হয়ে যায় এবং সতীশাক্ষী স্ত্রী কী ভাবে তাকে প্রাণ ঢেলে ভালবাসে, সে উদাহরণও স্তন্যভেদ পাওয়া যায় চন্দ্র ভট্টাচার্য্যর প্রসঙ্গে।

ভট্টাচার্য্য কিন্তু নির্বিকার।

ভোরে উঠে খড়ম খটখটিয়ে গঙ্গামানে যান, ফুল তোলেন, সাজি হাতে করে চলে যান ‘সিংহবাহিনী’র মন্দিরে। সেখানে তিন ঘণ্টা পূজা। অতঃপর পাড়া-ভ্রমণ। মধ্যাহ্নে দেবীর প্রসাদভক্ষণ, অবশেষে বাড়ি ফিরে অধ্যয়ন। এই হচ্ছে চন্দ্র ভট্টাচার্য্যর দিনলিপি।

দেখে-শুনে অভ্যাস হয়ে গেছে সকলের, বহুকাল থেকেই তো হয়েছে, তবু এখনও তাঁর কথা উঠলেই আমাদের মা-পিসিমা ঘুণায় নাসিকা কুঞ্চিত করে বলেন—ধম্ম, না, হাতি! ভিট্কেলমি! ধম্মজ্ঞান থাকলে আর কেউ বিয়ে-করা পরিবারকে রূপ নষ্ট হয়ে গেছে বলে ত্যাগ দিয়ে রাখে না। ভগু বিটেল। আর ওই পরিবারের যখন রূপ ছিল? তখন আবার এমন আদিখ্যেতা ছিল যে, দেখে গায়ে ধুলো দিতে ইচ্ছে করত। পুরুষের ভাল-বাসা মোছলমানের মুরগি পোষা।

আটঘটি বছর বয়স হয়েছে চন্দ্র ভট্টাচার্য্যর, তবু এখনও তাঁর ভালবাসার ঞ্জটি নিয়ে ধিকার দিচ্ছে লোকে। হৃদয়হীনতা জিনিসটা যে বরদাস্ত করা যায় না এই তার প্রমাণ।

কিন্তু সত্যিই কি হৃদয়হীন ছিলেন চন্দ্র ঠাকুরদা?

হৃদয়হীন? না, অতিরিক্ত ভাবপ্রবণ?

‘ছিলেন’ বলছি বলে চমকালেন বুঝি? তা চমকাতে পারেন। জলজ্যান্ত সোজা সতেজ লোকটা ফুল তুলতে তুলতে শরীর কেমন করছে বলে এসে শুলো আর মরে গেল, এটা বিশ্বাস করা শক্ত। তবু গেলেন। এইভাবেই গেলেন চন্দ্র ভট্টাচার্য্য। মরণকালে চন্দ্র ঠাকুরন এতদিনের অবজ্ঞার অপমান ভুলে কাছে এসে কঁদে পড়লেন। চন্দ্র ঠাকুরদা নিম্পলক নেত্র খানিকক্ষণ থাকিয়ে থাকলেন সেই অর্ধদণ্ড মুখের দিকে, তারপর আশীর্বাদের ভঙ্গিতে হাতটা একবার তুললেন। ধপাস করে পড়ে গেল হাতটা।

মনে হল, কী যেন একটা বলবার জন্তে আকুলি-কিকুলি করছেন। সবাই মিলে হমড়ে পড়ল মৃতকর লোকটার বুকের উপর মুখের উপর। ‘শেষকথা’ শোনবার কোঁতুহলে কম যায় না কেউ।

কিন্তু কথা কই ? অশ্রুট একটা শব্দমাত্র। বাস ! হয়ে গেল। দু'পক্ষ  
দূরে পড়ে রইল পিতলের ফুলের সাজিটা, দরজার কাছে পড়ে রইল সস্ত-  
পরিত্যক্ত খড়ম জোড়াটা, চন্দর ভট্টাচার্য্য বিদায় নিলেন পৃথিবী  
থেকে।

আর সহসা অনেককে পরাজিত করে রাখাল বিশ্বাস বিজয়ীর ভক্তিতে  
বলে উঠলেন, আমি শুনেছি। পষ্ট শুনেছি। বললেন—বাগানে সিঁহুরে  
আমগাছতলায়—

‘তাই নাকি, ঈশা!’ ‘কিছু পোতা আছে বুঝি?’ ‘বুঝি আবার কী ?  
নিশ্চয়ই।’

উচ্চকিত হয়ে উঠল সবাই। সস্ত-মৃতের প্রতি কর্তব্যাপালনের থেকেও  
হুঁয়ার হয়ে উঠল গুপ্তসন্ধানের কৌতুহল। উপস্থিত ব্যক্তিদের মুখ দেখে  
মনে হল—শবদাহ প্রস্তাব মূলতুবি রেখে এক-একখানা কোদাল নিয়ে লেগে  
পড়েন ওঁরা।

আর বলে কেলেই পরক্ষণে রাখাল বিশ্বাস মনে মনে মাথার চুল ছিঁড়তে  
থাকেন। হায় ! হায় ! এ কী বোকামি করলেন তিনি ! গুপ্তধনের সন্ধানটি  
গুপ্ত রেখে কিছুদিন পরে চুপিচাপি দেখে নিলেই হত জায়গাটা। দেখা  
যেত কী ঘোড়ার ডিম আছে তাতে !

মৃতের শেষকথা শুনে পাওয়ার গৌরবে বুদ্ধিবুদ্ধি লোপ পেয়ে গেল,  
বলে বললেন সবাইকে ! ছি-ছি-ছি !

কিন্তু আপসোস বুধা ! হাতের ঢিল ছোঁড়া হয়ে গেছে।

চন্দর ঠানদির একটা গঁজেল ভাইপো ছিল কোথায় যেন, সে ঠিক সময়ে  
এসে পড়ে গম্ভীরভাবে বলল, মড়াটা পুড়িয়ে আনুন আপনারা। আমি এই  
গাছ গাঁহার দিচ্ছি। গিসি আমার চিরটাকাল বঞ্চিত হয়ে থেকেছে,  
এখনও কী আপনারদের পাঁচজনের দয়ায় ফাঁকে পড়বে ?

তার পর ?

তার পর যা হল সেটা গল্পকথা হলে মুচকি হেসে হেসে বলতাম—হবেই  
তো, গল্পের কী গাছে ওঠে যে ! কিন্তু এটা সত্যি। অবিবাক্ত হলেও সত্যি।  
আমগাছের ওড়া খুঁড়ে বেরোল একটা মজবুত স্টীল ট্রাক। তা থেকে  
বেরল চন্দর বাকরনের বাবার দেওয়া দু-দুখানা বেনারসী শাড়ি, বেরল



পাশী শাড়ি আর কাশ্মীরী শাল, বেরোল বাপের বাড়ির গা-সাজানো গয়না  
আর খণ্ডের দেওয়া মটুক মুক্তোর সাতলহর।

সন্ধ্যা-বিধবা চন্দর ঠাকরন বিশ্ববিস্ফারিত নেজে তাকিয়ে রইলেন সেদিকে,  
টুঁ শব্দ বেরল না মুখ দিয়ে। মনে হল চন্দর ভট্টাচার্য্যর মত উনিও না নিখর  
হয়ে যান! কিন্তু না, নিখর হন নি, বী চোখটা ক্রমশ বিস্ফারিত হতে হতে  
আর ডান চোখটা ক্রমশ কুঁচকে ছোট হয়ে যেতে যেতে হঠাৎ এক সময়  
হাহাকার করে চিৎকার করে উঠলেন চন্দর ঠানদি।

কী এই রহস্য? কে জানে! তবে পুরনো একটা রহস্য ভেদ হয়েছে।

তিরিশ বছর পরে প্রমাণিত হল, নিজেই নিজের ঘরে আগুন লাগিয়ে-  
ছিলেন চন্দ্র ভট্টাচার্য্য।

কিন্তু কেন?

কেন, তাও জানলাম। এইমাত্র জানলাম চন্দর ভট্টাচার্য্যর রোজ-নামচার  
খাতা পড়ে। ধেরো-বাঁধানো দড়ি-বাঁধা খাতা। তাতেই আপন বক্তব্য ব্যক্ত  
করে গেছেন চন্দর ভট্টাচার্য্য।

ধারাবাহিক কিছু নয়, জায়গায় জায়গায় অসংলগ্ন লেখা।

...

...

...

গোপাল! গোপাল! গোপাল! আমার শনি! আমার সব কিছু  
ধ্বংস করেছে একটা পাথরের টিপি! ও আমার শক্র, ও আমার রাহ।

...

...

...

তোমার কী হল!

তুমি কেন এমন হয়ে গেলে? ক্রমেই যে আমার নাগালের বাইরে চলে  
যাচ্ছে? মাহুঘের ভালবাসায় আর দয়াকর থাকছে না তোমার? শুধু পাথরের  
ঠাকুরকে ভালবেসেই তোমার সব বাসনা মিটে যাচ্ছে!

...

...

...

রক্তমাংসের মানবী থেকে, তুমিও কি পাথরের দেবী হয়ে যাবে!

...

...

...

তোমাকে দেখলে যে আমার ভয় করে, আমার লজ্জা হয় আর সমীহ  
হয়! দেবতার কাছ থেকে তোমাকে কী করে ছিনিয়ে আনব আমি?

...

...

...

না না, আবার সইবে না। কিছুতেই সইবে না। তোমাকে হারাত্তে পারব না আমি। তোমাকে আমি কিরিয়ে আনব, আবার পরাব তোমায় নীলাধরী শাড়ি, পরাব বেলফুলের গোড়মালা, দেবী থেকে মানবী।

গোপাল! গোপাল! গোপালকে সরাতে হবে। ওকে না সরিয়ে আমার শান্তি নেই। চুরি করে জলে ফেলে দেব? কিন্তু কখন? তুমি যে সব সময় আগলে আছ! আমার কথার উত্তরে সেদিন স্পষ্ট বললে, গোপালই তোমার ধ্যানজ্ঞান। গোপাল তোমার সত্যিকার ছেলের বাড়া। চুরি করতে গেলে যদি ধরা পড়ি? তা হলে কি তুমি জীবনে আর আমার মুখ দেখবে?

নাঃ! চুরি করা যাবে না, অগ্র কিছ—অগ্র কিছ।

...

...

...

সর্বনাশ!

এ কী!

এ কী হল?

এ কী করলাম আমি? কী সর্বনাশা বৃদ্ধি হয়েছিল আমার!

হু ভগবান, আমি কি পাগল হয়ে গিয়েছিলাম? বিগ্রহমূর্তি ধ্বংস করলাম আমি? হিতাহিতজ্ঞানশূন্য হয়ে নিজের ঘরে আগুন লাগালাম?

কিন্তু তাতে কী লাভ হল ঠাকুর? আমার প্রাণের ঘরও যে পুড়ে গেল! প্রাণের সেই ঘরে যে দেবীমূর্তি প্রতিষ্ঠিত ছিল, সে মূর্তি যে পুড়ে ঝলসে গেল! এই সৌন্দর্যহীন মূর্তি নিয়ে কী করব আমি?

রূপ?

হ্যাঁ, রূপ ভালবাসি বইকি।

কিন্তু শুধু রূপে কী আছে? রূপের সঙ্গে চাই মহিমা।

ফুলের সঙ্গে যেমন গন্ধ।...

আবোলতাবোল লেখা। হিজিবিজি অস্পষ্ট। চন্দ্রর ভট্টাচার্য যে এত ভাবুক ছিল, একথা কে কবে জানত?

গ্রামহু লোক আমার ছি-ছি করছে।

করবেই তো। ছি-ছির কাজ করলে করবে না? দুর্ভাগ্যের আচোট

লেগে ক্লরূপ হয়ে গেছে বলে যে লোক বিয়ে-করা বউকে ত্যাগ দিয়ে রেখে দেয়, তাকে কে ভক্তি করবে ?

কিন্তু সেই জন্তেই কি আমি...?

তুচ্ছ রূপ। সবটাই যদি ঝলসে যেত তোমার, কী লোকসান ছিল ? যদি—যদি—আমার মনের মন্দিরে তোমার মূর্তি থাকত তাজা ? গোপালকে পুড়িয়ে মারতে গিয়ে তোমার সেই মূর্তি যে পুড়িয়ে ফেললাম আমি !

গোপাল তোমার ধ্যানজ্ঞান, গোপাল তোমার প্রাণের পুতুল, গোপাল পেটের ছেলের বাড়া। গোপালের টানে আমার প্রাণভরা ভালবাসাও তুচ্ছ হয়েছিল তোমার কাছে। হ্যাঁ, সেই জন্তেই তুমি বুঝিয়ে রেখেছিলে আমায়।

গোপালকে হিংসে করেছি, কিন্তু তোমার ওই মহিমময়ী মূর্তিকে পুজো করে এসেছি এতদিন।

কিন্তু এ কী করলে তুমি ?

আগুন দেখে আতকে উদ্ভ্রান্ত তুমি, গোপালের ঘরের দিকে দৃকপাত না করে ছুটে গিয়ে আগুনে ঝাঁপ দিলে তোমার গহনার বাস্ন রক্ষা করতে !

ছি ছি ছি !.....

ধূয়ে গেল প্রতিমার গায়ের হর্ভেল আর ঘামতেলের রঙ। ধূয়ে গেল মাটির ছাউনি। পষ্ট হয়ে উঠেছে খড় আর বাঁশ। এ নিয়ে আমি কী করব !

...

...

...

কিন্তু এ কথা তো তোমায় বলতে পারব না।

নিজের এই খড়-বাঁশের কঙ্কাল দেখে তুমি শিউরে উঠবে, মরমে মরে যাবে। তার থেকে আমায় তুল বোঝ। আমায় স্থগা কর।

আর কিছু লেখা ছিল কি না জানি না।

শেষের পাতাগুলো আরশোলায় খেয়ে দিয়েছে।

পড়ার শেষে আর-কিছু ভাবছি না, শুধু ভাবছি, সেই খড়ম আর মটকার-খান-পরা লোকটাও একদিন যুবক ছিল, ছিল এমন অভূত রকমের ভাবুক। দীর্ঘ তিরিশ বছর ধরে অবিরাম শুধু লোকনিন্দা আর ছিছিকার শুনে গেছে, কোনদিন আত্মপক্ষ সমর্থনের চেষ্টা করে নি।

আর চন্দর ঠাকরন ?

ত্রিংশ বছর ধরে শুধু পতিনিশ্চাই করে এসেছেন চন্দর ঠাকরন।  
আমার অন্তমনস্ক দৃষ্টির সামনে চন্দর ঠাকরনের চুলের আভা আর সমস্ত  
রূপের আভা ম্লান হতে হতে কুঁচকে কালো হয়ে যাচ্ছে তাঁর আগুন-পোড়া  
ডান গালের মত।

তাই তো বলছি, চন্দর ঠাকরনের কখনও অন্তমনস্ক দৃষ্টিতে আচমকা  
দেখে ফেলবেন না। দেখবেন তাঁর আত্মস্থ অবস্থায়, একটা পাশ থেকে—  
যে দিকটা তাজা, যে দিকটা লাবণ্যমণ্ডিত।

## ॥ অন্ত ॥

চোখ পড়েছিল অনেকক্ষণ আগে, কিন্তু প্রথমটা তেমন গ্রাহ করেন নি অহুপমা। ধারণাই করতে পারেন নি এমনটা হওয়া সম্ভব। তবু কিছুক্ষণ পরে নারীজাতিমূলভ কৌতূহলে তাকিয়ে দেখে নিলেন একবার। এবং দেখে যেন কেমন সন্দেহযুক্ত হলেন।

সন্দেহ করেও নিঃসন্দেহ হতে পারেন না। তাই কখনও হতে পারে ? দূর ! অহুপমা কি পাগল ?

কিন্তু আর কী হওয়া সম্ভব ? আশেপাশে অনেকগুলো বাড়ির ছাতের দিকে দেখলেন, আর কোন কারণ খুঁজে পেলেন না। বিশেষ কিছু কাজ ছিল না ছাতে, তবু অহুপমা তারে-গুছিয়ে-মেলে-দেওয়া কাপড়-জামাগুলোই আবার উল্টেপাল্টে দেওয়ার অভিনয় করে কিছুটা সময় ক্ষেপণ করলেন, তারপর বাকা দৃষ্টিতে আর-একবার টুক করে দেখে নিলেন। না, সন্দেহের আর-কিছুই নেই, ধারণার উপযুক্ত না হলেও বিশ্বাস করতেই হবে।

ওদিককার ওই তিনতলা বাড়ির ছাত থেকে যে চোখজোড়া অনেকক্ষণ ধরে এদিকে দৃষ্টিবাণ হানছে, তার টার্গেট হচ্ছেন অহুপমা। হ্যাঁ, অহুপমাই, আর-কেউ নয়।

কারণ আর-কোনও বাড়ির ছাতেই কোনও দ্রষ্টব্য বস্তুর চিহ্নমাত্র নেই।

অহুপমা তা হলে এখনও দ্রষ্টব্য বস্তু ?

আরও একবার চোখ না তুলে পারলেন না অহুপমা। এখনও দেখলেন সেই স্থিরনিবদ্ধ অগলক দৃষ্টি। যার লক্ষ্য হচ্ছেন অহুপমা।

বিরাল্লিশ বছরের অহুপমা।

হঠাৎ ভারি হাসি পেয়ে গেল অহুপমার।

বুঝলেন, আর-কিছু নয়, দূর থেকে হোঁড়া বয়স বুঝতে পারে নি। অহুপমাকে নির্ধাত একটি তরুণী সাব্যস্ত করে বসেছে।

মনে মনে একটু আত্মপ্রসাদের হাসি হাসলেন। তা সত্যি বলতে, দূরপাল্লার পথে অহুপমাকে তরুণী ভেবে বসে—এমন কিছু আশ্চর্যও নয়। বাহুল্যমেধভারবিহীন ছোটখাটো হাসিকা গঠনভঙ্গির গুণে বয়স ধরা পড়ে না অহুপমার।

নইলে অহুপমার বয়সী অধিকাংশ গিন্নীদেরই তো কী না গিন্নীবানী চেহারা! দেখলে হাসি পায়।

তবু এটাও হাসির কথা বইকি!

এই অহুপমার দিকে তাকিয়ে তাকিয়ে একটা লোকের চোখ কয়ে যায়!

ভাবলেন, নীচে নেমেই কর্তার কাছে এই মজার সংবাদটি পরিবেষণ করবেন, কিন্তু সে আর হয়ে উঠল না। সকালবেলা কাজের চাপে নিশ্বাস ফেলবার অবকাশ থাকে না, তো হাসি ঠাট্টা!

দুপুরবেলা কাজের চাকাটাকে যখন হাত থেকে নামালেন, তখন হাতে তুলে নিলেন লাইব্রেরির বইখানা। এটা অহুপমার আবাল্যের অভ্যাস। দুপুরে ঘুমের বালাই তাঁর কোনদিনই নেই, তবে দুপুরবেলা কাজ করতেও ভালবাসেন না কখনও। ওই যে সমস্ত মহিলারা দুপুরবেলার মনোরম অবসরটুকু সেলাই করে কি পশম বুনে, পাড়া বেড়িয়ে কি শৌখিন জলখাবার তৈরি করে বাজে খরচ করে মরেন, তাঁদের দেখলে গা জলে যায় অহুপমার। মাহুষ সারাদিন খাটেবে, এ অহুপমার হু'চকের বিষ। দুপুরবেলা খাওয়া-দাওয়ার শেষে একখানি উপশ্রাস হাতে করে চুল ছড়িয়ে শুয়ে পড়ার চাইতে স্নেহের আর কী আছে!

অবিশ্রি আজকালকার বইগুলো আর পড়ে তেমন স্নেহ নেই। ভাব ভাবা ভক্তি সবই যেন কেমন দুঃসাহসিক বেপরোয়া-বেপরোয়া। এ বয়সে আর ওসব মনে বসে না। তবু নেশা। চাই একখানা কিছু।

বইটা নিয়ে খাটে শুয়ে পড়বার আগে সামনের আলমারির আরশি-দেওয়া পাল্লাটায় নজর পড়ে গেল। একটু ঝাড়িয়ে পড়লেন। যুহু একটু হাসির রেখা মুখে ফুটে উঠল। সত্যি বটে, গড়নের ওপরই বয়সের ছাপ পড়ে, নইলে মাথা খুঁজলে পাকাচুল যে বেশ চারটি না পাওয়া যায় অহুপমার তা নয়, স্নেহের রেখাতেও লক্ষ্য করলে বয়সের পদচিহ্ন ধরা পড়ে। কিন্তু

এই যে হালকা ঝিরঝিরে শরীরটি নিয়ে খোলা চুল এলিয়ে করসা শাড়ি-  
রাউণ্ডটি পরে ঘুরে বেড়াচ্ছেন, এ দেখে দূর থেকে কমবয়সী বলে ভ্রম হওয়া  
কিছুই বিচিত্র নয়।

অনেকক্ষণ নিজেকে দেখে দেখে যুহু হেসে গুয়ে পড়লেন অহুপমা।

—হ্যা গো মা, ঠাকুর যে বসে রয়েছে, ভাঁড়ার দেওয়া কুটনো কোটা কখন  
হবে?—বলতে বলতে ঝি সুবাসিনী এসে থমকে দাঁড়াল। হেসে ফেলে  
বলল, ও হরি, এখনও চুল বাঁধা হয় নি? বসে বসে পাকাচুল তোলা হচ্ছে?

অহুপমাও হাসলেন। বললেন, তা নাতি-নাতনী যতক্ষণ না হচ্ছে,  
নিজেকেই তাদের কাজগুলো করতে হবে। ব্যক্তি, তুই ততক্ষণ হাত ধুয়ে  
দুটো আলু ছাড়াগে না।

নির্দিষ্ট কাজ সেরে এবেলাও ছাতে উঠতে হল।

রোজই হয়।

তবে সব দিন কি আর একদণ্ড দাঁড়বার অবসর থাকে? কাজ সেরেই  
ছুট দিতে হয়। আজ একটু দাঁড়ালেন।

বিকেলবেলা ছাত থেকে কাচা কাপড় তোলার ডিউটি অহুপমারই। এ  
বিষয়ে তাঁর বিশুদ্ধতাজ্ঞান খুব সজাগ। ঝি-চাকরকে তো ছুঁতে দেনই না,  
মেয়েদেরও না।

কাপড়চোপড় তোলবার আগেই চোখ পড়ল সেই তিনতলার ছাতে।  
ঠিক যে কৌতুহলপরবশ হয়ে নিজে থেকেই তাকালেন তাও না, এমনিই  
চোখ পড়ে গেল। মাহুঘের উপস্থিতি বোধ করি অনেকটা চুষকের মত।  
অজ্ঞাতসারেও টানে।

চোখ পড়ল।

চোখে পড়ল সেই সকালের দৃশ্য।

ঠিক তেমনি হাঁ করে তাকিয়ে আছে ছোড়াটা।

হাসি সংবরণ দুঃসহ হল অহুপমার, মুখ কিরিয়ে হেসে নিলেন। আহা  
যে বেচারী! যা ভাবছিল তুই, তা নয় রে নয়। সঙ্গে সঙ্গে মনে হল, ইরা  
ধীরা ছাতে না উঠলেই ভাল। এ ছোড়াটার রীতি-চরিত্তির তো দেখছি

স্বপ্নের নয়। আমি বুড়ো মাগী, তাকাক্কে মরুকগে। কিন্তু যেহে হুটোর দিকে চোখ পড়লেই হয়তো হাসবে-টাসবে। কিন্তু এতদিন তো কই দেখি নি! এল কোথা থেকে?

ভাবতে ভাবতেই ইরা উঠে এল ছাতে। প্রায় হাঁপাতে হাঁপাতে।

মা, শীগগির নাব, দিদি আর জামাইবাবু এসেছেন। বলছেন, আমাদের সিনেমা নিয়ে যাবেন, এখনুনি তৈরী হয়ে নিতে হবে।

অল্পম প্রথমেই তীক্ষ্ণ কটাক্ষে দেখে নিলেন ইরার দৃষ্টিটা কোন্ দিকে! না, সন্দেহজনক কিছু মনে হল না। অতঃপর তার কথার প্রতি মনঃসংযোগ করলেন। বলা বাহুল্য, সংবাদটা মনঃপুত হল না। এখনি ছিটি সংসার অল্পমার ঘাড়ে চাপিয়ে তিন বোনে মিলে নাচতে নাচতে সিনেমা দেখতে যাবেন, আর মা-বুড়ী মরুক। অথচ সোজাশুজি বারণও করা যায় না, নতুন জামাইয়ের প্রস্তাব। অপ্রসন্নভাবে বললেন, এই তো সেদিন সিনেমা দেখা হল। আবার কেন?

ইরা ঘাড় দুলিয়ে একটি আফ্রাদীমার্কী ভজি করে বলে ওঠে, আহা, সে তো কবে! এক মাস হতে চলল। এর মধ্যে কটা নতুন ছবি রিলিজ করেছে তার খবর রাখ? তোমার কাছে তো সবচেয়ে দরকারী খবর আলুর সের ক'পরসা উঠল নামল। চললাম। আমি কিন্তু আজ তোমার একটা শাড়ি পরব মা। ধনেখালির সাদা শাড়ি যে কী ভীষণ ভাল লাগে আমার! আচ্ছা, এস তুমি শীগগির—

দ্রুত পায়ে নেমে গেল ইরা। যেন অল্পমার সর্বাঙ্গে বিষ ছড়িয়ে দিয়ে। পেটের মেয়ে। হোক গে। বয়স বাড়লে সম্মানও প্রতিপক্ষের শামিল। বলতে নেই এই বা।

অলস দৃষ্টিতে তাকিয়ে ভাবতে লাগলেন—

হঁ, মা সাধ করে হিসেব রাখতে চায় আলুর সের ক'পরসা উঠল নামল! তোমাদের মত শুধু নেচে বেড়াতে গেলে কে হিসেব রাখতে যেত? এবাবৎ তোমাদের তিন বোনের হরেক বায়নাঝা মেটাতে মেটাতেই জীবন যে শেষ হয়ে গেল অল্পমার! নিজের বলতে যদি এতটুকু কিছু করবার জো আছে! নিজেকে পকাশখানা বাহারী শাড়ি, তবু মার সাদা শাড়িগুলো টেনে টেনে পরা চাই। কাজের মধ্যে শুধু সাজব শুভব, গল্পের বই পড়ব,



সিনেমা দেখব, আর বসে বসে আড্ডা দেব। এখন তো আবার জামাইবাবু হয়েছেন—সোনার সোহাগা!

তোরা তো মাকে ব্যঙ্গ করবিই!

তোদের মত জীবন কি জীবনেও পেয়েছেন অল্পপমা? তবু তোদের এত আফ্লাদেও এখনই রূপ ঝরে যাচ্ছে, চুল ঝরে যাচ্ছে। গুছি দিয়ে খোঁপা বেঁধে বড় খোঁপার সাথ মেটাচ্ছিস। আর অল্পপমার এখনও—

নিজের মাথার ঘেমন-তেমন-করে-জড়ানো তিন গুছির খোঁপাটার প্রায় অজ্ঞাতসারেই একবার হাত পড়ল। এত রাগের ওপরও অজান্তেই একটু হাসি ফুটে উঠল মুখে। লম্বা ছাঁদের ঘাড়ের ওপর এই খোঁপার তালটার জন্তেই বড়ো দেখাতে দেয় না অল্পপমাকে।

কিন্তু তবু বলতেই হবে ছোড়াটা আচ্ছা বেকুব! চোখ আর সরাজে না।

আহা রে, একবার যদি টের পেতিস, কী বুখা কষ্ট করে মরছি!।

বোধ করি কোতুকেরও একটা নেশা আছে।

অল্পপমাকেও এই কোতুকের নেশায় পেয়েছে দেখা যাচ্ছে।

শুধু তো নিছক কোতুকও নয়, এ যেন লোক-ঠকানো আমোদের মত।

খীরা ইরা বলে, মা, তোমার কী ব্যাপার বল তো? লুকিয়ে আচারের কারবার-টারবার খুলছ নাকি? সকাল বিকেল তোমাকে ঘে আর দেখতেই পাওয়া যায় না। ছাতে এতক্ষণ কী কর?

অল্পপমার বুকেটা হঠাৎ একটু কেঁপে ওঠে, প্রায় বয়সকালের মত।

তারপরই গভীরভাবে বলেন, জানিস না বুঝি? ঘুমোই। তোদের সংসারে তো ছুটি নেই, পালিয়ে গিয়ে প্রাণ বাঁচানো ছাড়া উপায় কী?

স্বাস হঠাৎ প্রকৃত কথা ফাঁস করে বলে। এক গাল হেসে বলে, মায়ের আজকাল বড়ো ধম্মে মতি হয়েছে গো। পুজোর ঘরের গীতা বইখানা নিয়ে গিয়ে ছাতে ওঠে। যাতে নিশ্চিন্ত হয়ে বসে পড়তে পায়।

কী সর্বনাশ! মা—! ইরা চোখ গোল করে হেসে ওঠে : বড়ো মাসীমার মত তুমিও কি গীতা-পড়া বুড়ী হয়ে যাবে এখনুনি?

তা হব নাই বা কেন?—অল্পপমা পরম ঔদাসীভ্যে বলেন, আমার কি আর বয়েস হচ্ছে না?

তা সত্যি !—স্বাস সায দেয় : মাঘের পেটে ছেলে হয় নি তাই, নইলে বড় দিদিমণি বেটাছেলেটি হলে এতদিনে ছেলের বউ ঘুরে বেড়াত যে।

অনুপমা উঠে যান।

যাওয়ার ভঙ্গিতে অন্ত ব্যস্ততা, যেন ভুলে কোথায় কী কাজ ফেলে ছড়িয়ে এসেছেন।

উঠে গিয়ে—বোধ করি ভুলে ভুলেই ঘরে গিয়ে সেই আলমারির আরশিটার পাল্লাটার দিকে তাকিয়ে দেখলেন। দেখে দেখে ভেবে পেলেন না, কোথাও কোনখানে কারও বাড়িতে অনুপমার মত চেহারার কোনও শাস্ত্রী দেখেছেন কি না! ছেলের বউ ঘুরে বেড়াচ্ছে এমন শাস্ত্রী!

ইরা বলে, আহা! কেন বাপু! ভাল কাজই তো। বরং মা একটু চোখের আড়ালে থাকলে আমাদের বকুনিটা কম খেতে হবে।

হেসে ওঠে ওরা।

আলনা থেকে শাড়িখানা নিয়ে দুবার চারবার উণ্টে-পাল্টে দেখছিলেন অনুপমা, কত শীগগির যে ময়লা হয়ে যায় শাড়িগুলো! হবেনা কেন! রান্নাঘরে বসে কুটনো কোটা, কুটি লুচি বেলে-দেওয়া, ভাঁড়ার ঝাড়া—সব-কিছুই তো অনুপমায় ঘাড়ে। থাকগে মরুকগে। আবার এখন কে ফরসা কাপড় বার করে! বেলা পড়ে আসছে, এখনই সন্ধ্যা হয়ে যাবে, এখনই গিয়ে রান্নাঘরে তাল দিতে যেতে হবে। আবার মনে হল, নাঃ, বড্ড যেন মলিন-মলিন। জামাই বেয়াই হঠাৎ কেউ এসে পড়তেও পারেন। আলমারি থেকে একখানা ফরসা শাড়ি বার করে পরে গীতাখানা হাতে করে ছাতে উঠে গেলেন অনুপমা। একেবারে ওদিকে পিঠ ফিরিয়ে সিঁড়ির দরজার দিকে মুখ করে বসলেন ছাতে-পড়ে-থাকা নড়বড়ে চৌকিটার ওপর—যেমন করে স্থল-পরীক্ষার আগে ওরা বই নিয়ে এসে বসে ইরা আর ধীরা, যেমন বসত মীরা কলেজের পড়া তৈরি করতে।

ঋজু দেহভঙ্গি, ঘাড়ের-ওপর-ভেঙে-পড়া খোঁপার তাল। এ আচ্ছা মজা! মনে মনে খালি হাসি পায় অনুপমার।

ব্যস্ত হয়ে স্বাস উঠে এল।

ও মা! ঠাকুর বলছে গরম মসলা পায় নি নাকি?

রাগে আপাদমস্তক জলে গেল অল্পমার।

তিক্ত স্বরে বললেন, গরম মসলার অভাবে বুঝি উঠুন কামাই যাচ্ছে  
ঠাকুরের ?

আহা, তা কেন ! ভালনা তো এখনও কড়ায় ফুটছে। বলছিল, তাই।

তাই তুমি উঠি তো পড়ি করে এই মস্ত দরকারী কথাটি বলতে এলে,  
কেমন ? উঃ, দু'দণ্ডের জন্তে যদি একটু শাস্তি আছে ! রোস যাচ্ছি, গিয়ে  
ঠাকুরকে একবার—

স্বাস অপ্রতিভভাবে বলে, না বাপু, ঠাকুর কিছু বলে নি, এমনি বলছিল—  
মা গরম মসলা দিয়ে যেতে ভুলে গেছেন। তাই আমি ভাবলাম, যাই বলেও  
আসি, ছাতে একটু বেড়িয়েও আসি। মা কিন্তু আজকাল বড় রাগী হয়ে  
গেছ বাপু।

অল্পমা দ্বিধা নরম স্বরে বলেন, না, হব না ! তোদের সংসারে সংসার  
করতে হলে মরা মানুষেরও মাথায় রক্ত চড়ে যায়, বুঝলি ?

স্বাস হেসে ফেলে।

হেসে বলে, মার বেশ কথা ! আঃ, কী মিষ্টি বাতাসটি বইছে ! যাই  
বল বাপু, তোমাদের ও কলের বাতাসের আশ্বাদ এমন নয়। এখানে এসে  
প্রাণটা যেন জুড়িয়ে গেল। বুঝেছি, তাতেই মায়ের এত ছাতে আসার ঘটনা !

যাক, ধরে ফেলেছিস তা হলে !—বলে হাতের গ্রন্থখানি কপালে ঠেকানোর  
মত করে মুড়ে উঠে দাঁড়ালেন অল্পমা। সিঁড়ির দিকে পা বাড়ালেন।

স্বাসও ঘুরে দাঁড়িয়ে চলে যাচ্ছিল। ফিরতে গিয়ে থমকে বলে উঠল,  
মা, ছাতে ওই ছেলেটাকে দেখেছ ?

ছেলেটা ?—অসম্ভব রকম চমকে উঠলেন অল্পমা। আকাশ থেকে পড়ে  
বললেন, কোথায় ? কাদের ছেলে ?

ওই যে গো, ওই সামনের বাড়ির ছাতে ঠায় দাঁড়িয়ে রয়েছে।

ঘাড় ফিরিয়ে দেখলেন অল্পমা।

যেন এই প্রথম দেখলেন। দেখে বিরক্তিতে তুক্র কুঁচকে বলে উঠলেন,  
আ গেল যা ! হাঁ করে তাকিয়ে থাকার রকম দেখ একবার ! ছিঃ ! তোর  
দিদিমণিরা যাই আসে না ছাতে !

স্বাস সঙ্গে সঙ্গে সক্রম মুখভঙ্গি করে মমতাবিগলিত কণ্ঠে বলে, আহা  
মা, ওয় কি আর দৃষ্টিশক্তি আছে গো ! ও যে অন্ধ ! কলেজের মাস্টার

ছিল। সেই কলেজের কাজে বুঝি আসিড না কী ছিটকে ছুটি চকুই গেছে।  
ও-বাড়ির গিন্নীর বুনপো। চিকিচ্ছে করাতে কলকাতায় এসেছে। ডাক্তারে  
নাকি বলেছে সকাল-সন্ধ্যা নরম রোদ্‌দুরের সময় চোখে আলো লাগাতে।  
তাই ওরা ছাতে এনে দাঁড় করিয়ে দিয়ে যায়। আহা, দৃষ্টিশক্তি যুচলে আর  
রইল কী মানবের! কী বলো মা!

দৃষ্টিশক্তিহীন!

কেন কে জানে, হঠাৎ প্রচণ্ড একটা অপমানের মত অহুভূতিতে চোখে  
জল এসে গেল অহুপমার। মনে হল, নির্বোধ পেয়ে কে যেন অনেকদিন ধরে  
ঠকিয়ে আসছিল অহুপমাকে, সুবাস ধরে দিয়েছে সেই প্রতারণা!

চোখ ফেটে এলেও তো ফাটতে দেওয়া যায় না। বড় জোর ফাটানো  
চলে গলা। তাই গলা ফাটিয়ে ধমকে ওঠেন অহুপমা, নে নে, চল। জগন্নের  
যত খবরই কী তোর কাছে আসে! রোদ লাগিয়ে নাকি আবার চোখ ভাল  
হয়! সাতজন্মে শুনি নি এমন হুটিছাড়া চিকিচ্ছে।

## ॥ মফস্বল-বাতী ॥

রাত্তিরে শুতে এসে ঘরের ভেজানো দরজাটায় হাত দিয়েই চমকে উঠল নীলা। দরজাটা এখন আর শুধু ভেজানো নেই, ভিতর থেকে ছিটকিনি বন্ধ। চমকে উঠেই ভয়ে হাত-পা ঠাণ্ডা হয়ে আসে নীলার। কে? কে? বাড়িতে কেউ নেই, ভিতর থেকে ঘর বন্ধ করল কে? কোন্‌ ছুৰ্‌ভু কী মতলবে নীলার নিভৃত নির্জন শয়নমন্দিরে ঢুকে পড়ে খিল লাগিয়ে বসে আছে?

চিন্তা বাতাসের চেয়ে দ্রুতগামী, সন্দেহ নেই তাতে। নিমেষে মনের মধ্যে সহস্র চিন্তার ঝড় বয়।

সন্ধানী চোর। নিশ্চয় সন্ধানী চোর। জানে, আজ রাত্রে নীলা বাড়িতে একা। তাই নীলার কোন অসতর্ক মুহূর্তে টুক করে বাড়ির মধ্যে ঢুকে পড়েছে এবং একেবারে আশ্রয় নিয়েছে শোবার ঘরে। অবিশিষ্ট শোবার ঘর ছাড়া ঘর আর কই? নীলা এতক্ষণ যেখানে ছিল, যাকে রান্নাঘর বলা হয় সে তো ঘর নয়, বারান্দার কোণ মাত্র। কিন্তু এখন নীলা কী করবে? এত কথা অবিশ্যি এক লহমাত্রেই ভাবা হয়ে গেল। ভাবল, চেষ্টামেচি করা ঠিক নয়, তার চাইতে বাড়ি থেকে বেরিয়ে পড়ে—

ভাবলে কী হবে?

ততক্ষণে অভ্যাসগত প্রেরণা কণ্ঠের পথ দিয়ে ঠেলে পাঠিয়ে দিয়েছে একটা আর্ত প্রশ্ন: কে? কে ঘরের মধ্যে?

স্বর আর্ত কিন্তু অক্ষুট।

ঘরের মধ্যে অবস্থিত লোকটা কি দরজায় কান পেতে দাঁড়িয়ে ছিল, তাই অমন অক্ষুট প্রশ্নটাও কানে পৌঁছল তার? সঙ্গে সঙ্গে ভিতর থেকে ততোধিক যত্ন কণ্ঠে উচ্চারিত হয়, আমি—আমি নীলা, আমি।

আমি! আমি কে? কার কণ্ঠ হতে ধ্বনিত হল এই ‘আমি’?

নীলা কি ভেগে আছে? না, শয়তান লোকটা নীলার বিভ্রান্তি ঘটাতে এই এক সর্বনেশে ফাঁদ পেতেছে? হ্যাঁ, নিশ্চয় তাই। কিন্তু তবু নীলা ছুটে

চলে যেতে পারল না কেন ? ওর পা দুটো কি কেউ পেরেক দিয়ে খুঁতে রেখেছে ওই বন্ধ দরজার সামনে ?

দরজাটা খুলে গেল নিঃশব্দে ।

হাওয়ার শনশনানির মত শব্দ : দোহাই নীলা, টেচিয়ে উঠো না । ভেঙে দিও না আমার জীবনের স্বপ্ন ।

বোধ করি নিজের অজ্ঞাতসারেই ঘরের মধ্যে পা ফেলল নীলা, নিজের অজ্ঞাতসারেই দরজাটা ফের ভেজিয়ে দিল । বাড়িতে কেউ নেই, বাইরের দরজা বন্ধ, তবু এই সাবধানতা কেন কে জানে ! তা সাবধানতা মানুষ সহজে ছাড়ে না, নইলে দরজাটা ভেজিয়ে দিয়েও দুটো পাল্লার মাঝখানে চারটে আঙুল আটকানো থাকল কেন নীলার ? এ-ভঙ্গি দরকার হলে চট করে খুলে বেরিয়ে পড়বার ।

লোকটা আর-একবার মিনতি করে : সব কথার আগে মিনতি করছি নীলা, ভুল বুঝে টোঁচামেচি কোর না । অনেক দুঃখের সমুদ্র পার হয়ে তোমার কাছে এসে পৌঁছেছি ।

আলো জালব আমি ?

নিঃসংশয় হতে চাও ?—মুহূ একটু হাসির শব্দ মিলিয়ে গেল অন্ধকারে : লাইট জ্বেলো না, দেওয়ালেরও চোখ আছে, আলো আমি জ্বালচ্ছি ।

ফস করে জ্বলে উঠল একটা দেশলাইকাঠি, তার থেকে জ্বলল একটা মোমবাতি । আর এগারো বছর পরে নীলা প্রথম প্রশ্ন করল—কুশল প্রশ্ন নয়, দীর্ঘ বিরহ-কালের কোন ছুরবছার প্রশ্ন নয়—প্রশ্ন করল, বাতি সঙ্গে করে নিয়ে এসেছ ? হয়তো এইটাই স্বাভাবিক । ভিতরে যখন অজস্র কথার ঝড় বইতে থাকে, তখনই সব থেকে মূল্যহীন কথা মুখে আসে ।

নীলার আর নিজের মাঝখানে বাতিটা উচু করে তুলে ধরল লোকটা । বিষন্ন হাসি হেসে বলল, চিনতে পারছ, না কি স্মৃতি থেকে মুছে ফেলেছ ?

বিফারিত দুই চোখ মেলে তাকিয়ে থাকল নীলা বাতির-আলো-পড়া বিষন্ন সেই মুখটার দিকে, মাথা থেকে খসে পড়ল ওর নরুনপাড় ধুতির বেটেনীটুকু, মাটিতে লুটিয়ে পড়ল তার প্রান্তভাগ, সাদা-লংকুথের-ব্লাউস-পর্য্য বুকটা কাঁপতে লাগল থরথর করে, থরথর করে উঠল সর্বাঙ্গ ।

এক মিনিট—দেড় মিনিট—সহসা ঝাঁপিয়ে পড়ল নীলা তার বুকের উপর : তুমি ! তুমি ! তুমি সত্যি ফিরে এলে ?

বাতিটা ছিটকে গড়িয়ে পড়ল মাটিতে। স্বাক্ষর ? কতি কী ! দুটি নরনারী যেন স্পর্শের মধ্যে পরস্পরকে ফিরে পেতে চায়, যেন পরীক্ষা করতে চায় এই মুহূর্তের নিকট-সাম্মিখে দীর্ঘ এগারো বছরের ব্যবধান লুপ্ত করে ফেলা যায় কি না ?

কী ভাবছ আমাকে ? প্রেতাত্মা ?

আঃ ! কী বলছ ? কিন্তু দোহাই তোমার ! একটিবার আলো জ্বলতে দাও আমার। শুধু একটিবার। বিশ্বাস করতে দাও, সত্যি তুমি এসেছ।

সে ইচ্ছে তো আমারও করছে নীলা, কিন্তু বড় ভয়—বড় ভয়। জানলা-গুলো ভাল করে বন্ধ করে দাও তবে। এতটুকু ফুটো থাকে না যেন, এক বিন্দু আলোর রেখা বাইরে যায় না যেন।

বন্ধ জানলাগুলো একবার টেনে টেনে দেখে স্নাইচের শব্দ না করে আলো জ্বালায় নীলা, আর আরও একবার আপাদমস্তক খুঁটিয়ে দেখতে থাকে, কতটা পরিবর্তন হয়েছে বিশ্বজ্বিতের ! খাটের উপর এসে বসে বিশ্বজিত। অকারণে একবার বিছানার শুভ্র চাদরটার উপর হাত বুলিয়ে নিয়ে বিশ্বল-ভাবে প্রসন্ন করে, এখানে শোও বুঝি ?

এও এক অর্থহীন প্রশ্ন।

নীলা খাটের পাশটা চেপে দাঁড়িয়ে আছে, স্থলিত আঁচলটা তুলে জড়ো করে নিয়েছে বুকের উপর, কালো চুলের অরণ্যের মধ্যে পদচিহ্নরেখার মত স্নক সিঁথিটা বিছানার চাদরখানার মতই শুভ্র।

মৃদু হাসির রেখা দেখা দেয় ওর মুখে ; বলে, তা শুই। এগারো বছর কাল বিছানা ত্যাগ দিয়ে মাটিতে শুয়ে কাটিয়েছি এ-কথা বললে হয়তো ভাল শোনাত, কিন্তু সত্যি কথা হত না। জান তো চিরদিন আমি সব কষ্ট সহ্যেতে পারি, পারি না খারাপ বিছানায় শুতে।

খুব আর তুমি শোও ?

মুহূর্তে মুখের রেখা কঠিন হয়ে ওঠে নীলার ; রুদ্ধ কণ্ঠে বলে, তা ছাড়া আর কী শুনেতে চাও ?

খতমত খেয়ে যায় বিশ্বজিত, তাড়াতাড়ি বলে, আমি কিছু ভেবে বলি নি নীলা, কিছু ভেবে বলি নি। শুধু কথা খুঁজে পাচ্ছি না বলেই যা হোক কিছু বলে ফেলেছি।

কঠিন রেখা কোমল হয়ে আসে, কাছে বসে পড়ে নীলা রুদ্ধকণ্ঠে বলে,

কথার সমুদ্র ভেতরে নিয়ে কথা খুঁজে পাচ্ছ না? তাই বটে। আমিও তো এখনও জিজ্ঞেস করি নি—এতদিন কোথায় ছিলে, কেমন ছিলে? আর এমন করে এলে কী করে?

তারপর উথলে ওঠে পূর্ণিমার জোয়ার।

কথা আর কথা।

অর্থহীন অস্তহীন খেইহীন কথা।

খুকু তোমার ছবিতে রোজ নমস্কার করে, জান? ফুলে যাবার সময় আর ঘুম থেকে উঠে। ছবিতে মালা পরায় তোমার জন্মদিনে, আর—

আর কী? কী বলতে গিয়ে থামলে নীলা? জন্মদিনে, আর? মৃত্যুদিনে বুঝি? বুঝতে পেরেছি, তোমার সাজ দেখেই বুঝতে পেরেছি। বেচারী খুকুকে পিতৃহীন করে রেখে দিয়েছ।

বালিশের উপর লুটিয়ে পড়ে নীলা কম্পিত স্বরে বলে, তা ছাড়া আর কী উপায় ছিল? বল, আর কী উপায় ছিল তোমাকে তার কাছে বাঁচিয়ে রাখবার? কী জবাব দিতাম আমি তার কাছে যদি শাড়ি চুড়ি পরে ঘুরে বেড়াতাম, আর—

ঠিকই করেছ নীলা।—বিশ্বজিৎ সম্মুখে ওর মাথায় একটা হাত রেখে বলে, ঠিকই করেছ। আমার মৃত্যু দিয়ে তুমি ওর কাছে আমাকে বাঁচিয়ে রেখেছ। প্রকৃত ঘটনা জানলে আর যাই হোক, বাপের ছবিতে ফুলের মালা পরাবার বাসনা খুকুর জাগত না। কিন্তু এখন কী করবে?

এখন?—নীলা বিহ্বলভাবে বলে, তুমি কি ওকে দেখা দেবে?

দেখা দেব! দেখা দেব কি না জিজ্ঞেস করছ?—অহুচ্চ একটু হেসে উঠে বিশ্বজিৎ বলে, ঠিক করেছি এবার তোমাদের কাছেই থেকে যাব। আর এমন করে পালিয়ে বেড়াতে পারছি না। তোমাদের কাছে তাই এসে পড়লাম, স্বাস্থ্যটাও একেবারে ভেঙে গেছে।

নীলা দ্রুত দৃষ্টিতে একবার ওর সর্বাঙ্গে চোখ বুলিয়ে নিয়ে বলে, সে-অপরাধ স্বাস্থ্যের নয়। কিন্তু কিছু মনে কোর না, একটা কথা বলছি, ওয়ারেন্ট কি তুলে নিয়েছে?

তুলে! এ-জীবনে নয়। জীবনের শেষ দিন পর্যন্ত তাড়া করে বেড়াবে।



তবে ?

তা জানি না, ঠিক করেছি—যা থাকে কপালে। পরিচয়টা ঠিক করে ফেল। স্বামীর বন্ধু ? দূর-সম্পর্কের ভাই ? যা হোক। কলকাতা থেকে এত দূরে, এই ছোট্ট মফস্বল-শহরটুকুতে কে আমাকে চিনে রেখেছে ?

চিনে রাখবে !—নীলা গ্লান হেসে বলে, ছোট্ট একটু মফস্বল-শহর বলেই তো ভাবনা। সবাই যে সবাইয়ের তত্ত্বতল্লাশ করে। বিধবা স্কুল-মাস্টারনীর একক ঘরে স্বামীর বন্ধুকে অথবা দূর-সম্পর্কের ভাইকে বাস করতে দেখলে কে উদাসীন থাকবে ?

ওই ছুতো করে তাড়িয়ে দিতে চাইছ ? খুনি আসামীর সঙ্গে ঘর করবার সাহস হচ্ছে না ?

তা তো বলবেই।—নীলা একটা নিশ্বাস ফেলে।

আচ্ছা নীলা, খুব সত্যি করে একটা কথা বলবে ?

হ্যাঁ, বলব। আর তুমি যা জিজ্ঞেস করবে জানি।

তা হলে বল। বল, জীবনে একদিনও কি তুমি আমাকে খুনি বলে ঘৃণা কর নি ?

না।

কিন্তু কেন কর নি ?

জানি, তুমি খুন করলেও অত্যাচার কর নি।

নীলা, নীলা ! শুধু এই জন্তে ! শুধু এই জন্তেই এই ঘৃণিত পলাতক জীবনের, ছদ্মজীবনের বোঝা বহন করে চলেছি—মাসের পরে মাস, বছরের পর বছর। কিন্তু আর পারছি না পালিয়ে বেড়াতে। জীবনকে আমি আবার ফিরে পেতে চাই নীলা। যে জীবন ফুলস্পীডে চলতে চলতে হঠাৎ পাথর চাপা পড়ে থেমে গিয়েছিল, তাকে পাথর খুঁড়ে আবার উদ্ধার করে বাঁচাতে চাই। ফিরে পেতে চাই আমার জী, আমার সন্তান, আমার সংসার।

নীলা অশ্রুট কণ্ঠে বলে, কিন্তু পুলিশ—

সে-ভয়কে আমি জয় করেছি নীলা। অনেক দূরে পাহাড়ের কোল-ঘেঁষা এক দেশে বেঁচে উঠেছি আমি, সেখানে নিয়ে যাব তোমাদের।

আমাদের নিয়ে যাবে ?

হ্যাঁ, অবাক হচ্ছে কেন ? এখানে থাকলে তো ভয় নিয়ে বাস ! পুলিশের ভয়, লোকনিষ্ঠার ভয়, অনাহারের ভয়। সেখানে নির্ভয়ে তুমি, আমি

আর খুকু নতুন করে জন্মাব। কিন্তু খুকু আমার চিনতে পারবে তো ? তার কাছে তো আমাকে মরিয়ে রেখেছ ?

নীলা মূহু হেসে বলে, বললেই তো—‘নতুন করে জন্মাবে’।

রাত শেষ হয়ে আসে। নীলা বলে, খুকুটা আজ রাতে বাড়ি নেই ; এ ভগবানের আশীর্বাদ। নইলে—

নেই সে খবর জেনেই এসেছি নীলা।

ও, তাই বুঝি ?—নীলা হেসে ওঠে, একেবারে পাকা চোর !

হাসির হাওয়া পালে এসে লেগেছে, তবু নিশ্চিন্তা কই ? সব কথা সব হাসির অন্তরালে ঢেউ উঠছে অস্বস্তির, দুর্ভাবনার। এ-রাত যদি কোর্নাটিন শেষ না হত !

অনন্তকাল ধরে চলতে পারে না এই রাত্রি, অনন্তকালের গায়ে স্থির হয়ে থাকতে পারে না এই রুদ্ধদ্বার নির্জন ঘর ?

কিন্তু তা হয় না, তা হবার নয়।

রাত্রি এক সময় শেষ হয়, খুলতে হয় রুদ্ধ কপাট।

ও মা, মা গো মণি ! তুমি গেলে না, কী মজা যে হল !—ঠিক-ঠিক করতে করতে বাড়ি ঢোকে খুকু। শাড়ির আঁচল স্থলিত, আলগা করে বাধা বেণী উন্মোখুন্মো, বিপর্যস্ত। মুখে ক্লান্তি আর ক্ষুণ্ণতার অপূর্ব সমন্বয়। তেরো-চোদ্দ বছরের মেয়ে তবু ছুটে এসে গলা জড়িয়ে ধরে উৎফুল্ল স্বরে বলে, জান মা, মন্টির বরের আমি নাকি শাস্ত্রী হলাম। বাসরঘরে কত গান হল ! আমার বলছিল গান গাইতে। আমি যেন গান গাইতে জানি !

আপন খুশিতে উচ্ছল খুকু ; মায়ের ভাবান্তর তার নজরে পড়ে না।

তার বারো-তেরো বছরের নিস্তরঙ্গ জীবনে এই বিবাহ-উৎসবের বৈচিত্র্য তুলেছে এক নতুন তরঙ্গ। পাড়ার স্ত্রী মাসীমা, তাঁর নাতনীর বিয়েতে নেমন্তন্ন ছিল মাতা-কন্নার। নীলা যায় নি। দুর্ভাগ্যের পরিচয়লিপি অঙ্গে এঁটে উৎসব-গৃহে যেতে ইচ্ছে তার করে না। অন্তরোধে পড়ে মেয়েকে পাঠিয়েছিল ঝিয়ের সঙ্গে। এবং খুকুর পক্ষে বেণী রাতে মাঠ পার হয়ে বাড়ি আসার চাইতে বরং বিবাহ-বাড়িতে থেকে যাওয়াই সমীচীন ভেবে রাতে আসতে বারণ করেছিল।

খুকুর জীবনে এ এক নতুন আশ্বাদ।

একে তো উৎসবের খাতিরে ক্রক ছেড়ে পরেছে মায়ের একখানা সিকের শাড়ি, যে-শাড়ি সামলাতে অস্থির হয়ে গেলেও নিজেকে ভারি ভাবে ভারি ভাল লাগছিল—একদিনেই যেন বালিকা থেকে কিশোরী হয়ে উঠেছে খুকু।

এতগুলো কথা বলার পর মার ভাবান্তর খুকুর চোখে পড়ে। একটিও কথা বললেন না মা! খুকুর এত বড় বিজয়-অভিযানের অন্তে মার এই নীরবতা কী অদ্ভুত, কী অস্বাভাবিক! ও, খুকু রাত্রে আসে নি বলে অভিমান হয়েছে বুঝি? তা ওর কী দোষ? মা নিজেই তো বলেছিলেন। কিন্তু খুকু তবুও চলে আসবে, মাকে একা থাকতে দেবে না—এই ভেবেছিলেন বুঝি?

আপন মনে প্রশ্নোত্তর। তবু অভিমানে চোখে জল এসে পড়ে।

মা, রাগ করেছ?

রাগ? রাগ করব কেন?

তবে কথা বলছ না কেন?

বলছি তো।

ওই তো ওই রকম করে বলছ! নিশ্চয় রাগ করেছ। সত্যি মা, তোমার একলা থাকতে খুব খারাপ লেগেছে, না?

নীলা এবার যেন আত্মস্থ হয়, নড়ে-চড়ে স্থির হয়ে বলে, একা তো থাকি নি, একা থাকতে হয় নি। রাত্রে একজন এসেছিলেন।

রাত্রে এসেছিলেন! কে এসেছিলেন মা?—উৎসুক প্রশ্ন করে খুকু, লাভণ্য পিসি বুঝি?

না।

না? তবে কে মা?

তুমি চেন না, আমাদের খুব নিকটজন।

ইস, খুব নিকটজন, আর আমি চিনি না! চালাকি করা হচ্ছে।

নিশ্চয় লাভণ্য পিসি।

খুকুর জানে ওই একটি মানুষকেই কদাচ কখনও আসতে দেখেছে খুকু। নইলে রেলভাড়া দিয়ে নীলাকে দেখতে আসবে আত্মীয়স্বজনের কাছে নীলা এত দামী নয়। লাভণ্য পিসি সত্যি করে আত্মীয় নয়, তাই। তিনিই নীলার ছিন্নভিন্ন ছত্রখান জীবনটাকে কুড়িয়ে তুলে নিয়ে অনেক চেষ্টায় কোন রকমে

প্রতিষ্ঠিত করে দিয়েছেন। তাঁর প্রাণপণ চেষ্টাতেই মফস্বলের এক সেলাই-  
স্থলের এই সামান্য চাকরিটুকু নীলার। তাঁর চেষ্টাতেই এই কোয়ার্টারটুকু।

কখনো-সখনো তিনিই এসে দু-চারদিন থেকে যান।

নীলা মাথা নেড়ে বলে, বললাম তো লাভগ্যাদি নয়।

তা হলে বল কে ?

বলব পরে। তুমি আগে মুখ হাত ধোও।

উঃ, একটা কথা বলতে অত ভূমিকা করছ কেন মা ? যাচ্ছি আমি,  
দেখে আসছি—

শোবার ঘরের দিকেই অগ্রসর হয় খুকু। আগন্তুককে অবজ্ঞা মহিলা  
ছাড়া আর-কিছু ভাবতে পারে না সে।

নীলা গুর শাড়ির কোণটা ধরে ফেলে। বলে, এখনুনি যেয়ো না, আগে  
শোন কে তিনি।

খুকু হতাশভাবে বলে, নাঃ, তুমি আজ একেবারে রহস্য-রোমাঞ্চ।

ধপ করে বসে পড়ে সে আবার।

নীলা যেন খেই পায় না, কোন দিক থেকে শুরু করবে কথাটা! এত  
সহসা কেমন করে বলবে, জ্ঞান অবধি তুমি যাকে মৃত বলে জান, সেই ব্যক্তি  
সশরীরে এসে উপস্থিত হয়েছে, নিশ্চিন্তে নিজা ঘাচ্ছে তোমার মায়ের শব্দ্যার  
একাংশে ? তা ছাড়া তাতে আশঙ্কা ঢের।

তাই ইতস্তত করে বলে, শোন, তুমি তাঁকে ছেলেবেলায় দেখেছ, কিন্তু  
এখন ঠিক বুঝতে পারবে না, তবে আপাতত শুনে রাখ, উনি আমাদের বড়  
বন্ধু। তোমার বাবাকে জানতেন উনি।

বেটাছেলে ?—অসতর্কে মুখ দিয়ে উচ্চারিত হয়ে যায় খুকুর।

নীলার মুখটা লাল হয়ে যায়। ও শুধু মাথা নেড়ে স্বীকৃতি জানায়।

খুকু নির্বাক।

নাও, এখন মুখটুখ ধোও। উনি ঘুমচ্ছেন, উঠলে প্রণাম করবে।

এই যে খুকু!—বিশ্বজিতের কাছে সহাস্ত্রে পরিচয় করিয়ে দেয় নীলা,  
দেখুন কত বড় হয়ে গেছে। প্রণাম কর খুকু।

গত রাতেই একরকম ঠিক করে রেখেছিল ওরা, চট করে পরিচয় প্রকাশ  
করা চলবে না খুকুর কাছে। কারণ, ছেলেমানুষের বৃদ্ধি, হয়তো এখনি কার

কাছে গল্প করে বলবে আর কোন্ ফাঁক দিয়ে আসবে বিপদ! তার চাইতে বিশেষে চলে গিয়ে, সমস্ত ব্যাপারটা বুঝিয়ে তবে বলবে। তাই এই ‘আপনি’ সম্বোধনের ছল।

বিশ্বজিৎ সম্মুখে গম্ভীর কণ্ঠে বলে, এখনও ওর নাম শুধু খুকু?

নাঃ, তা কেন? পোশাকী নাম তো একটা আছে। মধুমিতা। ভারতের সময় যে নাম হয়েছিল।—বলেই খেমে যায় নীলা। খুকু কিন্তু মায়ের নির্দেশে প্রণাম করে না, কেমন এক অনমনীয়ভাবে দাঁড়িয়ে থাকে।

একান্তই তাদের মায়ে-ঝিয়ের ঘরের মধ্যে নিতান্ত স্তম্ভিত বিহানায় এই লোকটাকে বসে থাকতে দেখে তার মনটা অপ্রসন্ন হয়ে ওঠে।

কই রে খুকু, প্রণাম কর। কী বোকা মেয়ে রে তুই?

মেয়ের অভ্যস্ততার ক্রটিটুকু সামলে নিতে চেষ্টা করে নীলা।

গজখানেক দূর থেকে প্রণামের মত একটা ভঙ্গি করে খুকু।

মেয়ে দেখে বিশ্বজিৎ যেন হতাশ হয়ে যায়।

কিন্তু কেন? ওর কি বাস্তববুদ্ধি ছিল না? দু বছরের মেয়েকে রেখে এগারো বছর পরে ঘুরে এলে, সে কি সেই মূর্তি নিয়েই ছুটে এসে কোলে ঝাঁপিয়ে পড়বে? সে কি জানবে, তোমার চিত্ত কত তৃপ্ত হয়ে আছে সেই কচি কোমল স্পর্শটির আশায়?

নাকথ্যাদা ভুরুবিহীন তুলোর পুতুলের মত সেই অদ্ভুত স্নানর মেয়েটা পৃথিবী থেকে চিরবিদায় নিয়েছে বুঝে ফেলে যেন শোকাহত হয়ে গেছে বিশ্বজিৎ।

কোন্ ক্লাসে পড়?

খুকু নীরব।

নীলা তাড়াতাড়ি বলে, কই, বল? বল কোন ক্লাসে পড়িস!

তথাপি নীরবতা অব্যাহত থাকে।

লজ্জায় পড়ে গেছে।—খুকুর মাথা ডিঙিয়ে বিশ্বজিতের চোখে চোখে একটা ইশারা করে বলে নীলা, কোন্ ছেলেবেলায় দেখেছে আপনাকে, মনে তো নেই।

কিন্তু মাথা ডিঙতে পারলেই কি বিপদ ডিঙনো যায়? সামনের আরশি-টার দিকেই যে স্থির দৃষ্টিতে তাকিয়েছিল খুকু, পিছন থেকে এ-কথা কেমন

করে জানবে নীলা ? আরশিতে-দেখা মায়ের হাতোৎফুল্ল মুখখানা যে তাকে ক্রমশই কঠিন করে তুলছিল তা-ই বা বুঝবে কেমন করে ?

মায়ের এমন মুখ কবে দেখেছে খুকু ?

তার বিষন্ন মূর্তিটাই প্রধান। অবিশ্রি কারণে-অকারণে হাসে নাকি আর ? উচ্ছ্বসিত হাসিও হাসতে দেখেছে বইকি, কত সময় দেখেছে। কিন্তু না হেসেও এমন আলো-ঠিকরে-পড়া মুখে তাকাতে দেখেছে কবে ?

নীরবতাটা অস্বস্তিকর।

বিশ্বজিৎ আবার বলে, কই, বগলে না তো কোন্ ক্লাসে পড় ?

ক্লাস নাইনে।

ক্লাস নাইন ! রীতিমত বড় মেয়ে ! আর একবার আহত হয় বিশ্বজিৎ। ওর মনে হয়, কোথায় যেন একটা বিরাট ক্ষতি হয়ে গেছে ওর। যেন যে-ব্যাঙ্কে ওর আজীবনের সঞ্চয় গচ্ছিত ছিল, হঠাৎ সেই ব্যাঙ্কটা ফেল হওয়ার খবর পেয়েছে সে।

কথা এগোয় না।

আমি যাই।—বলে এক সময় চলে যায় খুকু।

সঙ্গে সঙ্গে বেরিয়ে আসতে হয় নীলাকে।

বিলাসী বলে, যা হোক তবু নিরুদ্দিগ রাঙ্গার স্মরণ হয়েছে, ভেয়েরা মাকে নিতে পাঠিয়েছে ! ইনিও কি তোমার আপন ভাই মা ?

নীলা গম্ভীরভাবে বলে, আপন ভাই আমি কোথায় পাব বিলাসী ? আপন ভাই কি আমার আছে ? তাকে তো ভগবান অনেক দিনই নিয়েছেন।

কিছু মনে কোর নি মা, এমনি শুধু ছিলাম।—বিলাসী অপ্রস্তুত হয়ে বলে, ক দিনের জগ্গে যাচ্ছ ?

দেখি ! দু-দশ দিন হবে হয়তো।

দেখি কোর নি মা।—বলে বিলাসী স্কুলের কাজে চলে যায়।

বাড়ি বাড়ি ঘুরে মেয়ে নিয়ে আসা তার আসল কাজ। সকাল-সন্ধ্যা নীলার কাজ করে।

নীলা রান্না করে পরিপাটি করে, তবু হাতে পায়ে মনে যেন অভিসারিকার চাকল্য। প্রতীক্ষা করে খুকু কতক্ষণে ফুলে যাবে ! নিজে আজ আর যাবে না সে। চলে যেতে হবে এখান থেকে, কতদিনের বিরহ-নিশ্বাসস্বক ঘরখানা

একদিনের জন্ত মিলনের সৌরভে প্রাণ পাক। রাজে তো খুকু আছে, আছে অনেক সমস্তা।

নিঃশব্দে ভাত খেয়ে নিঃশব্দেই বই-খাতা গুছিয়ে বেরিয়ে গেল খুকু। নীলা আড়ে-আড়ে ওর জলদগন্তীর মুখখানা দেখছিল। বুঝছে ব্যাপারটা খুকুর বিশেষ পছন্দ হয় নি। না হবারই কথা। আহা! এই দণ্ডে যদি সত্যি কথাটা বলা যেত!

কী ভয়ানক খুলী হত খুকু!

কী ভয়ানকভাবে চমকে যেত! চমকে গিয়ে কী রকম উচ্ছ্বসিত হয়ে উঠত! না কি সহজে বহন করতে পারত না সেই প্রচণ্ড আনন্দের ভার! তা হলে হয়তো এই-ই ভাল।

মেয়ে চলে গেলে পারি পাটি করে স্বামীকে খাওয়াল নীলা, বিশ্বজিতের অনেক অল্পরোধেও একত্র খেতে বসল না, বসল পরে। অল্পরোধ রাখল—অশনে নয়, বসনে। নরুনপাড় ধুতিখানা ছেড়ে পরল পুরনো দিনের একখানা ঢাকাই শাড়ি, চিকনের-কাজ-করা ব্লাউস। শেষ বিবাহ-বার্ষিকীর দিন যে শাড়ি জামা উপহার দিয়েছিল বিশ্বজিৎ। সিঁথেয় সিঁদুর দিতে ভয় করে, খুকু আসার আগেই তো ছেড়ে ফেলতে হবে এই বাগরসজ্জা। অনেক দিনের অনভ্যস্ত হাতে কপালে আঁকল ছোট একটি সিঁদুর-টিপ।

বাইরের দরজায় ভাল করে খিল এঁটে এসেও স্বস্তি হয় না, ঘরের দরজা জানলা আঁটতে হয়। কে কোন্ দিক থেকে দেখে ফেলবে, কে জানে! সাবধানের মার নেই।

কোথা দিয়ে কেটে গেল অত বড় দুপুরটা, কখন বেলা গেল গড়িয়ে! গত-কালকের সারারাত্রি ব্যাপী অনিদ্রার শোধ নিতে বেলা তিনটের সময় যে নিজা এসে মায়াকাজল বুলিয়ে দেবে চোখে, তা-ই বা কে ভেবেছিল?

প্রচণ্ড একটা দোর ঠেলার শব্দে তদ্রূপ জগৎ থেকে ছিটকে এসে পড়ল নীলা, আর ধড়মড় করে ছুটে চলে গেল দরজা খুলতে।

কপালের সিঁদুর-টিপটা যে লেপে গেছে সারা কপালে, আর পরনে আছে ঢাকাই শাড়ি আর চিকন-করা ব্লাউস—এ-কথা ভুলেই ছুটল। এত অসহিষ্ণু করাঘাত কার? খুকুর? এ-রকম তো কোনদিন—?

নীলা ভুলে যায় এ-রকম দিনই বা এগেছে কবে? নীলা নিজের সেলাই-

ফুল-ফেরত থুতুর ফুলের দরজায় গিয়ে দাঁড়িয়ে থাকে। থুতুর আগে হলে, সে আসে সেলাই-ফুলের দরজায়।

খিল খোলার সঙ্গে সঙ্গেই পিছন থেকে ঠেলে দরজাটা হাট করে দিয়ে থুতু অস্বাভাবিক চিংকার করে ওঠে, কী, হয়েছিল কী?

পরক্ষণেই মায়ের দিকে তাকিয়ে পাথর।

শাড়ির পাড়ের কথা প্রথমটা মনে পড়ে নি নীলার, থতমত খেয়ে বলে, থুবুঝি ডেকেছিস? হঠাৎ কী রকম ঘুমিয়ে—

পরক্ষণে সেও পাথর হয়ে যায় মেয়ের দৃষ্টি অহুসরণ করে। এ কী সর্বনেশে ভুল করে বসল সে!

হাতের বইগুলো রান্নাঘরের দাওয়ায় ছুঁড়ে ফেলে দিয়ে গটগট করে উঠে গেল থুতু ছাতে, একতলা এই বাড়িটুকুর বা পরম সম্পদ। হাত দেড়ে কলহা চিলেকোঠাও আছে কিনা একটা।

ছাতটা ঝাড়া ছাত বলে মেয়েকে একা বড় উঠতে দেয় না নীলা। তা ছাড়া এখন তো পড়ন্ত বেলার কড়া রোদ্দুর। কিন্তু নিষেধ করবার সাহস হয় না নীলার।

থুতুর মনে কি শুধুই অপছন্দের বিরক্তি?

না কি সন্দেহ জেগেছে মনে? জগতের সবচেয়ে কুটিল সন্দেহ?

নাঃ, দেরি করে দরকার নেই, আজ রাত্রেই সত্যি কথাটা ওকে বলে দিতে হবে।

চিলেকোঠা থেকে নামানো গেল না থুতুকে, ওর নাকি ভীষণ মাথা ধরেছে।

নীচে এসে বিপন্নমুখে বলে নীলা, থুতুটা তো মুশকিল বাধাল!

বিশ্বজিৎ ক্ষুব্ধহাস্তে বলে, তাই দেখছি। বেশ ছিলে তোমরা, আমিই এসে মুশকিল বাধলাম।

আঃ! কী যে বল! শোন, আমি ভাবছি ওকে জানিয়ে দেওয়াই হোক, নইলে বাবার সময় গোলমাল বাধাতে পারে।

বেশ, শুধু—

কী শুধু?

নাঃ। হঠাৎ মনে হল, আকাশের স্বপ্ন মাটিতে আছড়ে ভেঙে পড়বে না তো? কেমন যেন আতঙ্ক হচ্ছে।



ও-কথা কেন? এখনও তুমি ভেমনি কবি-কবি আছ। উঃ!

কিন্তু সত্যি কথাটা কী ভাবে জানিয়ে দেওয়া যাবে?

খুকুর মুখে চোখে, বোধ করি, সর্বাঙ্গের রেখায় রেখায় সন্দেহ আর বিজ্রোহ যেন নীলার উপর ঝাঁপিয়ে পড়বার জন্তে উত্তত হয়ে আছে। রাত কেটে গেল খুকুর চিলেকোঠার ঘরে। অগত্যা নীলারও কাটল খোলা ছাতে মাহুর পেতে শুয়ে। আর রীতিমত শঙ্কিত হল নীলা, পরদিন যখন সেই ঢাকাই শাড়িখানা পাট করে তুলে রাখতে এসে দেখল, সেটাকে কে দাঁত দিয়ে ছিঁড়ে কেটে ফালি ফালি করে রেখেছে।

পরিবেশ সৃষ্টি করবার অবকাশ আর নেই। অবকাশ নেই রইয়ে-সইয়ে বলবার। বিশ্বজিৎ বলেছে এখানে থাকবার সাহস ওর আর নেই, আজ রাত্রেই রওনা দিতে হবে। অতএব আচমকাই বলতে হবে।

খুকু, আজ আর স্কুলে যাস নি।

কী হয়েছে?—ভুরু কুঁচকে তাকাল খুকু।

বলছি আজ আর স্কুলে যাস নি, অনেক কথা আছে, আছে অনেক কাজ।

আমার সঙ্গে কারও কোনও কথা নেই, কোন কাজও নেই।

কৈশোর ছাড়িয়ে খুকু কি ঘোবনে পৌঁছল সহসা?

আছে কথা, আছে কাজ।—নীলা ধমকের ভান করে: আজ রাত্রেই গাড়িতে আমাদের এখান থেকে চলে যেতে হবে—

খুকু সহসা মুখ ফিরিয়ে ঠিকরে ওঠে। দুই চোখে জলে ওঠে সন্দেহ, ব্যঙ্গ আর ঘৃণার আগুন।

তোমার যেতে ইচ্ছে হয়, তুমি যাও গে, আমি কী করতে যাব?

কী? কী বললি? বল, কী বললি?

উদ্ধত স্বরে খুকু বলে, আমি যাব না।

রাগ করছিস কেন খুকু? কান পেতে শোন্ না আমার কথাটা। কাছে আয়।

এখান থেকেই বেশ শুনতে পাচ্ছি, বল না কী বলবে?

যাকে দেখে অত রাগ করছিস, যার সঙ্গে যেতে চাইছিস না, সে কে জানিস?

জানি না। জানতে চাই না।—বলে খুকু জুতোয় পা গলায়।

শোন্ থুহু, চলে যাস নি। ও আমাদের সবচেয়ে আপনার লোক,  
ও তোর—

কথনো না,—ক্রুদ্ধ সর্পিণীর মত হুঁসে ওঠে তেরো বছরের থুহু : কথনো  
না। ও আমাদের কেউ না। তোমার কথা আমি বিশ্বাস করি না। ভূমি  
মিথ্যে কথা বলবে, বানিয়ে বানিয়ে কথা বলবে। বিলাসীর মত বোকা  
নই আমি।

বইখাতাগুলো উঠানে ছুঁড়ে ফেলে দিয়ে বেরিয়ে যায় থুহু। আর  
শুভিত হয়ে চেয়ে থাকে নীলা খোলা দরজার দিকে। উত্তপ্ত নিশ্বাসে কান  
মাথা আগুন হয়ে আসে, সমস্ত শরীর থরথর করতে থাকে।

বিশ্বজিৎ এত কথার কিছুই জানে না। গা-ঢাকা দেবার পক্ষে  
স্ববিধাজনক ভেবে চিলেকোঠায় আশ্রয় নিয়েছে সে সকালবেলাটা।

শহরের পুলিশের নিষ্ক্রিয়তার অপবাদ সর্বজনবিদিত, মফস্বলের পুলিশ  
চৌকিদাররা তো দারুব্রহ্ম, তবু দারুব্রহ্মেরও টনক নড়ে, বালিকা একটা  
মেয়ে যদি দ্বিধাদিক্‌জ্ঞানশূন্য হয়ে ছুটে আসে আর সে মেয়েটা যদি ওদের  
চেনাজানা হয়। স্থলে যাবার পথে থানা। যেতে আসতে দু'বেলা ওর কোল  
মাড়িয়ে হাঁটতে হয় থুহুকে। ছেলেবেলায় কত আদর করেছে ওই বুড়ো  
চৌকিদারটা। ই্যা, সেই মেয়ে যদি উদ্ভ্রান্তের মত ছুটে এসে বলে, আমাদের  
বাড়িতে একটা বদমাস লোক ঢুকে পড়েছে, আমার মা একা আছেন, শিগগির  
চল তোমরা, তখন একটু নড়াচড়া করতে হয় বইকি। আর সত্যি থুহু দাড়া  
সব কিছু মিটে যাবার পর বড় বেশী মিইয়ে গেছে তাদের কাজকর্ম, তবু একটা  
খোরাক জুটল। একা একজন মহিলার বাড়িতে বদমাস লোক ঢুকে পড়ার  
ফয়সালা করার মত পছন্দসই খোরাক।

থুহু আর উদ্ভ্রান্ত নেই। আত্মস্থ হয়ে দৃঢ় পদক্ষেপে ওদের সঙ্গে সঙ্গে চলে।  
ই্যা, মাকে রক্ষা করতে হবে তাকে। এ-দায়িত্ব থুহুরই।

কিছুতেই মাকে উদ্ধার যেতে দেবে না সে।

কে ? কে ?

চমকে রান্নাঘর থেকে বেরিয়ে এল নীলা। উঠানে গোটা তিন-চার  
লাঠিধারী পাহারাওলা, আর রক্তমুখী থুহু।

কোথায়! ডাকু বদমাস কোথা?

খুকু নিঃশব্দে চিলে কোঠার দিকে আঙুল বাড়িয়ে দেখায় শাণিত ছুরির নির্মম দৃষ্টি নিয়ে।

মফস্বলের নিজস্ব সংবাদদাতা। সংবাদটা পাঠায় ধীরে-স্থস্থে। সে-খবর শহরের খবরের কাগজে ছাপা হয় আরও ধীরে-স্থস্থে। ‘অমুক জেলা’র নানা সংবাদের মধ্যে ছাপা হয় এক ‘চাঞ্চল্যকর সংবাদ’: “দিবা দ্বিপ্রহরে জনৈক শিক্ষয়িত্রীর উপর দুর্বৃত্তের আক্রমণ। বালিকা কন্ঠার প্রত্যাংগ-মতিতে জননীর সন্ত্রাসরক্ষা।” অতঃপর পুলিশের কৃতিত্বের একটি জোরালো কাহিনী বর্ণনাস্তে জানানো হয়, “জানা যায়, উক্ত দুর্বৃত্ত একজন পলাতক খুনী আসামী, পুলিশ বহুদিন হইতে তাহার সন্ধান করিতেছিল।”

এর থেকে বেশী কথা সংবাদপত্র বলে না।

এর পরের কথা বলার দায়িত্ব নীলার কাহিনীকারের। কিন্তু বলবার আর আছেই বা কী? এখন তো নীলা নিত্যনিয়মে সাদা লংক্লথের উপর নরুনপাড় ধুতি জড়িয়ে সেলাই-স্কুলে যাতায়াত করে, এখন নিত্যনিয়মে তাড়া-তাড়ি করে খুকুর স্কুলের ভাত বাঁধে। গোটা কয়েক দিন ওকে নিয়ে পাড়ায় ঘে হাসাহাসি উত্তেজনা আর সমালোচনা চলেছিল, সেও ঠাণ্ডা মেয়ে গেছে।

সত্যি কথাটা আজ পর্যন্ত আর খুকুকে বলা হয়ে ওঠে নি নীলার। কিন্তু বলে লাভই বা কী? বিশ্বাস করাতে না পারলে বানিয়ে মিথ্যা কথা বলার অপরাধে মায়ের উপর ঘৃণা আরও বাড়বে খুকুর। বিশ্বাস করাতে পারলে বাপের উপর জন্মাবে ঘৃণা। তা হলে ও-বেচারারই বা আশ্রয় কোথা?

চির-আশ্রয়টা তো ধসেই গেছে। মায়ের আর খুকুর মাঝখানে সৃষ্টি হয়েছে এক পাথরের প্রাচীর।

হয়তো এমনি করেই জগতের অনেক সত্য কথা মিথ্যার জগদল পাথরের নীচে চাপা পড়ে থাকে, এমনি দ্বিধার জগতই অনেক সত্য কথা অস্বস্তি থেকে যায়। মানুষের হাতে প্রতিকার নেই, তাই তারা শুধু আর-একটু রোগা হয়ে যায়, আর-একটু কোলকুঁজো হয়ে পড়ে।

## ॥ অনুপমার ঘর ॥

অনুপমার বয়সটা যদি পঞ্চাশ-বাহান্ন ধরিয়া লওয়া যায়, তবে নববধূর ভূমিকায় অনুপমাকে দেখিতে চাহিলে আপনার দৃষ্টির সীমানাকে বছর চল্লিশ পিছাইয়া দিতে হয়।

যবনিকা উত্তোলন করিতেই চোখে পড়িবে নবদম্পতির শয়নকক্ষের দৃশ্য। না না, অত কুণ্ঠিত হইবার কিছু নাই, বাপের বাড়িতে পুতুল খেলানাগুলা ফেলিয়া আসার শোকে এই কিছুক্ষণ আগেও ফুলিয়া ফুলিয়া কাঁদিয়াছে অনুপমা।

ঘটনাটা ঘর-বসতের দিনের।

‘দিন’ নয়, রাত্রির।

অষ্টাহের স্মৃতিটা তো ছায়াশ্রাব্য। কতকগুলো এলোমেলো মাহুষের ভিড় আর অর্থহীন গোলমাল ছাড়া আর-কিছুই মনে পড়ে না হীরালালের, তাই উৎসুক আগ্রহে এক বৎসর যাবৎ এই দিনটির প্রতীক্ষা করিয়া আসিতেছে সে। হীরালালের বয়সটাও অবশ্য মারাত্মক নয়, কিন্তু ঔৎসুক্য বলিয়া যে একটা বস্তু আছে সে বয়সটা হইয়াছে।

বছর না ঘুরিতেই ‘ধুলোপায়ে ঘর-বসতে’র প্রথা তখনও বিশেষ চালু হয় নাই। হীরালালদের খুঁতখুঁতে বাড়িতে আবার দেখালাক্যৎ পর্যন্ত নিষিদ্ধ। শশুর-বাড়ি নিমন্ত্রণ যাওয়া অবধি বেআইনি।

বিবাহের কনে বদল করিয়া ঘর-বসতে অন্ত্র মেয়ে চালান দিলেও হীরালাল ধরিতে পারিত কি না সন্দেহ। কাজেই আপাতত হীরালালের কাছে বউ সম্পূর্ণ নূতন। কিন্তু এমন স্মরণীয় রাত্রে নূতন বউ যে ব্যবহারটা করিল সেটা সম্পূর্ণ অপ্রত্যাশিত।

আশা-আনন্দ-শঙ্কা-ভয়-মিশ্রিত অনাস্বাদিত হৃদয়াবেগের ভারে তরুণ হীরালাল যখন কথা বলিবার ভাষা খুঁজিয়া পাইতেছে না, তখন নিতান্ত বালিকা অনুপমা ঘোমটা নামাইয়া পাকা গিল্লীর ভজিতে বলিয়া উঠিল, তোমাদের বাড়িটা কী বিচ্ছিন্ন, মা গো! একখানা বাড়িতে গানাগাদি

করে পকাশটা লোক ! দেখলে যেন প্রাণ হাঁকিয়ে আসে, উঃ ! আমি কিন্তু বাবু আগে থাকতে বলে রাখছি ‘ভেন্ন’ হবে ।

দৃশ্যত হীরালাল যেমন বসিয়া ছিল তেমনি ‘কাঁঠ মারিয়া’ বসিয়া থাকিল বটে, কিন্তু তাহার নিজের মনে হইল, কে যেন তাকে তুলিয়া ধরিয়া সশব্দে আছাড় মারিয়াছে ।

ঘর-বসতের কনের মুখে এই কথা !

বাহিরে ‘আড়ি-পাতুনী’দের উপস্থিতি স্মরণ করিয়া শুদ্ধ বাংলায়—  
‘সর্বাক ডোল’ হইয়া উঠিল হীরালালের । অথচ সে বেচারী সস্থিত ফিরিয়া পাইবার আগেই নূতন বউ তাহার সম্পূর্ণ মতামত ব্যক্ত করিয়া ফেলিল, ছোট্ট একটি নিরিবিলি বাড়িতে নিজের ইচ্ছেমতন সাজালাম গোছালাম, ফিটফাট থাকল—তা নয়, এ যেন বারো মাসই রথদোলের হলোড় !

হীরালাল পূর্ব-পরিকল্পিত সমস্ত কাব্যিক ভাষা তুলিয়া বিরক্ত কণ্ঠে কহিল, তুমি তো মোটে আজ একদিন এসেছ, বারো মাসের খবর জানলে কী করে ?

জানব না কেন ? বড় সংসার দেখতে তো আর বাকী নেই, আমার নিজের মামার বাড়িই তো দেখেছি । কিছু যদি সভ্যতা-ভাবাতা আছে কারুর ! দিনরাত্তির খালি গরুর মতন খাচ্ছে আর রাঁধছে, রাঁধছে আর খাচ্ছে ।

নববধূর ভাষা-মাধুর্যে চমৎকৃত হীরালাল ততশ ভঙ্গিতে হাসিয়া ফেলিয়া বলে, গরুরা অবশ্য গরুর মতই খায় বটে, তবে রাঁধেও নাকি ? কই, শুনি নি তো কখনও ? তোমার মামার বাড়ির দেশে বুঝি—

ওই হল ।—অল্পপমা এইবার একটি অল্পপম হাসি হাসিয়া উত্তর দিল, গরুর মতন না হয় ভূতের মতন । না, তাও হয়তো বলবে ‘ভূতেরা রাঁধে, কই শুনি নি তো ?’—হি-হি-হি ! কিন্তু সত্যি সত্যি, এই তোমার গা ছুঁয়ে বলছি, নিজের একখানি আলাদা বাড়ি থাকবে, এমনি বিষে হওয়া আমার বরাবরের সাধ । তা ভগবান দেখছি আমার ভাগ্যে ঠিক উন্টোটি লিখে বসে আছেন, এখন আলাদা হওয়া ছাড়া উপায় ?

নিরুপায়ের ভঙ্গিতে দুই হাত উন্টায় অল্পপমা ।

মামার বাড়িটা যতই অকটিকর হোক, এই বয়সে এমন ক্‌চিসন্দ্বৎ বাক্য-

বিজ্ঞানপ্রণালীটা যে অল্পপমা মাড়ুলালয়ের স্ত্রেই পাইয়াছে সে বিষয়ে আর ভুল নাই।

এই ইঁচড়েপক বউটিকে লইয়া ভবিষ্যৎ জীবনটা কিরূপ হইবে অতদূর ভাবিয়া উঠিতে পারে না হীরালাল, স্বধু বাহিরের তীক্ষ্ণ কানগুলির কথা স্মরণ করিতে করিতে বারে বারে কণ্টকিত হইতে থাকে।

গোড়া-পত্তনটা এই।

বারো বছরের অল্পপমা নিজস্ব একটি ছোট্ট সংসার আর চবির মত একখানি বাড়ির স্বপ্ন লইয়া শশুরঘর করিতে আসিল। আর আঠারো বছরের হীরালাল এ যাবৎ পাঠ্য অপাঠ্য যত কিছু বই হইতে যা কিছু কাবারস সঞ্চয় করিয়াছিল, সমস্ত শিকায় তুলিয়া রাখিয়া কিশোরী প্রিয়র কাছ হইতে অভিনব জ্ঞান সঞ্চয় করিতে লাগিল।

বলা বাহুল্য, উক্ত ‘ঘর-বসতে’র পরদিন নূতন বউয়ের নামে ‘টি-টি’কার পড়িয়া গিয়াছিল। আড়ি পাতিবার জগ্না যাহারা শীতের রাত্রে নিউমোনিয়ার আশঙ্কা তুচ্ছ করিয়া ঘণ্টা দুই-তিন জানালার বাহিরে কান পাতিয়া গোলা ছাদে দাঁড়াইয়া থাকিয়াছে, আর ঘাই হোক, এতটা আশা করে নাই তাহারা। নববধূ কাম্বাকাটির পরিবর্তে বড়জোর ‘বাচাল’ বা ‘বেহায়া’ নাম কিনিবার উপযুক্ত আচরণ করিতে পারে, কিন্তু কখনও কাঁহাকেও ‘ভেন্ন’ হইবার ইচ্ছা প্রকাশ করিতে শোনা যায় নাই। আড়ি-পাতুনীদের পক্ষে এটা সম্পূর্ণ নূতন অভিজ্ঞতা।

নূতন ডুরেশাড়ি, মল আর নোলক পরা টুকটুকে বউটি, দেখিলে চোখ জুড়াইয়া যাইবার কথা। কিন্তু সকালবেলা বউ দোতলা হইতে নামিয়া আসা-মাত্র আপাদমস্তক জালা করিয়া উঠিল শাস্ত্রী ঠাকুরানীর। অর্থাৎ রাত্তিরাত্তিই দূত মারফত বউয়ের গুণাগুণ জানিয়া ফেলার সৌভাগ্য হইয়াছে তাঁহাদের, বোকা গেল।

আপন মনে নীচে নামিয়াই শাস্ত্রীকে দেখিয়া তাড়াতাড়ি ঘোমটার বহর বাড়াইয়া দিয়া থমকিয়া দাঁড়াইল অল্পপমা।

শাস্ত্রী জিপুৱাশ্চন্দরী একটা ছুতা পাইলেন যেন। মুখপানা যতটা বিকৃত করা সম্ভব করিয়া মুখকামটা দিয়া উঠিলেন, আহা, মরে ঘাই, আমার দেখে আবার ঘোমটা! তবু যদি না ঘোমটার ভেতর খ্যামটা নাচ হত! সেই বলে না—‘লাজে বউ খান্ খান্, ঘোমটার ভেতর স্ত্রী খান, এ যেন

তাই! বলি, বাপের বাড়ি থেকে খুব শিকে শিখে এসেছ তৌ বাছা!

দাদারও দাদা থাকেন, কাজেই শান্তুড়ী থাকা অসম্ভব নয়, তবে খাঁটি শান্তুড়ী নয়—খুড়শান্তুড়ী। কাজেই শাসনকর্তা নন, বড়জোর কুটুস্‌কামড় করিতে পারেন। ত্রিপুরাসুন্দরীর খুড়শান্তুড়ী মহেশ্বরী একটা রসালো ঘটনার আভাস পাইয়া পুলকিত চিত্তে বাগিরে আসিয়া কহিলেন, ও কী মেজবউমা, সকালবেলাই ছেলেমানুষকে ভয় পাইয়ে দিচ্ছ কেন বাছা? আহা, যতই হোক, কচি শিশু, মা বাপ ছেড়ে—

কথা শেষ হইবার আগেই ত্রিপুরা ঝঙ্কার দিয়া উঠেন, থাক ছোটখুড়ি, তুমি আর ফোড়ন কেটো না, আমি বলে নিজের জালায় জলছি।...ছেলে-মানুষ! কী আমার ছেলেমানুষ রে! ওঠ ছেলেমানুষ আমার হীককে এক হাটে বেচে আর-এক হাটে কিনবে তা দেখো। ওমা, বাবার জন্মে শুনি নি যে ঘর-বসতের বউ এসে বলে ‘ভের হব’।

মহেশ্বরীও সে খবরটা না পাইয়াছেন এমন নয়, কিন্তু অজানার ভান বজায় রাখিয়া বলেন, কী হবে? কী বলেছে?

ভের হবেন গো—বর নিয়ে আলাদা হবেন। শুনেছ এমন কথা?

ওমা, সে কী কথা!...হ্যাঁ গা নাতবউ, এসব কী কথা?

বেচারি অল্পপমা হীরালালের সামনে যতই প্রগল্ভতা প্রকাশ করুক, পুলিশ-কমিশনার আর জেলা-ম্যাজিস্ট্রেট উভয়কে একত্রে দেখিয়া ভয়ে কাঁঠ হইয়া ঠিক একই অবস্থায় দাঁড়াইয়া থাকে।

ত্রিপুরার উনানের আগুন বহিয়া যাইতেছে, দাঁড়াইয়া কথা শুনিবার সময় নাই, তাই জলন্ত উনানের মতই মুখচ্ছবি করিয়া বলেন, বেঁচে থাকলে আরও কত শুনেবে ছোটখুড়ি, এখনই হয়েছে কী? ওমা, আমি কোথায় যাব! ভাবছি, আর যেন জলবিছুটি দিচ্ছে গায়ে!

জলবিছুটির জ্বালাতেই ছটকট করিয়া বোধ করি তাড়াতাড়ি চলিয়া যান ত্রিপুরাসুন্দরী।

অতঃপর নন্দ আর ভাজ, পিসশান্তুড়ী আর মাসশান্তুড়ী, ভায়ী আর ভাসুরঝির দল, একে একে দুইয়ে দুইয়ে আসিয়া অল্পমাকে ব্যঙ্গ বিক্রপ রেষ এবং সহৃদয়তার তীক্ষ্ণ শরজালে জর্জরিত করিয়া যাইতে থাকে।...

এই বারো বৎসর বয়সে অল্পম্মা প্রথম টের পাইল যে তাহার নিজের মনটা কত কুটিল, বুদ্ধিটা কত প্যাচালো আর স্বভাবটা কত নীচ। ছেলেবেলা হইতে এইরকম কথার বাধুনির জালায় ‘গিন্নীবুড়ী’ ‘পাকাবুড়ী’ প্রভৃতি বিল্লেষণ বিলক্ষণ জুটিয়াছে তাহার—এ কথা মিথ্যা নয়, কিন্তু সে সব সম্বোধনের মধ্যে এমন তীব্র ঘৃণার ভাব তো ছিল না।

‘ভের’ হইবার কথাটা বলা যে নিতান্ত দোষণীয় সে বিষয়ে অবশ্য আর সন্দেহ থাকে না অল্পম্মার, কিন্তু তবুও চিরকাল এই ‘রাক্ষসপুতী’তে থাকিতে হইবে মনে করিয়াই ডাক ছাড়িয়া কাঁদিতে ইচ্ছা হয় তাহার।

এক্ষেত্রে আলাদা হইবার ইচ্ছাটাই মনে মনে বন্ধমূল হওয়া ছাড়া উপায় কী? অদূরভবিষ্যতে না হোক, সূদূরভবিষ্যতেও একদিন কি সুযোগ মিলিবে না?

অতএব দিনের বেলায় যতই ভীত ত্রস্ত কুণ্ঠিত হইয়া উঠুক অল্পম্মা, রাত্রি হীরালালের কাছে নিজমুতি ধরিতে ছাড়ে না।

হীরালাল কখনও হাসে, কখনও বিব্রত হয়, কখনও বিরক্ত হইয়া বলে, তোমার মতন অদ্ভুত মেয়ে আমি কখনও দেখি নি, খালি ‘একালবেঁড়েপনা।’ একলা সংসার করার এত সাধ কেন? পাঁচজনের সংসারই তো ভাল।

অল্পম্মা ছলছল চোখে বলে, ই্যা, ভাল তো কত, খালি এক শো লোকের বকুনি খাও, আর দু শো লোকের মন জুগিয়ে চল! নিজের ইচ্ছেয় কিছুটি করবার জো নেই।

এখনি আবার তোমার এত নিজের ইচ্ছে কিসের?—হীরালাল হাসিয়া কলে।

বাঃ, ইচ্ছের আবার এখনি-তখনি কী? কোন কিছু ইচ্ছে করে না মামুষের? এই তো সেদিন পানের বাটাগুলো ময়লা হয়ে রয়েছে বলে পিসিমাকে বললাম—‘পিসিমা, বাটার সাজগুলো মাজব, একটু তেঁতুল দিন না,’ পিসিমা অমনি বলে দিলেন—‘তোমায় আর অত গিন্নীষ করতে হবে না বাছা, পান সাজছ পান সাজ।’ আচ্ছা, আমি কী মন্দ কথা বলেছি?

বলা বাহুল্য, কোন তরুণ স্বামীরই এসব তুচ্ছ সাংসারিক কথার কান দিতে ইচ্ছা হয় না, তা ছাড়া প্রতিকারের কোন উপায়ই যখন হাতে নাই। কিন্তু কান দিতে হয় অপর এক কারণে। কারণ, দেওয়ালের বে কান আছে এ কথা



অল্পমা না জাহ্নক হীরালাল তো জানে। সেই কথা বলিয়াই বধুকে সাবধান করিয়া দেয় সে।

অনেক অভিজ্ঞতা ইতিমধ্যে অল্পমারও সঞ্চয় হইয়াছে, তাই কিছুটা সাবধান হয় এবং মনে মনে এমন একখানি ঘরের ধ্যান করিতে থাকে যে ঘরের জানালা খুলিয়া রাখিয়াও স্বচ্ছন্দে শোওয়া যায়, গলা খুলিয়া দুইটা কথা কথা যায়।

হায়! তেমন একখানি ঘর কবে জুটিবে অল্পমার?

অল্পমা যদি নেহাত নীরস গগ্গাকারের হাতে না পড়িয়া কবির হাতে পড়িত, তবে হয়তো ‘পঞ্চদশ বসন্তের একগাছি মালা’র মত প্রিয়তমের কণ্ঠলগ্ন হইতে পাইলেই ধগ্গ হইত, এবং নিরাল। ঘর একখানি যদি কামনাও করিত—সে কেবল বাজে লোকের কোতূহলী দৃষ্টিপাতের আশঙ্কায়। কিন্তু এ ক্ষেত্রে নিতান্তই পনরো বছরের মেয়ে অল্পমা প্রিয়তমের দিকে পিঠ ফিরাইয়া শুইয়া মনে মনে একখানি নিরিবিলা ঘরের ধ্যান করিতে থাকে—এই সব ঘরগৃহস্থালীর কথা প্রাণ খুলিয়া বলিতে না পারার খেদে, ইচ্ছামত সাজাইতে গোছাইতে না পাওয়ার খেদে।

শুধুই তো একখানি নিরাল। ঘর নয়—অল্পমার যে আরও অনেক কিছু চাই। রান্নাঘর, ভাঁড়ারঘর, ঠাকুরঘর, গোয়ালঘর—ঘর আর গৃহস্থালী।

মাটির যে খেলাঘরখানা ফেলিয়া চলিয়া আসিতে হইয়াছে, সেই ঘরের জগ্গ হয়তো এখনও মন কেমন করে অল্পমার। তাই নিজের ছাঁচে গড়িয়া তুলিবার জগ্গ চাই ঘরকরা। সে ঘরে হীরালাল কেন্দ্র নয়, পরিজন মাত্র—অল্পমার সংসারটি গড়িয়া তুলিবার জগ্গ একটি প্রয়োজনীয় যন্ত্র। বাস, আর বেশী কিছু নয়। সে ঘর একান্তই অল্পমার। কিন্তু কোথায় ঘর?

২

অভাববশে মাঝে মাঝে নিন্দামন্দা, টিকাটিপ্পনি করিলেও মহেশ্বরী দেবী লোক মঞ্চ নয়। অন্তত ভয়ঙ্কর নয়। ছোটঠাকুরমার কাছে বেশ একটু প্রজ্ঞা আছে অল্পমার। মাঝে মাঝে মূক্তির আশ্বাদও পাওয়া যায় তাঁহার কৃপায়।

নিঃসন্তানা বালবিধবা মহেশ্বরীর সংসারের তিন ভাগ খাটুনি খাটিয়া দিয়াও অনেক অবসর, কাজেই বাঁধা নিয়মে পাড়া-বেড়ানোটি চাই তাঁহার। মাঝে মাঝে তিনি অল্পমাকে সঙ্গী করেন। হয়তো পাড়ায় কাহারও ঘরে নৃতন

থোকা হইয়াছে, কি কোন মেয়ে শশুরঘর হইতে আসিয়াছে, অথবা কোন কনেবউ শশুরঘর করিতে আসিয়াছে, এমনি সব সাধারণ উপলক্ষ। তবু মহেশ্বরী অল্পমাকে দেখাইতে লইয়া যান।

বলা বাহুল্য, ত্রিপুরাসুন্দরী এসব দৃষ্টান্ত দেখিতে পারেন না, ‘বউমাছুষ ঘট্ ঘট্ করিয়া পাড়া বেড়াইবে কী’; কিন্তু খুড়শাশুড়ীকে নিষেধও করিতে পারেন না মুখের উপর। খুঁত খুঁত করেন, কাছের অজুহাত দেখান, কিন্তু সে সব মহেশ্বরীর উড়াইয়া দিতে দেরি হয় না। স্পষ্ট করিয়া তো আর ত্রিপুরাসুন্দরীর কাছে অনুমতি চাওয়া যায় না, যতই হোক মান-মর্যাদা তো আছে তাঁহার। অথচ একেবারে না জানাইয়া যাওয়া চলে না। তাই গলা তুলিয়া অল্পমাকেই ডাক দেন—অ নাতবউ, যাবে তো চল আমার সঙ্গে, বলেছিলাম না আমার বোনঝির বাড়ি দেখিয়ে আনব? আজ সময় রয়েছে—

ঘরের ভিতর হইতে ত্রিপুরাসুন্দরী মুখ ঝাঁকাইয়া মনে মনে বলেন, কবে যে তোমার সময় নেই তাও জানি নে। বউটাকে দিন দিন পাড়া-বেড়ানী খিঁজি করে তুলল গো, ছি ছি! এ যেন ইচ্ছে করে শত্রুরতাই সাধা। একে তো গুণের নিধি বউ আমার, তার ওপর আরও দক্ষাল হোক।

মনে মনে অনেক তীব্র তীক্ষ্ণ আর কটু মন্তব্য করিলেও বাহিরে কিছু আর বেশী বিরক্তি প্রকাশ করা ভাল দেখায় না, তাই ত্রিপুরাসুন্দরী নিতান্ত বিরস কণ্ঠে বলেন, তোমার বোনঝির বাড়ি বউমা আর গিয়ে কী করবে? চেনে না, জানে না।

মহেশ্বরী হাসিয়া ওঠেন : মেজাবউমার এক কথা। দেখাসাক্ষাৎ হলে তবে তো চেনা জানা হবে। স্বধার বড্ড সাধ বউমার সঙ্গে আলাপ-সলাপ করে।

ত্রিপুরাসুন্দরী বিরক্তি গোপন করিতে অক্ষম হন, বলিয়া উঠেন, তা সেও তো একদিন বেড়াতে এলে পারে! বউমা বউমামুখ, নিত্যা খেই খেই করে এখান ওখান কী যাবে!

চট্টিয়া গিয়া কাজ নষ্ট করিবার লোক মহেশ্বরী নয়, তাই আরও একবার হাসিতে হয় তাঁহাকে : বলি সেও তো একটা যাক্সের বাড়ির বউ—না কী? তবে হ্যাঁ, আসবে, সেও আসবে। সময় তো পার না দাচ্চা। চক্ষিণ

ধট্টা কাজ, শান্ত্রী মাগী চোখে ভাল দেখতে পায় না, কিছু করে না, সব ওই স্থা।...কই গো নাতবউ, তোমার সেই গোলাপী সেমিজ আর গন্ধাজলী ডুরেপানা পরে এস। নতুন দেখবে ওরা। চুলটা তোমাদের যেমন ফ্যাশন-ট্যাসান কাটে কেটে নাও। যেমন-তেমন করে লোকের বাড়ি যাওয়া ভালবাসি না।

তা বাসবে কেন, বউ বিবি সেজে পথে পথে রূপ দেখিয়ে বেড়াবে!—অন্যুট মস্তব্য করেন ত্রিপুরা।

হীক এবার বাড়ি আসুক যা হয় একটা বিবিত্ত তিনি করবেনই। ছোট-খুড়ি যে বউটিকে বিগড়ানিয়া দিবেন সেটা কিছু কাজের কথা নয়। বাড়িতে আরও পাঁচটা বউ আছে, তাঁহার নিজের নয় বটে, ভাসুরপো-বউ, ভায়ে-বউ ইত্যাদি—তাদের জ্ঞাতো মাথাব্যথা নাই ছোটখুড়ির। বলিলে বলিবেন—ও ছুঁড়ীরা উদয়াস্ত বাস্ত, কুচো-কাচা নেড়ি-গেড়ি নিয়ে কোথায় যাবে? এ বউটাবও তো কই এখন ছেলেপুলে হল না! পনরো-ষোলো বছর বয়স হল, কম তো নয়, এ বছরটা দেখি, এর পর মাহুলি দিতে হবে একটা। কোলে কচি না হলে জন্ম হবে না বউ।

বউকে জন্ম করিবার অনেক ফিকির খুঁজিয়া বেড়ান ত্রিপুরাসুন্দরী। কিন্তু সুপারি কাটা, তেঁতুল ছড়ানো, নারকেল কোর, চাল ডাল বাছা প্রভৃতি কুড়ে কর্ম দিয়াও জন্ম করিতে পারেন না, চক্ষের নিমিষে কাজ শেষ করিয়া ফেলে অহুপমা।

বউ আবার অত চটপটেও ভাল নয়।

ত্রিপুরাসুন্দরী রাগে গম গম করিতে থাকিলেও গোলাপী সেমিজ আর গন্ধাজলী ডুরে শাড়ি জড়াইয়া দিদিশান্ত্রীর পিছু পিছু চূপ করিয়া বাহির হইয়া যায় অহুপমা।

বেশ পানিকটা দূরে স্থধার খন্তরবাড়ি।

বড় দৌধির ধার দিয়া যাইতে হয়, বেশ খোলামেলা জায়গাটা। চলিতে চলিতে উৎফুল্ল আনন্দে ঘোমটাটা ঈষৎ সরাইয়া অহুপমা ফিস ফিস করিয়া বলে, ছোটঠান্দি, এদিকটা তো দিকি। আমাদের বাড়িটা যেন ঘিঞ্জি এঁদো পাড়ায়।

মহেশ্বরী বলেন, তা যা বলেছিস। স্থধাদের এদিকটা বেশ।

আচ্ছা ঠান্দি, এত জমি পড়ে আছে—এসব কাদের ?

এদিকটা মনসা ভট্টাচার্য। আর ওই দীঘির ওপাড় থেকে চৌধুরীদের। যত দূর দৃষ্টি যায় সব ওদের।

অহুপমা বিস্ফারিত চক্ষে যত দূর দৃষ্টি যায় চাহিয়া বলে, ই্যা ঠান্দি, সব ওদের ? এত জমি এমনি কৈলে রেখেছে ?

তা কী করবে ? এ সব তো দান-জমি নয়। ফলের বাগান ছিল আগে, দেখাশোনার অভাবে সব মরে-হেজে গেছে। কেই বা আছে আর ?

ঠান্দি !—অহুপমা অকারণ গোপনতায় আরও ফিস ফিস করিয়া বলে, এর থেকে একটুখানি জমি ওয়া বিক্রির করতে পারে না ?

তা কী জানি !—মহেশ্বরী হাসিয়া ওঠেন : কেন, তুই কিনবিনাকি ?

অহুপমা অপ্রস্তুত ভাবে বলে, বাঃ, আমি কেন ? লোকে তো কিনে বাড়ি করতে পারে ?

কার গরজ পড়েছে যে এট মাঠের মধ্যখানে বাড়ি করতে আসবে ?

কী যে বল ছোটঠান্দি, মাঠের মধ্যখানে নয় তো পচা ভোবার ধারে বাড়ি করা বুঝি ভাল !

মহেশ্বরী আগাইয়া যান, অহুপমাকেও বাস্তব হইয়া সজ্জ লইতে হয়, কিন্তু পিছন ফিরিয়া দীঘির পাড়ের উঁচু জমিটার দিকে বার বার লুক্ক দৃষ্টি ফেলিতে থাকে। কতটা জমি লইলে একখানি ছোটপাট বাড়ি হয় সেই কথাটা জানিতে বার বার ‘বলি বলি’ করিয়াও বলিতে পারে না অহুপমা।

কতটুকু জমি ? কত দাম ? কত কাল লাগিবে অহুপমার এই ছোট প্রকল্পটুকু করিবার মত সাহস সঞ্চয় করিতে ?

স্বখাদের বাড়ি ঢুকিয়াই অহুপমার মনে হইল, সে যেন স্বপ্ন দেখিতেছে। ঠিক এমনি একখানি ছবির মত বাড়িই তাহার ধ্যানের স্বপ্ন নয় কি ? ছোট খাটু ধবধবে শান-বাধানো উঠান, কাদা পাথরে বাধানো স্তম্ভাঙ্কিত তুলসীমঞ্চ, উঁচু রোয়াকের উপর পাশাপাশি দুইখানি ঘর, এদিকে—রান্নাঘর ভাঁড়ার-ঘর আর চাতাল। শোবার ঘরের দরজা-জানালায় পুরানো রঙিন শাড়ি কাটিয়া পর্দা লাগাইয়াছে স্বখা, রোয়াকের উপর পাতলা রাগিয়াছে বেতের মোড়া আর নীচু টেবিল। অবশ্য টেবিল বলিলে তাহাকে একটু বাহুল্য পৌরব দেওয়া হয়, তবু চারখানা পায়্য তো আছে ! শাড়ির পাড় জুড়িয়া একটা

ঢাকনি তো লাগাইয়াছে তাহাতে ! পল্লী অঞ্চলে এ-হেন শৌখিনতা দুর্লভ ।  
বিশেষ তো তখনকার আমলে ।

নিমন্ত্রণ বাড়ি, মধ্যাহ্নকালটি যে বিশ্রামের কাল এটা বোধ করি অস্বীকার  
করে না এরা । অন্নপূর্ণার শ্বশুরবাড়ির মত অহরহ হট্টগোল আর অবিশ্রাম  
কাজের বায়নাঝা আর কাহাদের আছে, বাবাঃ !

মহেশ্বরী কাঁপের বেড়াটা ঠেলিয়া এদিক ওদিক চাহিয়া ডাকেন, কই রে  
সুখা, ঘুমচ্ছিস নাকি ? এই দেখ্, কাকে ঘরে এনেছি ।

পর্দা সরাইয়া ঘরের ভিতর হঠাতে সুখা বাহির হইয়া আসে ।

বাড়ির মতই ফিটফাট জিমছান্ন নাক্ষত্র । আসন্ন সম্মানসম্ভাবনায় মন্থর ।  
বয়সে অন্নপূর্ণার চাইতে কিছু বড় হওয়াই সম্ভব ।

এই বুঝি তোমার নতুন নাতবউ রাজ্যমাসী ? ওমা, বেশ বউ তো ।  
এস ভাই ।

সহজ হৃদয়তায় অন্নপূর্ণাকে ডাকিয়া লয় সুখা ।

কই রে, বেয়ান কই ? তোর শাশুড়ী ?

তিনি ওই ঘরে পড়ে ঘুমচ্ছেন । অথর্ব মালুষ ।

ঘাই, দেখি একবার বুড়ীকে, তোরা গল্পমল্ল কর । নাঃ, দোরের আবার  
ন্যাকড়ার পর্দা লাগিয়েছে, যত সব বিবিয়ানা ! সরা দিকিন বাপু । বুড়ীর  
ঘরে আবার এসব কেন ?

সুখা হাসিয়া পর্দা সরাইয়া দিয়া বলে, বুড়ীর ঘর বলে বাদ দিলে বাড়ির  
সৌষ্ঠব হবে কেন গো রাজ্যমাসী ? এসব ভাল গো ভাল, আকাচা কাপড়ে  
ছুঁই না আমরা, উল্টে রাখি তখন ।

মহেশ্বরী সরিয়া ঘাইতেই সুখা অন্নপূর্ণার গালটা টিপিয়া দিয়া বলে, হঃ,  
পাকা ডালিম, বর খুব ভালবাসে তো ? কিছু মনে কোর না ভাই, যদিও  
তুমি মাসীমার নাতবউ, সম্পর্কে এক পৈঠে নীচে, তা হলেও সমবয়সীদের  
মধ্যে ওসব সম্পর্ক-টম্পর্ক বাছতে পারি নে বাপু ।

অন্নপূর্ণা হাসিয়া বলে, আমিও । আচ্ছা, তোমার শাশুড়ী তো অথর্ব  
মালুষ, একলাটি তোমার খুব কষ্ট, না ?

সুখা একটু রহস্যময় হাসির সঙ্গে বলে, হ্যাঁ, এক রকম কষ্ট, আবার এক  
রকম সুখ । মাথার ওপর কথা কইতে তো কেউ নেই । যা করব আমি ।  
এই যে বাড়িঘর সব আমার পছন্দে, শ্বশুরের তো একখানা ভাঙা ভিটে ছিল

ওই ওদিকে—ভাঙাচোরা দেখতে পারি নে বাপু। ই্যা, বনে গিয়ে সন্নিহি হও আলাদা কথা, আর সংসার যদি করতে হয় সংসার করার মত কর।

অনুপমা ফিকে হাসি হাসিয়া বলে, বরটি তোমার কথা শোনেন, তবে না ?

শুনবে না মানে ? অমনি নাকি ? নাকের জলে চোখের জলে করে ছাড়ব না তা হলে ? এই তো, দেখছ তো অবস্থা ? আগে থেকে বলে দিয়েছি বেতের দোলা কিনে আনবে আর রঙিন মশারি, এই দালানে টাঙিয়ে দেব।

মোহাগে গর্বে টলটল করিতে থাকে সুধা।

গৌরব করিবার মত ঐশ্বর্য থাকিলেই বোধ করি এত সহজ অমায়িক হইতে পারে মানুষ।

সুধার উপর কেমন এক ধরনের হিংসা হয় অনুপমার। মনে হয় ওর কথাবার্তার মধ্যে যেন প্রচ্ছন্ন অহঙ্কার, ওব আসন্নমাতৃত্বের ভারে ভারাক্রান্ত শরীরটাও যেন নিজেই গৌরব ঘোষণা করিতেছে। তেমন খোলা মনে আর কথা কহিতে পারে না অনুপমা, শুধু আড়ে আড়ে চাহিয়া সব দিক দেখিয়া লয়।

বড় চৌকির উপর ফরসা ধবধবে বিছানা, পাতা, ঝালর-দেওয়া বালিশ, মশারিতে রঙিন ঝালর। দেওয়ালের গায়ে সারি সারি ছবি, গ্রুপ ফোটো, কালীঘাটের পট, একখানা মেলিন্স্ জুডের পোকার ছবি। সেল্ফের উপর টেবিল-ল্যাম্প, কাচের পুতুল, আরশি চিরুনি। আর কত কী টুকিটাকি।

এ সব তো এবার থেকে সাবধান করতে হবে।—অনুপমা ঝাঁক হাসির সঙ্গে অনাগত শিশুর চুরন্তপনার ইঙ্গিত করে।

ইস্, সাবধান করতে হবে বইকি। ছেলে ধরবার লোক রেখে না দিলে রক্ষে রাখব কিনা! তা ছাড়া, দোতলায় এবার ঘর তোলা হবে।

দোতলায়!—অনুপমা চকিত হইয়া বলে, আর ঘরের তোমাদের দরকার কী ?

ওমা, শোন কথা। চিরকাল বুঝি নীচের তলায় পড়ে থাকতে ভাল লাগে ? আমি তো বলে দিয়েছি—এই ষাচ্ছি বাপের বাড়ি, ছ মাস পরে আসব, এসে যেন দোতলায় শুই

তোমার বর কী করেন ভাই ?

উনি ? কিছু না, ভেরেণ্ডা ভাজেন।—সুখা হাসিয়া ওঠে : আমি তো বলি ‘কন্টাক্টারি’ করাও যা ভেরেণ্ডা ভাজাও তা। তবে ই্যা, কাঁচা পরসা আছে।

কুড়ি বছরের সুখা কথা কয় যেন পাকা গিল্লীর মত।

বাচাল বলিয়া যে এত অখ্যাতি অহুপমার, সুখার কাছে যেন বোকা বানিয়া যায়।

খুব আন্তরিকভাবে না হইলেও গল্পগল্প হয় খানিকক্ষণ। এই বাড়ি করিতে কত খরচ হইয়াছে, দোতলা তুলিতে কত লাগিবে, পুরানো ট্রাকগুলার নতুন রঙ লাগাইয়া সতাই নতুনের মত লাগে কি না, এত ছবির ফ্রেম কিনিতে কতগুলি টাকা খসিয়াছে সুখার বরের—এমনি সব নিরেট আলোচনা।

এর চাইতে উচ্চাঙ্গের আলোচনা চালাইবার মত বুদ্ধিবৃত্তি দুইজনের কাহারও নাই।

ফিরিবার পথে অহুপমা যেন কেমন গম্ভীর হইয়া পথ চলে। সংসারের চাপে, প্রতিকূল পারিপার্শ্বিকতায় যে বাসনাটা ভোঁতা হইয়া আসিতেছিল সেটা যেন নূতন করিয়া মাথা তোলে। সুখার কথাগুলো দেমাকে ভরা বটে কিন্তু খাঁটি, এটাও মিথ্যা নয় : ‘সংসার যদি করিতে হয় সংসারের মতই করা ভাল।’

সুখার ঘর-সংসার গোছানো ফিটফাট বটে, কিন্তু অমন একখানি ছবির মত বাড়ি এমন হাতের মুঠার মধ্যে পাইলে অহুপমা যে আরও কত কী করিতে পারিত তা দেখাইয়া দিবার সুযোগ কেব জুটিবে অহুপমার।

বাড়ি ! বাড়ি !

পনরো বছর বয়সের মেয়ে শাড়ি চায় না, গয়না চায় না, স্বামীর সান্নিধ্যের আকাঙ্ক্ষায় ব্যাকুল হয় না, চায় কিনা বাড়ি ! আশ্চর্য বটে ! কিংবা হয়তো আশ্চর্যও নয়, বাড়ি মানে তো কেবলমাত্র একটা ইট-কাঠের সমষ্টি নয়, নিজেকে প্রকাশ করিবার একটা সহজ ক্ষেত্র, নিজেকে প্রতিষ্ঠা করিবার উপযুক্ত মন্দির।

খানিকটা পথ চলিতে মহেশ্বরী নাভবউয়ের আনমনা ভাব লক্ষ্য করেন, বাক্যবাগ্মীশ অহুপমার হইল কী ! বলেন, কী হল রে নাভবউ ? কথা নেই কেন মুখে ?

কই ঠান্দি, এই তো কথা কইছি। আচ্ছা ঠান্দি, ‘কন্টাঙ্কারি’ করা মানে কী ?

ওমা, মানে আবার কী, কাজ একরকম। এই তো স্বধার বরই করে। এই ধর্ যেমন তোর বাড়ি হবে—স্ববোধ কন্টাঙ্ক নিলে, কেমন ? স্ববোধই মিস্তিরি খাটাবে, দেখাশোনা করবে। মালমসলা কিনবে, তোর কাছে স্বধু নগদ দামটি নেবে, বাস্। তোর আর কোন ঝামেলা থাকল না। কন্টাঙ্কারি করেই তো স্ববোধের এত বাড়-বাড়ন্ত, কাঁচা পয়সা আছে কিনা, নইলে লেখাপড়া আর কী জানে ! নে, চল তাতাতাড়ি, তোর শাশুড়ী আবার হাঁড়িমুখ করে বসে আছে হয়তো।

শাশুড়ী !

দপ করিয়া যেন সমস্ত আলো নিবিয়া যায়। হায় ! স্বধার শাশুড়ীর দৃষ্টি অথর্ব শাশুড়ী যদি হইত অহুপমার ! সে শুধু খাইত আর ঘুমাইত কিন্তু শুধুই কি শাশুড়ী ? পিসশাশুড়ী খুঁড়শাশুড়ী জ্যাঠতুতো খুঁড়তুতো বড় বড় জা ভাস্কর, কুচোকাচা গের্ণ্ডিগলিতে বাড়ি বোঝাই। স্বধার বাড়ির মত শাস্ত শাস্তি কোথায় ?

আচ্ছা ঠান্দি, তোমার বানঝির বাড়িটি বৈশ ঠাণ্ডা-ঠাণ্ডা, না ?

ঠাণ্ডা ! আ কপাল, ঠাণ্ডা আবার ভাল ? কাচ্চাকাচ্চা ঘর ভরে যাবে, তবে না সংসার ? স্বধার তো এট বড়োবয়সে ‘হবে না হবে না’ করে এতকালে এট আশা হয়েছে। তা নইলে এতদিনে তিন ছেলের মা হবার কথা। তা তোরও যা ধাত দেখছি—

যাঃ, ঠান্দি যেন কী ! চল তো পা চালিয়ে।

শাশুড়ীর হাঁড়িমুখ মনে পড়তেই কল্পনার ছবি টুকরা টুকরা হইয়া ভাঙিয়া পড়ে। অহুপমার বাড়ির উঠানের তুলসীগাছটা শ্বেতপাথরের হইবে কি কালোপাথরের, জুইখানা ঘর থাকিবে না তিনখানা, চৌকিতে বিছানা হইবে কি বার্নিশ-করা পালকে—সে সব চিন্তা মূলতুবি থাকে।

সারাদিনের অজস্র কাজের শেষে সেই চিন্তা পাড়িয়া বসে এবং অনেক চেষ্টার ফলে একাও একখানা চিঠি লিখিয়া কেলে হীরালালকে।

আকাবাকা কাটাকুটি তো বটেই, তা ছাড়া বানানের উপর বর্ণমালা



নির্দেশের চিহ্নমাত্র নাই। তা হোক, তবু মনের কথাগুলো তো স্বামীর কাছে পর্যন্ত পৌঁছানো গেল। যদিও একুশ বছরের স্বামীর পক্ষে কতটুকু কী করা সম্ভব, সেটুকু আর ভাবিয়া দেখে নাই অন্নপমা। দুইটা পাস করিয়া যে তিনটা পাসের পড়া করিতে পারে, সে যে সুধার বরের মত সামান্য 'কন্টাক্টরি'টুকুও পারিবে না এটা অবিশ্বাস্য। বিশেষ তো হাতে 'কাঁচা পয়সা' আছে। এই সব কথাই বেশ প্রাজ্ঞ ভাষায় শুধাইয়া লেখে অন্নপমা। তা ছাড়া আরও লেখে—এবারে আসিবার সময় যেন 'শাস্ত্রু ও গঙ্গা'র একখানা ছবি আনে হীরালাল, আর দুইটা কাচের ফুলদানি। আরও অনেক ছবি অবশ্য চাই, তবে একে একে আনিলেই চলিবে।

হীরালাল কিন্তু না আনে ছবি, না আনে ফুলদানি। অন্নপমা পাগল বলিয়া তো আর হীরালাল পাগল নয়। অথবা জিনিসটা অদৃশ্য করিয়া আনিয়া অন্নপমার হাতে পৌঁছাইয়া দেওয়াও সম্ভব নয়। তা ছাড়া রবিবর্মার আঁকা ছবি টাঙাইবে কোথায় অন্নপমা? 'নিজস্ব' বলিয়া যে ঘরখানিতে শুইতে পাইয়াছে সে ঘরকে 'নিজস্ব' বলার মত খাটমো আর কী আছে? গুদামঘর বলিলেই কি ঠিক বলা হয় না তাহাকে? ত্রিপুরাসুন্দরীর ভাগে দোতলায় মাত্র এই একখানিই ঘর, দোতলা বলিয়াই কিছুটা শুকনা খরা গোছের, নীচের তলার মত অত নোনাধরা নয়। কাজে কাজেই সারা বছরের মুগকলাই ছোলা মটর বস্তাবন্দী করিয়া কোথায় রাখা যাইবে এমন নিরাপদে? সারাবছরের আলুগুলাও রাখিতে হয় অন্নপমার চৌকির তলায়। এ ছাড়া তাকের উপর বড়ির টিন আর আচারের বোতল-গুলাও না রাখিলে চলে না। আর বাক্স প্যাটরা আলনা দেরাজ ভারী ভারী যা দুই-একটা আছে ত্রিপুরাসুন্দরীর, সেও তো দোতলায় রাখিবার জিনিস।

এ যাবৎ নিজেই শুইয়া অনিয়াছেন ত্রিপুরাসুন্দরী, ছেলের বিবাহের পর হইতে অধিকারটা ছাড়িয়াছেন।

পাঠ্যপুস্তকের বোঝা নামাইয়া ছুটিতে যখন বাড়ি আসে হীরালাল, তখন ক্ষুতির আতিশয্যে তুচ্ছ অসুবিধা তাহার চোখেও ঠেকে না। আর অসুবিধাই বা কী, বিছানা পাতিবার মত হাত করেক জায়গা থাকিলেই

তো যথেষ্ট। বিছানার পাশে মৃগকলাইয়ের বস্তা থাকিলে যে কাহারও শয়্যাকটক রোগ হয় অথবা দীর্ঘ বিরহাস্তের পর প্রবাসী প্রিয়তমের সোহাগ-সম্ভাষণ নিমপাতার মত লাগে, এ কথা বোঝা তাহার পক্ষে অসম্ভব।

ছবির কথা শুনিয়া হাসি পাইল বটে, তবে তাহার হাসির ধবরে যে অল্পপমার কান্না পাইবে সে কথা বেচারী ভুলিয়াও সন্দেহ করে নাই। কান্না / ধামাইতে এবং রাগ ভাঙাইতে এক ডজন ছবির প্রতিশ্রুতি দিয়া বলিতে হইল হীরালালকে।

অমূল্য ছুটিটুকুকে তো বেঘোরে যাইতে দিতে পারে না সে!

আবার ছুটি আসিতে কি আর এই সামান্য আবদারটা ভুলিয়া যাইবে না অল্পপমা?

হায়! জীকে কতটুকুই বা চিনিয়াছে হীরালাল? প্রত্যেক চিত্রিতেই সে কথা একবার করিয়া স্মরণ করাইয়া দেয় অল্পপমা। ভুলিবার আর সুযোগ দেয় কোথায়! শেষ পর্যন্ত পরের ছুটিতে ‘শাস্ত্র-গঙ্গা’ ‘দুর্বাসা-শকুন্তলা’ ‘অশোকবনে সীতা’ প্রভৃতি বিখ্যাত ছবির সঙ্গে খানকয়েক কালীঘাটের পট মিশাইয়া পুরা-পুরি একটি ডজন করিয়াই লইয়া যাইতে হয় তাহাকে। অবশ্য বাড়ি আসিয়া বলিতে হয় নিজের শখ।

তা ত্রিপুরাসুন্দরীও ছেলের শখে খুশী হন। বাছিয়া বাড়িয়া খান তিনেক ছবি তিনি ঠাকুরঘরের জন্ত লইয়া যান। পিসিমা খুঁড়িমা ছোটঠাকুরমার দলও এক-একখানি লইতে ছাড়েন না। ঠাকুর-দেবতার ছবি বলিয়াই লওয়া। হীরালাল আবার রাগ করিবে কোন্ মুখে? বরং ধন্ত হইয়া যাইবার কথা তাহার।

ধন্ত হইল বটে, তবে সেবারের চার-চারটা দিন ছুটি তাহার মাঠে মারা গেল। কথাই কহিল না অল্পপমা।

ছুটির পর ছুটি আসে, ভালয় মন্দয় কাটিয়া যায়। অবশেষে পড়ার পালা সাক্ষ হয়। বি. এ. পাস করার সঙ্গে সঙ্গেই গ্রামের স্কুলে হেডমাস্টারের পোস্টটা পাইয়া যায় হীরালাল।

ত্রিপুরাসুন্দরী সত্যনারায়ণের সিরি দেন, কলিকাতায় কালীঘাটে পুজা পাঠান, বেশ একটু উৎসবের হাওয়া বয় বাড়িতে।

অল্পপমা?

এই উৎসবের আনন্দের মধ্যে তাহার মুখ দেখিয়া মনে হয়, কে যেন তাহার দীর্ঘদিনের যত্নবর্ধিত ফুলগাছের চারাটিকে উপড়াইয়া ফেলিয়া দিয়াছে।

এক রকম তাই বইকি। কলিকাতায় ‘বাসা’ করিবার যে ক্ষীণ আশাটুকু এতদিন হীরালালের কাল্পনিক চাকুরির উপর ভর দিয়া দাঁড়াইয়াছিল সেটি ধূলিসাৎ হইয়াছে। নিষ্ঠুর হৃদয়হীন নির্বোধ আমীর উপর কতই রাগ করিয়া থাকিবে অহুপমা? কদিন কথা বন্ধ রাখিবে?

মাথা খুঁড়িয়া মরিতে ইচ্ছা কি সাধে হয়? গ্রামের স্কুলের মাস্টারির কাজে অহুপমার যে আপত্তি কিসের, সেটা ঠিক বুঝিবার মত বুদ্ধিও নাই হীরালালের। হীরালাল যদি এই গ্রামের বাড়িতে কায়েমী হইয়া বসে, জীবনে কি আর মাথা তুলতে পাইবে অহুপমা!

সিমির প্রসাদ পাইতে অনেক লোক আসে, সকলেই ত্রিপুরাসুন্দরীর ভাগ্যের প্রশংসা করে, দুই-একজন আবার বউয়ের ‘পয়’ সম্বন্ধেও আস্থা দেখায়। বংশের মধ্যে হীরালালই বি. এ. পাস করিয়াছে, এটা তো আর কম গৌরবের কথা নয়। তাহার উপর আবার পাস করিতে-না-করিতেই চাকুরি—হাই স্কুলের হেডমাস্টার, গ্রামের মধ্যে রীতিমত বিশিষ্ট পদ।

বেশী রাত্রে ঘরে আসে অহুপমা।

হীরালাল বলে, সকলেই আমার ভাগ্যের প্রশংসা করছে, শুধু তোমার মুখে হাসি নেই কেন বল তো?

অহুপমা মুহূ হাসিয়া বলে, হিংসেয়।

দেখে শুনে তাই মনে হচ্ছে যে। সত্যি, তুমি কি খুশী হও নি? অথচ বাড়িতে—এই তোমাদের সকলের সঙ্গে থাকতে পাব বলে কবে থেকে চেষ্টা করেছি এইটার জন্তে।

সকলের সঙ্গে থেকে তো চারখানা হাত গজাবে।—অহুপমা এবার বেশ জোরালো ভাষাতেই নিজের মতামত ব্যক্ত করে, এই জ্বলে শেকড় গজালে জীবনেও কি আর আমার সাধ মিটবে?

হীরালাল বিরক্ত হয়, বলে, তোমার সাধ তো সেই আলাদা হওয়া? নিজের বাড়ি আর একলার সংসার?

নিশ্চয়ই তো, কেন নয়? নিজের একটা আলাদা বাড়ি না থাকলে কি সুখে সংসার করা যায়? তুমি দেখো, বাড়ি আমি করবই। বাড়ি করব—ইচ্ছেমতন সাজাব গোছাব।

তাই কোরো। চাকরি কোরো একটা, মন্দ হবে না। এখন সর, শুই।  
ইস্‌ এখুনি যেন ঘুম পেল ?

অহুপমা হাসে।

পাবে না কি। বসে বসে তোমার কুটকচালে কথা শুনব ! কী যে  
এক গোঁ নিয়ে ঢুকেছিলে এ বাড়িতে !

রাগ করিয়া পাশ ফিরিয়া শোয় হীরালাল, আর মুহূর্তের মধ্যে অকাতরে  
ঘুমাইয়া পড়ে। সারাদিন বিস্তর খাটুনি গিয়াছে।

বিস্তর খাটুনি সারাদিন অহুপমারও না গিয়াছে তা নয়, কিন্তু ঘুম আসে  
কই ? রাগে চুঃখে আশাভঙ্গের তীব্র ক্ষোভে যেন বিষের জ্বালায় ছটকট  
করিতে থাকে।

কিন্তু না—না। আশা সে ছাড়িবে না, কিছুতেই না।

ছবির মত নিজস্ব বাড়ি একখানি সে করিয়া তুলিবেই যেমন করিয়া  
হোক। দেওয়ালে দেওয়ালে টাঙাইবে ভাল ভাল ছবি, জানালা-দরজায়  
রঙিন পর্দা, ভাঁড়ার ঘরে একগাদা মাটির হাঁড়ি-কলসীর বদলে সভ্যভবা  
টিন আর কাচের বোতল। ভারী ভারী কাঁঠালকাঠের পিড়ি বাতিল করিয়া  
দিয়া কার্পেটের আসন বুনিবে হীরালালের জুতা, খাগড়াই ফুল-কাঁসার  
বাসন কিনিবে এক সেট, কাঠের উনানের পাট তুলিয়া কয়লার উনান পাতিবে  
নহরের মত, অহুপমার বাড়িতে পানের বাটায় চুন-খয়েরের ছোপ  
পড়িবে না, বিছানায় তেলের দাগ নয়, আনলার কাপড়গুলি পরিপাটি, বাসন-  
গুলি সর্বদা মাজা-ঘষা—দেখিবার মত আর দেখাইবার মত সংসার।

আর, অহুপমার ভিতরে যে অনাগত শিশুর অস্পষ্ট পদধ্বনি শোনা  
যাইতেছে তাহার জুতা আনিবে অজস্র উপকরণ—বেতের দোলা, তুখের  
বোতল, রূপোর বাটি, আরও কত কী ! এ বাড়ির ছোট ছেলেরা যা চক্ষেও  
দেখে নাই কোনদিন।

হীরালাল অঘোরে ঘুমায়, আর অহুপমা অগাধ স্বপ্ন দেখে।

সেই বাড়ির কোথায় কী রাখা হইবে, কোন্‌গানে বসিয়া কী কাজ  
করিবে অহুপমা, সে সব অহুপমার মুগ্ধ।



আবাচের মাঝামাঝি প্রথম স্তান হইল অহুপমার। কল্পনার খোকা নয়—

মেয়ে। ভরা বর্ষা—কচি মেয়ে লইয়া কটের একশেষ হইল সেবার। প্রথম সন্তানের দায়িত্ব সংসারের উপরওয়ালাদের ভাগ করিয়া লইবার কথা, কিন্তু অল্পমার যে ‘বুড়ো বরসে’র মেয়ে। তিন ছেলের মা হইবার বয়সে একটা—তাও আবার ছেলে নয়, মাটির টিবি। কাহার দায় পড়িয়াছে যে তাহার দায়িত্ব লইতে যাইবে? বরং মেয়ের আদিখ্যেত্যায় সে সংসারের কাজে ঢিলা দেয়, এইতেই অসন্তোষের আর অন্ত থাকে না লোকের।

অল্পমার ছোট জা, অল্পমার বিবাহের দুই বৎসর পরে বিবাহ হইল বাহার, সেও দুইটি খোকা সামলাইয়া সংসারের কত বায়নাঝা সামলায়। ছেলেদের লইয়া আদিখ্যেতা তো দূরের কথা, দৃকপাত মাত্র করে না তাহাদের পানে।

ছোট জায়ের ছেলেদের দিকে চাহিয়া নিজের মেয়ের জ্ঞাত আর বেতের দোলার বায়না করিতে পারে না অল্পমা। জামা কাঁথা কিছুক বাটিরই বা এত কি দরকার, যে ছেলেটি কিছুক-বাটির গণ্ডি কাটাইয়াছে তাহার পরিত্যক্তগুলাতেই যখন কাজ চলিয়া যায়?

ভাগ্যক্রমে অল্পমার মেয়ে কাঁতুনে।

জিপুরাস্থন্দরী যখন-তখন মুখ ঝামটা দেন : বাবা! বাবা! মেয়ে নয় তো যেন ভাড়া কাঁসর! বাস্তি বেজেই আছে। হবে না কেন, মা যেমন বাচাল তেমনই হবে তো মেয়ে। মহেশ্বরীও আজকাল যেন বিরূপ, বরং চল নামিয়াছে লতিকার দিকে। তাই তিনিও মেয়ে কাঁদিলেই বেজার মুখে বলেন, তোমার সানাই-বাঁশি থামাও না তবউ, দোহাই। বাপ রে বাপ, এই তো আরও কচি ছেলে রয়েছে বাড়িতে—টু শব্দ আছে?

স্বধিধা পাইলে হীরালালকে অহুযোগ করে অল্পমা : কেউ তো দেখতে পারে না মেয়েটাকে, তুমিই নাও না। কোলে কর না একটু।

হীরালাল লাফাইয়া ওঠে : রক্ষে কর। আমি ওসব ছেলেপুলে নিতে পারি না। তা ছাড়া কে কোথায় দেখে ফেলবে!

একালের ছেলেরা এমন কথা শুনিয়া হাসিয়া ভিগবাজি খাইবে, কিন্তু হীরালালের আমলে বাপের পক্ষে ছেলেমেয়েকে কোলে-পিঠে লওয়া নিতান্তই লজ্জাকর ব্যাপার ছিল।

মেয়েকে কেলিয়া রাখিয়া রান্নাঘরে চলিয়া বাইত অল্পমা, আর কল্পনা করিত তাহার নিজের রান্নাঘরের, বাহার এক পাশে পাতা আছে ছোট্ট একটি

নিচু চৌকি—বর্ষার দিনে আর শীতের রাজে বাহার উপর ছেলেকে বুধ পাড়াইয়া রাখিয়া এপাশে বসিয়া ছোট ছোট হাঁড়িকড়ায় রান্না করিবে অল্পপমা। উনানের আগুনের তাতে গরম থাকিবে ঘর।

অল্পপমার মেয়েকে একদিন দেখিতে আসিল সুধা।

শুধু হাতে আসে নাই। দুইখানা কাঁধা আর একটা বিহুক-বাটি আনিয়াছে। দুরন্ত দামাল ছেলে কোলে। মোটাসোটা ফরসা ধবধবে ছেলেটি। সুধার সাজপোশাকও চমৎকার। সুধার ছেলের কাছে—কালো রোগা লতিকার ছেলের একটা পচা পুরানো জামা পরা অল্পপমার মেয়েটাকে এত শ্রীহীন দেখায়, নিজেরই ঘৃণা হয় অল্পপমার। রাগও আসে সুধার উপর। মেয়ে দেখা তো শুধু ছুতা, নিজেকে দেখাইতে আসা মাত্র। ওর ‘কুমড়ো পটাশ’ ছেলে কেমন চলে, কেমন বলে, কেমন হাসে, শুনিবার জন্য ঘুম খরিতেছে না মাতৃঘের!

তা শুধু ছেলের কথা নয়, নিজের কথাও বিস্তর কয় সুধা। বাড়িতে সে আরও দুইখানা ঘর তুলিয়াছে। শ্রীক্ষেত্র গিয়া রাশিকৃত বাসন কিনিয়া আনিয়াছে, কলিকাতায় বাপের বাড়ি গিয়া স্বদেশী মেলা হইতে চিনেমাটির লক্ষ্মী-সরস্বতী পুতুল সওদা করিয়া আনিয়াছে আড়াই টাকা জোড়া দিয়া। বিশেষ করিয়া ছেলের দুধ-খাইবার জন্য একটু কালো গরু কিনিবে এবার—এ সমস্ত কথাই জানাইয়া যায় সুধা। শেষে আরও বলে, বলা উচিত নয়, গুরু-জন, বুড়ী মরেছে—না, হাড়ে বাতাস লেগেছে। বাবাঃ! এ বাবা দিবিয়া আছি। কিছু মনে কোর না ভাই, তোমার মতন এই “বিরিকির গুটি”তে পড়লে আমি তো ভাই পাগল হয়ে যেতাম।

অপ্রতিভ অল্পপমা ঠিকমত উত্তর দিতে পারে না। মনে মনে বলে, পাগল হওয়া অত সোজা নয়।

## ৪

দিনের পর দিন কাটে, মেয়ের কোলে পর পর দুইটি ছেলে হয় অল্পপমার। আরও দুইজন দেওরের বিবাহ হইয়াছে, তাহাদেরও একটি দুইটি ছেলে মেয়ে হইতে শুরু করিয়াছে। ননদরা আসে—কেউ শরীর লারাইতে, কেউ বা আঁতুড় তোলাইতে। ‘গোলে হরিবোল’ কোথা দিয়া বেন, মাহুঘ হইতে থাকে অল্পপমার ছেলেরা। অল্পপমা বড়বউ, তাহার দায়িত্ব বেশী। তা ছাড়া,

দেওরদের কলিকাতায় অফিসের চাকুরি, ডেলি প্যাসেঞ্জারি করে, তাদের বউ-ছেলের মতন ঘর-আদরে বাড়িতে থাকা মাস্টারের বউয়ের হওয়া সম্ভব নয়।

ছেলেদের বেতের দোলা, ঠেলাগাড়ি, আর রঙিন নেটের মশারির কথা নিজেরও আর মনে পড়ে না অল্পমার। ‘শাস্ত্রু ও গঙ্গা’র ছবির শোকে একদিন কাঁদিয়া বালিশ ভিজাইয়াছিল, এ কথা ভাবিলে হাসি পায় এখন। স্কুল বস্তুর অভাবটাই যে সত্যকার অভাব—এ কথা অল্পমা বুঝিতে শিখিয়াছে আজকাল।

শোবার ঘরের খাটের তলায় তাই স্তুপীকৃত হইতেছে ঘরকন্নার অজস্র উপকরণ—বাঁটি কাটারি কুলো ডালার মত স্কুল উপকরণ। অবশ্য দোতলার সেই ঘরখানায় নয়। সে ঘরে আজকাল ছোট জা শোয়। একেই সে অবস্থাপন্ন ঘরের মেয়ে, তা ছাড়া বারো মাস সর্দি-কাশির ধাত, কাজেই দোতলার ঘরটা তাহাকে ছাড়িয়া দিয়া মহেশ্বরীর ঘরে আশ্রয় লইতে হইয়াছে অল্পমাকে। খালিই পড়িয়াছিল ঘরটা, গেল আশ্বিনে প্রচণ্ড সেই ঝড়ের রাজে মারা গেলেন মহেশ্বরী। মারা গেলেন অবশ্য ঝড়ে নয়—রোগেই, তবে মার্কামারা দিনটি।

পাঁচটি ছেলেমেয়ে লইয়া এ ঘরে কুলানো সম্ভব নয়, বড় মেয়েটি ঠাকুর-মার ঘরে আর হীরালাল বৈঠকখানায় শোয় তাই রক্ষা। একেই ছোট ঘর, তার উপর আবার আধখানা ঘর জুড়িয়া বর্ষার দিনের প্রয়োজনে শুকনো কাঠ জমা করা আছে। মহেশ্বরী আবার শুধু কাঠ রাখিয়াই সমুদ্র ছিলেন না—বাড়িহুঙ্ক সকলের টিটকারি সহিয়াও রাজ্যের নারকেলের মালা, ভাবের ছোবড়া, আখের ছিলতে আর সজিনা ডাটার খোসা সঞ্চয় করিয়া রাখিয়াছেন। মহেশ্বরীর মৃত্যুর পর এই তুচ্ছ জিনিসগুলো টানিয়া ফেলিয়া দিতে কেমন যেন মায়্যা হয় অল্পমার। সবই আছে। মাঝখানে একটা বড় চৌকি পাতিয়া আড়াআড়ি করিয়া শোয় পাঁচজনে। পা ছড়ানো যায় না, সারারাত পা গুটাইয়া শুইতে হয় অল্পমাকে।

ইহারই ভিতর আবার একদিন আধদিন হীরালাল আসিয়া জোটে। ছোট ছেলেটাকে দিয়া চুপি চুপি ডাকিয়া পাঠায় অল্পমা। কুণ্ঠিত হীরালাল আসিয়া এদিক ওদিক তাকায়, বলে, বউমারা কোথায় সব ?

‘বউমারা’ অর্থে ভাস্কর্য

অল্পপমা ঝঙ্কার দিয়া ওঠে : যেখানে থাকবার সেখানেই আছে। কেন, তারা তোমায় ফাঁসি দেবে নাকি ?

না না—ইয়ে—তাই বলছি। কী দরকার পড়ল, ডেকে পাঠালে যে ?

কেন দরকার না পড়লে ডেকে পাঠাতে নেই ? পরপুরুষ নাকি ?

আঃ, কী যে বল ! জিভের আঁট আর কখনও হল না তোমার। গোড়া থেকে সেই ‘ভেন্ন’ হওয়া নিয়ে শুরু, মনে আছে তো ?—হীরালাল হাসে।

মনে ! অল্পপমার আবার মনে নাই সে কথা ! জীবনভোর সেই কথাই তো মনে রাখিয়া আসিতেছে সে। কিন্তু হঠাৎ হীরালাল সেই প্রথম রাতের কথা তুলিতেই কেমন নেশা লাগে অল্পপমার, বড় মেয়েটার বয়সের কথা তুলিয়া যে পাত্র খুঁজিবার তাগিদ দিতে ডাকিয়া আনিয়াছে হীরালালকে সে কথা যেন মনেই থাকে না। মুখ টিপিয়া হাসিয়া বলে, হ্যাঁ, সেই অবধি ‘ভেন্ন’ হচ্ছি, অবশেষে এই তোমার সঙ্গে ‘ভেন্ন’।

লেপের মধ্যে পা ঢুকাইয়া দিয়া জুত করিয়া বসে হীরালাল, বলে, সত্যি তাই দেখছি। দু-একখানা ঘর না তুললে আর—

অল্পপমা একটু রহস্যময় হাসি হাসিয়া ওঠে : ঘর তুলতে হলে আর এ ভিটের নয়—নিজের জমিতে।

নিজের জমি ?—হীরালাল পরিহাস মনে করিয়া হাসিতে থাকে : তা হলে আমার এই টাকের ওপর ঘর তুলতে হয়। নিজের বলতে তো এট-টুকুই জমি দেখছি।

ঠাট্টা ভাবছ—চাপা আর উত্তেজিত শোনায অল্পপমার কণ্ঠস্বর : জমি আমি কিনেছি, তা জান ?

তার মানে ?

মানে আবার কী ? কিনে ফেললাম পাঁচ কাঠা জমি। চৌধুরী-গিন্নীর অবস্থা তো জানই ? মেয়ের বিয়ের ছুতোয় বলতে গেলে ভিক্ষে চাইতে এসেছিল—আমি কৌশল করলাম, বললাম, খানিকটা জমি বরং আমায় দাও চৌধুরীখুড়ী, আমি এক শো টাকা দিচ্ছি।

বল কী ? এক শো টাকা তুমি পেলো কোথায় ?

সে আমার ছিল।

হীরালাল মাথা নাড়া দেয় : অমনি ‘ছিল’ ! পাবে কোথায় ? গরনা বাধা দিয়েছ নিশ্চয় ?



বাধা নয়, ওই চৌধুরীগিন্নীকে বেচলাম। চার ভরির তোলা হারছড়াটা ছিল যে।

হারটা ঘোচালে ?—হীরালাল বিরক্তি প্রকাশ করে।

হার! হার নিয়ে আমি কি ধুয়ে জল খাব? গিন্নীবান্নী মাহুঘের তোলা হারের তো ভারি দরকার।

সোনার আবার দরকার নেই!—হীরালাল ‘গিন্নীবান্নী’ জ্বর এমন নিলোভ উদারতার পরাকাষ্ঠা দেখিয়াও সন্তুষ্ট হইতে পারে না। অপ্রসন্নভাবেই বলে, না না, ভারি অশ্রায় করেছ। মেয়েটার বিয়ের সময় কাজে লাগতে পারত।

অল্পম্মা জলিয়া ওঠে : কেন, মেয়ের বিয়ের স্রবিধে আমি করতে যাব কেন? যে যার নিজের তালে আছে। তোমার মেয়ের বিয়ের ভাবনা তুমি ভাবো গে যাও। আমার বাড়ির কথা তুমি একদিনের তরে ভেবেছ? না খেয়ে না পরে গয়না বেচে যেমন করে হোক বাড়ি আমি করবই, তুমি দেখো।

সকালবেলা ছোট জা বীণা হাসিয়া হাসিয়া বলে, বটুঠাকুর বুঝি আজ-কাল বাড়ির ভেতরেই শুচ্ছেন দিদি? অতটুকু ঘরে কুলোয়?

হাসি দেখিয়া আপাদমস্তক জলিয়া উঠে অল্পম্মার, মেয়ের বিয়ের আলোচনা করিতে করিতে শীতের রাত্রে আলশ্রের বশে আর বাহিরে যাইতে পারে নাই হীরালাল, ছোট জায়ের কাছে এ কৈফিয়তটা দিতে প্রবৃত্তি হয় না। তীক্ষ্ণবরে বলিয়া ওঠে, না কুলোলেই বা উপায় কী? বারো মাস তো আর মাহুঘ ‘ধানছাড়া মানছাড়া’ হয়ে থাকতে পারে না? তোমাদের মতন রসের গল্প না হোক, দুটো দরকারী কথাও কি আর নেই মাহুঘের?

চটছেন কেন? তাই জিজ্ঞেস করছি, একটা তো মোট চৌকি—পুরুষ মাহুঘ, পারেনও তো এত কষ্ট করতে!

বীণা নিজের কাজে চলিয়া যায়। তাকাইয়া তাকাইয়া মনে হয় অল্পম্মার, বীণা যেন তাকে ভয়ঙ্কর একটা অপমান করিয়া গেল।

পাঁচ কাঠা জমির মধ্যে কাঠা তিনেকের উপর বাড়িখানা তুলিবে সে, ভাল ঘরখানি রাখিবে হীরালালের নামে। আরাম পাইলে যে আরাম করিতেও জানে হীরালাল, তাহার প্রমাণ দেখাইয়া দিবে। বিছানা বালিশ লেপ কাঁথা সব কিছুই তো একটি একটি করিয়া সঞ্চয় করিয়া রাখিয়াছে অল্পম্মা।

বাখিনীর মত আগলাইয়া রাখিয়াছে, প্রাণে ধরিয়া এতটুকু জিনিস ব্যবহার করে না। এমন কী সেবারে রাসের মেলা দেখিতে গিয়া হীরালালের অন্ত যে শৌখিন গড়গড়াটা কিনিয়া আনিয়াছিল, সেটি পৰ্ব্বন্ত আনকোয়া তোলা আছে। নূতন বাড়ির রোয়াকে বেতের মোড়া পাতিয়া বসিয়া হীরালাল চকচকে নলে তামাক খাইবে বলিয়া।

প্রত্যেকবার ছেলেমেয়েদের নূতন জামা জুতাগুলো তুলিয়া রাখিয়া রাখিয়া ছোট হইয়া যাইবার মুখে পরিতে দিতে হয়...আশায় আশায় আর কতদিন কাটাইবে অল্পপমা?

৫

অনেক দিনের পর সেবার সেজ নন্দ বাসন্তী বাপের বাড়ি আসিল।

অবস্থা ভাল, পশ্চিমে থাকে, বড় একটা আসাযাওয়া নাই।...বলিল, মা কোন্‌দিন আছেন কোন্‌দিন নেই, এলুম একবার দেখতে।

একঘর ছেলেমেয়ে বাসন্তীর, তবু সব ফিটকাট ছিমছাম। এ অকলে এমন পোশাক পরিচ্ছদ ছলভ। খাওয়াদাওয়ার তরিবৎও বেশী তাহাদের। মুড়ি মুড়কি দেখিয়া নাকি হাসিয়া খুন তাহার।

অবস্থা ভাল তাই আদরও বেশী বাসন্তীর। অধৰ্ব জিপুরাহন্দরী টেচাইয়া টেচাইয়া তাহাদের আদর আপ্যায়নের ব্যবস্থা করেন, অহুষ্ঠানের ক্রটি ধরিয়া বউদের গালিগালাজ করেন। বাসন্তী আসায় সকলেই তটস্থ। বাসন্তী দুইটা কথা कहিলে সকলেই যেন ধস্ত।

তুধু অল্পপমারই বসিয়া গালগল্প করিবার সময় নাই। নন্দ নন্দাই ডায়ে ভান্নী আসায় তাহার খাটুনি তো সহজ বাড়ে নাই? সেই তো বড়, সব দায়িত্ব তো তাহারই।

অল্পপমা খাটে বেশী তবু, 'মুখের' অন্ত কেউই তাহাকে স্বেচক্বে দেখে না।

বাসন্তী শুনাইয়া শুনাইয়া বলে, বাবা, বড় গিন্নীর আর দেমাকে মাটিতে পা পড়ে না। একবার একটা কথা কইবারও ফুরলত নেই। বাড়িতে যে একটা মাহুষ এসেছে—

অল্পপমা জলের ঘড়াটা কাকাল হইতে নামাইয়া বলে, মাহুষের সঙ্গে 'মনিষ্য' করবার অন্তে মাহুষ তো বাড়িতে ঢের আছে ভাই। পাখা, পাখার কাজই করে।

ও বাবা! কী জানি ভাই, কী যে এত কাজ তোমাদের কে জানে! এই তো আমার সংসারেও তো কাজ বড় কম নয়। বামুন চাকর গুটি ছল্লেক থাকলে কী হবে, তাদের চরানোও সোজা কাজ নয়। সবই তো করি, তবু বেড়াতে যাই, মানুষ এলে আড্ডা দিই, আর তোমাদের উদয়াস্ত কেবল ভাতের হাঁড়ি।

মুখুর যা দশা।—বলিয়া চলিয়া যায় অহুপমা।

লতিকা ননদের গা টিপিয়া বলে, দেখলে তো? চক্কিশ ঘন্টা আঙুন। সংসারের সঙ্গে দিনরাত যেন ‘ঢালে খাঁড়া’য় আছেন। মুখের সামনে এগোয় কার সাধা!

তা আর জানি নে।—বাসন্তী বলে, বিয়ের কনে এসে বলেছিল—‘আলাদা হব’। ও কি সোজা মানুষ?

লতিকা অগ্রাহ্য করে মুখ ঘুরাইয়া বলে, তা হলেই পারতেন? কে মাথার দিব্যি দিয়ে আটকেছিল?

বড়দার মুরোদটাও দেখতে হবে তো।

রান্নাঘরের ভিতর হইতে অহুপমার খুস্তির শব্দটা মাঝে মাঝে খামিয়া যায়।

বাড়তি লোক হইলে, বাসনের অকুলান পড়িলে, এ বাড়িতে—শুধু এ বাড়িতে কেন, এ অঞ্চলেই—কলাপাতা কাটিয়া ভাত খাওয়ার প্রথা। বিশেষ তো কুঁচোকাঁচার। বাসন্তীর ছেলেমেয়েরা কিন্তু পাতায় খাইতে নারাজ। বাসন্তী হাঁক দিয়া বলে, ওগো বাড়ির গিন্নীরা, তোমাদের কুটুম্বরা বলছে—‘মামার বাড়িতে থালা নেই কেন, ছিঃ! নাও, এখন মান রাখ নিজেদের।

সেজবউ অপ্রতিভভাবে বলে, থালা তো বেশী নেই ঠাকুরঝি, সেবারে আবার চুরি গেল একগোছা।

কেন গো, বড়গিন্নীর ঘরে চৌকির তলায় তো ধামাভর্তি ঢের বাসন দেখলাম।

দিদির ঘরে?—সেজবউ মুখচোখের ভাবে অনেক কিছু ফুটাইয়া বলে, বেল পাকলে কাকের কী? ওসব উনি নিজের টাকা দিয়ে কিনেছেন—গেরস্থর হাত দেবার হুকুম নেই।

মরণ আর কী! বাসন নিয়ে করবেন কী, লগ্গে বাতি দেবেন?

না গো না, যখন ভের হবেন তখন স্থখ করবেন। দেখুন গে না উঁকি

মেয়ে—এটি কাটারি শিল নোড়। জাঁতা কুলো থেকে গুরু করে এতক ডাল  
রাঁধবার কাঠিটি পর্যন্ত সব মজুত আছে। একটি জিনিসে হাত দিতে বান—  
দেখবেন।

কী দজ্জাল বউ বাবা! এমনি একালবেঁড়ে স্বার্থপর বউ থাকলে  
কখনও সংসারে লক্ষ্মীলী হয়?

অনেক চিপটেন কাটিয়া, অনেক জ্বালাতন করিয়া সেবার বাসন্তী বিদায়  
লইল। পরদিনই অল্পপমা গেল সুধার বাড়ি।

সুধার বর কনট্রাক্টর, অসুരোধ করিলে সুবিধা সুযোগে অল্প খরচে যেমন-  
তেমন বাড়ি একটা আরম্ভ করিয়া দিতে পারে সে।

অনেক দিনই ‘বাই বাই’ করিয়াছে অল্পপমা, কিন্তু সুধার সেই অমায়িকতার  
আবরণ দেওয়া অহংকারের কথাগুলো মনে করিলে আর ঘাইতে উৎসাহ  
হয় না।

আজ সে প্রতিজ্ঞা করিয়া বাহির হইল।

ভগবানের কিছু দয়া আছে হয়তো, পথেই দেখা সুবোধের সঙ্গে। অল্পপমা  
যেন বর্তাইয়া যায়। আগে অবশ্য কথা বলাবলি ছিল না, এখন আর অত  
মানিতে পারে না। পাঁচ-সাত বৎসর হইয়া গেল জামাই হইয়াছে তাহার,  
দুইটি নাতি নাতনী, অর্ধেক চুলে পাক ধরিয়াছে, এখন আবার অত বউগিরি  
কিসের?

বলে, ভালই হল, দেখা হল, আপনার কাছে যাচ্ছিলাম।

কেন বলুন তো? হঠাৎ?

হঠাৎ নয়, অনেক দিন থেকেই ভাবছি—

অতঃপর অনেক ভনিতা আর অনেক কাকুতি-মিনতি করিয়া নিজের  
আবেদন জানায় অল্পপমা। সুধার চোখের সামনে নয় বলিয়াই পারে।  
সুধার সঙ্গে সখীত্বের সম্বন্ধ ধরিয়া ‘ভাই’ বলিয়া কথা কয় না সুবোধের সঙ্গে,  
মহেশ্বরীর সম্বন্ধের সূত্র ধরিয়া বলে ‘পিসেমশাই’। শেষ পর্যন্ত প্রায় হাতজোড়  
করে : আমার অসুরোধটি রাখতেই হবে পিসেমশাই, ‘না’ বললে শুনব না।  
আমার অনেক দিনের সাধ।

বিত্রস্ত সুবোধ জানিতে চাহে, প্রথমে অন্তত কত টাকা কেলিতে

পারিবে অল্পমা। জিনিপজের তো আর আগের মত নয় নাই? সবই চড়িয়াছে।

অল্পমা মনে মনে হিসাব করিতে থাকে। সব জিনিসের সঙ্গে সোনারও নয় চড়িয়াছে...কুড়ি টাকার সোনা এখন চল্লিশ টাকা। অতএব আট ভরির সেই অনন্ত জোড়াটা বেচিয়া দিলে তিন শো সাড়ে তিন শো হয়, তা' ছাড়া—খুচরা জমাইয়া গোটা পঞ্চাশ টাকা হইয়াছে।

বলে, গোড়ায় আমি চারশো দেবো আপনার হাতে—

চার শো? বলেন কী? বনেদ খুঁড়তেই তো বেরিয়ে যাবে ও-টাকা।

কী করব পিসেমশাই, দেখছেন তো ওই মানুষ! জীবনভোর যোজগার করলেন আর পাঁচজনের সংসারে ঢাললেন, কখনও এক পয়সা রাখলেন না। সুবিধে করে আরম্ভ করে দিন, তারপর আপনার আশীর্বাদে আমার বড় ছেলের একটা চাকরির আশা হচ্ছে, ধীরে ধীরে শোধ করে দেব।

অর্থাৎ টাকাটা অল্পমা ধারই চায় সুবোধের কাছে।

অল্পমার মুখ দেখিয়া কি নয় হয় সুবোধের? না, অবরদত্তিওয়ালী সুধাকে লইয়া ঘরকরার অভ্যস্ত চোখে অল্পমার এই বিনীত কুণ্ঠিত ভাবটা নুতন লাগে! যাই ভাবুক, সুবোধ রাজী হয়।

পুরনো ইঁটকাঠও তো খুঁজিলে মেলে।

মাস দুই পরে অল্পমার বাড়ির বনেদ খোঁড়া শুরু হয়।

বড়ছেলে হরেশ পয়তাল্লিশ টাকা মাহিনার একটা চাকুরিতে ঢুকিয়াছে। অল্পমার আর ভাবনা কী?

প্রথমে ব্যাপারটা চুপিচাপি থাকিলেও প্রকাশ হইতে দেরি হয় না।

জা-দেওয়ারা অগ্নিমূর্তি হইয়া ওঠে।

এতদিন সংসারে গিন্নীষ করিয়া লুকাইয়া যে অনেক টাকা করিয়াছে অল্পমা, এ সম্বন্ধে আর মতর্ভেদ থাকে না। ভোলানাথ হীরালালকেও আর ছাড়িয়া কথা কহে না কেউ। তলে তলে সলাপরাশর্ষনা থাকিলে একলা মেয়েমানুষ আবার এতবড় কাণ্ডটা ফাঁদিয়া বসিতে পারে? এই মতলবই তবে ছিল এতোদিন? গিন্নী বসিয়া বসিয়া সংসারের গোছ করিয়াছেন আর কর্তা ওদিকে বাড়ির ব্যবস্থা করিয়াছেন। এরা যাই বোকাসোকা

ভালমানুষ, তাই কোন সন্দেহ করে নাই। এখন হিসাব দিক হীরালাল, বাড়ি ফাঁদিবার টাকা তার আসে কোথা হইতে ?

হীরালাল এদিকে কথা বন্ধ করিয়াছে অহুপমার সঙ্গে।

তিরিশ বৎসর মাস্টারি করিয়া যতই গাথা বনিয়া থাক, স্ত্রীর উপর তেজ ফলাইবার উপযুক্ত পৌরুষটুকু এখনও বজায় আছে।

কিন্তু অহুপমা আর টলে না। এতদিনে সে দাঁড়াইবার মাটি পাইয়াছে, চারখানা দেওয়াল উঠিয়াছে তাগার নিজের জমিতে। শুধু অনন্ত নয়, বারোমেসে হার আর বালা জোড়াটাও গিয়াছে। তা হোক, শাঁখা-লোহা বজায় থাক অহুপমার, তাই ঢের।

স্বরেশের টাকা হইতে তিরিশ টাকা করিয়া ধার শোধ দেয় অহুপমা, পনেরো টাকা রাখে ছেলের ট্রেনভাড়া আর জলখাবার বাবদ। তবু যেন আর চলে না। খাওয়াপরায় টান দিয়াও চলে না। হীরালালও যেন আজকাল প্রতিপক্ষ। রাত্রে একদিন দুধ না পাইলে বলে, তা হোক তোমার বাড়ি তো হচ্ছে তা হলেই হল। বুড়ো বয়সে আফিংটা ধরে ফেলেছি তাই বা একটু—মরুক গে, অভ্যাস হয়ে যাবে।

অহুপমার রাগও হয়, দুঃখও হয়। সত্যি বড় বুড়া হইয়া পড়িয়াছে হীরালাল, পঞ্চান্ন-ছাপ্পান্ন বছর বয়সেই যেন সত্তর বছরের মত দেখায় হীরালালকে। আহা,...কোনদিন আরাম আয়েস পাইল না মানুষটা। টাকা জমাইবার ঝোঁকে তেমন ভাল করিয়া একদিন খাওয়ানো যাপানোও করে নাই অহুপমা। ছোট জায়েরা সংসারে ব্যবস্থা চাড়াও আলাদা পরস্পর চ করিয়া কত ভালমন্দ খাওয়ায় স্বামীপুত্রকে।

দীর্ঘ চল্লিশটা বছর অহুপমা করিল কী ?

অবশেষে সত্যি একদিন গৃহপ্রবেশের দিন দেখা হয়।

অহুপমার বাড়ি একরকম শেষ হইয়াছে।

কল্লনা অহুয়ায়ী না হোক, তবু তো সত্যাকার একটা নিজের বাড়ি। শাক-ভাত খাইলে কেউ টিটকারি দিতে আসিবে না, ঘি-চুখ খাইলে কেউ নজর দিতে বসিবে না। গলা খুলিয়া পাঁচজনের নিশ্বাস করিবার স্বাধীনতাও কি কম সুখের ?

পুকতবাড়ি লোক পাঠায় অহুপমা পাঁজি দেখাইতে।

পুরোহিত আসিবার আগেই হীরালাল আসে কাঁপিতে কাঁপিতে।

বেদম্বর আসিয়াছে তাহার।

মহেশ্বরীর সেই ছোট্ট ঘরটাতেই আশ্রয় লইতে হয় তাকে। ছেলে-মেয়েদের সরাইয়া দেওয়া হইয়াছে, তবু ডাক্তার কবিরাজ আসিয়া বসিবার জায়গা পা না। রায়েদের ভায়ে সেই ছোকরা ডাক্তারটি তো মুখের উপরই বলিয়া গেল, এমন করে থাকেন কী করে, আশ্চর্য!

আশ্চর্য!

আশ্চর্য বলিয়াই তো এমনভাবে থাকার বিরুদ্ধে আজ্ঞা যুদ্ধ করিয়া আসিল অল্পমম। এমন করিয়া থাকিবে না বলিয়াই তো আজ পর্যন্ত এমন করিয়া থাকা।

কিন্তু সে কথা কে বুঝিবে?

হীরালালই সে বুঝিল না কোনদিন। বুঝিল না বলিয়াই তো অল্পমমার বাড়া ভাতে ছাই দিয়া সেই ঘুঁটের ঘরটায় মরিতে আসিল।...

খাট তক্তপোষের উপর মরিতে নাই, কিন্তু মরণ বাঁচন কণীকে নাড়ানাড়ি করার উপায় না থাকিলে?...সময় ফুরাইলে মাহুষ কি আর নিয়মের অপেক্ষা করিবে?

তাই চৌকী তক্তপোষ বাহির করিয়া ঘর ধোওয়া ছাড়াও উপায় থাকে না আর।

একে একে সমস্ত জিনিষ বাহির হইতে থাকে অল্পমমার।

গরুর কাজ করিবার চাকরটা টানিয়া টানিয়া বাহির করিতে থাকে সব...সেই সব ঝাঁট, কাটারি, কুলো, ডালার বিপুল সমারোহ। বস্তাবন্দী বিছানা, বালিশ, বাক্স, আশি কত কি!...লুকাইয়া পাড়ার লোককে দিয়া, হীরালালের খোসামোদ করিয়া যত কিছু সংগ্রহ করিয়া আসিয়াছে অল্পমম। এই দীর্ঘকাল ভোর।...সব আনিয়া আনিয়া উঠানে ফেলা হয়। হীরালালের কুড়ি বছর বয়সে আনা সেই কালীঘাটের পটের দরণ 'কালীর দমনের' ছবিখানা পর্যন্ত।...এত জিনিষ এতটুকু ঘরে ধরিয়াছিল কোথায়?...

মরিচাধরা ছাতাপড়া ঘুণলাগা এই সব রকমারি জিনিষের দিকে বোকার মত চাহিয়া থাকে অল্পমম। এই জিনিষগুলোকে যে এতদিন বুক দিয়া

আগলাইয়া রাখিয়াছিল, কেহ উঁকি মারিতে আসিলে কুরুক্ষেত্র করিয়াছে,  
সে কথা মনেই থাকে না আর।

কার জিনিষ? কে ঘর বাধিবে? অমুপমা?

অদ্ভুত একটা সাজ করিয়া ফ্যাল্ ফ্যাল্ করিয়া যে চাহিয়া আছে সেই  
অমুপমা?

হীরালালকে বাদ দিয়া একলাই তো সে এতদিন ঘর বাধিবার আয়োজন  
করিয়া আসিয়াছে। গৌণ হীরালাল এমন মুখা হইয়া উঠিল কখন যে—  
হীরালালের অভাবে সব মিথ্যা হইয়া গেল?



## ॥ বেণী ॥

বহুবিধ নেশার মধ্যে মাহুঘও যে একটা নেশার বস্তু, এ সত্যটা বোধ করি উপলব্ধি করবার অবস্থা থাকে না—অন্ত সব নেশার মত—মহুঘ-নেশাসক্তদেরও। তাই নেশার ঘোরে যা কিছু বিসদৃশ ব্যাপার তারা ঘটায়, তার মধ্যে বিসদৃশ কিছু দেখতে পায় না।

সমস্ত পৃথিবীটা যে কেবলমাত্র রাশি রাশি চোখকানে ভর্তি, আর সেগুলো অপরের সম্বন্ধে সর্বদা সজাগ, এ হুঁস তো থাকে না ওই সব নেশাহত অন্ধদের।

হুঁস থাকলে ঝড়বৃষ্টি বজ্রপাত সব কিছু মাথায় করে অথবা তুচ্ছ করে পার্থ প্রত্যহ সন্ধ্যায় কৃষ্ণাদের পারিবারিক আসরে যোগ দিতে আসত না।

কিছুই না—শুধু একটু আড্ডা দিতে আসা!

সরল বেচারী, ভাবতেই পারে নি অতি সাধারণ এই ঘটনাটির ভেতর থেকে দোষণীয় কিছু আবিষ্কার করে বস। কারও পক্ষে সম্ভব!

কী আশ্চর্য!

সে কি কেবল কৃষ্ণার সঙ্গেই আড্ডা দিতে আসে? বরং সে সৌভাগ্য কদাচিত্ ঘটে। যত কিছু কাজ কৃষ্ণার, সবই তো জমানো থাকে এই চমৎকার সন্ধ্যাটুকুর জন্তে।

পার্থর তো তাই মনে হয়।

কৃষ্ণার মা মেয়েটিকে ফরমাশ করতে পেলো আর ছাড়েন না। সব ভাল ভদ্রমহিলার, ওই এক দোষ।

তারপর ধর—কৃষ্ণার বাবা আছেন প্রায় সব সময়। ছোটো ভাইবোনেরা আছে। সকলের ওপর আছে শাস্তা।

কৃষ্ণার বিধবা ছোট পিসি শাস্তা।

বন্ধির মত পাহারা দিচ্ছে সারাক্ষণ। নড়ে না চড়ে না, একটিবার ওঠে না। অবাক হয়ে যায় পার্থ, ঠুর কি কোনদিন কোনও কাজ থাকতে

পারে না এ সময়? কোন কর্তব্য নেই—এই আড্ডাটা পাহারা দেওয়া ছাড়া?

তা পাহারা নয় তো কী? বললেই যা শুনে খরাপ। সেই যে জানলার ধারে বেতের মোড়াটির ওপর বসে আছে একতাল পশম আর লোহার দুটো কাঁটা নিয়ে, এ দৃশ্যের আর ব্যতিক্রম নেই।

অথচ এ আড্ডায় ওর আকর্ষণীয় কী আছে? ঘরে যদি দু'শো রকমের আলোচনা হয়, একটি মন্তব্য করে না শাস্তা। কোনদিন ওর গলার স্বর শোনে নি পার্থ।...ওর ওই নেহাত মেয়েলী সরু সরু আঙুল কটি যদি অমন যুঁ অথচ দ্রুত ভঙ্গীতে ওঠাপড়া না করত—অনায়াসে স্ট্যাচু বলে চালানো যেত।...সেলফের ওপর সাজানো পাথরের বুদ্ধমূর্তিটার মতই প্রায় অনড় গভীর ভারিক্কী।...

শুধু নিতান্ত যখন পার্থর চড়া গলার দরাজ হাসিতে ঘর ভরে যায়, তখন পশমের ঘর থেকে একটিবারের জেগে চোখ তুলে তাকায়। না, হঠাৎ চমকে উঠে তাকিয়ে ফেলে না, “যুগাবতারে”র ভঙ্গীতে উর্ধ্বমুখে ফ্যাল ফ্যাল করে তাকিয়ে থাকে খানিকক্ষণ।...যেন বুঝতে পারছে না—পৃথিবীতে এত হাসি কেন, এত কথা কেন! যেন এতক্ষণ এ ঘরে অসুপস্থিত ছিল শাস্তা, এইমাত্র এসে দাঁড়াল...চিনতে দেরি লাগছে সবাইকে।

আবার চোখ নামিয়ে নেয় দ্রুত আর নিতুল চলতে থাকে আঙুল। শীত, গ্রীষ্ম, বর্ষা—এই একইভাবে চালাচ্ছে শাস্তা।

আশ্চর্য অধ্যবসায়!

অনেকদিন ভেবেছে পার্থ, শাস্তার এই ‘পোজ’এর একটা ফোটা তুলে পেটেন্ট ওষুধের বিজ্ঞাপনের মত ছাপিয়ে দিলে হয় কাগজে। শাস্তার মত কমবয়সী বিধবাদের কিছুটা সুরাহা হতে পারে।

সামান্য দুটো লোহার কাঁটা পশমের গোলা যে বৈধব্য-বহুগার অমোঘ ঔষধ এটা কি জানে সবাই? এই নিয়েই তো স্বামীর স্মৃতি ভুলে আছে শাস্তা।

—“আহা, আরও একটু বিস্মৃতি যদি আসত,” পার্থ ভাবে মাঝে মাঝে—  
“শুধু স্বামীর স্মৃতি নয়, পার্থ আর কৃষ্ণাকেও যদি ভুলে থাকতে পারত শাস্তা!”...ছাদে, বারান্দায়, সিঁড়িতে, বাড়ির আরও অস্ত্র ঘরে বসলেই

হয় কোথাও, একদিনে ‘গোলা’ পরিণত হোক ‘গুলি’তে, কেউ তো কিছু জ্বালাতন করতে যাবে না শাস্ত্যকে। তবে ?

তবে কেন ভাবশূন্য মুখখানি নিয়ে এই ঘরেই সারাক্ষণ সে বসে থাকবে জানলার গোড়ায় বেতের মোড়াটি টেনে নিয়ে! বসে থাকবে যতক্ষণ পার্থকে পার্থ।

পাহারা দেওয়া ভিন্ন আর কী অর্থ করা যায় এর ?

পার্থর অভিমত শুনে কৃষ্ণা অবিশ্বাস হাসে।

মানে প্রতিদিন যখন ‘দৈবাৎ’ দেখা হয়ে যায় ওদের নীচের তলায়, পার্থ চলে যাবার সময় রাস্তার দরজাটা বন্ধ করতেও তো আসার দরকার! কে আর দৌতলা একতলা করতে রাজী হবে—কৃষ্ণার মত কাজের মেয়ে ছাড়া ?

কৃষ্ণা হাসে, বলে, না গো না, ও ঘরের ‘বাল্‌ব’টাই যে সব চাইতে পাওয়ারফুল। পিসেমশাই মারা যাবার পর থেকে ছোট পিসীর চোখটা খুবই খারাপ হয়ে গেছে কিনা। আহা বেচারী! আমার চাইতে কতই বা বড় ? অথচ সব শেষ হয়ে গেছে। মায়া হয় না তোমার ?

হত—পার্থ বলে—খুবই হত, যদি উনি তোমার চাইতে নিজেকে অনেক বেশী বিচক্ষণ না ভাবতেন।

তা এসব কথা কিছু আর শাস্ত্যর কানে যায় না। আর দৌতলার ঘরে শাস্ত্যর চোখের সামনে, শাস্ত্যর চোখ এড়িয়ে কি এমন প্রেমালাপ তারা করতে পায়েছে যে, হঠাৎ একদিন সন্নেহ করে বসা হল তাদের ?

পার্থ আর কী করে জানবে ? কৃষ্ণাই বলল। ওই সেদিনও যখন দৈবাৎ দেখা হয়ে গেল নীচের তলায়। বলল, তুমি আর কাল থেকে এসো না, খবরদার !

ঠাট্টা মনে করে হাসল পার্থ : তা হলে তো আজ আর যাওয়া হয় না। থেকেই যেতে হয়।

বাজে বোকো না—আন্তে কথা বলবার জগ্গেই বোধ হয় পার্থর অত কাছে সরে আসে কৃষ্ণা : তোমার রোজ রোজ হাজরে দেওয়া নিয়ে অনেক কথা উঠেছে বাড়িতে।

পার্থ একটু গম্ভীর হল : কেন ? কে কী বলেছে ওনি ?

কে কখন প্রথম কী বলল জানি না, এখন তো দেখছি সবাই বলছে। আমার গতিবিধির ওপর কড়া পাহারা বসাবার পরামর্শ চলছে। ওনচি, তাতেও যদি কাজ না হয়—স্পষ্ট নিষেধ করা হবে তোমাকে। অতএব সম্মানে নিজের পথ দেখ।

না এলে তোমার কিছু মন-কেমন করবে না তো?

নেহাত ছেলেমানুষী স্বর বাজল পার্থর কণ্ঠে।

আমার? আমার কী জন্তে মন-কেমন করবে? করলে তো গার্জেনদের সন্দেহকেই সত্য করে তোলা হয়। হয় না?

কৃষ্ণার মুখ নাড়ার সঙ্গে সঙ্গে দুলে উঠল চুল, দুলে উঠল কণাভরণ। পার্থর মনটা কি কোন সূত্রে বাঁধা ছিল ওদের সঙ্গে? তা নয়তো অমন করে দুলে উঠছে কেন?

পারব না কৃষ্ণা।

কী পারবে না?

না-এসে থাকতে।—ভারী হয়ে এসেছে স্বব।

তোমায় কেউ কিছু বলবে, সে আমার কিছুতেই সম্বন্ধ হবে না যে।

শুধু হয়ে গেল পার্থ।

‘কেউ কিছু বললে’ অবশ্য তারও সইবে না। পুরুষের কাছে প্রেমের চাইতে আত্মসম্মান অনেক বড়।

রাগ করলে?

আরও কাছে সরে এসেছে বুঝি কৃষ্ণা? নইলে অত মৃদু স্বর পার্থর কানে পৌঁছল কী করে?

তোমার ওপর? রাগ করেছে তোমার ওপর?

আমিই তো বারণ করছি।

আন্ত পাগল তুমি একটি। কিন্তু এখন? কেন এলে এখানে? কেউ কিছু বলবে না তোমাকে?

হয়তো বলবে।

তবে যাও। লক্ষ্মীটি কৃষ্ণা, পালাও। বেশ, কথা রটল আর আসব না।

ওই তো—তুমি রাগ করলে!

বাকচাতুরী ফুরিয়ে আসছে কৃষ্ণার, জল এসে পড়েছে চোখে।

এই দেখ কাণ্ড। সাথে বলছি, আন্ত পাগল! সত্যিই যদি কোন

কথা ওঠে! কিন্তু আশ্চর্য! কে কী বুঝল? কটা কথাই বা আমাদের কইতে দেখেছে লোকে?

আমিও তো তাই ভাবছি—

ভারী অসহায় লাগছে কৃষ্ণাকে।

নিশ্চয় তোমার ওই ছোট পিসীর কারসাজি।

খুব মিথ্যে নয়—কৃষ্ণা উত্তর দেয়, তুমি রাগ করবে বলে বলছিলাম না। ছোট পিসীই বাধিয়েছেন কাণ্ডটি। তুমি যে বল ‘পাহারা দেওয়া’ সেটা দেখছি সত্যি। কে জানে বল, আমাদের চালচলন মুখচোখ সব-কিছু ওয়াচ করেন উনি! হেঁট মুখে তো পশমই বোনেন বসে বসে। অথচ উনিই অনেক কিছু বলেছেন মাকে আমাদের সম্বন্ধে।

আমি বরাবরই বুঝতে পারি। কী রকম অদ্ভুত দৃষ্টিতে যে তাকান মাঝে মাঝে।...কিন্তু...পালাও কৃষ্ণা, এভাবে দুজনকে দেখলে—। চললাম।

চলে গেলেও ফিরে না তাকিয়ে কে কবে যেতে পেরেছে?

কোনদিনই আর আসবে না?

এখন বলতে পারছি না।

বলে যাও—কী করে কাটাব সন্ধ্যাটা? কিসের প্রত্যাশায় কাটাব সারাটা দিন?

সে প্রশ্ন তো আমারও কৃষ্ণা? কিসের প্রত্যাশায় কাটাব সারাটা দিন!...কী জানি হয়তো পারব না, হয়তো—

না না, তা কোর না। পারব, ঠিক থাকতে পারব আমি।...আচ্ছা, যাচ্ছি। এখনি হয়তো কেউ দেখবে কথা কইছি তোমার সঙ্গে। পৃথিবীটা কী খারাপ জায়গা!

সত্যি কৃষ্ণা, ভারি খারাপ।

পৃথিবী জায়গাটা যে কত খারাপ, সে বোধ ছিল না বলেই বোধ করি অত নিশ্চিন্ত চিন্তে কাটাচ্ছিল বেচারারা। কাটাচ্ছিল—প্রত্যাশিত দিন, বাকুল সন্ধ্যা, আর স্মৃতিহরতিত রাত্রির নেশায় আচ্ছন্ন হয়ে।

কী করে আশঙ্কা করবে ‘পাথরের বুদ্ধমূর্তি’রও চোখ-কান সজাগ হয়ে উঠবে! মুখর হয়ে উঠবে রসনা!

এই অপ্রত্যাশিত আঘাতের তীব্রতা পার্থকে আসন্ন বিচ্ছেদের বেদনায় বিধূর করে না তুলেও ক্রুদ্ধ করে তুলেছে। ফেরার সময় পথে চলতে চলতে

শাস্তার ওপর অপরিসীম রাগ ছাড়া আর কোন ভাবই ঠাই পাচ্ছিল না তার মনে ।

আঃ, একবার যদি ভদ্রমহিলাকে বেশ ছ'কথা শুনিয়ে দেবার সুযোগ হত ! বিধবা হলেই যে কী সাংঘাতিক হিংস্রটে হয়ে যায় মেয়েরা !

রাজির অঙ্ককারে বিছানায় শুয়ে শুয়ে ক্লম্বা ভাবছিল অল্প কথা । ভাবছিল, আরও একটু সাবধান হয়ে চলাই উচিত ছিল বোধ হয় । শুধু দরজাটা বন্ধ করতে আসার পক্ষে সময়টা একটু বেশীই নেওয়া হয়ে যাচ্ছিল যেন । মাকে অতটা অবোধ আর বাবাকে অত বেশী বেহাশ না ভাবলেই ভাল হত ।

আর ছোট পিসী ! বাস্তবিকই অবোধ্য ।

পাথরের পুতুলেরও বোধশক্তি থাকে ?

পৃথিবীর মাটি ছাড়িয়ে অত উর্ধ্বলোক থেকেও পৃথিবীর ধুলোর স্পর্শ লাগে ?

ক্লম্বার মা ভাবছিলেন, আজকালকার মেয়েদের খুঁরে নমস্কার । দেখে মনে হয় কী ছেলেমানুষ ! ভেতরে ভেতরে পাকামিটা দেখ ! ছেলেটাই বা কী শয়তান গো ! কেমন সাদাসিধে ভাবে এসে 'মাসীমা মাসীমা' বলে গল্প করে, কে বুঝবে তলে তলে আমার মেয়ের সঙ্গে প্রেম করতে শুরু করেছেন ! তবু তো আমি পারতপক্ষে এ সময়টা ক্লম্বাকে এ-দিকে আসতে দিই নে । নিজেও ঘাঁটি আগলে থাকি যতটা সম্ভব । জ্বাকা বোকা মায়েদের মত এলিয়ে দিলে যে কী হত !

কী যে হতে পারত, সে কথা ভেবে মনে মনে শিউরে উঠে ননদিনীকে ধন্যবাদ দেন ভদ্রমহিলা । ভাগ্যিস সময় থাকতে সাবধান করে দিল শাস্তা !

ক্লম্বার বাবা ভাবেন, মেয়েমানুষের মনগুলো কী বিস্ত্রী প্যাচালো ! ক্লম্বা নাকি একটা মানুষ ! ওই তো খুঁরে বেড়াচ্ছে—মজু অজু চাইতে কি এত বড় লাগছে ? ওকে নিয়ে এত সব বাজে বাজে আলোচনা !

বালিকা মজু শিশু অজুকে চুপি চুপি বলে, এই, দিদিকে জ্বালাতন করিস নি, দিদির মন খারাপ । দেখছিল না পার্থনা আসেন নি ।

শুধু পাথরের পুতুলের মনের ভাব বোকা যায় না ।

কাটল কয়েকটা দিন।

পার্শ্বর অনুপস্থিতিতে আড্ডাটা তেমন জমে না। কৃষ্ণার বাবা কয়েকটা সিগারেট ধূস করে এক সময় উঠে পড়ে বলেন, বাজার দোকানের কিছু চাই নাকি তোমাদের? বেরুচ্ছি একটু, চাই তো বল এই বেলা।

কৃষ্ণার মা ঘাঁটি আগলানোর কাজ থেকে ছুটি পেয়ে নিশ্চিন্ত-চিন্তে রান্নাঘরে গিয়ে বামুন ঠাকুরের 'হাড়মাস ভাজা-ভাজা' করতে থাকেন। কৃষ্ণা হঠাৎ আবিষ্কার করেছে, সন্ধ্যাবেলা ছাদের খোলা হাওয়া স্বাস্থ্যের পক্ষে বিশেষ উপকারী।

মজু অল্প খেলতে খেলতে মাঝে মাঝে এক সময় বলে ওঠে, কী, ভাল লাগছে না?

ওরই মধ্যে একদিন—হাতের বোনাটা আর কাঁটা দুটো ফেলে রেখে আড়ষ্ট আঙুলগুলো মটকাতে মটকাতে শাস্তা মুখ তুলে চাইল। না, কারুর দিকে নয়, পাওয়ারফুল বাল্বটার দিকে। কয়েক সেকেন্ড তাকিয়ে থেকে স্বগতোক্তি করল, আলোটা কি বদলানো হয়েছে?

কৃষ্ণা তখন ছাদ থেকে নেমে এসেছে, উক্তিটাকে একটা প্রশ্ন ভেবে উত্তর দেয়, আলোটা? কই না তো।

কী জানি, চোখটা আরও বেশী খারাপ হচ্ছে বোধ হয়।

হওয়ার অপরাধ নেই বাপু—কৃষ্ণা বলে—সারাক্ষণ ওই চোখের কাজ!

চোখের কাজ!—শাস্তার যেন বুঝতে দেরি হচ্ছে কথাটা : চোখের কাজ! তুলে নিল কাঁটা দুটো।

আরও কয়েকটা দিন পরে—

বামুন ঠাকুরের মুণ্ডপাতপর্ব শেষ করে কৃষ্ণার মা এসে বসেছেন ঘরে, কর্তা বেড়িয়ে ফেরেন নি, শাস্তা বসে আছে চূপচাপ জানলার দিকে মুখ করে, পঁচাত্তর বাতির আলোটা জলে যাচ্ছে আপন মনে।

শাস্তার বুঝি আজ পশম ফুরিয়েছে?

হাতের পানটা মুখে ফেলে ধীরে স্বস্থ প্রশ্ন করেন কৃষ্ণার মা।

পশম? ও, না। চোখটা কেমন যেন—মানো চশমার পাওয়ারটা না বদলালে, কাজকর্ম সবই বন্ধ করতে হবে মনে হচ্ছে।

ও মা, সে কী? তবে তোর দাদাকে বলছিল না কেন কিছু?

নিজের জন্তে কাউকে কিছু বলতে চাই না আমি।

কৃষ্ণার মা অপ্রতিভ হয়ে যান, যেন শাস্তার চোখটা যে বেশী খারাপ হয়ে যাচ্ছে, সে ক্রটি তাঁর। অল্পবয়সী বিধবা ননদিনীটিকে নিয়ে অস্বস্তি অনেক। তাও যদি বা সাধারণ ধরনের হত !

মেয়ে তো নয়, যেন একটা অপার্থিব বস্তু।

আচ্ছা, আমিই বলব ওঁকে। তুলে মরি এই মুশকিল।...কৃষ্ণা কোথায় ?

ছাদে। ছাদেই তো থাকে এ সময়।

ওই এক মেয়ে, দিকি অবতার ! রাত দুপুর অবধি ছাদে কী হচ্ছে ?—সরোষ মন্তব্য করেন কৃষ্ণার মা।

মনটা বোধ হয় খারাপ থাকে—উদাসীন ভঙ্গীতে বলে শাস্তা, পার্শ্ব-টার্থ আসত সন্ধ্যাবেলাটায়, মন বসত।

ছেলেমাছুষ !

এই ভাবেই কথা কয় শাস্তা। চোখে আঙুল দিয়ে দেখিয়ে দেয় না, হালকাভাবে একটু অঙ্গুলিনির্দেশ করে শুধু। বিষয়টার ওপর সামান্য একটু আলোকপাত করা, এই আর কী !

বিয়ে-থাওয়ার তো চেষ্টা করবেন না মেয়েল্ল—অন্তপঙ্খিত স্বামীর ওপর সব ঝালটা ঝাড়ে ভদ্রমহিলা।

বিয়ে ! বিয়ের কথা ভাবতেই পারি না আমি।

কৃষ্ণার মা দ্বিতীয়বার অপ্রতিভ হন। শাস্তার ভাগ্যবিড়ম্বনাও কণ্ঠের মেয়ের বিয়েতে অহুংসাহের একটা কারণ।

তবু মেয়ে জিনিস।—অপ্রতিভ ভাবটা ঝেড়ে ফেলবার চেষ্টা করেন কৃষ্ণার মা : বিয়ে তো দিতেই হবে।

তা তো সত্যি।

এ প্রসঙ্গের ওপর পূর্ণচ্ছেদ টেনে দেয় শাস্তা।

এ সব তুচ্ছাতুচ্ছ সাংসারিক কথা সহ্য করতে পারে না সে।

পার্থকে তোমরা নিশ্চয়ই কেউ কিছু বলেছ !

আর ক'দিন পরে গৃহিণীর প্রতি এই অভিযোগটি আনেন কৃষ্ণার বাবা।

বললাম আবার কখন ? অভিযুক্ত ব্যক্তি সরবে অভিযোগ অস্বীকার



করেন : ঘরে ঘরে নিজেরাই যা বলাবলি করেছি, একটি অক্ষরও তার সামনে বলি নি।

তবে হঠাৎ এরকম একেবারে আসা বন্ধ করে দিল, মানে কী ? রোজ আসত।

সে তো আমিও দেখছি। এখনকার ছেলেরা চালাক তো কম নয় ? মুখ দেখে মনের কথা টের পায়।

উহ।—কর্তা অবিশ্বাসভরে মাথা নাড়েন : পার্থ সে ধরনের ছেলে নয়। তোমরা ‘ইয়ে’ কর বটে, আমার কিন্তু ছেলেটাকে মানে—ভারি সাদাসিখে ছেলেটা।

গিন্নী সায় না দিয়ে পারেন না : তা আমারও মনে হয়। তবে সব দিক না দেখলেও তো চলে না। বয়সের ধর্ম বলে তো কথা আছে একটা !

ষেতে দাও ওসব বাজে কথা।—মেয়েলী মস্তব্য চটে ওঠেন কর্তা : আমি ভাবছি, একদিন যাব ওর মেসে। বিদেশ-বিভূঁয়ে একলা থাকে বেচারা, আসত এক-আধবার, বাড়ির ছেলের মত হয়ে গিয়েছিল।

মন-কেমন কি আমারই করে না ?—নিজের হৃদয়বস্তার পরিচয় দেন কৃষ্ণা-জননী : করলে কী হবে ? বোঝ না তো সব। এই যে মেয়ে সারা সন্ধ্যা ঠিকরে ঠিকরে ছাদে ছাদে ঘুরে ঘুরে বেড়ায়, কারণ কী এর ? লক্ষ্য করেছ কোনদিন ?

খেয়েদেয়ে তো কাজ নেই আমার।—কর্তা সবিরক্তি মস্তব্য প্রকাশ করেন : তাই কে কখন ছাদে যাচ্ছে, আর কে কতক্ষণ রান্নাঘরে বসে আছে, তার তদ্বির করে বেড়াব ! মোটকথা এই সামনের রবিবারে ওকে নেমস্তন্ন করে আসব আমি।

মেয়ের সম্বন্ধে এই সব অপচ্ছন্দকর আলোচনা বেশীক্ষণ বরদাস্ত করতে পারেন না ভ্রলোক।

অবশ্য নেমস্তন্ন করাটা একেবারে নতুন কাণ্ড নয়। আগে আগে ছুটি-ছাটার দিন অথবা বাড়িতে ‘ভালমন্দ’ কিছু রান্না হলেই খেতে বলা হত পার্থকে।

তবে ইদানীং পার্থর এই ‘হাজরে দেওয়া’র অবিচল নিষ্ঠায় সকলেরই (অবশ্য কৃষ্ণা বাদে) কেমন যেন একটা অবহেলা এসে গিয়েছিল।

আগে আগে কৃষ্ণার কাকা পার্থকে দেখতে পেলে আর রন্ধে রাখতেন

না। সরকারের তুল নীতি, উদ্বাস্ত-সমস্তা, আর চোরাকারবারী-সমস্তা, এইসব ধারালো অস্ত্র নিয়ে তেড়ে এসে তর্ক জুড়ে দিতেন ঘন্টার পর ঘন্টা। তিনি আজকাল আর দেখা হলে কথাও কন না। মুখ ঘুরিয়ে চলে যান।  
নেমস্ত্র করার পাট উঠেই গিয়েছিল।

বড় গলায় ঘোষণা করলেও সামনের রবিবারে আর নেমস্ত্র করা হল না, কর্তার নিজেরই নেমস্ত্র হয়ে গেল কাদের পুঙ্খের মাছ ধরবার।

তবে পনেরই আগস্ট করা হোক।—বললেন কৃষ্ণার মা, তোমার যখন ইচ্ছে হয়েছে।

ইচ্ছে-অনিচ্ছের কথা নয়।—কর্তা বঁড়শিতে স্নতো বাধতে বাধতে নিবিষ্টভাবে বলেন, কী হল ছেলেটার সেটাও তো খোঁজ নেওয়া দরকার, কিছু বল-টল নি বলছ যখন।

বলি নি আমি কিছু।—কৃষ্ণার মা আবার প্রতিবাদ জানান।

তুমি বল নি, শাস্তা বলেছে।—কর্তা নিশ্চিত স্নরে বলেন।

শাস্তা? কী যে বল তার ঠিক নেই। ও সংসারের কোন্ কথাটার থাকে?

নিজের নামটা ছ-ছবার কর্ণগোচর হওয়াতেই বোধ করি শাস্তার ‘সমাধি’ ভাঙে। কয়েক সেকেণ্ড তাকিয়ে থেকে বলে, আমাকে বলছ কিছু?

না, বলছি না কিছু—স্নেহময়ী ভ্রাতৃজায়া স্নেহে বলেন, তোর দাদার কথা শুনছিস? আমরা নাকি পার্থকে যা-তা বলে তাড়িয়েছি। শুনলে গা জলে যায় না? বলেন কিনা—‘তুমি না বল শাস্তা বলেছে’।

আমি আজ পর্যন্ত পার্থর সঙ্গে কোন কথা বলি নি।

শাস্ত নম্র গলায় শুধু এইটুকু বলে শাস্তা। প্রতিবাদের তীব্রতা নেই, কেবল মাত্র জানিয়ে দেওয়া।

পনেরই আগস্ট সন্ধ্যাবেলায় আবার পার্থকে দেখা গেল এ ঘরে।

নেমস্ত্র করলে আসবে না, এমন হাঁদা ছেলে সে নয়। একটু বে অপ্রতিভ ভাব প্রকাশ করবে, এমন নির্বোধও নয়। নিজেই দোষ স্বীকার করে : সন্ধ্যার দিকে একটা টিউশনি নিয়ে ফেলে এত মুশকিল হয়েছে মালীমা, মোটে আসতে পারি নে।

রবিবারেও পড়াও নাকি ?—মাসীমা প্রশ্ন করেন ।

তা অবশ্য নয় ।—পার্থ হাসে : আলস্য এসে যায় । সপ্তাহে একটা মোটে দিন । আবার মজা দেখুন না, এ মাসে মেসের ম্যানেজার গিয়েছেন মেয়ের বিয়ে দিতে দেশে, আর ম্যানেজারিটি দিয়ে গেছেন আমার স্বন্ধে । সে এক বিরক্তিকর ব্যাপার !

একেবারে নিশ্চিত কৈফিয়ত ।

মঞ্জু অঞ্জু এসে আবদার ধরেছে : পার্থদা, অনেকদিন আস নি—হ্যাঁ, আজ নিশ্চয়ই একটা গল্প বলতে হবে ।

হবে নাকি ? কিসের গল্প ? বাঘের ?

আড়চোখে একবার শাস্তার দিকে তাকায় পার্থ, বাঘের মাসী তো বসে আছেন সামনে ।

কে জানে কৃষ্ণা কোথায় ? বাড়িতে আছে তো ? এতক্ষণের মধ্যে তো চুলের ডগাটাও দেখা গেল না মহারানীর । নাকি কৰ্তা-গিন্নীর কারসাজি ? মেয়েটিকে কোথাও চালান করে দিয়ে পার্থর সঙ্গে ভদ্রতা রক্ষা হচ্ছে ।

বুড়ো-বুড়ীগুলো কী ঘোড়েলই হয় ! উঃ !

আসর ছেড়ে কৃষ্ণার মা ওঠেন ।

মালাইকারির দফা কতটা গয়া করতে পারল ঠাকুর, দেখা দরকার ।

জলযোগের-দই আনা যাক কিছু ।—কৰ্তা জানান দেন : একটু বেকছি আমি । বোস পার্থ ।

বসব না ? পার্থ হেসে ওঠে : জলযোগের দই এসে পৌছবার আগেই পালাব ?...মনে মনে বলে, যান না একটু, কিছু দুঃখিত হব না । শুধু যদি কৃষ্ণার সন্ধানটা দিয়ে যেতেন ।

ততক্ষণে পুরনো আবদারের জের টানছে মঞ্জু : বাঘের গল্প বলি, সেই ডিটেকটিভ মোহনের গল্পটা বল ।

আচ্ছা । তার আগে কিন্তু একটু চা খাওয়াতে হবে—নইলে বুদ্ধি খুলবে না । ভেবে-চিন্তে বুদ্ধিটা আগেই খুলিয়েছে পার্থ ।

চা তৈরি করবার ভারটা একান্তই যার নিজস্ব, যদি তার সন্ধান পাওয়া যায় এই ছুতোয় ।

চা ? খুব পারব ।—মঞ্জু মহোৎসাহে আশ্বাস দেয় : আমি তো আজকাল চা তৈরি করতে পারি । দিদি তো খালি তিনতলার ছাদে উঠে বসে থাকে ।

কাকা এলে চা করে দিই আমি। দিই না রে অজু? দিদি নেবে এসে বলে,  
ওমা, কাকা এসে পড়েছেন। যাই—

আমিও পারি।—বলে দিদির পশ্চাদ্ধাবন করে অজু, পার্থকে নেহাতই  
অনাথ করে রেখে।

ভিনতলার ছাদে।

এতক্ষণে রহস্য প্রকাশ হয়। আহা, অভিমানিনী কৃষ্ণা হয়তো পথের  
দিকে তাকিয়ে থাকে হতাশ দৃষ্টি মেলে। হয়তো দীর্ঘনিশ্বাস ফেলে পার্থর  
কঠিন হৃদয়ের পরিচয় পেয়ে।

এতটা না করলেও হত। পার্থ ভাবে, মুখের ওপর কেউ তো কিছু বলে  
নি পার্থকে। এক-আধদিন এলেও হত। বড্ড বেশী 'শো' করা হয়ে গেছে  
যেন, কর্তা নিজে গিয়ে নেমন্তন্ন করে এলেন!

কিন্তু পার্থর কাছে কি ছাদের দরজা একেবারেই বন্ধ? ঘরের ছেলের  
মত পার্থ গরম লাগলে ছাদে উঠে গিয়ে হাওয়া খেয়ে আসতে পারে না  
একটু?

অসম্ভব এক মিনিটের জ্ঞেও?

কৃষ্ণার মার রান্নাঘর তদারকি, আর কৃষ্ণার বাবার 'জলযোগ' থেকে ঘুরে  
আসার মধ্যবর্তী সময়টুকুর অবসরে কয়েকটা সিঁড়ি পার হওয়া কি একেবারে  
অসম্ভব?

অসম্ভবই।

পাথরের পুতুল পাহারা দিচ্ছে পার্থকে।

হায়, শাস্তা যদি বিধবা না হত!

বর থাকলে অবশ্যই কৃষ্ণাকে আগলানো ছাড়া অণু ডিউটি থাকত তার।  
শাস্তা-বিহীন এই বাড়িটা কল্পনা করতে চেষ্টা করে পার্থ। 'নিষ্কটক' কথাটা  
শুনতে ভারি খারাপ, না?

আড়চোখে একবার তাকাল পার্থ।

কোলের উপর পড়ে আছে খালি হাত দুখানা। কেন, পশমের গোলা  
কোথায় গেল শাস্তার? কোথায় গেল লোহার কাঁটা? শুধু বসে থাকা  
শাস্তাকে কেমন যেন নতুন লাগছে।

মিনিটের পর মিনিট কাটছে...ঘরে একটা অস্বস্তিকর নীরবতা।  
আলোটা যেন বড় বেশী প্রখর।

এক পেয়লা চা আনতে মঞ্জুর এত সময় লাগবে জানলে ‘খাল কেটে  
কুমীর আনত’ না পার্থ। এর চাইতে ঢের বেশী সহজ ছিল, ‘ডিটেকটিভ্  
মোহনে’র গল্প বলা।

দূর ছাই, না এলেই হত।

কৃষ্ণার সঙ্গে দেখা হবে না, আর বোকার মত বসে বসে একগাদা গিলতে  
হবে তাকে? হয়তো বা তারিফ করতে হবে মালাইকারি আর মাংসের  
কোর্মার। রাবিশ!

মনে করে তেতো হয়ে উঠছে মন।

এই নেমস্তন্ন করার মধ্যেও কোন কুটনীতি আছে কিনা কে জানে!  
হয়তো তাই। বোধ করি পার্থকে স্পষ্ট করে চোখে আঙুল দিয়ে বুঝিয়ে  
দেওয়া—দেখো তোমার অধিকারক্ষেত্র কতটুকু! এস বোস খাও দাও, কিন্তু  
খবরদার তার বেশী নয়। ওর চাইতে উঁচুতে নজর দিও না।

তবে কি এই অবসরে চলে যাবে পার্থ? কাউকে কিছু না বলে? যে  
ঘাই ভাবুক?

নাঃ, তা হয় না। ভদ্রতার দায় নাগপাশের মত আটে-পুটে বেঁধে রেখেছে।  
ওর থেকে মুক্ত হবার ওষুধ সভ্য মানুষদের হাতে নেই।

যাক্গে, ঘর থেকে উঠে বারান্দায় গিয়ে হাঁফ ফেলা যাক একটু।

এরকম বিরক্তিকর অবস্থায় স্থির হয়ে বসে থাকা অসম্ভব।

উঠে পড়তেই পিছনে থস্‌থস্‌ শব্দ।

না, পার্থর নিজের পায়ের শব্দ নয়, শাস্তার।

উঠে পড়েছে শাস্তাও।

শোন, চলে যাচ্ছ?

পাথরের পুতুলের কণ্ঠে স্বর, আর সে স্বর এত দ্রুত এত লঘু এত ব্যগ্র?  
অবাক হয়ে তাকায় পার্থ, আমাকে বলছেন?

হ্যাঁ। বলছি, একদম আসো না কেন আর? দাদা দুঃখিত হন,  
বলেন—‘বিশ্রী ফাঁকা লাগে সন্ধ্যোটা।’ তোমার আসা অনেকটা নেশার মত  
হয়ে গিয়েছিল। এসো, বুঝলে? যেমন আসতে রোজ। আসবে তো?

আরও দ্রুত আরও লঘুভঙ্গীতে সেল্কের ওপর থেকে পেড়ে নিয়েছে

শাস্তা পশম আর কাঁটা, অনেকদিন ধরে খোলা পড়ে থেকে ধুলো জমছিল  
ষেটায়।

কিন্তু এতদিন অনভ্যাসে বোনার ঘরগুলো এলোমেলো হয়ে যায় নি ?  
অমন নিভুল আর অত দ্রুত চলছে কী করে সরু সরু আঙুল কটি ?

আর চোখ ? চোখের জন্তে যে কাজকর্ম সব বন্ধ হতে বসেছিল শাস্তায় !  
আলোটা কত কম লাগত !

কোন্টার পাওয়ার বেডে গেল হঠাৎ !

আলোর, না চোখের ?

## ॥ বাসনার বেণা ॥

ঘটনাটা যেমন আকস্মিক তেমনি নাটকীয়।

যে মহিলাটি বাইরে থেকে, প্রায় তাড়াখাওয়া জানোয়ারের মত উদ্ভ-  
খাসে ঘরে ঢুকে এসে ‘আমাকে বাঁচান’ বলে আমার পায়ের কাছে আছড়ে  
পড়লেন, তাঁকে আমরা জীবনে কখনও দেখিছি বলে মনে হল না।

একটি বন্ধুকে নিমন্ত্রণ করেছিলাম, এবং তার আসার অপেক্ষায় বাইরের  
দিকের বসবার ঘরটায় দরজা খুলে আমি এবং আমার স্ত্রী দুজনে বসে ছিলাম,  
হঠাৎ এমন নাটকীয় দৃশ্যের অবতারণা হবে স্বপ্নেও ভাবা ছিল না।

আমি চেয়ার ঠেলে লাফিয়ে উঠলাম এবং স্ত্রী স্তম্ভিত হয়ে দাঁড়িয়ে  
পড়লেন। মহিলাটি কিন্তু উপুড় হয়েই পড়ে আছেন, শুধু দীর্ঘনিশ্বাসে  
দেহটা ফুলে ফুলে উঠছে।

মিনিট খানেক পরেই আমার স্ত্রী তীক্ষ্ণ প্রশ্ন করলেন, কে আপনি? কী  
হয়েছে আপনার?

দেহটা আর-একটু ফুলে ফুলে উঠল শুধু।

পরস্পর দৃষ্টি বিনিময় করলাম। অর্থাৎ, আর কিছু নয়, পাগল। পাগলামির  
ঝোঁকে খোলা দরজা পেয়ে ঢুকে পড়েছে।

এখন কী কর। যায়?

কী আর করা যায়!

ভুলিয়ে-ভালিয়ে বিদায় করা।

অতএব নরম ভাবে বলি, উঠুন, মাটি থেকে উঠুন, শুনি আপনার কী  
হয়েছে!

তথাপি নীরবতা। শুধু নিশ্বাসটা দ্রুততর হল।

এই দেখুন কী মুশকিল! কী হয়েছে না বললে—

এবার একটু কন্ঠন।

একজন মহিলার পক্ষে অপর কোন মহিলার অশোভনতা বা সোজা বাংলায়

‘আদিখ্যেতা’ সঙ্ক করা কঠিন। তা সে অপরাধিনী পাগল হলেও। কাজেই আমার স্ত্রী ঝেঁজে ওঠেন। বিরক্ত কণ্ঠে বলেন, হয়েছে কী আপনার?

কম্পন প্রবলতর হল। অর্থাৎ আবেগ সমাপ্তির পূর্ব অভিব্যক্তি।

বাড়ির গৃহিণী ক্রুদ্ধ গলায় বলেন, দেখুন, এটা বাইরের ঘর, এখনি লোকজন আসবে, এভাবে স্ত্রে থাকলে চলবে না।

এবারে ক্রন্দনরতা উঠে বসেন এবং ঘোমটাটি টেনে দেন। তবু সেইটুকু অবসরেই বোঝা গেল, মহিলাটির বয়েস হয়েছে। ভদ্রীর সঙ্গে বয়সের অমিল। রঙ ফরসা, মুখের গড়ন একটু পুরুষালী ‘কাঠ-কাঠ’।

কোথায় থাকেন আপনি?

প্রশ্নোত্তর চলে উভয় পক্ষে।

কোথায় থাকি? ভগবান যখন যেখানে বাথেন।—আর-এক দফা দীর্ঘশ্বাস।

এদিকে তো কই কখনও দেখি নি!

না, এদিকে কখনও আসি নি ভাই। কিন্তু এসে পড়ে যা শিক্ষা হল। উঃ!

কার সঙ্গে বেঁবেবেছিলেন?

কার সঙ্গে? এ জগতে আমার কোনও সঙ্গী নেই, একাতি বেরিয়ে ছিলাম। কিন্তু কী বদ আপনাদের পাড়া। ভাবলে গা শিউরে উঠে। এই সঙ্কো রাত্তিরে—ছি-ছি!

আমার স্ত্রীর জ্বরুগল যাকে বলে কুঞ্চিত হয়ে উঠল, বলা বাতলা আমারও চোখের তারা কিঞ্চিত ট্যারা হয়ে আসে। এ আবার কেমনধাণা কথা!

স্ত্রী ঝাঁজের সঙ্গে বলে ওঠেন, কেন, আমাদের পাড়া কী দোষ করল?

মহিলাটি এবার মুখ তুলে আমাদের দিকে একটি সজ্জল দৃষ্টি বুলিয়ে নিয়ে মাথা নিচু করে মাটিতে নখের আঁচড় দিতে দিতে বলেন, সে বড় লজ্জার কথা ভাই।

সঙ্গে সঙ্গে আমি যেন চমকে উঠলাম।

আর মুহূর্তের মধ্যে বিশ্বস্তির একটা পুরু পর্দা সরে গিয়ে প্রায় দু যুগ আগের একটা দিনের দৃশ্য চোখের সামনে ভেসে উঠল।

দু যুগ? তা হবে বইকি। তখন তো আমি কলেজে পড়ি। একটা বোবা অসুভূতি যেন প্রকাশের দরজায় মাথা খুঁড়তে চাইছে। একটু আগে মনে হয়েছিল, এই মহিলাটিকে জীবনে কখনও দেখি নি, সে ধারনাটা কি পান্টে যাচ্ছে?



কোথাও যেন দেখেছি কি ?

কোথায় দেখেছি তবে ?

কিন্তু তাই কি সম্ভব ? সে কোথায়, আর এ কোথায় ? অথচ এই ভাবা  
এই স্মৃতি এই ভঙ্গী ।

আর মুখ ?

বোবা অসুস্থতাটা ঠেলাঠেলি করতে থাকে ।

কিন্তু সেই ভুলে-যাওয়া দিনটা কী অদ্ভুত স্পষ্ট হয়েই অকস্মাৎ চোখের  
ওপর ফুটে উঠল ।

সময়টা—

বোধ করি রাত আটটা সাড়ে আটটা । নিজেদের বাড়ি নয়, পিসির  
বাড়ি, বহরমপুরে, কী একটা ছুটিতে বেড়াতে গেছি । সেদিন পিসিমার  
জামাই এসেছে, খাওয়াদাওয়ার বেশ সমারোহ আয়োজন চলছে ।  
পিসেমশাই দালানে বসে জামাইয়ের কাছে বহরমপুরের পুরনো ঐতিহ্যের  
বহুবার-বলা গল্প আবার চালাচ্ছেন এবং আমি ক্যারমবোর্ড বিছিয়ে উসখুস  
করছি, কী করে জামাইবাবুকে পিসেমশাইয়ের কবল থেকে খসিয়ে আনা  
যায় ।

সহসা অপ্রত্যাশিত এক নাটকীয় আবর্তন ।

দিদি গো, আমায় বাঁচান ।

একটি মেয়ে যেন ঝড়ের ধাক্কায় আছড়ে এসে পিসিমার পায়ের কাছে  
পড়ল ।

পিসিমা কয়েক পা পিছিয়ে গিয়ে চৌচিয়ে উঠলেন, কে ? কে গা  
তুমি ?

উত্তর এল না, শুধু একটি স্বাস্থ্যসম্পন্ন নারীদেহ আবেগে ফুলে ফুলে উঠতে  
লাগল চার জোড়া চোখের সামনে ।

ও মা, এ কে গো ? পাগল না কী ? এ আবার কী ঝগড়াট!—পিসীমা  
ডুকরে উঠলেন । আমি আর জামাইবাবু হতচকিত ।

পিসেমশাই এসে কিছু কঠোরভাবে এবার এগিয়ে বললেন, কে বাছা  
তুমি, কী চাও ?

মেয়েটি এবার উঠে বসল । আর সঙ্গে সঙ্গে চার জোড়া চোখের সামনে  
এই সত্যটা স্পষ্ট হয়ে উঠল, মেয়েটি হৃদয়ী তরুণী এবং বিধবা । মুখের গড়নে

কিছু সৌকুমার্যের অভাব থাকলেও, বয়েসের লাবণ্যটা তো আছেই, তা ছাড়া রঙ রীতিমত ফরসা।

এ-রকম একটি মেয়ের এ-রকম অপ্রত্যাশিত আবির্ভাব খুবই আশ্চর্যজনক বইকি। তা হলে কি সত্যিই পাগল?

কী, হয়েছে কী তোমার?—পিসেমশাই বলেন।

মেয়েটি এবার উপস্থিত সকলের মূখের উপর একটি সফল দৃষ্টি বুলিয়ে নিয়েই মাথাটা নিচু করে মাটিতে নখের আঁচড় কাটতে কাটতে কন্ধকণ্ঠে বলে, সে বড় লজ্জার কথা দাদা!

পিসিমা অবশ্যই রীতিমত ক্রুদ্ধ হন, হবার কথাও। তিনি বলে দেন, তা আমার বাড়িতে সে সব কথা কেন বাপু? আমরা তো তোমাকে সাতজন্মেও চিনি না।

আমি এখানকার মেয়ে নই দিদি।

মেয়েটির চোখ দিয়ে ছুটি ফোঁটা জল গড়িয়ে পড়ে।

পিসিমা কিঞ্চিৎ নরম স্বরে বলেন, তা তো দেখতেই পাচ্ছি। এখানকার আর কাকে না চিনি আমি! তা কোথাকার মেয়ে তুমি? এমন একলা ঘুরছেই বা কেন?

ত্রিভুবনে আমার কেউ নেই দিদি।

বলি, কারুর না কারুর বাড়ির ঝি-বউ তো বটে? এ বয়সে এমন একলা পথে ঘুরছ, মানে কী?

মেয়েটি মাথা হেঁট করে বলে, সে লজ্জার কথা কী করেই বা বলি দিদি?

পিসিমা জব্ব্ব চোখের ইশারায় আমাদের বলেন, তোমরা একটু শু-দিকে যাও তো।

মেয়েটি সঙ্গে সঙ্গে দ্রুত ভঙ্গীতে বলে ওঠে, থাকুন, থাকুন, ঠাা আমার বড় ভাইয়ের মত। দুঃখীর আবার লজ্জা! তিন কূল খেয়ে ত্রিবেণীতে দূর-সম্পর্কের এক মামাশ্বশুরের সংসারে গিয়ে উঠেছিলাম, কিন্তু টিকতে পারলাম না দিদি। মামাভোজ্ঞাওরের কুদৃষ্টির ভয়ে পালিয়ে কাশী চলে যাচ্ছিলাম, আমার মায়ের গুরুর কাছে—

পিসিমা বাধা দিয়ে বলেন, কাশী যাচ্ছিলে? তা এখানে কোন্ দিক দিয়ে? বললে যে ত্রিবেণী থেকে?

মেয়েটি ঢোক গিলে বলে, সেই কথাই তো বলছি। যাচ্ছিলাম তো,

কিন্তু এ হতভাগীর পোড়া কপালে যেখানে যাই কুদৃষ্টি ! রেলগাড়িতে একটা লোক এমন করে তাকাচ্ছিল যে ভয়ে ভয়ে যেখানে-সেখানে নেমে পড়ে অগ্নি গাড়িতে উঠে বসলাম। তারপর—

মেয়েটি আর একবার ঢৌক গিলে বলে, এখানেও সেই বিপদ। ইন্টিশান থেকে একটা লোক পিছু নিয়েছে। যে রাস্তায় যাই সেই রাস্তায় সঙ্গে সঙ্গে আসে, যতবার পিছু ফিরে তাকাচ্ছি, বুকের মধ্যে ঢেঁকির পাড় পড়ছে। শেষে কী আর বলব দিদি, যখন ধরে ফেলে আর কী, তখন একেবারে চোখ কান বুজে ছুট মেয়ে এই আপনার পায়ে এসে পড়লাম।

মেয়েটি এই ক্লেশকর ইতিহাস বলতে যেন ইঁপাতে থাকে।

একটা জিনিস বরাবরই দেখেছি, মেয়েরা মেয়েদের প্রতি সহানুভূতিশীল হতে নিতান্ত নারাজ, কাজেই পিসিমাও বেজার মুখেই বলেন, তা তোমার মত বয়সের মেয়ে এমন করে পথে ঘাটে ঘুরে বেড়ালে বিপদ আছে, এ তো কচি ছেলেটাও জানে। ঘরে যতই অসুবিধে হোক, ছাতের তলায় মাথা রেখে টিকে থাকাই উচিত।

সত্যি কথা বলতে কী, পিসিমাকে সেদিন মোটেই মহিষসী মহিলা মনে হয় নি। আহা বেচারী, কত লাজুক! কত গ্লানি সঙ্গে তবেই না এমন করে উদ্ভ্রান্তের মত বেরিয়ে পড়েছে। দেখলাম, জামাইবাবুও বেশ বিচলিত।

মেয়েটির চোখ দিয়ে আর দু ফোঁটা জল গড়িয়ে পড়ল। মাথা নিচু করে বলল, উপায় থাকতে বেরোই নি দিদি, ধর্ম বজায় রেখে বাস করা অসম্ভব হল বলেই—

পিসেমশাই সহসা বলে ওঠেন, তা বাছা, তুমি আমার বাড়ি থাকবে ?

এত ভাগ্য কি আমার হবে দাদা ? একটু ভাল আশ্রয় পেল, আমি—

কণ্ঠ রুদ্ধ হয়ে আসে বেচারার।

তবু ‘দাদা’ শব্দটা কানে যেন একটা কেমন-কেমন ঠেকছিল, ‘বাবা’ বললেই যেন শোভন হত। আর বয়সেও তো প্রায় পিসেমশাইয়ের মেয়েরই বয়সী। জানি না, পিসিমার মনেও এই ‘দাদা’ শব্দটা কোন প্রতিক্রিয়ার সৃষ্টি করেছিল কি না ! তিনি ঝেঁজে উঠে বললেন, ও আবার কী কথার ছিরি ? থাকবে মানে ?

আহা, থাকবে মানে আর কী, বাড়ির মেয়ের মত থাকবে। শাস্তিটা তো

এবার পাকাপাকি স্বপ্নরসের করতে চলে যাবে, তুমি নিছক একা পড়বে। তবু একটু সাহায্য-টাহায্য—

মনে মনে ভাবলাম, উঃ, ভদ্রলোক কী ঘৃণু! লোকের বিপদের সুযোগে নিজের সুযোগ খুঁজছেন। বিনি মাইনেয় যদি একটি দাসী মিলে যায়!

পিসিমা সহজে নরম হবার মেয়ে নয়, তাই তেমনি ভাবেই বলেন, অমনি যা হোক একটা বলে ফেললেই হল? কী ঘরের মেয়ে তা জানা নেই শোনা নেই—

ঘর ভালই দিদি, মুখুঞ্জদের মেয়ে আমি, চাটুঞ্জের ঘরের বউ, শুধু ভাগাটাই ভাল নয়।—নরম আর কাতর ভাবে বলে মেয়েটি।

পিসেমশাই পিসিমার প্রতি একটি অন্তর্ভেদী দৃষ্টি নিক্ষেপ করে মহোৎসাহে বলে ওঠেন, তবে তো আর কথাই নেই। রান্নাবান্না সবই পারবে। তোমার এই নিত্যা রোগের শরীর, ভালই হল। এখানেই তুমি আশ্রয় পেয়ে গেলে বাছা। মায়ের মত দেখবে ঠিক—

মেয়েটি হঠাৎ পিসেমশাইয়ের দুই পায়ের উপর হুমড়ে পড়ল এবং কক্ষ কণ্ঠ থেকে এইটুকু শোনা গেল, বাঁচালেন দাদা, ভগবানই মিলিয়ে দিলেন আপনাদের। তাই তো বলেছিলাম, বড় ভাইয়ের মত আপনাবা—

থাক থাক।—পিসেমশাই পা ছাড়িয়ে নিয়ে হেসে ওঠেন : তা বলে সবাই ভাইয়ের মত নয়, এরা দুজন হচ্ছে—আমার জামাই আর শালার ছেলে।

দুর্গা! দুর্গা! সন্ধ্যাবেলা এ কী বিভ্রাট!—পিসিমা রান্নাঘরে ঢুকে যেতে যেতে বলেন, গেল বোধ হয় ডালটা পুড়ে! অমন করে গলদা চিংড়ি দিয়ে ডাল চড়ালাম।

শাস্তি বাড়ি ছিল না, সইয়ের বাড়ি না কোথায় গিয়েছিল, সে এসে সমস্ত ব্যাপারটা শুনে তো হাঁ! কিন্তু ও এসেই হুরাহা হল। কেমন টুক করে আলাপ করে ফেলে মেয়েটাকে ডেকে নিয়ে গিয়ে কুয়োতলা দেখিয়ে দিল, নিজের শাড়ি জামা পড়তে দিল!

শাড়ী?

তা হোক, একদিন শাড়ি পরলে আর জাত যাবে না তোমার।

প্রবল প্রতিবাদে ওর প্রতিবার উড়িয়ে দিল শাস্তি।

শান্তি আমি সমবয়সী, কাজেই জামাইবাবু কোন্ না সাত-আট বছরের বড় আমার চাইতে, তাই জামাইবাবুই বলি।

জামাইবাবু ঘরে এসে বললেন, ঘাই বল শৈলেন, এটা এঁদের খুব অত্যাচার। ভক্তঘরের মেয়ে, বিপদে পড়ে এসেছে, তাকে আশ্রয় দেবার মহত্ত্ব থাকে, দিন। তা নয়, কায়দায় পেয়ে বি-রাঁদুনীর পোস্টে বসিয়ে দিলেন। একে আশ্রয় দেওয়া বলে না, স্বযোগ নেওয়া বলে।

শান্তি এদিক ওদিক তাকিয়ে বলে, নিজের মা গুরুজন, তবু বলি মার কাছে কি আর টিকতে পারবে? তার চাইতে—গলাটা একটু নামিয়ে বলে—আমাদের ওখানে নিয়ে গেলে কেমন হয়? খোকাটাকে একটু ধরল-টরল—মানে আর কী—মাসি-পিসির মতই ধরার কথা বলছি। আমি তা হলে একটু আসান পাঠ, ওরও—

জামাইবাবু গম্ভীরভাবে বলেন, সে কথা আমিও ভেবেছিলাম। কিন্তু না, থাক। তাতে আবার অনেক কথার সৃষ্টি হতে পারে।

আমি মনে মনে হাসলাম।

মনে পড়ল, আমার দিদিমা যখন-তখন ব্যঙ্গচ্ছলে একটা কথা বলেন বলেন, আহা, কেন পাগিটাকে মেরে জীব হত্যে করছিস? আমায় দে, আমি পুড়িয়ে খাই।

সেই রাত্রেই খাওয়াদাওয়ার সময় দেখলাম, নবাগত। দ্রুতভঙ্গীতে এট গুটা কাজে পিসিমাকে সাহায্য করছে। জল দিয়ে গেল, আসন পাতল, রান্নার দালান থেকে বাসনপত্র আনল।

পিসেমশাই পুলকিত চিত্তে চুপি চুপি বললেন, দেখলে তো শৈলেন, কেমন রত্নটি আবিষ্কার করলাম! এ যা দেখছি, এর পর তোমার পিসিমাকে আর নড়ে বসতে হবে না।

এই তো গেল প্রথম রাত্রে কথা।

তারপর শেষরাত্রে? শেষরাত্রে সেই ভয়াবহ কাণ্ড!

সে কথা মনে পড়ে এখনও গাটা কেমন গুলিয়ে উঠল।

মেয়েটির নাম যতদূর মনে পড়ছে, বোধ হয় বীণাপাণি। সে ঘাই হোক, রাত্রে তাকে পিসিমা ভাঁড়ার-ঘরের ছোট চৌকিটার ওপর শুতে দিয়েছিলেন, এবং এ কথাও মনে আছে, এ ঘরে এসে পিসেমশাইকে বলেছিলেন, ভাঁড়ার-

ঘরে তো শুতে দিলাম, ভগবান জানেন চোর কি চাঁচোড়। সদরদোরটায়  
একটা তালাচাবি দাও দিকি। সরে পড়তে পারবে না।

মানুষকে তুমি বড় সন্দেহ কব!—পসেমশাই বিবক চিন্তে তালা  
লাগাতে যেতে যেতে বলেন, হেলেমানুষ একটা মেয়ে, ভাইদের মেয়ে, তবু  
কী করে যে এ মুনোভাব আসে তোমাদের?

পিসিমা ঠোট উন্টে বলেন, ইস্! ‘দাদা’ বলে ভেঁকেছে কন্যা, তাই  
একেবারে গলে গেছেন!

ভাবলাম, সত্যি মানুষ কী নীচ!

আর শেষরাত্রে মনে হয়েছিল, উঃ, মানুষ কী শয়তান!

কিন্তু কে শয়তান?

মানে সোঁদনের শয়তানির নায়ক কে ছিল?

সে রহস্য ভেদ হয় নি। সোঁদন না, কোঁদনও না। শুধু সোঁদন  
আমরা তিনটি পুরুষ পরস্পর পরস্পরের দিকে এত সন্দেহের দৃষ্টিতে তা বড়  
ছিলাম বার বার।

শান্তি তাকিয়েছে তিন জনের দিকেই ভাব ভেঙে, নিজস্ব ‘আব ঘনার  
দৃষ্টিতে। পিসিমা অগ্নিদৃষ্টিতে স্বামীর ‘আব জানা ‘আব দিক। কখন  
জানেন, আমি কেন বাদ পড়ে গলাম।

ই্যা, শেষরাত্রে দিকে একটা আতঁ চিৎকার উঠে। ভাইদের ঘর  
থেকে। দুর্বল অসহায় নারীকণ্ঠের। চোখ কান ‘আব হাত চাক থেকে  
‘ধপ’ করে পড়ে যাবার একটা শব্দ।

একটুক্ষণ কান খাড়া করে থাকতে থাকতেই মারা বাড়টার একটা চাকলা  
উঠল—শেষরাত্রির মধুর স্তব্ধতা ছিঁড়ে খুঁড়ে। আলো জ্বল উঠল এ ঘরে  
ও-ঘরে, দুৰ্জ্জা খোলা হল সব ঘরের।

শুনলাম, প্রথমটা পিসিমা বলছেন, বোধ হয় বেড়াল। দস্তি একটা  
বেড়াল জানল। দিঘে লাফিয়ে এসে পড়ে মাঝে মাঝে।

বেড়াল আর মানুষে তফাত বুঝতে পারব না দাদ!

ক্ষীণ দুর্বল অসহায় একটি প্রতিবাদ।

তুমি নিজেই বাপু মেয়ে ভাল নও!—পিসিমা বজ্রকণ্ঠে বলেন, আমার  
বাড়িতে একটা বামুন চাকর, কি বাজে বাইরের লোক কেউ নেই—

আমার কপাল দিদি। আমার পোড়া কপালে মূনিরও মতভ্রান্তি হয়।

কপালে করাঘাত করেছিল বীণাপাণি।

শাস্তি একটু এগিয়ে গিয়ে পাকগিন্নীর মত দাঁতে দাঁত চিপে বলল,  
ওসব তোমার বানানো কথা। কোনদিন কারও মতিভ্রাস্তি হল না,  
আর আজ—

বললামই তো ভাই, আমার ভাগ্য।—বীণা আঁচলে চোখ মুছে বলে,  
আর কোনদিন কি এ রকম একটা বেওয়ারিশ মেয়েই ছিল তোমাদের  
সংসারে? রূপের কথা আর তুলব না ভাই, তবু বয়েসটাও তো ফেলনা  
নয়।

না, ঝাঁটা পিসিমা সত্যি মারেন নি, শুধু বলেছিলেন, ঝাঁটা মেয়ে দূর  
করলেও আমার রাগ যাবে না।

শেষ রাজের অঙ্ককারেই দূর করলেন তাকে পিসিমা।

আর সকালবেলা চলে গেলেন জামাইবাবু খমখমে অঙ্ককার মুখ নিয়ে।  
অথচ দিন চার-পাঁচ থাকবার কথা ছিল তাঁর।

আমারও পুরো ছুটিটা ওখানেই কাটাবার কথা ছিল, ফিরে এলাম, দু-তিন  
দিন পরেই। সত্যি বলতে কী, পিসেমশাইয়ের বাড়িতে গিয়ে ছুটি কাটাবার  
প্রবৃত্তি আর কখনও হয় নি। আর জামাইবাবুর সঙ্গে জীবনে আর কখনও  
ভাল করে মিশতে পারি নি। কেন বলতে পারে কে? সন্দেহ যে  
কুয়াশাচ্ছন্ন।

কিন্তু সে ঘটনার সঙ্গে আজকের ঘটনার সম্পর্ক কী? অথচ মনে পড়ে  
গেল।

ভদ্রীটা বড় বেশী একরকম।

অগ্রমনস্ক হয়ে পড়েছিলাম, শুনলাম আমার জী জেরা করছেন, কী করতে  
বেরিয়েছিলেন আপনি? আর এ পাড়াতেই বা এসেছিলেন কেন?

সে বলতে গেলে মহাভারত।

কিন্তু ছেলেছোকরারা আপনার দিকে কুদৃষ্টি দেবে, এ কী একটা কথা  
হল? সে বয়েস আপনার আছে?

হায় ঈশ্বর! কথায় বলে, পুড়বে মেয়ে উড়বে ছাই, তবে মেয়ের কলঙ্ক  
নাই। পুরুষ জাত হচ্ছে বাঘের জাত, বুঝলেন ভাই।

রাগে আপাদমস্তক জলে গেল, কী একটা বলতে যাচ্ছিলাম বলা  
হল না। প্রত্যাশিত বন্ধুবর সহাস্ত্রে এসে ঘরে ঢুকলেন এবং ‘বড্ড

দে'রি হয়ে গেল ভাই' বলতে গিয়ে আধপথে থেমে গিয়েই মহিলাটির দিকে তীব্র দৃষ্টি হেনে বলে উঠল, এ কী, এ'টি আবার কোথা থেকে এসে জুটলেন ?

মুহূর্তের জন্য আমার সঙ্গে বন্ধুর, বন্ধুর সঙ্গে আমার জ্বর, এবং জ্বর সঙ্গে উৎপীড়িতা মহিলার একটি চকিত দৃষ্টি-বিনিময়। পরক্ষণেই মহিলাটি ত্যাগ-ত্যাগি উঠে পড়ে একেবারে রাস্তায়।

ব্যাপার কী ?—একসঙ্গে সঙ্গীক চেঁচিয়ে উঠি, চেনো না কি ওকে ?

ওকে আবার কে না চেনে ?—বন্ধু বসে পড়ে তাক্কিলোর সঙ্গে বলে, আমাদের হাওড়ার ওদিকে সকলকে জালিয়ে পুড়িয়ে খেয়ে, এবার এদিকে এসেছে বোধ হয়।

জী গম্ভীরভাবে বলেন, জালাবার পদ্ধতিটা কী ?

আর বলেন কেন ?—বন্ধু একটু সরস হাসি হাসেন : ও বুড়ীর বক্তব্য বিষয় হচ্ছে রাজ্যস্বল্প লোক ওর দিকে কুদৃষ্টি হানছে। তড়মুড়িয়ে ভ্রম-লোকের বাড়ি ঢুকে পড়ে বলবে—ওই আমায় ধরতে আসছে। দেখুন তো কী কদর্ঘ কাণ্ড ! নিজের বয়সের দিকে তাকা, তা নয়। আসলে ওই ওর পেশা।

এতে কিছু উপার্জন হয় ওর ?—প্রশ্ন করি আমি।

বন্ধু মাথা চুলকে বলেন, উপার্জন ? না, উপার্জনের কথা কিছু শুনি নি। বানিয়ে বানিয়ে কতকগুলো বাজে কথা বলে এই পর্যন্ত। পরসাকড়ি চাইতে দেখি নি।

মুহূ হেসে বলি, তা হলে আর পেশা বলছ কেন ? বরং বলতে পার নেশা।

তা বটে। সেটাই ঠিক। এ এক রকম অভূত মনস্তত্ত্ব আর কী !

বন্ধু সহজেই সকল সমস্তার সমাধান করে দেন, কিন্তু আমার মনটা যেন কোন একটা রহস্যময় রাত্রির অতীতে হারিয়ে গিয়ে 'হায় হায়' করতে থাকে। কোথায় যেন কী ভয়ানক একটা অবিচার হয়ে গেছে !

সত্যিই কি এমন অভূত নেশা থাকে মানুষের ? সে নেশা পূরনো হয় না ? নাকি জীবনের একটা তীব্রতম বাসনা যার কোনদিনই পূর্ণ হয় না, সে সেই বাসনা মেটানোর খেলা খেলেই স্থখ পায় !



## ॥ কাচের দেওয়াল ॥

অবশেষে ওরা গেল।

অনেক বকে, অনেক বকিয়ে, অনেক হেসে, অনেক হাসিয়ে, নিজেরা জলে আর এদের জালিয়ে, শেষ অবধি মধ্যরাত্রি পার করে তবে এদের রেহাই দিল। বলে গেল, চললাম বাবা, আর থাকলে গাল দেবে তোমরা।

বিয়ের বর-কনেকে জালিয়ে মারবার প্রথা আমাদের দেশ ছাড়া আর কোন দেশে আছে কি না এবং প্রথাটা কত বর্বর—সেই নিয়ে ছোট্ট একটু ভাষণ দেবে ঠিক করছিল দীপঙ্কর, কনের কাছে মুগ্ধার্থে। কারণ এটা দীপঙ্করদের বাড়ি। আর দীপঙ্কর স্বপ্নেও জানত না যে, ওর বাড়ির সেই শাস্তাশিষ্ট মেয়েগুলো একটা স্বযোগ পেয়েই এত বাচাল হয়ে উঠবে। সভ্য মাহুষের অবদমিত বর্বরতাকে মাঝে-মাঝে মুক্তি দেবার জগ্জেই যে উৎসব ব্যাপারটার সৃষ্টি, সমাজসংগঠক চিন্তাশীল ব্যক্তিদেরই বিশেষ চিন্তার ফল হচ্ছে—যত রাজ্যের উৎসব আর অহুষ্ঠান। এ-কথা কোনদিন তলিয়ে ভেবে দেখে নি বলেই বোধ করি দীপঙ্করের এই অবাক হওয়া। আর সেই জগ্জেই বোধ করি তার বাসরঘরে চন্দ্রাবলীদের বাড়ির তরুণীদের উদ্দাম-উল্লাসকে ‘অসহ’ বলে মন্তব্য প্রকাশ করে বসতে বাধে নি।

এখন এদের বাচালতায় লজ্জায় লাল হয়ে সব সমেত এই প্রথাটাকেই নিন্দা করবে বলে কথা গোছাচ্ছে, এমন সময় নতুন কনে চন্দ্রাবলী ফুলের মালাটা গলা থেকে খুলে ফেলতে ফেলতে স্থির গম্ভীরভাবে বলে বসল, আপনার প্রেমপাত্রীটিকে দেখলাম।

এর আগে পাঁচজনের মধ্যে একবার ‘আপনি’ সম্বোধন শুনে দীপঙ্কর ভেবে রেখেছিল, ওইটা নিয়ে বউকে কিছু পরিহাস করবে। ভালই হল, আলাপ-আলোচনার জগ্জে কিছু উপকরণ মজুত থাকল।

কিন্তু এখন আর ‘আপনি’ সম্বোধন কানে বাজল না। শেষ কথাটাই বাজের মত বাজল। চমকে উঠল দীপঙ্কর, ভীষণভাবে চমকে উঠল, বুঝি

বা মানে বুঝতেও কিছুক্ষণ লাগল। তারপর বুঝে-সমঝে খুব পরিষ্কার করে আস্তে বলল, তোমার কথাটার ঠিক মর্মগ্রহণ করতে পারলাম না।

না পারাটা আশ্চর্যের! মর্মস্থলে পৌছেছে অবশ্যই।—বলে বিছানা থেকে একটা বালিশ নামিয়ে নিয়ে নীচে কার্পেটের উপর শুয়ে পড়ল চন্দ্রাবলী।

রূপকথার কাহিনীতে আছে মায়াকান্তারা নাকি একটি মাত্র মন্ত্র পড়ে মানুষকে পাথর করে দিতে পারত। রাজপুত্র মন্ত্রীপুত্র কোটালপুত্রের দল শিকারে গিয়ে অরণ্যের মধ্যে সহসা সেই মন্ত্রে নিপন্ন।

রূপকথার যুগ গিয়েছে, কিন্তু মায়াকান্তারা আজও আছে। আজও তারা পারে একটি মাত্র শব্দমন্ত্রে রাজপুত্রদের পাথর করে দিতে।

অনেকক্ষণ পাথর হয়ে বসে রইল দীপঙ্কর।

চন্দ্রাবলী এ সন্দেহ করল কী করে, সে-কথা ভেবে নয়, বসে রইল তার ভবিষ্যতের রঙ দেখে।

এ কী হল! কোথায় ছিল এই নাগিনী? দীপঙ্করকে ছোবল হানবার জন্তেই কি এতদিন বিষের পুঁজি জমিয়ে তুলছিল সে? জীবনটার চেহারা তবে কী হবে দীপঙ্করের?

উজ্জ্বল আনন্দময় একটা কিছু হবে, এ আশা ছিল না অবশ্যই। তবু তো মেনে নিয়েছিল অবস্থাকে, সংকল্প করেছিল মানিয়ে নেবে নতুংকে, কিন্তু এই একটি মাত্র মন্ত্রেই যে ধূলিসাৎ হয়ে গেল সে-সংকল্পের বন্দন।

অনেকক্ষণ পরে মনে এল, চন্দ্রাবলী এ সন্দেহ করল কেন! কে বলল? আরতির পক্ষে কি সম্ভব? নাঃ, সে সম্ভব নয়। কিন্তু আর কেই বা? যে বালুনদী বরাবর বালুকণার আস্তরণের নীচ দিয়েই প্রবাহিত হয়েচে, কোনদিন উদ্ঘাটিত হয় নি, তার সন্ধান অপরে দেবে কী করে?

তবু—আরতি? অসম্ভব।

ডেকরেটরদের লোক এসে অনেক আড়ম্বরে ঘরটা সাজিয়ে দিয়ে গিয়েছে। কারণ দীপঙ্কর বাড়ির ছোট ছেলে। হোক তার বয়েস ত্রিশোত্তর, তবু ওপরওলাদের সাধ বাধা মানবে কেন?

ঘরটা রেশমে মথমলে পর্দায় কার্পেটে ফুলে আলোয় ভারাক্রান্ত, তার মাঝখানে শুধু চন্দ্রাবলীকেই দেখাচ্ছে—পাখির মত হালকা। ছোট হালকা শরীর, শুয়ে আছে গুটিয়ে-হুটিয়ে ছোট্ট হয়ে, পরনের শাড়ি-রাউজগুলোও

যেন প্রজ্ঞাপতির ভানার মত হালকা কোমল পেলব। চেয়ে থাকতে থাকতে অল্পমনস্কের মত সম্পূর্ণ অবাস্তুর একটা কথা ভাবল দীপঙ্কর।

এ-কাপড়কে কী বলে? সিল্ক? শিফন? নাইলন? বিয়ের বাজারের সময় এই শব্দগুলি বার বার কানে এসেছিল। কিন্তু ওই শূকুমার আবরণের মধ্যে এমন কাঠিন্য আশ্রয় নিয়েছে কী করে?

দীপঙ্কর অবশ্য পারে ওকে অবহেলা করতে, ওকে বাদ দিয়ে নতুন করে নিজের জীবনের ছক কাটতে, যে ভুল হয়ে গিয়েছে, সেটা ছাড়া অগ্ন ভুল না করতে, কিন্তু তার আগে তো জানতেই হবে চন্দ্রাবলীর এ-সন্দেহ হল কোন্ স্ত্রে!

জানতেই হবে। না জানলে চলবে না দীপঙ্করের।

খাট থেকে তাই নেমে এল দীপঙ্কর।

চন্দ্রাবলীর কাছাকাছি বসে পড়ে বলল, তোমাকে একটা কথা অস্তুত সোজা স্পষ্ট বলতে হবে।

চন্দ্রাবলী ঘূমের ভান করল না, ভান করল না অভিমানের, স্পষ্ট স্ত্রেই বলল, জানি কী জানতে চান। তার উত্তর হচ্ছে, ও-কথা কাউকে বলে দিতে হয় না।

দীপঙ্কর তীব্র স্বরে বলে উঠল, তোমার বয়েস কত গুনতে পারি?

স্বচ্ছন্দে। ছাব্বিশ।

ছাব্বিশ!—আশ্চর্য হল দীপঙ্কর, দেখে মনে হয় কুড়ির নীচে।

এর পর আর তো বলা চলে না—এত অভিজ্ঞতা সঞ্চয় করলে কবে? কিন্তু ছোবল কি শুধু নাগিনীরাই হানে?

দীপঙ্করের মুখের পেশীতে একটা কুঞ্জন দেখা দেয়, যেটাকে নাকি হাসিও বলা চলে।

আলাপ হল আমার প্রেমপাত্রীর সঙ্গে?

চন্দ্রাবলী উঠে বসল। রঙিন আলো ছড়িয়ে রইল ওর মুখে চোখে সর্বদে। ঝিকিয়ে উঠল গায়ের নতুন গহনা। বলল, হল বইকি।

কেমন লাগল?—আর-একটা কুঞ্জন দীপঙ্করের মুখের পেশীতে।

চন্দ্রাবলী একটু তীক্ষ্ণ হাসি হেসে বলল, আর বাই হোক, পছন্দের প্রশংসা করা চলে না।

সে-ক্রটিটা তো অপর ক্ষেত্রে শুধরে নেওয়া গেছে।—দীপঙ্কর উঠে দাড়িয়ে একটা হাই তোলার ভঙ্গী করে বলল, মন্দ হল না! দুটো মিলিয়ে একটাই হল।

তার মানে?—অসতর্কে বলে ফেলল চন্দ্রাবলী।

মানে আর কী?—বিছানায় শুয়ে পড়ে দীপঙ্কর বালিশটা কাত করে বসিয়ে নিয়ে আর-একটা হাই তুলে বলল, একবারের সওদা দেহবিহীন জন্ম, আর একবারের সওদা জন্মবিহীন দেহ, অতএব—

ইতর!

অশ্রুট এই শব্দটা কি কানে এল দীপঙ্করের? আর কানে এল বলেই কি মুখের পেশীর বিকৃতিটা একটু বেশী স্পষ্ট হল?

দু বাড়ির লোক অবাক হয়ে গেল দীপঙ্করের নতুন সিদ্ধান্ত শুনে। এটা কী হল? ঘে-লোকটা বিদেশ থেকে ছুটি নিয়ে এসেছে বিয়ে করতে, সে ছুটির শেষে ফেরবার সময় বউকে নিয়ে যাবে এটাই তো স্বাভাবিক। স্থিরও ছিল তাই। কিন্তু দীপঙ্কর একলা যেতে যায়।

কেন? কেন?

এমনি। থাকুক না শশুর-শাশুড়ীর কাছে, শিক্ষা-সহবত হোক। ইচ্ছে না হয়, মা-বাপের কাছে থাকুক গে। দীপঙ্করের তো কোন অস্ববিধে নেই ওখানে। অদ্ভুত ভাল চাকর-বাকর রয়েছে।

চাকর? তাতে সব হবে?

কেন নয়? এ যাবৎ তো বেশ চলে যাচ্ছিল।

কেউ বলল ‘চং’, কেউ বলল ‘আদিখ্যেতা’, কেউ বলল ‘মান-অভিমানের পাঠ নেওয়া হচ্ছে।’ বলল অবশ্য বেশীর ভাগ চন্দ্রাবলীর কাছেই। আর, যাবার আগের দিন হুপূরে চন্দ্রাবলী সরাসরি দীপঙ্করের কাছে গিয়ে সোজাসুজি বলল, আমি বিলাসপুরে যাব।

বিলাসপুর যাবে! অর্থাৎ?—ঠিক বুঝতে পারল না দীপঙ্কর এটা কী। অভিভাবক-পক্ষের শিক্ষা? সে-শিক্ষা নিয়েছে চন্দ্রা?

চন্দ্রাবলী এক পলক দেখে নিয়েই বলল, না, কেউ কিছু শিগিয়ে দেয় নি আমায়। তারপর একটু হেসে উঠে বলল, আর খুব বেশী মন-কেমনও করছে না। শুধু যেটা লোকচক্ষে স্বাভাবিক, সেইটি করতে চাই।

আমার জীবনে স্বাভাবিকের স্থান কম।—বলল দীপঙ্কর।

চন্দ্রাবলী দৃঢ় গলায় বলল, সেটা আপনার ভাগ্য। তার জন্তে আমি কেন লোকের কাছে হাশ্রাস্পদ হব? সংসারের পাঁচজনের কাছে যেটা ঠিক, তেমনি জীবন আমি চাই, অন্তত দৃশ্যত।

দীপঙ্কর একবার দেখল তাকিয়ে ও-মুখের কোনখানে কোমলতার অথবা দুর্বলতার ছাপ আছে কি না! সেই দুর্বলতার ছিল কি না এটা!

নাঃ। সে-মুখ কাচের পুতুলের মত সুন্দর আর কঠিন। যুহু হেসে বলল, কিন্তু আমি যদি না চাই?

ভেতরের জীবনটা চলুক আপনার ইচ্ছে অমুঘায়ী, বাইরেটায় চলবে না।

অর্থাৎ আইনের দাবি মানতে হবে?—বিজ্রপের হাসি ফুটে উঠল দীপঙ্করের মুখে। কিন্তু এ-হাসি চন্দ্রাবলী দেখেও দেখল না, বলল, ই্যা। আর সেটা অস্বীকার করতেও পারেন না।

তা অবশ্য পারি না। বেশ, ঠিক আছে। থাকতে পার চল।

আমীর সঙ্গে বিদেশে বাসায় আসার পটভূমিকা চন্দ্রাবলীর এই। সে-পটভূমিকায় ছবিটাও আঁকা হচ্ছে তেমনই। যেন একটা কাচের দেওয়ালের দু'পাশে দু'জন দাঁড়িয়ে রয়েছে, দু'জনে দু'জনকে দেখতে পাচ্ছে স্পষ্ট নিভূল, শুধু কেউ কাউকে ছুঁতে পারছে না। অথচ এ-দেওয়াল ভেঙে ফেলবার গরজও নেই ওদের। বরং দেওয়ালের দু'দিক থেকে আঘাত-প্রত্যাঘাতের খেলাটাতেই যোঁক বেশী।

এই সৃষ্টিছাড়া জীবনের সাক্ষী কেউ নেই, তাই বোধ করি কোনদিন কোন কারণেই পদ্ধতির পরিবর্তনও ঘটছে না।

এক দীপঙ্করের সেই অন্তত ভাল চাকর রামলাল। তাকে আর কে গ্রাহ্য করছে? সে এখনও তেমনই ভাল। শুধু ওর কাজ বেড়েছে, একজনের জায়গায় দু'জনের সেবা।

স্বামী-স্ত্রীর জীবনযাত্রার পদ্ধতিটা এই। সকালবেলা রামলাল চা দিয়ে যায়, দীপঙ্কর একা নীরবে বসে খায়, খেয়ে খবরের কাগজখানা মুখের সামনে তুলে ধরে। চন্দ্রাবলী ধীরে স্বস্থে এসে বাকী পেয়ালাটায় দু'বার করে চা ঢেলে খায়, তারপর উঠে গিয়ে গৃহিণীজনোচিত মর্যাদার ভঙ্গীতে চাকর-বাকরকে এটা ওটা নির্দেশ দেয়, রামলালকে 'বাবু'র খাওয়া-দাওয়া সম্পর্কে

বাহ্য্য একটু উপদেশ দেয়, তারপর নিজের ঘরে গিয়ে বইপত্র সেলাই ইত্যাদি নিয়ে বসে।

চাকর-মহলে তাদের নিয়ে সমালোচনাব শ্রোত বয়, আর তাদের মাধ্যমে পাড়াপড়শীর বাড়িতেও। এ-দিকটায় অবশ্য বাঙালী বশী নেই, দু-একজন ধারা আছেন, প্রথম প্রথম এসেছিলেন তাঁরা আলাপ করতে, কিন্তু চম্ভাবলীর হিম-শীতল অভার্থনায় সে-চেষ্ঠা থেকে বিরত হয়েছেন তাঁরা।

ছপুর্বে বাড়িতে গেতে আসে দীপঙ্কর, লাক্ বন তো লাক্, ভাত বল . . . ভাত। বরাবরই আসে। মোটর-বাইকটার শব্দ হতেই রামলাল ত থ হয়ে টেবিল সাজায়, কুকারে চাপানো গবম ভাত খালায় ঢেলে পরিপাটি করে বাড়ে, দাঁড়িয়ে থাকে ছকুমের আশায়।

চম্ভাবলীর খাওয়া হয়ে গিয়েছে কখন, ও তখন কোনদিন নিশ্চিন্ত হয়ে ঘুময়, কোনদিন বা বই পড়ে।

মোটর-বাইকের শব্দটা ছবার করে শুনতে পায়, এল আর গেল। সে-শব্দের ধাক্কায় কাচের দেওয়ালের গায়ে ফাটল দরতে দেখা যায় না।

সন্ধায় যখন ঘরে ফেরে দীপঙ্কর, কোনদিনই তখন বাড়ি থাকে না চম্ভাবলী। বেড়াতে যায় এখানে সেখানে। হয়তো বা স্টেশন বরাবর। যখন ফেরে, তখন দীপঙ্কর বেড়াতে বেরিয়ে গিয়েছে।

আর রাজে ?

রাজে নাকি মানুষ দুর্বল হয়ে যায়, বোকা হয়ে যায়, ব্যক্তিগত হারায়, মর্যাদা বিসর্জন দিয়ে বসতে দ্বিধা করে না! রাজ হুলামনায়ী, রাজি নিষ্ঠুর, রাজির হাতে নাকি জাহ্নুদণ্ড!

রাজির নামে এমন অনেক খ্যাতি আর অখ্যাতি আছে। কিন্তু এদের কাছে সেই অসীম শক্তিময়ীও হার মেনেছে। অথচ আয়োজনের তো অভ নেই তার! সে কোনদিন বা আনে জ্যোৎস্নার বগা, সে-বগার ঢেউ খেলে বাগানে উঠনে ঘরে, জানলার পথ দূরে বিচিনায়, কোনদিন আনে অন্ধকারের নিথর রহস্য, অদৃশ্য কোন জগতে কোন মায়ামিনীর নুপুর বাজতে থাকে, তার শব্দ-শিহরণ গাছের পাতায় পাতায় দেওয়ালের গায়ে গায়ে ফিসফিসিয়ে ওঠে, কোনদিন আলোছায়ায় লুকোচুরিতে বাতাস চঞ্চল হয়ে ওঠে, কিন্তু এদের ঘরের দরজা থেকে ফিরে যায় তারা মাথা হেঁট করে। এত আয়োজনেও দরজার খিল খুলে পড়ে না। আসে ঝড়ঝুটি বজ্রপাতের দ্রুত

রাত্রি, আসে অসহায় হিমরাত্রি, আসে বাতাস-আছড়ে-পড়া শরৎ-বসন্তের  
এলোমেলো রাত্রি, এদের দরজার কপাট নড়ে না। বরং সে-সব রাতে খিল  
আটকানোর শব্দটা যেন একটু বেশী স্পষ্ট হয়ে ওঠে।

হুজনেই যেন কী এক যুদ্ধজয়ের সংকল্প নিয়ে মরণপণ করে বসে আছে,  
কেউ পরাজয় মানবে না।

কথা কি বন্ধ ওদের ?

না, একেবারে বন্ধ কই ? তা হলেও তো সেই অভিমানের ফাটল থেকে  
দেওয়াল ভেঙে পড়বার আশ্বাস থাকত। কথা বন্ধ নেই। কথা আছে।  
হয়তো কোনদিন দীপঙ্কর বলে, আজ ফিরতে রাত হবে।

চন্দ্রাবলী সেলাইয়ে চোখ রেখে বলে, আচ্ছা, রামলালকে বলব।

হয়তো চন্দ্রাবলী বলে, বংশী দেশে যাবার জন্তে ছুটি চাইছিল—

তাই বুঝি ? কদিনের জন্তে ?

তা ঠিক জানি না, তোমাকে বলতে বলেছিলাম, সাহস পাচ্ছে না।

সাহসের কী আছে ! ছুটি দিয়ে দিও, অফিসের চাপরাসীকে বলে দেব,  
ওর সন্ধানে লোক থাকে।

হয়তো দীপঙ্কর বলে, তোমার বাবা আমায় চিঠি দিয়েছেন, অনেক দিন  
তোমায় দেখেন নি বলে—

চন্দ্রাবলী সহজভাবে বলে, আমাকেও লিখেছেন।

যেতে চাও তো ব্যবস্থা করে দিতে পারি।

দরকার হবে না।

আমার ছুটি পেতে তো ঢের দেরি !

তাড়াই বা কী ?

হয়তো দীপঙ্কর বলে, এ কী, তুমি রান্না করছ যে ? রামলাল কোথা  
গেল ?

কী দরকারে হঠাৎ বাজারে গেছে।

এত ব্যস্তর কী আছে ? ও এলেই হত ?

ব্যস্ত হই নি। ভাতটা পুড়ে যাচ্ছে কি না দেখতে এসেছিলাম।—  
বলে রান্নাঘর থেকে চলে আসে চন্দ্রাবলী। ‘আপনি’ গিয়ে বরং ‘তুমি’টাও  
এসে গিয়েছে কথার পিঠোপিঠি।

এমনি করেই চলছিল। বোবা রাত্রি আর অসাড় দিনগুলো নিয়ে, কিন্তু

হঠাৎ এই জমাট অবস্থাটার উপর একটা ঢিল এসে পড়ল। একটা পোস্ট-কার্ডের চিঠি।

এ-চিঠি অপ্রত্যাশিত।

এ-চিঠি আরতির।

ও লিখেছে, অফিসের কী কাজে ওকে নাকি কয়েকটা দিনের জন্তে বিলাসপুরে আসতে হচ্ছে, অতএব কোথায় আর থাকবে, দীপঙ্কর ওখানে থাকতে? পারিবারিক একটা সম্পর্ক আছে, কাজেই প্রস্তাবটা অসম্ভব নয়, অসম্ভবও নয়। এই সম্পর্কের বালুস্তরের নীচে দিয়েই তো সংজ্ঞা প্রবাহিত হতে পেবেছিল সেদিনের সেই ঝিরিঝিরি নদীটি।

চিঠিখানা দীপঙ্কর চন্দ্রাবলীর সামনে ফেলে দিয়ে বলল, কী উত্তর দেবে?

চন্দ্রাবলী চমকে তাকাল দীপঙ্করের দিকে, তারপর আবার পোস্ট-কার্ডটার দিকে, আর কোনদিন যা না করেছে তাই করে উঠল। হেসে উঠল খিলখিলিয়ে।

দালান থেকে রামলাল চমকে উঠল, তারপর বুকে হাত দিয়ে বোধ করি একটা অস্বস্তির নিশ্বাস ফেলে চলে গেল বংশীকে খবর দিতে।

হাসি খামলে বলল চন্দ্রাবলী, আমায় জিজ্ঞেস করছ?

বিচলিত হল না দীপঙ্কর। মুহূ গম্ভীর 'হেসে বলল, জিজ্ঞেস করতে তো বাধ্য। বাড়ির গৃহিণী যখন।

তা বটে। ঠিক আছে, আসতে লিখে দাও।

দেবে?

আমার দিক থেকে কোনও বাধ্য নেই। ভয় নেই, অতিথির অমর্যাদা হবে না।

পোস্টকার্ডটা তুলে নিল দীপঙ্কর। একবার বুঝি যাবার জন্তে পা বাড়াল, তারপরই হঠাৎ মুখ ফিরিয়ে বলে বলল, অতিথির অমর্যাদা হবে না, তা জানি। কিন্তু গৃহকর্তার?

চন্দ্রাবলী একটু অবাক-অবাক চোখে তাকাল।

দীপঙ্কর আর-একটু কাছে সরে এসে একটু বুকে বলল, এই কটা দিন গৃহকর্তার মর্যাদারক্ষার ভার নিতে পার না?

কথাটার ঠিক মানে বুঝছি না।

দীপঙ্কর বোধ করি একটু ইতস্তত করল, কয়েক পা পাশ্চাত্য করল,



তারপর হঠাৎ খুব কাছাকাছি এসে ব্যগ্রভাবে বলল, এই কটা দিন আমাদের একটু অগ্রভাবে থাকা কি সম্ভব হয় না ?

অগ্রভাবে মানে ?—সত্যিই বুঝি বুঝতে পারছে না চন্দ্রাবলী ।

মানে ? মানে—ইচ্ছে হচ্ছে না যে, ও এসে আমাদের সম্পর্কের মধ্যে কোন অস্বাভাবিকতা দেখুক ।

ও-হো-হো-হো-হো !—আবার হেসে উঠল চন্দ্রাবলী, বুঝলাম তোমার প্রেমপাত্রীর সামনে মান রাখতে এ কটা দিন অভিনয় করতে হবে আমাকে । কেমন ? তাই না ?

দীপঙ্কর শান্তভাবে বলল, সেটা কি একেবারেই অসম্ভব ?

অসম্ভব আর কী ? ‘অসম্ভব’ বলে সংসারে সত্যিই কিছু আছে নাকি ?

তা বটে । কিন্তু আমার প্রার্থনাটা খুব নির্লজ্জ হল না ?

এমন আর কী ?

কিন্তু কারণটা তো জানতে চাইলে না ?

ওমা, এ তো জলের মতন সোজা, আবার জিজ্ঞেস করে জানতে হয় নাকি ?

অবাক হয়ে তাকিয়ে দেখল দীপঙ্কর । কী অদ্ভুত অগ্ররকম দেখাচ্ছে চন্দ্রাবলীকে ! হাসলে মানুষের চেহারা এত বদলে যায় ?

নিজে থেকে এবার একটা কথা বলল চন্দ্রাবলী । বলল, বেচারী মেয়েটা তোমার বিরহে জীবনটাই বরবাদ দিল, আর তুমি দিবিয়া—। কিন্তু ওকে বিয়ে না করবার হেতু ?

কত অহেতুক জিনিসও সংসারে মস্ত একটা হেতু হয়ে দাঁড়ায় ।—বলে আন্তে আন্তে চলে গেল দীপঙ্কর ।

চন্দ্রাবলী স্টেশনে গেল ।

হৈ-হৈ করে অভ্যর্থনা করল আরতিকে : ভাগ্যিস-বাই এখানে অফিসের কাজ পড়ল, তাই পায়ের ধুলো পড়ল মশাইয়ের । কদিনের মেয়াদ ? মাত্র চার দিন ? ওমা ! তা চলবে না । ইচ্ছে করে খাতাপত্র জটিল করে ফেলে বলে পাঠাও, আরও সময় লাগবে ।

আরতি বোধ করি এতটা আশা করে নি, কারণ বিয়ের সময় দেখেছিল চন্দ্রাবলীকে । ভাবল, যাক, দীপঙ্কর তা হলে সুখী হয়েছে ।

ভেবে স্থখী হল কি ?

কে জানে ! আরতিদের মত গভীর আত্মহুঁ মেয়েদের মনের কথা বোঝা যায় না।

চায়ের টেবিলে হাসির ঝড় তোলে চন্দ্রাবলী : ও মা, কী কাণ্ড ! চা খাও না তুমি ? কাজ কর কিসের জোরে ? যাক, ভালই হল, আমি এক পেয়লা বাড়তি খেয়ে নিই। কী দেব তা হলে, কফি ? কী গো, তুমিও কি অতিথির সঙ্গে কফি খাবে নাকি ? বল তো দিই তাই।

অভিনয়ের প্রস্তাবটা দীপঙ্করেরই, তবু ও যেন অপ্রতিভের একশেষ হয়ে পড়ছে। কিন্তু চন্দ্রাবলী একাই একশো। আরতির স্বাভাবিক গাভীও ওর হাসি-কৌতুকের ঝড়ে ধূলিসাৎ হয়ে যাচ্ছে।

রান্নাঘরে বসে রামলাল বলে, ব্যাপার কী বল তো বংশী ?

বোধ হয় কিছু খেয়েছে।—বংশী বিজ্ঞভাবে বলে।

ধ্যোত ! কী বাজে বকিস ?

বাজে নয় রে। আগে অল্প অল্প ঘরে আমি দেখেছি। পেটে ‘কিছু’ পড়লেই প্যাচামুখ লোকগুলো ফুটিবাজ হয়ে যায়।

কিন্তু বংশীর কথা বুঝি এক হিসেবে ঠিক।

চন্দ্রাবলী যেন কী এক নেশায় মাতাল হয়ে উঠেছে। ও নিজের হাতে রেঁধে অতিথিকে খাওয়াবে, তাকে জোর করে টেনে নিয়ে বেড়াতে যাবে, গান গেয়ে শোনাবে, কবিতা আবৃত্তি করিয়ে শুনবে, আর মুহূর্তে মুহূর্তে বিচ্ছুরিত হয়ে উঠবে দীপঙ্করের সঙ্গে ব্যবহারে।

এই দেখ ! শুয়ে পড়লে মানে ? বেড়াতে যাওয়া হবে না ? ইস ! আবদার কত ! আলস্য করতে ইচ্ছে করছে ! ও-সব চলবে না। ওঠ শিগগির।...ও কী, উনি বোঝাতে চান আমার রান্না একেবারে অখাদ্য।...আচ্ছা, তুমি রোজ কী বলে অফিস যাচ্ছ ? অতিথির সম্মানার্থে একটা দিনও অন্তত ছুটি নেবে তো ?

দীপঙ্কর যেন দিশেহারা হয়ে যাচ্ছে।

ভেবেছিল, নিজের বঞ্চিত জীবনের গ্লানিটা যাতে নিতান্ত স্পষ্ট হয়ে না ওঠে আরতির চোখে, এটুকু অন্তত করুক চন্দ্রাবলী। আরতি যেন দীপঙ্করকে করুণা করবার সুযোগ না পায়। কিন্তু চন্দ্রাবলী যেন আর-এক যুদ্ধজয়ের খেলায় বিভোর।

যেখানে এক গগুণ জলে কাজ মিটত, সেখানে চন্দ্রাবলী বস্ত্রা বসিয়েছে।

রাত্রী—প্রথম রাত্রীই নিজের ঘরে ছোটো বিছানা করে ফেলে চন্দ্রাবলী আরতির হাত ধরে দীপঙ্করের ঘরের দরজায় উকি মেরে এক গাল হেসে বলেছিল, আমি আরতির সঙ্গেই শুচ্ছি, বুঝলে? সারারাত রাজ্যের আজোবাজে গল্প করে কাটাব।

আরতি অপ্রতিভ হয়ে বলল, আরে, সে কী? ছি-ছি! না।

চন্দ্রাবলী এ-আপত্তি উড়িয়ে দিয়ে হেসে হেসে বলে, না কেন? ও তো চিরদিনের, তুমি হলে দুদিনের।

আরতি রাগ দেখিয়ে বলে, ওর সঙ্গে আমার তুলনা কিসের?

আচ্ছা বাপু, তুলনা না হয় নাই হল। অতুলনীয়ই উনি। কিন্তু দু-এক দিন ঘর বদল করতে ভাল লাগে। ভারি ইচ্ছে করে এক-একদিন এ-ঘরটায় শুতে। শুয়ে শুয়ে কেমন ওই ঝাউগাছের মাথা-নাড়া দেখা যায় এ-ঘর থেকে। তা একা তো শুতে পারি না। আর বাড়ির কর্তাটি লোহার সিন্দুক একা রেখে অগ্ন্যস্ত্র শুতে রাজী নয়।

স্তুভিত হয়ে চেয়ে থাকে দীপঙ্কর। ওর মনে হয় বুঝি ঘুমের জগতে রয়েছে। এ কী অসম্ভব সম্ভব! আর স্তুভিত হয়ে থাকে বুঝি ঝাউগাছের ওই ঝিরঝিরে পাতাগুলো। যাদের প্রত্যেকখানির গায়েই বহু বিনিম্র রাজ্যের দীর্ঘশ্বাস লেখা আছে।

নিরালায় আরতিকেই পেতে চাইবে, এটাই হত দীপঙ্করের পক্ষে স্বাভাবিক কিন্তু পাশার ঘুঁটি কখন যে কোথায় গিয়ে পড়ে! চন্দ্রাবলীকেই নিরালায় আবিষ্কার করতে চায় দীপঙ্কর। যেন কোথাকার কোন একটা মরচে-পড়া তাল খুলে পড়েছে, আর সেই দরজা-খোলা ঘরের মধ্য থেকে ছড়িয়ে পড়েছে অগাধ ঐশ্বর্য। এ-তালার চাবি কোথায় ছিল?

কিন্তু চন্দ্রাবলীর রহস্য কে বুঝবে?

হয়তো দীপঙ্কর কাছাকাছি এসে দাঁড়ায়, চন্দ্রাবলী দিবিয় গলা খুলে বলে, এই দেখ কাণ্ড। এখনও তুমি চান করতে যাও নি? এর পর 'দৌরি হয়ে গেল' বলে লাফাবে।

কোন এক সময় দীপঙ্কর কঠিন গলায় বলে, তোমার অভিনয়-নৈপুণ্যের জন্তে সার্টিফিকেট দেওয়া উচিত।

চন্দ্রাবলী হাসে : শুধু ওই জন্তে? আরও কত কারণে পাওয়া উচিত।

কিন্তু কী তুমি বল তো?—গলা চড়িয়ে বলে উঠে, আরতি এল আর তুমি সেই রামলালের ওপর ভরসা করে বলে আছ? নিজে একটু বাজারে-টাঙ্গারে যাবে তো?

ওঘর থেকে শুনতে পেয়ে আরতি বলে ওঠে, দোহাই মিসেস দীপঙ্কর, তোমার ঘরের ঠেলা একটু কমাও।

চন্দ্রাবলী বলে, ইস, কমাব বই কি! এত স্নসময় আমার আর কবে আসবে!

দীপঙ্কর খুব চাপা গলায় বলে, তোমার কষ্ট হচ্ছে না?

কষ্ট! ওটা আমার অভিধানে নেই।

ষাবার আগে আরতি বলল নিভূতে, খুব খুশী হলাম দীপঙ্কর, তোমার ঘর আর ঘরগী দেখে। সত্যি বলতে, একটু ভাবনাই ছিল।

এমনও তো হতে পারে ভাবনার কারণটা ঠিকই আছে, এর সবটাই ফাঁকি।

না, তা হতে পারে না। মেয়েমানুষের চোখ ভুল দেখে না।

কিন্তু মেয়েমানুষ কথাটা সব সময় ভুলিয়ে ভুলিয়ে ভুল বলে, তাই নয় কি?

সব সময় নয় দীপঙ্কর। তুমি আমার ছেলেবেলার খেলার সাথী। তুমি স্নখে আছ স্বচ্ছন্দে আছ, এটা ভাবতে ভাল লাগবে।

স্টেশনে তুলে দিতে এল ওরা দুজনেই।

আরতিকে আবার আসবার জন্তে অশেষ অহুরোধ জানাল চন্দ্রাবলী।

ফেরার সময় এক মোটরে দুজনে চূপ।

ঘেন সমুদ্রে হঠাৎ বাতাস বন্ধ হয়ে গেল। বাড়ির কাছাকাছি এসে এক সময় দীপঙ্কর বলে উঠল, খুব ঠকানো গেল আরতিকে, কী বল?

ই্যা, খুব।—বলল চন্দ্রাবলী।

আরতি বলে গেল ‘তোমাদের দেখে খুশী হলাম।’ বলল, ‘মেয়েমানুষের চোখ ভুল দেখে না।’

কথাটা খুব ঠিক বলেছেন।

সহসা ওর মুখটা নিজের দিকে ফিরিয়ে নিয়ে দীপঙ্কর বলে ওঠে, আচ্ছা, যদি এমন হত ওর ধারণাটাই নিভুল !

হতে কি না পারে ?

•ধর, তাই হল। ধর, ও যা ভেবে গেল তাই সত্যি।

কোন সময় হয়তো তাও অসম্ভব হবে না।

মুখটা ফিরিয়ে নিতে চায় চন্দ্রাবলী, নইলে বুঝি এতদিনের সঞ্চিত মর্যাদা ভূমিসাৎ হয়ে যায়। কিন্তু নিতে দেয় না দীপঙ্কর, তেমনি ধরে থেকে ব্যগ্রভাবে বলে বসে, তবে এখনই বা হতে পারে না কেন চন্দ্রা ?

চন্দ্রাবলী প্রায় জোর করেই মুখ নামাল।

কী অভূত স্নানর লাগছিল এই কটা দিন ! জীবনের এই স্বাদ থেকে আমরা ইচ্ছে করে কেন বঞ্চিত আছি, বলতে পার চন্দ্রা ?

চন্দ্রাবলী আন্তে আন্তে বলে, হয়তো আমরাই ভুলে। যাকে শ্রদ্ধা করা উচিত ছিল, তাকে ঈর্ষা করেছি।

ভাঙল বুঝি কাচের দেওয়াল !

কে জানে কখন চিড় ধরেছিল, তিলে তিলে দীর্ঘকাল ধরে, না সাময়িক ঘূর্ণি ঝড়ের ধাক্কায় ?

গভীর স্বরে বলল দীপঙ্কর, না চন্দ্রা, আমাদের দোষ স্বীকার করতে দাঁও। আমিও তো কোনদিন বুঝতে চাই নি তোমায়, বোঝাতে চাই নি নিজেকে।

মোটরের পথ শেষ হল।

যে ঘরে ছুটি মেয়ে এই কটা দিন কাটিয়ে গিয়েছে সে ঘরে এসে বসল ওরা। ঝাউপাতা কাঁপছে ঝিরঝির।

কিন্তু আরতি ?—বলল চন্দ্রাবলী।

আরতি ! সে জীবনের অন্ত ক্ষেত্র বেছে নিয়েছে চন্দ্রা। সেখানে সে সম্পূর্ণ।

মোটরের পথ সহজেই শেষ হল, কিন্তু রেলগাড়ির পথটা দীর্ঘ, সহজে শেষ হবে না। ‘জীবনের অন্ত ক্ষেত্রে সম্পূর্ণ’ মেয়েটা বাইরের অন্ধকারের দিকে তাকিয়ে তাকিয়ে ভাবতে থাকে, মাহুষ কত ভুল ধারণা নিয়েই কাটায়। এতদিন যেটাকে সে পাথরের প্রাচীর ভেবে এসেছে, সেটা কাচের দেওয়াল মাত্র।

## ॥ চলমান জগৎ ॥

ছোকরা মারাই গেল।

রায়চৌধুরীদের ওই ছোকরা চাকরটা। রাধাপদ না কী যেন নাম।

ঘটনাটা অবিশ্বাস্য হলেও সত্যি। নির্জলা সত্যি। না, কারও মারা যাওয়াটা কিছু অবিশ্বাস্য ব্যাপার নয়, অবিশ্বাস্য হচ্ছে ওর মারা যাওয়ার পদ্ধতিটা। এ-যুগে এমনটা বড় দেখা যায় না।

আরও আশ্চর্য, ছেলেটার পেটে পিলেও ছিল না। আর রায়চৌধুরীর সেজ ছেলের পায়ে বুটও ছিল না। তবু পটকা হোঁড়া পট করে মরেই গেল।

কিন্তু সেজবাবুর বা দোষ কী? এ-রকম ক্ষেত্রে কোন্ বাড়ির বাবুই বা মেজাজ ঠিক রাখতে পারত, আর ওরকম একটা ভূত চাকরকে হুঁ ঘা কষিয়ে না দিয়ে থাকত? হতভাগা ভূতটা যদি শুধু সেজবাবুকে ফাঁসাবার অগ্নেই স্নেহ মারা গিয়ে থাকে, কী করবার আছে সেজবাবুর? তবু রায়চৌধুরীরা চেষ্টার ক্রটি করেন নি। ডাক্তারও ডেকেছিলেন, জল বাতাস বরফ ওষুধ সবই করেছিলেন।

বাঁচল না। পরমায়ু ফুরলে আটকায় কে?

অবিশ্বাস্য এসবের কিছুই হত না, যদি না সেদিন সেজবাবুর নতুন ভায়রা-ভাই সঙ্গীক বেড়াতে আসতেন, আর যদি না সেজবাবু রাধাপদকে কড়াপাকের সন্দেশ আর ফুলকপির সিঙাড়া আনতে পাঠাতেন।

কিন্তু ভবিতব্যকে রোধে কে?

রাধাপদের নিয়তি, খাবার আনতে গেল তো গেলই। এদিকে সেজ-বউদির চা-দানিতে চা প্রথমে কড়া ও পরে শীতল হয়ে উঠল, আর সেজবউদি নিজে প্রথমে চকল, তৎপরে অধীর আর শেষ অবধি আগুন হয়ে উঠলেন।

তবু দেখা নেই রাধাপদের।

কতক্ষণ আর 'বাই-বাই' কুটুযকে ফাঁকা গল্প করে করে আটকে রাখা

ষায়? রাখা গেলও না শেষ অবধি। তাঁরা রাত হয়ে যাওয়ার ছুতোয় অস্থিরতা প্রকাশ করে বিদায় নিলেন। বিদায় নিতেই সেজবউদি তারস্বরে ঘোষণা করলেন, রাখাপদকে বিদায় না করে জলগ্রহণ করবেন না তিনি। আর সেজবাবু? তিনি ওদের গাড়ি অদৃশ্য হয়ে যাবার পরেও যখন ক্ষিপ্ত-মূর্তিতে শুধু গেটের কাছে দাঁড়িয়ে ছিলেন, রাখাপদ এলে একবার 'দেখে নেবেন' বলে, তখনই হতভাগ্য রাখাপদ সন্দেশ আর সিঙাড়া নিয়ে এসে দর্শন দিল।

বোমা ফাটল।

প্রচণ্ড চিংকারে দেবির কৈফিয়ত চাইলেন সেজবাবু।

কিন্তু না, কৈফিয়ত আর সেদিন দেওয়া হয় নি রাখাপদের, অবকাশ পায় নি বেচারী।

ও এসে দাঁড়ানোর মুহূর্তেই একটা প্রবল হুকার উঠল, আর পরক্ষণেই রায়চৌধুরীদের গেটের সামনে শুধুমাত্র 'আঁক' করে একটা শব্দ সজে সজে গড়িয়ে পড়ল সন্দেশ, সিঙাড়া আর রাখাপদ।

কথাটা এমন কিছু পাঁচজনে টের পাবার কথা নয়।

রায়চৌধুরীদের উঠনে যদি কীর্তনের আসর বসত, হয়তো খবর দিয়ে না জানালে পাড়ার লোক টের পেত না। কিন্তু এ আলাদা ব্যাপার!

গড়িয়ে পড়ার সঙ্গে সঙ্গে ঘেন মাটি ফুঁড়ে ভিড় উঠল। হ্যাঁ, 'ভিড় জমল' না বলে ভিড় উঠল বলাই ঠিক। গেটের ঠিক বাইরেই একটা হৈ-চৈ পড়ে গেল।

সেজবাবু প্রমাদ গনে ডাক্তার ডাকলেন, ওষুধ দিলেন, জল বাতাস বরফের জন্তে হাঁকাহাঁকি করলেন, আর শেষ অবধি ঘরে গিয়ে পাথর স্পীড বাড়িয়ে দিয়ে হতাশ হয়ে বসে পড়লেন।

ওদিকে স্বয়ং রায়চৌধুরী-কর্তা নিভুতে ডাক্তারকে নিয়ে পড়লেন।

অবিশ্রি দরকার খুব ছিল না। ডাক্তার সেজকর্তার বন্ধু। অতএব 'স্বাভাবিক মৃত্যু'র মড়া রাখাপদ স্থানীয় সংকার-সমিতির সদস্যদের কাঁধে চড়ে চলে গেল আশানে।

আশপাশের আর সামনের ষত বাড়ির বারান্দা ছিল, সেখানে ছবির মিছিলের মত একটা 'স্বল্প জনতা' নিখর হয়ে দাঁড়িয়ে দেখল।

এই তো ব্যাপার!

‘যা হবার হয়ে গেছে’ বলে মনকে শান্তনা দেওয়াও হয়ে গিয়েছিল, কিন্তু গোল বাধল পরদিন সকালে। কোথা থেকে পাগলের মত উদ্ভ্রান্ত বেশবাসে ছুটে এল রাধাপদর বাবা নিতাইপদ। নিতাইপদ গেটের সামনে মাথা খুঁড়ে, চুল ছিঁড়ে, বুক চাপড়ে এমন একটা ভয়ঙ্কর সোরগোল তুলে কানতে শুরু করল যে, তখনও পাড়ার আর কোন বাড়ির বারান্দা ফাকা রইল না। বুঝতেও বাকী রইল না কারও কিছু।

বুঝবে না কেন? পাড়াটা হচ্ছে যে একেবারে সভ্যতাব্যাপ্ত শিকিত লোকের পাড়া। তা ছাড়া, দু সারি বাড়ির মাঝখানের রাস্তাটা মাত্র বিশ ফুট চওড়া। রাস্তা সরু হক, পাড়াটি ছবির মত সুন্দর শোখিন। প্রায় সব বাড়িই গোল বারান্দা, লোহার গেট, গ্যারেজ আর মোটর-মেঝে-শোভিত। নতুন পাড়া। বলতে গেলে অবসরপ্রাপ্ত উচ্চ রাজস্ব কর্মচারীদের বার্ষিক্যের বারাদশী। শুধু রায়চৌধুরীরাই নাকি প্রাক্তন জমিদার। নইলে সামনের উনি প্রাক্তন জজ, তার পাশের উনি প্রাক্তন আই জি, এ-পাশের ইনি শেষতক কিছুকাল এস ডি ও হয়েছিলেন, আর ও-পাশের উনি প্রাক্তন হয়ে যান নি, এখনও হাইকোর্টে প্রাক্টিস করেন।

ওঁরা, ওঁদের মেয়ে-ছেলে-বউরা সব কিছু দেখলেন গোল-বারান্দায় বুক ঝুঁকিয়ে ঝুঁকিয়ে। গতকালও দেখেছিলেন। চাপা একটা সন্দেহে গুলতানিও করেছিলেন সবাই, আজ সবটাই স্পষ্ট হল। সারা পাড়ায় একটা দিকার ছি-ছি-কারের চাপা ঝড় বইতে লাগল।

ওদিকে রাধাপদর বাবা বুক চাপড়ে চাপড়ে বৃকে কালশিরে পড়াতে লাগল।

কথায় বলে ‘অনাথের ভগবানই সহায়’।

কিন্তু অনাথের ভগবান বোধ করি অনাথের বেশেই আসেন। পাড়ায় বস্তু নেই, তবু কোথা থেকে কতকগুলো বস্তুর ছেলেছোকরা এসে জুটে গেল রাধাপদর বাবা নিতাইপদর আশেপাশে। নিতাইপদকে চান্না করে তুলল ওরা ‘রক্তের বদলে রক্ত চাই’-মন্ত্রে। বলল, কেস্ কলক নিতাইপদ, ওরা লড়বে। গরিব বলে এত বড় নৃশংস অরাজকতা সহিবে নিতাইপদ?

কখনই না।

যে ছেলেটি ওরই মধ্যে একটু লেখাপড়া জানা, সে একখানা ফুলফাপ



কাগজে অশুদ্ধ বানানে একটি অভিযোগপত্রও লিখে ফেলল। কাগজে ছাপাবে।

এখন বাকী শুধু পাড়ার মাতব্বরদের স্বাক্ষর নেওয়া।

সবাই দেখেছে।—বলল মদন নন্দী।

তোমাকে সঙ্গে যেতে হবে।—বলল রজনী পাল নিতাইপদকে।  
নিতাইপদও প্রতিহিংসায় বুক বেঁধে উঠল।

ফাঁসিকাঠে লটকাব ওকে।—বলল সত্যচরণ।

ফাঁস যদি-বা না হয়, যাবজ্জীবন জেল।—বলে মানিকলাল, বড়লোক বলে পার পাবে ভেবেছে ?

ঘুঘু দেখেছে, ফাঁদ দেখুক বাছাধন। শালার বাবুদের জ্যাক্স কবর দিলে রাগ যায় না।—বলল সুধীর, রামলাল আর নয়নচাঁদ : একবার বাবুদের সইগুলো হাতে আনুক, দেখিয়ে দিচ্ছি মজা।

উন্নত শোকে বিপর্যস্তমূর্তি নিতাইপদ ফ্যালফ্যাল করে তাকাতে তাকাতে চলল ওদের সঙ্গে।

কিন্তু কোথায় স্বাক্ষর ?

পাগল না কি ! এইসব গণ্যমান্য ব্যক্তির স্বাক্ষর কি মাঠের ছুবোঘাস ঘে, ছিঁড়ে আনলেই হল ? ওঁরা বললেন, ওঁরা তো কেউ-ই তেমন ‘প্রত্যক্ষ’ দেখেন নি, আর আইনজ লোক ওঁরা, প্রত্যক্ষ না-দেখে কখনও থপ করে একটা সই বসিয়ে দিতে পারেন ?

প্রাক্তন জজ বললেন, আমি বাপু তখন বাড়িই ছিলাম না। ফিরে শুনলাম বটে, কী একটা স্যাড ব্যাপার হয়ে গেছে। কিন্তু ঘাই বল বাপু, স্পষ্ট চোখে না দেখলে কী করে—

একই কথা বললেন সবাই।

স্পষ্ট চোখে না দেখে অভিযোগপত্রে স্বাক্ষর দেওয়া সম্ভব নয়।

রোখা ছেলে মানিকলাল প্রাক্তন এস ডি ওকে বলল, জানেন আপনি, রাধাপদ ছিল এই নিতাইপদের একমাত্র ছেলে। ধারণা করতে পারেন আজ কী অবস্থা এর ?

হাউ হাউ করে কেঁদে উঠল নিতাইপদ।

বাবু, বুকের হাড় ভেঙে গেল আমার, চোখের দৃষ্টি ঘুচে গেল। ‘পদ’

আমার পেটের ভাত, পরনের কানি। আমার সেই জলজ্যান্ত ছেলেটাকে জুতোর ঠোকর মেরে মেরে ফেলল বাবু। জগতে কি ধর্ম নেই? আইন নেই? আপনারা এর প্রতিকার করবেন না?

বিত্রত প্রাস্তন এস ডি ও বললেন, দেখ, আমি একা কী করতে পারি? বরং কিছু সাহায্য-টাহায্য—

সাহায্য? টাকার সাহায্য? ডিক্কে?—মানিকলাল রক্তচক্ষে বক্তৃতা শুরু করে দেন, গরিবকে আপনারা বুঝি এই রকমই ভাবেন বাবু? ছোটো টাকা দিয়ে মুখ বন্ধ করতে চান? গরিবের প্রাণ খোলামকুচি? জানেন, আজ রাধাপদর ত্বণিত আত্মা কী চাইছে? চাইছে রক্তের বদলে রক্ত। ওই পাষণ্ড চৌধুরী বাবুদের উচিত শাস্তি না হলে সে আত্মা শাস্ত হবে না।

এস ডি ও প্রায়-হাসির মত করে বললেন, না হলে আমি আর কী করতে পারি!

আপনারা চোখে দেখে ঝগাটের ভয়ে সাক্ষী দেবেন না? আপনারা না বিদ্বান শিক্ষিত—

এবার এস ডি ও ভুরু কঁচকালেন। তারপর বললেন, আমার বাড়ির সামনে গোলমাল কোর না। বলেছি তো এসব ঝামেলার মধ্যে আমি নেই। পাঁচ-দশটা টাকা বরং দিতে পারি, পাড়া থেকে কিছু চাঁদা তুলেও—

নিতাইপদ একটু আগে অনেক বড় বড় কথা শুনেছে, তা ছাড়া মনটা খারাপ, তাই বলে উঠল, বাবু আপনার ঘরেও তো ছেলেপিলে আছে, কী করে টাকার কথা বললেন? টাকায় পুত্রশোক নিবারণ হবে?

এস ডি ও বললেন, সে তো সত্যি, তবে থাক্।

উকিলবাবু বললেন, ওসব নালিশ-ফালিশের মধ্যে গিয়ে কী হবে বাপু? বরং এই সময় রায়চৌধুরীদের মোচড় দিয়ে কিছু টাকা আদায় করে নিতে পারতে।

নিতাই আর-একবার হাউমাউ করে কাঁদল, আমি টাকা চাই না, নেহা বিচার চাই।

উকিল কিছু বলতে যাক্সিলেন, নিতাইপদের পৃষ্ঠপোষকবর্গ বলতে দিল না। তারাই নিতাইকে হ্যাঁচকা মেরে টেনে নিয়ে দলের মধ্যমণি করে বেরিয়ে পড়ল ম্লোগান দিতে দিতে।

‘জুলুমবাজি চলবে না।’ ‘খুন করে কেউ পার পাবে না।’ ‘আমরা লড়ব, মারব, ভাঙব।’ ‘জায় বিচার চাই—জায় বিচার।’

বাতাসে বাতাসে শ্লোগানের প্রতিধ্বনি উঠল, নিতাইপদ মস্তাহতের মত চলল ওদের সঙ্গে।

ছেলেগুলিকে ওর দেবদূত বলে মনে লাগছিল, আর এমনও মনে হচ্ছিল, রাধাপদকে বুঝি পাইয়েই দেবে ওরা। ওদের সকলের মুখগুলোও যেন রাধাপদের মত।

আহা, রাধাপদকে বুঝি কোনদিন ভাল করে তাকিয়ে দেখেও নি নিতাইপদ, একদিন দুটো ভালমন্ড খেতেও বলে নি।

প্রাণের মধ্যে হাহাকার করতে থাকে। আর-একটিবারের জন্তেও যদি ফিরে পেত নিতাইকে!

সারাটা বেলা রোদে টহল দিয়ে সাতপাড়া ঘুরে ঘুরে কাহিল হয়ে ঢুকল ওরা চায়ের দোকানে। নিতাইপদের জন্তেও এক কাপ চায়ের অর্ডার দিয়েছিল, নিতাই হাউমাউ করে কেঁদে বলল, গঙ্গায় একটা ডুব দিয়ে আসি বাবু। সে তো আমার ছেলে ছেল না, বাপ ছেল। আমিই তার ছেলের কোর্তব্য করি।

ওরা একজন ডবল কাপ খেয়ে নিল।

রাধাপদের যত্নকাহিনীটা যদি বানানো গল্প হত, তাহলে হয়তো গুলিয়ে ভালমত একটা পরিণতি খাড়া করা যেত। কিন্তু বানানো নয়, নির্জলা সত্যি। তাই কোন স্ত্রী ধরেই অন্তত ঈশ্বরের সুবিচার দেখিয়েও রায়চৌধুরীর সেজ ছেলের কিছু করা গেল না।

নিতাইপদের স্বহৃদরা প্রথমটা চা আর ফুচকা খেতে খেতে পরামর্শ ভাঁজতে লাগল কী করে ‘ব্যাটা বড়লোক’কে শান্তি দেওয়া যায়, তারপর কেমন যেন প্রসঙ্গান্তরে চলে গেল। একজন হঠাৎ প্রস্তাব করল, দূর মাইরি, সারাদিন টো-টো কোম্পানি করে মেজাজটা বিগড়ে গেছে। চল, মধুবার নতুন ছবিটা দেখে আসি।

সময়ের সমর্থন উঠল, ঠিক হ্যাঁ, জীভা রহো।

বাস, যে কথা সেই কাজ।

আর দেরি করলে টিকিট পাওয়ার আশা হুয়াশা। এই বেলা 'নাইন' দিতে যেতে হবে।

নিতাইপদ মুছে গেল ওদের পটভূমিকা থেকে। না-বাওয়াই আশ্চর্য। কোথায় মধুবালা আর কোথায় নিতাইপদ!

নিতাইপদ কদিন ধরে কৈদে বেড়াল, কিন্তু তার উৎসাহদাতাদের টিকিটিও দেখতে পেল না। গ্যাঙকে গ্যাঙ হাওয়া। কেউ বলল, সেজবাবু নাকি ওদের ধরে আচ্ছা করে শাসিয়ে দিয়েছেন। কেউ বলল, সম্পূর্ণ উটো, সেজবাবু ওদের 'ফিস্টি' খাবার টাকা দিয়েছেন। ঈশ্বর জানেন, কী সত্যি কী মিথ্যে।

নিতাই শেষ পর্যন্ত একদিন পুত্রশোকের জ্বালায় চাইতেও তীব্রতর জ্বালায় কাতর হয়ে বাবুদের বাড়ি বাড়ি ধরা দিতে এল তাঁদের পূর্ব-প্রতিশ্রুতি স্মরণ করিয়ে দিতে। কিন্তু দ্রুত ধাবমান পৃথিবীতে পূর্বকথা মনে রাখবার অবকাশ কার কতটুকু?

পাঁচ দশ টাকার সাহায্যের কথা দূরে থাক, নিতাইপদ নামটাই মনে পড়ল না কারও, চেনা করাতে হল রাধাপদর পরিচয় দিয়ে দিয়ে। কিন্তু 'রাধাপদ'র নামটাও যেন আর এখন কারও স্মৃতি হল না। কেউ কেউ তাড়াতাড়ি এক-আধটা সিকি আধুলি ফেলে দিয়ে ভারী মুখে ঝললেন, এর বেশী আর পারব না, অগ্র বাড়ি দেখ। কেউ কেউ বেজারমুখে মুখের উপর দরজা বন্ধ করে দিয়ে বললেন, এখন শেষ মাসে সাহায্য করব কোথা থেকে?

নিতাইপদ?

নিতাইপদ একটা হতাশ নিশ্বাস ফেলে সিকি-হুয়ানিগুলো গুনতে গুনতে ভাবল, কী ভুলই হয়েছে সেদিন! রায়চৌধুরীদের ওখানে গিয়ে মোচড় দিতে পারলে, কতটাই না জানি আদায় হত! যতই হোক, ওরা বড়লোক, ওদের হাত ঝাড়লে পর্বত।

## ॥ হার ॥

আগে নাম ছিল ‘গণেশভবন’, বদলে যুগের সঙ্গে তাল রেখে নামকরণ হয়েছে ‘গণভবন’। এর চাইতে কুৎসিত আর এর চাইতে দামী বাড়ি এ অঞ্চলে আর দ্বিতীয় নেই। কেউ যদি বলে বাড়িটা বানাতে বিশ লাখ টাকা খরচ হয়েছে, স্বীকার করতে হবে কিছু বাড়িয়ে বলে নি। বাড়ি তো নয়—একটা পাড়া, আর মাথা থেকে পা পর্যন্ত ওর গঠনকর্তার কচিহীনতার ছাপ। তবু বহু কচিমান ব্যক্তিরই দেখা মিলবে এর মধ্যে সন্দেহ নেই। এর বিরাট গম্বীরের সঙ্গী কোটরে কোটরে পোকার মত ঠেসাঠেসি ঘেঁষাঘেঁষি বাস করছে অগণিত মানুষ। প্রয়োজনের তাগিদে সবাই এসে বাসা বেঁধেছে একই ছাতের নীচে।

হয়তো দেয়ালের এপিঠে যখন বিশ্ববিদ্যালয়ের কোন তরুণ মেধাবী ছাত্র রাত জেগে পাঠচর্চা করে, তখন দেয়ালের ওপিঠে কোন বেহেড মাতালের জড়িত কণ্ঠের আদিরসাত্মক সঙ্গীত শোনা যায়। হয়তো এঘরে যখন ফুল-শস্যার শব্দা বিছানো হচ্ছে, ওঘরে তখন চলছে কারও শেষ শস্যার আয়োজন।

কিন্তু কারও কিছু এসে-যায় না তাতে, কেউ কাউকে কিছু বলে না, কেউ কারও প্রতি দোষারোপ করে না। সকলেই জানে এই দুনিয়া।

এরই একটা কোটরে থাকে শঙ্কর।

কী একটা ঔষধ কোম্পানিতে কাজ করে, একা থাকে বাইরে খায়। শখের মধ্যে ভাঙা যন্ত্র সারানো—হয় রেডিও, নয় হারমোনিয়ম। নয়তো ঘড়ি কি ফাউন্টেন, নয়তো বা একটা টাইপরাইটিং মেশিনই, আছেই ওর ঘরে মজুত আখখোলা নড়বড়ে দেহ নিয়ে।

সামনের ঘরের বিনয়বাবু মাঝে মাঝে বলেন, সব জিনিস মেরামত করবার বিস্তেই শিখে রেখেছেন নাকি মশাই?

শঙ্কর হাসে, বিস্তেটা তো ওই মেরামতিই, বস্তুটা যাই হোক।

তবু এক এক জিনিসের এক এক কায়দা। শিখতে তো হয়েছে?

কেপেছেন?—শব্দর হেসে ওঠে, শিখলাম আবার কবে? আসল কথা না-  
পড়ে পণ্ডিতই হচ্ছে পণ্ডিতের সেরা, আর না-শিখে ওস্তাদই ওস্তাদের রাজা,  
বুঝলেন?

বিনয়বাবু অবশ্য বোঝেন। তাই মাঝে মাঝে বিকল ঘড়িটা ফাউন্টেনটা  
সারিয়ে নেন বিনি পয়সায়। মাঝে মাঝে এখান ওখান থেকে নিয়েও আসেন  
টুটামুটা মাল কিছু কিছু।

শব্দরের তাতে ব্যাজার নেই।

এমনি একদিন বেশী রাত্রে নিবিষ্ট ভঙ্গীতে মন দিয়ে একটা টাইমপীসের  
পার্টস খুলে খুলে সাবধানে টেবিলে রাখছে, হঠাৎ টেবিলের সামনে একটা  
ছায়া পড়ল।

চমকে উঠল শব্দর, এত রাত্রে আবার বিনয়বাবু কেন? কারণ, একমাত্র  
বিনয়বাবুই ওর ঘরে আসেন। কিন্তু এ কী? এ আবার কে? থতমত  
খেয়ে চেয়ার ছেড়ে উঠে দাঁড়াল, কথা বলতে পারল না।

কথা কইল মেয়েটিই। খুব আন্তে খুব নম্র গলায় বলল, আমাকে কয়েকটা  
কথা বলবার অহুমতি দেবেন?

ঘড়িতে রাত সওয়া দশটা।

শব্দর দাঁড়িয়ে উঠে ওকে দেখে নিয়ে এতক্ষণে একটু ধাতস্থ হয়েছে, তাই  
বলল, একটা কেন, অজস্র কথা বলতে পারেন, যদি দরকার পাকে আপনার।  
কিন্তু সময়টা নির্বাচন করে আসবেন। আজকের নির্বাচন ভাল হয় নি।

বলতে বলতে প্রায় অজ্ঞাতসারেই নিজেই সে দরজার কাছে গিয়ে দাঁড়াল।

মেয়েটি কিন্তু বিচলিত হল না, বলল, এ ছাড়া অগ্র সময় যদি সম্ভব হত,  
এমন অদ্ভুত নির্বাচন করতাম না। বিশ্বাস করুন, এখন ছাড়া আর উপায়  
নেই। আমি আপনার কাছে একটু সাহায্যভিক্ষা করতে এসেছি।

শব্দর গম্ভীরভাবে বলল, এ বাড়িতে তো আরও অনেক লোক আছে, বেছে  
বেছে আমাকেই বা সাহায্যের উপযুক্ত বিবেচনা করলেন কেন?

কী জানি?—মেয়েটি অসহায়ভাবে বলে, কাউকেই তো বুঝতে পারি না  
এ বাড়িতে। এই দু মাস এসেছি, এখনও নিজের ক্রম নথর খুঁজে বার  
করতেই অস্থির হয়ে যাই। কারকেই দেখে চিনতে পারি নে। শুধু  
আপনাকেই—

শব্দর বেশ কৌতুক অহুভব করে বলে, শুধু আমাকেই কী?

মেয়েটি ছলছল চোখ তুলে বলে, আপনাকেই চিনতে পারি, আপনি অনেক সময় ঘরে বসে থাকেন তাই বোধ হয়—

অ! কিন্তু সকালেও আমি ঘরে বসে থাকব, আপনি অল্পগ্রহ করে তখনই আসবেন। এখন নমস্কার।

আপনি অত ভয় পাচ্ছেন কেন? আমাকে কি অবিশ্বাস করছেন?—  
স্পষ্ট চোখে তাকাল মেয়েটি।

এর পর আর পুরুষের পক্ষে অস্বস্ত বিব্রত হওয়া চলে না। তাই গম্ভীর হয়েই বলে শঙ্কর, অবিশ্বাসের কথা নয়, কথা হচ্ছে শোভন-অশোভনের।

আমার সবটাই তো অশোভন।—মেয়েটি স্ত্রিয়মানভাবে বলে, নইলে আপনাকে চিনি না কিছু না, এসেছি আপনার ঘাড়ে কাজ চাপাতে!

মেয়েটি টেবিলের ওপর একটা হাত রাখল, আর মুহূর্তের মধ্যে একটা কাণ্ড করে বসল শঙ্কর। লাফিয়ে এগিয়ে গিয়ে ওর হাতটা ধরে টেবিল থেকে তুলে, পুরো মাহুঘটাকেই টেনে খানিক সরিয়ে এনে গর্জন করে উঠল, কী, হচ্ছে কী! সব যে গেল! যদিও টেবিলের উপরিস্থিত স্ত্রী যন্ত্রগুলি অনড় অচলই ছিল।

মেয়েটি একটু হেসে ফেলে বলে, আমার হাতটাও যে গেল!

শঙ্কর লজ্জিতভাবে বলে, তা আপনি আচমকা এমন ভয় পাইয়ে দিলেন। এতটুকু একটু অংশ হারিয়ে গেলে কী ক্ষতি হবে জানেন না তো! থাক্গে, আপনি যখন নড়বেনই না, বলে ফেলুন চটপট কী আপনার দরকার?

মেয়েটি শান্তভাবে বলে, আপনি আমার একটা জিনিস বিক্রি করে দেবেন?

বিক্রি করে? জিনিস বিক্রি করে দেব? তার মানে? কী জিনিস?

মানে এই—মেয়েটি হাতের মুঠো খুলে একটা মোটা ভারী সোনার গোছাহার টেবিলের এক পাশে সাবধানে রাখল: এইটা দয়া করে বিক্রি করে দিন আমায়।

রাগে আপাদমস্তক জ্বলে গেল শঙ্করের।

ওঃ, ফাঁদপাতার কোন ছিল!

আর তা নইলে রাতছপুরেই বা কেন? রাগ প্রকাশ করতে দ্বিধা করল না, বিরক্তভাবে বলল, দেখুন, আপনার মতলব আমি বুঝতে পেরেছি, দয়া

করে যদি আপনার ওসব মালপত্র নিয়ে তাড়াতাড়ি চলে না যান, নিজেই বিপদে পড়বেন।

আশ্চর্য মেয়েটা! অবিচল দাঁড়িয়ে রইল। বলল, শঙ্করবাবু, আপনি অবশ্যই শিক্ষিত, বলুন তো খুব বিপদে না পড়লে কি কোন মেয়ে এমন ব্যবহার করে? মতলব আছে বই কি। যদি সভা ভাষায় ‘সংকল্প’ না বলেন? আমার মায়ের স্মৃতিচিহ্ন এই শেষ পারিবারিক সঞ্চলটুকুর বিনিময়ে আমার যুতাপথযাত্রী দাদার চিকিৎসা করাবার মতলব আছে আমার শঙ্করবাবু।

শঙ্কর খতমত খেয়ে বলে, আপনি আমার নাম জানলেন কী করে?

প্রয়োজনে পড়ে। এই বিরাট দৈত্য বাড়িটায় শুধু আপনাকেই যেন—। চূপ করল মেয়েটি।

শঙ্করও অবিচলিত।—এই বিরাট বাড়িটার অসংখ্য সদস্যর মধ্যে শুধু আমাকেই আপনার বিশ্বাসভাজন মনে হল কেন, এ একটা দুর্বোধ্য রহস্য! এই যে জিনিসটা এটা যদি সত্যি সোনার হয়, তা’ হলে অবশ্যই এর অনেক দাম।

যদি সত্যি সোনার হয়!—আন্তে আন্তে উচ্চারণ করল মেয়েটা, কেমন একটা ফ্যালফ্যেলে চোখে। তারপর ব্যাকুলভাবে বলল, সোনা নয় সন্দেহ করছেন আপনি?

সন্দেহ না-হবারও কোন কারণ নেই। নেহাত ছেলেমানুষ নন আপনি, পরিস্থিতিটা ভাবুন। আমি আপনাকে চিনি না, আপনি আমাকে চেনেন না, হঠাৎ আপনি রাতদুপুরে একটা সোনার হার নিয়ে এসে অহরোধ করছেন ‘এটা বিক্রি করে দিন।’ এটা কী রকম? খুব বাজে লেখকের কোন গল্পেও পড়েছেন কখনও এমন ঘটনা?

দাদার অস্থখে আমার মাথা গুলিয়ে গেছে। চেয়ারে বসে পড়ল মেয়েটা। তারপর তেমনিভাবেই বলল, ভাস্কারে বলেছে বাইরে কোথাও নিয়ে যেতে, এই অঙ্কপুরীতে থাকলে মারা যাবে দাদা, অথচ কোথাও টাকা নেই। তাই অঙ্কেই মার এই চিহ্নটা—দাদা মারা গেলে আমি কী করব শঙ্করবাবু?

শঙ্কর একটু কঠিন স্বরে বলে, সেটা খুবই ভয়ঙ্কর কথা। কিন্তু দেখুন,



এসব উজ্জ্বলপ্রবণতা আমার ভাল লাগে না। তেমন অবস্থা আপনার হয়ে থাকে, নিজেই যে কোন জুয়েলারের দোকানে গিয়ে বেচে আসতে পারেন।

হার কপাল! দাদা টের পেলে কি তা করতে দেবে? না হলে এত রাত্রে কোনও মেয়ে পারে, এ ভাবে কারও ঘরে ঢুকে জ্বালাতন করতে? দাদা এখন ঘুমের ওষুধ খেয়ে ঘুমিয়েছে তাই। মা গিয়ে পৰ্বস্তু আমাকে নিয়ে যে একতিল স্বস্তি নেই ওর। একদণ্ড চোখছাড়া হলেই অসংখ্য জেরা আর নানা সন্দেহ। কী ভাবে যে আছি আমি!

ঘড়ি যে এগারোটার কাঁটা ছাড়াল, এটা কি আর এখন খেয়াল নেই শঙ্করের? তাই নিজেও একটা চেয়ারে বসে পড়ে বলে, বেশ, বুঝলাম আপনি খুব ছরবছায় আছেন, বুঝলাম আপনার টাকার খুব দরকার, বুঝলাম আপনার জিনিসটা আসল পাকা সোনার, কিন্তু আমাকে কেন? সেটা তো কিছুতেই বুঝি না। ধরুন, এটা নিয়ে আমি মেরে দিলাম—

অ্যাঃ!—জলভরা চোখেও হেসে ওঠে মেয়েটা।

এতে এত অসম্ভবের কী আছে? এখানে কোন সাক্ষী নেই সাবুদ নেই, আপনার বোকামির ফল আপনি ভুগবেন, এতে আমার অপরাধও নেই—

আপনি ভয় দেখালেও আমি ভয় পাব না।

আচ্ছা মুশকিল বটে! লোকে রাত-বিরেতে ভূত-পেঙ্গীর পাল্লায় পড়ে শুনেছি। এ তো তার চেয়ে তফাত দেখছি না। আপনাকে এভাবে আমার ঘরে দেখলে লোকে কী বলবে, সে খেয়ালও কি নেই আপনার?

খেয়াল আছে বইকি! তাই জগ্নেই তো তাড়াতাড়ি যেতে চাই।—  
উঠে দাঁড়াল মেয়েটি: মার মুখে শুনেছি বারো-তেরো ভরি সোনা আছে এটাতে, হাজার খানেক টাকা পাওয়া যাবে বোধ হয়। যাবে না?—  
আকুলতা ফুটে ওঠে ওর মুখে চোখে দেহের সমস্ত ভঙ্গীতে: তা হলেই দাদাকে নিয়ে আমি রাঁচি কি পুরী কোথাও—

আমি আবারও অহরোধ করছি এটা আপনি এখন নিয়ে যান। কথা দিচ্ছি, কাল সকালেই আমি আপনার টাকার ব্যবস্থা করে দেব।

নিরুপায় হয়েই এই মিথ্যা প্রতিশ্রুতিটা দিয়ে বসে শঙ্কর। মনে ভাবে, আজ এখন তো রেহাই পাই। কিন্তু কী এই ব্যাপারটা? মেয়েটা যা বলছে, সব সত্যি হওয়া সম্ভব? না, এ এক রকমের জুয়াচুরির কৌশল? তাই হবে। নির্ধাত সোনাই নয় ওটা। এ-রকম ঢের শোনা যায়।

অথচ এই নির্বোধ স্ত্রীর চাহনি ? এই সরল অকপট মুখ ?

এও তো তা হলে মিথ্যা।

চলে যাচ্ছেন যে ? নিয়ে যান এটা।—ফের বলে শব্দ, প্রায় ধমকের মত সুরে।

মেয়েটা ততক্ষণে দরজার কাছে এসেছে : আপনার কাছেই রাখুন, দোহাই আপনার। দাদার বালিশের তলায় চাবি, কত কষ্টে যে বার করেছি ! আপনার পায়ে পড়ছি বিশ্বাস করুন আমায়।

কী আপদ, এ যে সত্যিই চলে যায় !

অথচ টেবিলের কোণে সোনা ব্যাণ্ডের মত পড়ে আছে সোনার ওই হারটা, নাকি বারো-তেরো ভরি ওজন নিয়ে।

মহা ঝামেলা করলেন তো আপনি ! কী অস্থখ আপনার দাদার ?

মেয়েটা চোখ তুলে তাকাল একবার।

হরিণীর মত কালো চোখ। তাব পরে নামিয়ে নিয়ে গভীর সুরে বলল, যে রোগে আশা নেই, তবু আশা মরেও মরে না।

গভীর হয়ে গেল শব্দ, কালো হয়ে উঠল ওর মুখ। বলল, অথচ এই ভাবে আছেন আপনি, এই অসংখ্য লোকের নিখাসের ঘোঁষাঘোঁষির মাঝখানে ? জানেন এটা একটা সামাজিক অপরাধ ?

জানি বইকি।—মেয়েটা হঠাৎ ত হাতে মুখ ঢেকে দরজায় ঠেস দিয়ে দাঁড়াল, আর সেই ঢাকা মুখ থেকেই কথা বলল, জানি গরিবের রোগ হওয়া অপরাধ, গরিবের বাঁচতে চাওয়া অপরাধ, গরিবের এট পৃথিবীর আলো-বাতাসে দাবি করা অপরাধ। আগের বাড়িওলা জানতে পেরে তাড়িয়ে দিল, কোন স্ত্রীনাটোরিয়ামে ঢোকাতে চেষ্টা করা যে আমার মত সহায়-সম্বলহীন একটা মেয়ের পক্ষে কত হাস্যকর তা আপনিও জানেন। তবে কী করব বলুন ? দাদাকে নিয়ে আমি কি রাস্তায় গিয়ে দাঁড়াব ? তাতেই বা কী, হয়তো রাস্তার হাওয়াও তাতে দূষিত হয়ে উঠবে, আপনাদের পথ চলার বিষয় হবে।

টস টস করে কয়েক ফোঁটা জল গড়িয়ে পড়ল মেয়েটার আঙুলের ফাঁক দিয়ে।

নির্নিমেষ দৃষ্টিতে কিছুক্ষণ সেদিকে তাকিয়ে থেকে শব্দ আস্তে আস্তে বলল, আপনার নাম কী ?

কী দরকার ?

শুনতে ইচ্ছে হচ্ছে।

আমার নাম চন্দনা।

সমস্ত ফ্ল্যাটের দরজা বন্ধ হয়ে গেছে। অন্ধকার করিডোর দিয়ে নিঃশব্দে একটা ছায়ামূর্তি মিলিয়ে গেল, কে জানে, সাক্ষী রইল কি রইল না!

কে জানে, কী তোলা থাকল পরবর্তী দিনের জন্তে! ও নিয়ে আর মাথা না ঘামিয়ে দোরটা বন্ধ করে সোনার হারটা হাতে তুলে নিল শঙ্কর।

ভারী, যথেষ্ট ভারী। ‘সোনা নয়’ এ অপবাদ দেওয়া চলে কি?

কিন্তু এ কী অদ্ভুত পরিস্থিতি!

কোন রহস্য-কাহিনী কি কোন সস্তা গল্পে এমন একটা ঘটনা শঙ্করই কি পড়েছে?

ড্রয়ারটা টেনে তুলে রাখল জিনিসটা, চাবি বন্ধ করল ড্রয়ারের।

পরদিন লুকিয়ে ওটা নিয়ে বেরিয়ে গেল, এবং দূর পাড়ার একটা গহনার দোকানে গিয়ে ওজন করিয়ে নিঃসংশয় হল।

বাস্তবিকই খাঁটি সোনার জিনিস, বাস্তবিকই তেরো ভরি ওজন। নিজের কাছেই নিজের লজ্জায় মাথা কাটা যেতে বসল শঙ্করের। ছি-ছি, কী কদর কুৎসিত ব্যবহারই করেছে সে কাল মেয়েটার সঙ্গে! অথচ নাকি এত বড় বাড়িটার মধ্যে শঙ্করকেই ভদ্র সভ্য আর বিশ্বাসভাজন মনে হয়েছিল চন্দনার!

বোকা! বোকা! অদ্ভুত রকমের সংসারজ্ঞানহীন মেয়েটা। আর অসঙ্গত রকমের ভাবপ্রবণ।

কিন্তু শঙ্কর তো তা নয়।

শঙ্কর পারে না এখুনি নগদ টাকাটা (যা নাকি চন্দনার আশার চাইতে বেশীই হয়ে যাচ্ছে) নিয়ে গিয়ে চন্দনার হাতে তুলে দিতে! হয়তো কৃতজ্ঞতায় বিগলিত হবে চন্দনা, হয়তো সেই করুণ চোখ দুটোয় ওর ফুটে উঠবে হাসির চিলতে একটু, তবু শঙ্কর সংসার-জ্ঞানসম্পন্ন। যেমন করে হোক চন্দনাকে একবার বাইরে বার করে এনে বেচাকেনাটা ওর সামনেই করাতে হবে। এই ওর বিবেচনা!

এনেছেন?

হুপুরে এসে দাঁড়াল চন্দনা।

শঙ্কর কি এই আসাটা প্রত্যাশাই করছিল ? নইলে এককথায় চেয়ারটিকে  
সরিয়ে দিয়ে বসতে বলল কেন ? বলল, বসুন। কী বলছেন বলুন ?

মজা করা যাক না একটু এই সরল মেয়েটাকে নিয়ে !

বলুন ?

কী বলব ?—মূঢ়ের মত বলল চন্দনা।

কী যেন আনার কথা বলছিলেন ?

বলছি টাকাটা এনেছেন ?

টাকা ? কিসের টাকা ?

আহা !

অদ্ভুত হৃদয় একটু হাসি ফুটে ওঠে চন্দনার মুখে।

হাসলেন মানে ? হঠাৎ টাকা আনার কথা বললেন, আবার হাসছেন,  
এ সব কী ?

জানি না, যান। বলুন না। বড় অস্থিরতা আসছে আমার, এখনি  
দাদা খোঁজ করবে।

নাঃ, এত বোকা নিয়ে ঠাট্টাও চলে না।

বলল শঙ্কর, শুভুন, যতই হোক আপনার মায়ের স্মৃতিচিহ্ন, খোঁজের  
মাথায় দিয়ে গেলেন, আর আমি বেচে দিলাম, এটা কি ঠিক ? আর একবার  
বিবেচনা করুন।

অনেক দিন ধরে বিবেচনা করেছি।

বেশ, আমার সঙ্গে চলুন আপনি।

কোথায় ?

সোনার দোকানে।

না না।—ব্যাকুল চাহনি ফুটে ওঠে ওর মুখে : সে আমি পারব না।

আচ্ছা মুশকিলেই ফেললেন ! এমন বিপদে আমি কখনও পড়ি নি।  
আমাকে এত বিশ্বাসের মানে কী ? কত ওজন কত দাম নিয়ে দেখে  
নেবেন না ?

না না। আপনি দয়ালু, আপনার কথা আমার চিরদিন মনে থাকবে।

চিরদিন মনে থাকবে ? বাজে কথা ! পুরী কি রাঁচি চলে গেলেই  
ভুলে যাবেন।

ককখনো না। আপনি আমার কী ভাবছেন বলুন তো ?

আপনাকে কী ভাবছি তা আর নাই বললাম। কিন্তু ভাবছি অল্প আর-একটা কথা। দাদাকে নিয়ে চেঞ্জ যাবার সাহস তো করছেন, কিন্তু সামলাতে পারবেন ?

কী করব বলুন ? আমাদের যে আর-কেউ নেই।

কতদিন অস্থির করেছে আপনার দাদার ?

আট-দশ মাস।

তা এতদিন, মানে আর কী, এর আগে আপনার বিয়ে দেন নি কেন ? তা দিলেও তো—

দেন নি কেন ?—চন্দনার মুখে ফুটে ওঠে একটা দার্শনিক হাসি।

হাসির কী হল ? দেখতে আপনি এমন কিছু খারাপ নন, সুন্দরীই বলা চলে প্রায়—

আমার দাদার পকেটটা যে সুন্দর নয়। সবটাই ফাঁকা। কিন্তু থাক ও-প্রসঙ্গ, দয়া করে আপনি আমার ওই কাজটা সেরে রাখবেন, আসব আমি সন্ধ্যাবেলা।

চলুন না আপনার দাদাকে দেখে আসি।

ওরে সর্বনাশ !

কেন, সর্বনাশ কিসের ?

দাদা এসব মোটে ভালবাসে না।

এসব ? ‘এসব’ কথার অর্থ ? কী সব ?—চোখ মুখ কৌচকায় শঙ্কর।

জানি না। বুঝলেন না বুঝি ? দাদা ভালবাসে না, মেয়েদের সঙ্গে ছেলেদের বন্ধুত্ব হওয়া।

বন্ধুত্ব হওয়া মানে ?—শঙ্কর সহসা রীতিমত গম্ভীর হয়ে যায় : সেটা আবার কখন হল ? আপনার সঙ্গে আমার বন্ধুত্ব হয়েছে, এমন অভূত ধারণার কারণ ?

কারণ কি শুধু চোখেই দেখা যায় ? আপনার কথা জানি না, আমার কথাই বলছি—। গম্ভীর আর গাঢ় স্বরে কথা শেষ করে চন্দনা : বিপদে যে সহায়, তাকেই আমি ‘বন্ধু’ বলি।

ধীরে ধীরে চলে যায় ও। আর শঙ্করের ? নিজের পিঠে নিজের শঙ্কর-মাছের চাবুক মারতে ইচ্ছে হয় তার। ছি-ছি ! কেন বারে বারে নিজের নীচতা প্রকাশ করে বসছে সে নির্বোধ ভাবপ্রবণ একটা মেয়ের কাছে ?

ও যখন মাথা নিচু করে চলে যাচ্ছিল, ঠিক একটা স্থলের মেয়ের মত দেখাচ্ছিল।

কত বয়েস ওর? কে জানে! মেয়েদের বয়েস বোঝা শক্তরের কর্ম নয়

কী মশাই শঙ্করবাবু, এমন তচনচ করে কী খুঁজছেন? কিছু হারালেন নাকি?—সন্ধ্যাবেলা কাঁধে তোয়ালে ফেলে বাথরুমে যাবার পথে বিনয়বাবু উঁকি মারলেন। সত্যিই তখন সারা ঘর তচনচ করে ফেনে উদ্ভ্রান্তের মত কিছু একটা খুঁজছে শঙ্কর। বিনয়বাবুর কথায় ঘাড় ফিরিয়ে তাকাল মাত্র, কথা বলল না।

কী হারালেন?

শঙ্কর নিজেই সামলে নিয়ে বলে, এমন কিছু নয়। মানে আর কী—

মানে আর কী, ছোট্ট একটি জু কিংবা অমনি কিছু, তাই না?—হেসে ওঠেন বিনয়বাবু: আপনার তো ওই সর্বস্ব।

বিনয়ের হাসিটা হঠাৎ কেমন যেন গিশী লাগে শঙ্করের। এমন দাঁত বায় করে হাসছে কেন ও? বিরক্ত স্বর না চেপে বলে, তাতে হাসবার কী হল?

কী মুশকিল, চটছেন কেন? যেভাবে পাগলের মত চেহারা করে সব ওটকাচ্ছেন, দেখে মনে হতে পারে প্রেমপত্নীর-উত্তরই বুঝি হারিয়েছে, কিন্তু ওসবের বালাই তো আপনার নেই।

নেই তো কী? আপনি অত হাসছেন কেন?—চটে উঠে বলে শঙ্কর।

হঁ-হঁ ভায়া, আমার গিন্নীটি তো তা হলে ঠিকই ধরেছে। অকারণ উদ্ভ্রা এটা যে পূর্বরাগের একটা লক্ষণ। কিন্তু সাবধান মশাই, মেয়েটার দাদা একটা টি. বি.-রোগী, বুঝলেন?

আপনি বলতে চান কী?—ধমকে ওঠে শঙ্কর।

বলতে কিছুই চাই না ভায়া, শুধু বলছি একটু দেখে-শুনে প্রেমে পড়বেন। আমি না দেখি আমার গিন্নীটির তো কিছু চোখ এড়ায় না। শুদিকের ওই ঘরের মেয়েটার আপনার এদিকের ঘুরঘুরনি উনি ঠিকই দেখেছেন। পরন্তু তো রাতছপুয়ে—

আপনি যাবেন এ ঘর থেকে?—গম্ভীরভাবে বলে শঙ্কর।

ও, এতদূর? আচ্ছা।—বলে গমগম করে বেরিয়ে যান বিনয়বাবু। আর

সঙ্গে সঙ্গে যেন হাল ছেড়ে বসে পড়ে শঙ্কর। কী করবে? আর কোথায় খুঁজবে?

অথচ স্পষ্ট মনে রয়েছে, কাল স্তাকরাবাড়ি থেকে এসে হারছড়াটা ড্রয়ারেই রেখে দিয়েছিল সে তাল দিবে। তালার চাবি? সে তো তার পকেটেই ছিল।

তবে? কোথায় গেল অপরের গচ্ছিত সোনা?

সারারাত ধরে খুঁজলেই কি পাওয়া যাবে?

পরদিন চন্দনা এল মুখে একমুখ হাসি নিয়ে।

সাজসজ্জাতেও কিঞ্চিৎ পারিপাট্য।

সব ব্যবস্থা করে ফেললাম। পুরীতে একটা বাড়ি পাওয়া গেছে অমনি। দাদার এক বন্ধুর মামার। এখন শুধু বেরিয়ে পড়া।

শুধু হয়ে বসে ছিল শঙ্কর, রক্তচক্ষে শুধু একবার তাকাল। চন্দনা খতমত খেয়ে বলল, আপনার কি কিছু অস্ব্থ করেছে?

হ্যাঁ, করেছে।—হঠাৎ উঠে দাঁড়িয়ে শঙ্কর কঠোর মুখে বলে ওঠে, অত লাফাচ্ছেন কেন? টাকাটা পেতে দেরি হবে।

দেরি হবে!—অলিত স্বরে বলে চন্দনা।

হ্যাঁ, দেরি হবে, এই হচ্ছে কথা। তিন দিনের আগে নয়।

কিন্তু শঙ্করবাবু, আমি যে পরশুই রওনা দেব ভাবছি।

পরশুই!—শঙ্কর এক মিনিট ওর মুখের দিকে তাকিয়ে কী ভেবে বলে, ঠিক আছে, তাই পাবেন।

আপনি এমন ভয় পাইয়ে দেন!—চন্দনার চোখে অভিমান।

আপনি যান। এ-ঘরে আপনার আসবার দরকার নেই।

দরকার নেই!—ফ্যালফ্যাল চোখে তাকিয়ে উঠে দাঁড়ায় চন্দনা : আচ্ছা। চলে যায় সে।

আর, আরও একবার নিজেকে মারতে ইচ্ছে করে শঙ্করের। কী করছে সে? অনবরত কেন এমন করছে? চন্দনা যেই চলে যায় মমতায় মনটা ভরে ওঠে, কিন্তু দেখলেই সব গুলিয়ে যায় কেন? কেন আঘাত দেবার ইচ্ছে করে?

তবু ভাগ্যিস বলে বসে নি, ‘আপনার জিনিসটা চুরি গেছে’!

আর একবার ফিরে এসে দাঁড়িয়েছে চন্দনা, দুই চোখে তার অগাধ হতাশা, ঠোঁটের কাঁপনে মানসিক উত্তেজনার ছাপ হৃস্পষ্ট : টাকাটা কি পাব না ?

পাবেন না ! পাবেন না মানে ?—হঠাৎ খুব হেসে ওঠে শঙ্কর, সত্যিই বুঝি ভেত্রে বসলেন, আমি আপনার জিনিস মেরে দিয়েছি ? ঠাট্টাও বোঝেন না ? ব্যাঙ্কের কি অসুবিধে পড়েছে, কাল দেবে টাকাটা।

আচ্ছা।—বলে শাস্তভাবে চলে যায় চন্দনা।

আর শঙ্কর বসে বসে ভাবতে থাকে, কোথা থেকে এক দিনের মধ্যে সংগ্রহ করা যাবে হাজার খানেক টাকা ? ঘড়ি আংটি বোতাম সব বেচলেও বা কতই হবে ? কে ধার দেবে শঙ্করকে ? কাবুলীওয়াল ?

কিন্তু হারটা কোথায় গেল ? গেল কী করে ?

নিতান্ত সাধারণ অবস্থার একজন লোকের পক্ষে হঠাৎ এক দিনের মধ্যে হাজার টাকা সংগ্রহ করা সহজ নয়, তবু সেই অসাধ্য সাধনও করল শঙ্কর।

বিনিময়ে ?

বিনিময়ে একটি অপূর্ব কৃতজ্ঞতামণ্ডিত চাহনি।

মুহূর্তের জন্য বুঝি বিচলিত হয়ে উঠতে চায় শঙ্করের মন। ওরই নিজের জিনিস, শুধু সামান্য একটু সাহায্য। এতেই কত কৃতজ্ঞতা ! শঙ্কর কি বলবে, আপনাদের গাড়িতে তুলে দিয়ে আসব আমি ?

সত্যি, এটুকু তো সামান্য মানবিকতা মাত্র।

তবু বলতে ইতস্তত করল। বিনয়বাবুর সেই হাসিটা ছুঁচের মত ফুটে আছে।

আচ্ছা, হারটা হারানোর সঙ্গে বিনয়বাবুর কোন যোগ নেই তো ? বিদ্বাৎ-শিহরণের মত মনের মধ্যে খেলে যায় কথাটা।

টাকাটা হাতে নিয়ে চন্দনা শাস্ত হেসে বলে, অমন অগ্রমনা হয়ে গেলেন যে ?

না, এমনি। কোন্ গাড়িতে যাবেন ?

পুরী এক্সপ্রেসে। আমি যাই।—অহুমতির অপেক্ষা না নিয়েই ক্ষতপদে চলে গেল চন্দনা।

শঙ্কর তখন সেই তীক্ষ্ণ সন্দেহের শরাঘাতে কাবু।



হ্যা, নিশ্চয়।

নিশ্চয়ই বিনয়বাবু।

তাই এমন ধূর্ত শৃগালের মত হাসি। আচ্ছা, দেখে নেবে ওকে শঙ্কর পুলিশে দিয়ে ছাড়বে।

কিন্তু পুলিশে দেওয়ার ব্যবস্থাটা কী? শঙ্করের তো কিছুই জানা নেই।

আজ আর কাজে বেরয় নি শঙ্কর।

সকাল থেকে প্রত্যাশা করে বসে আছে। অথচ সমস্ত শূন্যতা। আশ্চর্য, একবারও দেখামাত্র না করে চলে যাবে চন্দনা?

মেয়েরা কি তা হলে এমনই? কাজ উদ্ধার হয়ে গেলে ওরা আর সেই উদ্ধারবস্ত্রটার দিকে ফিরেও তাকায় না! কিন্তু তাই কি? এত বড় বাড়ি-টায় কোথায় কী হচ্ছে কে জানে! হয়তো ওর দাদার অস্বস্থতা বেড়েছে, হয়তো দাদা আগলে রেখেছে, হয়তো বা একা ছেলেমানুষ সব রকম ব্যবস্থা নিয়ে বিভ্রত।

তবু?

দিন বয়ে যায়, তবু আসে না লগ্ন।

বেজে ওঠে না দরজার কাছে মুহু পদধ্বনি।

পড়ন্ত বেলায় হঠাৎ একটা কাজ নিয়ে বসে শঙ্কর নিবিষ্ট হবার চেষ্টা করে।

সেদিনের সেই খুলে-ফেলা টাইমপীসটা। আজ অবধি তাতে আর হাত পড়ে নি।

ছোট ছোট ঙ্গুগুলো সব আছে তো?

সেদিন যা করে লাফিয়ে উঠে বাঁচিয়েছিল সব।

কিন্তু বিনয়বাবুকে কী করে কায়দা করা যাবে? ঘড়ি আংটি বোতাম বেচে মোটা সুদে ধার নিয়ে আজ না হয় টাকাটা যোগাড় হল, কিন্তু নীরবে এই হারিয়ে যাওয়াটা পরিপাক করবে নাকি?

আচ্ছা, পুলিশের কাছে কী বলবে?

জিনিসটার সম্পূর্ণ বিবরণই তো দিতে পারবে না। কিন্তু বিনয়বাবু এমন?

তা এমন আর কে নয়! চন্দনা এল না একবারের জন্তে দেখা করতে!

এই যে শঙ্করবাবু।—বিনয়বাবুর কণ্ঠস্বর বেজে উঠল দরজার কাছে : গরিবের কথা বাসী হলে মিষ্টি লাগে কি না! পরন্তু হুটো ঠাট্টা করেছিলাম তাই ভেড়ে মারতে এলেন। দেখুন তো এখন।

আপনার কথার মানে বুঝতে আমি অক্ষম।—মুখ না তুলেই বলে শঙ্কর।

হঁ, তা অক্ষম হবেন বইকি। বেশ একটু ভেঙ্গে গেছেন মনে হচ্ছে। এখন দেখুন তো শিকলি কেটে পাগি খাঁচা থেকে পালাচ্ছিল, পুলিশ এসে এই ক্যাক।

কুংসিত একটা ভঙ্গি করে আবার তাড়াতাড়ি চলে যান বিনয়বাবু।

শঙ্করও বোধ করি অজ্ঞাতসারেই গুর পিছন পিছন বেরিয়ে যায় হাতের জিনিসপত্র ছড়িয়ে রেখে।

টি. বি.-রুগী সেজেছিলেন ইনি, বুঝলেন মশাই, রুগী সেজে এর মধ্যে এসে আত্মগোপন করে বসে ছিলেন।—জোয়ান একটা লোককে ধরে নাড়া দিয়ে গর্জন করে ওঠেন পুলিশ অফিসার : কুঠে সেজেও কেউ পার পায় না আমাদের কাছে। সমবেত জনতার দিকে একটি গদিত দৃষ্টি নিক্ষেপ করে আত্মপ্রসাদের হাসি হাসেন ভদ্রলোক : আশ্চর্য! এতদিন দেখেছেন আপনারা, একদিনের জন্তে এতটুকু সন্দেহ হল না আপনাদের? এই ত্রিটি ভাই বোন, মশাই, মহা-ধুরন্ধর! পুলিশকে কি এরা কম হযরান করিয়েছে! রুগী সাজা এদের এক কৌশল। কখনও বোনটি রুগী সাজেন, দাদা জোচ্চুরি করে বেড়ান; কখনও দাদা রুগী সাজেন, বোনটি ফন্দী আটেন।

ভাই বোন না আর-কিছু তাই বা কে জানে!—জনতা থেকে উচ্চারিত হয় কথাটা।

না না, সে সব রেকর্ড আছে পুলিশের ঘরে। ভাই বোন ঠিকই। বোনটি আবার দাদার চাইতে আরও ধুরন্ধর। দশ বছর বয়েস থেকে দাদার ডান হাত হয়ে জোচ্চুরি ব্যবসা চালাচ্ছেন, এখন দাদাকে হাতে ধরে শেপান। চলনাব কি শেষ আছে? তীর্থে নিয়ে যাবার লোভ দেখিয়ে একটি বুড়ী মহিলার কাছ থেকে ওই হারটি হাতিয়ে এনে ডুব। সেই থেকে খুঁজে বেড়াচ্ছি। ফসকাচ্ছিল—জিনিসপত্র সব বুক হয়ে গেছে, টিকিট কাটা, পালাচ্ছিল ম্যাড্রাসে। আরে বাবা, ক্যালকাটা পুলিশের হাত ফসকানো অত সোজা নয়।...চলুন তা হলে—কী বলব আপনাকে—কমলা রায়? বাসন্তী ভৌমিক?

শিখা তালুকদার ? না, চন্দনা চ্যাটার্জি ? থাক, নামেতে কী করে ? গোলাপে  
যে নামে ডাক সৌরভ বিতরে ।

রীতিমত রসিক ভঙ্গলোক । এবং তাঁর সেই গুণগনার পরিচয় দিতেও  
উৎসুক ।

এই, হঠাৎ যাও ।—সামনের লোকটাকে অকারণ খিঁচিয়ে সোনার হার  
ছড়াটা পাঁচজনের চোখের সামনে নাচাতে নাচাতে অবহেলাভরে অফিসার  
মচ মচ করে এগিয়ে যান । মানে, পিছনে দুটো নর-নারীকে প্রায়  
পিটোতে পিটোতে নামিয়ে নিয়ে যায় দুটো কনস্টবল ।

তবু—তবু সেই নারীর পদক্ষেপে যেন বিজয়িনীর ভঙ্গী ।

চললাম তা হলে শঙ্করবাবু ।

চমকে ওঠে শঙ্কর । চমকে ওঠেন পুলিশ অফিসারও ।

আপনাদের মধ্যে পরিচয় আছে দেখছি যে—

আপনার দেখাটা ভুল নয় । থাকাটায় আশ্চর্যের কী আছে, প্রতিবেশী  
তো । -

হঁ । আপনার কুম নম্বর ?

থার্মিফাইভ ।

ধন্যবাদ ।

কোথায় যেন একটা চোখে চোখে ইশারা হয়ে গেল । অর্থাৎ শঙ্করকে  
বাঘে ছুল ।

কিন্তু শঙ্করের যেন এত বড় ভয়েও ভয় নেই, আন্তে আন্তে ঘরে ফিরে  
এসে ফের কাজটা নিয়ে বসে । দূর, ভাল লাগছে না । কী হবে সেরে ?  
জীবনভোর শুধু কতকগুলো ভাঙা যন্ত্রই মেরামত করে এল সে । আচ্ছা,  
চেষ্টা করলে মেরামত করে তুলতে পারে না একটা দোমড়ানো-মোচড়ানো  
ভাঙা মামুষ ? কচি বেলাতেই যাতে ঘুণ ধরেছে ।

জামিন দিতে কত টাকা লাগে ?

হাজার ?

আরও একবার যোগাড় করা যায় না ?

